







# କବିଘୁରୁ ଗ୍ୟେଟେ

( ଚରିତକଥା ଓ ସାହିତ୍ୟ-ପରିଚୟ )

ପ୍ରଥମ ଅଂଶ

କାଞ୍ଚି ଆବହୁଳ ଓହ୍ଲ

ଜେଭାରେଲ୍ ପ୍ରିଣ୍ଟର୍ସ ଯାନ୍ସ ପାରିଶାସ୍ ଲିମିଟେଡ୍  
୧୧୯ ଧର୍ମତଳା ସ୍ଟ୍ରିଟ୍, କଲିକତା



প্রকাশকঃ শ্রীসুদ্রেশচন্দ্র দাস, এম-এ  
জেনারেল প্রিন্টার্স ব্ল্যাঙ্ক পারিশার্স লিঃ  
১১৯, ধর্মতলা স্ট্রীট, কলিকাতা

প্রথম সংস্করণ—১৩৫৩

মূল্য :

প্রথম খণ্ড ৫/-

দ্বিতীয় খণ্ড ৩।০

জেনারেল প্রিন্টার্স ব্ল্যাঙ্ক পারিশার্স লিমিটেডের  
মুদ্রণ বিভাগে [অবিনাশ প্রেস—১১৯, ধর্মতলা স্ট্রীট,  
কলিকাতা] শ্রীসুদ্রেশচন্দ্র দাস, এম-এ কর্তৃক প্রদ্রুত

## নিবেদন

বাংলা ১৩৩৬ সালে ঢাকার “মুসলিম সাহিত্য সমাজে” গোটে সপ্তকে একটি প্রবন্ধ পাঠ করি। সেই প্রবন্ধটি কিঞ্চিৎ পরিবর্তিত হয়ে এই গ্রন্থে অবতারণিকা রূপে ব্যবহৃত হয়েছে।

বলা বাহুল্য গোটের বিরাট জীবন ও সাহিত্য সপ্তকে এই ক্ষুদ্র প্রবন্ধ লিখে আদৌ সম্ভব হতে পারিনি। তাই কল্যাণীর আবদুল কাদির বর্ষন ১৩৩৭ সালে তাঁর “জয়ন্তী” প্রকাশ করেন তখন তাতে গোটের কিছু বিবৃত পরিচয় দিতে চেষ্টা করি। “জয়ন্তী” বন্ধ হয়ে গেলে “প্রদীপে” ও পরে “ছায়াবীথি”-র কয়েক সংখ্যায় এই লেখা চলে। এই ভাবে ধীরে স্তব্ধ ১৩৪১ সাল পর্যন্ত গোটের প্রথম জীবনের পরিচয় একরকম দেওয়া হয়। সেই দিনে ঢাকা ইনটারমিডিয়েট কলেজের প্রিন্সিপাল সাহিত্য-রসিক শ্রীযুক্ত অরেন্দ্রনাথ মৈত্র মহোদয় আমার লজ্জা গোটে সপ্তকে কয়েকখানি মূল্যবান গ্রন্থ সংগ্রহ করেছিলেন, তাঁর সেই প্রীতি আজ প্রচার লগ্নে স্মরণ করছি।

প্রায় সাত বৎসর পরে পুনরায় গোটের আখ্যায়িকা আরম্ভ হয়—প্রধানত আবদুল কাদিরের আগ্রহে আর “শিশুমহলে”র তরুণ সম্পাদকের তাগিদে। “শিশুমহল” বন্ধ হয়ে যেতে দেয়ি হয়নি; কিন্তু এই মহাজীবনের প্রতি আমার নবীভূত অমুরাগ যে মন্দীভূত হয়নি এজন্য নিজেকে ভাগ্যবান জ্ঞান করছি।

গোটে সপ্তকে বাংলা ভাষায় কোনো গ্রন্থ নেই বলেই চলে—ভেতন বিবৃত আলোচনাও নেই। কিন্তু বাংলার একালের জীবন ও সাহিত্যের লগ্নে গোটের যোগ দ্বিবিড়। বহুদিন পূর্বে বঙ্কিমচন্দ্র লক্ষ্য করেছিলেন গোটের জীবনের সমৃদ্ধি আর রবীন্দ্রনাথের লগ্নে তাঁর যে যোগ তা এত গভীর যে তাকে আন্থিক যোগ বলা যেতে পারে। রবীন্দ্রনাথ আমাদের দেশের মাত্র একজন বড় কবি নন, আমাদের একালের বাংলার বা ভারতের জীবন-সাধনার শ্রেষ্ঠ পুরুষ। তাঁর সেই সাধনার কেন্দ্রীভূত হয়েছে আমাদের অতীত ও বর্তমানের বোধ, ভবিষ্যতের আশা, আর লগ্নতের লগ্নে আমাদের অচ্ছেদ্য যোগ। এ সপ্তকে দেশের চিন্তাশীলরা ধীরে ধীরে সচেতন হচ্ছেন। হয়ত সেই চেতনাই আমাকে দুঃসাহসী করেছে একালের ইয়োরোপের ভাব ও জীবন-খনির এই মহামূল্য হীরকের সন্ধানী হতে : এই সুপরিচ্ছন্ন ও সুপরিষ্কৃত হীরকের লগ্নে তুলনায় আমাদের মবল্লভ হীরকের মূল্য ও মর্যাদা উপলব্ধি অপেক্ষাকৃত সহজ হবে এই আশায় আমি আশাবিত্ত হয়েছি; আর কালে কালে সবাই হয়ত এ বিষয়ে নিঃসন্দেহ হবেন যে অষ্টাদশ শতাব্দীর ইয়োরোপের যে সম্মানবিক্রয়ার সাধনা—New Humanism—পাঁচাত্তো তার শ্রেষ্ঠ কল গোটে, আর

প্রাচ্যে তার শ্রেষ্ঠ কল উনবিংশ শতাব্দীর বাংলার জাগরণ বার ব্যাপকতম প্রকাশ রবীন্দ্রনাথে।

এই গুরু ব্রতের উদ্‌ঘাটনায় যে সামর্থ্যের প্রয়োজন হুঁত্যাগক্রমে তার অতীত আমাতে যথেষ্ট। জার্মান আদি জাতি না, তাতে গোটের মূল রচনার সৌন্দর্য উপলব্ধির ভাণ্ড আমার হয়নি। তবু পশ্চাৎপদ হইনি প্রথমত এই মহাপুরুষেরই অভয়দাজে— তিনি বলেছেন অমুবাদে যে সাহিত্য মৰ্যাদাহীন হয় সে-সাহিত্য শ্রেষ্ঠ সাহিত্য নয়,— আর তার সঙ্গে আমার অন্তরের এই প্রত্যয়ে যে এই প্রতিভার প্রতি রয়েছে আমার অশেষ শ্রদ্ধা। জ্ঞানের ক্ষেত্রে এই অমুবাদ ও অমুরাগ সাধারণত অবিবাক্ত, কিন্তু আসলে হয়ত এ দুটি কম নির্ভরযোগ্য নয়, কেননা, সত্য দুজ্ঞের, বা নিয়ে আমাদের কারবার তা মোটের উপর অমুবাদ আর অমুরাগের মতো ব্যাপার। অবশ্য এই অমুরাগের সত্যকার মূল্যও বিবেচ্য, তবে সে-বিবেচনার ভার আমার পরে নয়।

গোটের সাহিত্যেরও পরিচয় দিতে চেষ্টা করেছি কেননা তাঁর জীবন ও সাহিত্য অঙ্গীকৃত্যে যুক্ত। কিন্তু আমার মুখ্য উদ্দেশ্য তাঁর অপূর্ণমুদ্র জীবন আমার স্বদেশীয়দের সামনে উন্মোচিত করা—সেই জীবন পরমমনোহর রূপ ধারণ করেছে তাঁর সাহিত্যে। সেই জীবনকে খ্যান্ডনামা দিনেমার সাহিত্যিক ব্রান্ডেল (Brandes) বলেছেন উৎকৃষ্টতম মানবতার বিগ্রহ—the incarnation of humanity at its loftiest. বহুদিন পূর্বে কার্লহিল ও এমার্সন এই ধরণের মত ব্যক্ত করেছিলেন আর একালে ক্রোচেও প্রকারান্তরে এই মত সমর্থন করেছেন। আমরা এই মত পুরোপুরি স্বীকার করি আর না-ই করি এ বিষয়ে মতভেদের অবকাশ নেই যে একালের মানুষের যে ব্যাপক জীবন-বোধ ও বিশ্ব-বোধ তার এক মহা মন্ত্রজ্ঞা ও দৃষ্টান্ত-স্থল এই গোটে। পতিত ভারতের সৌভাগ্যক্রমে তারও কোলে একালে এমন দুই জীবনবাহী ও বিশ্ব-সন্তান জন্মগ্রহণ করেছেন, আর তার হুঁত্যাগের বড় কারণ হয়ত এই যে এই বরেন্দ্র ভারত-সন্তানদের নির্দেশ আজো তাঁদের স্বদেশীয়দের অনেকের চোখে পরিচ্ছন্ন রূপ গ্রহণ করেনি। গোটের বহু ও সবল মুক্তবুদ্ধি হয়ত আমাদের দেশকেও সাহায্য করবে জীবনের দারিদ্র্য, প্রতিভা, ধর্ম, স্বদেশ-প্রেম, অতীত বর্তমান ও ভবিষ্যতের অর্থ ও যোগাযোগ, সব কথাই আরো ভাল করে বুঝতে, যেমন ইরোরোপের ও আমেরিকার চিং-প্রাকর্ষ তাঁর প্রভাবে লাভবান হয়েছে। বুদ্ধ কবীর আকবর রাসমোহম রবীন্দ্রনাথ—ভারতের এই পঞ্চ আগ্রস্ত আত্মার মণ্ডলে হারী আসল লাভ করুন ইরোরোপের আগ্রস্ত আত্মা গোটে।

যে শক্তিমান জাতির ভিতরে গোটের জন্ম আজ তার গতি হয়েছে তাঁর নির্দেশের বিপরীত পথে। তাঁর স্বজাতির এই দুর্বলতা লক্ষ্যে তিনি লচেন্তন ছিলেন। জগতে এমন ঘটনা নূতন নয়। ভারতের ঋষি বলেছিলেন সর্বং ধ্বিনং ব্রহ্ম, কিন্তু সেই

ভারতে দেখা দিল উৎকট অস্পৃহতা ; মুসলমানের লাভ হয়েছিল এই নির্দেশ—ধর্মে বল প্রয়োগ নিবেধ, কিন্তু মুসলমানের ইতিহাসে মতের অসহিষ্ণুতা আঝে চোখে পড়বার মতো। এই সব অবশ্যস্বাভাবী হুঁশ-বিপত্তির উর্ধ্বে সত্য আর সত্যময় জীবনের প্রদর অবিস্তার—যেমন ঝড়-ঝঞ্ঝার দুর্ধোগে অবিচলিত সূর্য চন্দ্র ও নক্ষত্রের মহিমা।

গ্যেটের প্রথম জীবনের কাহিনী তাঁর আত্ম-চরিত থেকে সংগ্রহ করেছি, আর তাঁর শেষ বয়সের “একেরমান ও সোরের সঙ্গে আলাপ” থেকে সংগ্রহ করেছি তাঁর বহু অমূল্য বাণী। তাঁর বেশব চরিত্রকারের সাহায্য গ্রহণ করেছি তাঁদের নাম গ্রহণমধ্যে সসন্মানে উল্লিখিত হয়েছে। এঁদের মধ্যে লুইস (Lewes) উনবিংশ শতাব্দীর মধ্য-ভাগের লোক, আর সবাই একালের লোক। কিন্তু পুরাতন হলেও লুইসের গ্রন্থ আঝে মূল্যবান। ব্রাণ্ডেনের গ্যেটে-চরিত্রের ইংরেজী অনুবাদ প্রকাশ হওয়ার পরে তথ্যের দিক দিয়ে লুইসের মূল্য হয়ত কিছু হ্রাস পেয়েছে কিন্তু বিচারের দিক দিয়ে নয়। হিউম ব্রাউন (Hume Brown) বেশ সহজ সরল। পল কারাসের (Paul Carus) বইখানি বহুচিত্তভূষিত, গ্যেটের বহু কবিতার অনুবাদও তাতে রয়েছে। রবার্টসনের (Robertson) দুইখানি গ্রন্থই কতকগুলো প্রবন্ধের সমষ্টি; তাঁর Goethe in the Twentieth Century বইখানি আমার বেশী কাজে লেগেছে। লুডভিগের (Ludwig) গ্রন্থ বোধ হয় সব চাইতে জনপ্রিয়। তা থেকে বহু তথ্য সংগ্রহ করেছি, কিন্তু তাঁর মত সব সময়ে গ্রহণ করতে পারিনি। মনে হয়েছে তিনি কিছু বেশী ভ্রমপ্রিয়। ক্রোচের (Croce) বইখানি অপেক্ষাকৃত ছোট কিন্তু বিচারের পরিচ্ছন্নতার সব চাইতে মূল্যবান। এক হিসাবে তাঁর গ্রন্থ লুডভিগের গ্রন্থের প্রতিবাদ। লুডভিগ দেখাতে চেঁটা করেছেন যে গ্যেটে জীবনের প্রায় চিরকাল ধরে চলেছে দেবানুগের তীব্র সংগ্রাম, কিন্তু ক্রোচে দেখাতে চেঁটা করেছেন : গ্যেটের প্রতিভা অল্প বয়সেই এক অসাধারণ সমুন্নত লাভ করেছিল আর আমৃত্যু তা অক্ষুণ্ণ ছিল—সংগ্রাম এক হিসাবে চিরকালই তাঁর জীবনে চলেছিল কিন্তু অনিশ্চিত জয়-পরাজয়ের পালায় অবসান হয়েছিল অপেক্ষাকৃত অল্প বয়সে। গ্যেটের জীবনের ঘটনা পরমঅর্থপূর্ণ হলেও তাঁর প্রেঁট পরিচর তাঁর সাহিত্যের মধ্যেই নিহিত এই মতের উপরেও তিনি জোর দিয়েছেন।

ঢাকা ইন্টারমিডিয়েট কলেজ গ্রন্থাগার, ঢাকা বিশ্ববিদ্যালয় গ্রন্থাগার, ইম্পিরিয়াল লাইব্রেরী, কলিকাতা বিশ্ববিদ্যালয় গ্রন্থাগার, রাজসাহী কলেজ গ্রন্থাগার ও কতিপয় বন্ধুর পারিবারিক গ্রন্থাগার থেকে প্রয়োজনীয় গ্রন্থ সংগ্রহ করেছি। এই সব প্রতিষ্ঠানের কতৃপক্ষকে ও সহস্র বন্ধুবর্গকে আন্তরিক ধন্যবাদ নিবেদন করছি। জার্মান গ্রীক প্রভৃতি নামের প্রতিভিলম্বে বথাসম্ভব ভক্তের ত্রিযুক্ত সুনীতিকুমার চট্টোপাধ্যায় মহাশয়ের অনুবর্তী হয়েছি। তাঁকেও আন্তরিক ধন্যবাদ নিবেদন করছি।

বইখানি বাদের কাছে আকারে বড় মনে হবে তাঁরা এটি ধারাবাহিকভাবে না

পড়ে বখন বেখানে খুলী পড়তেও পারেন। ডলটেরার তাঁর এক বড় বই এইভাবে পড়বার লক্ষ পাঠকদের আহ্বান করেছিলেন। আমি আহ্বান করছি আমার নিষেধ কৃতিত্বের স্পর্ধায় অবশ্য নয়—কেননা এ ক্ষেত্রে আমি মুখ্যত আহরণকারী—আমার বিষয়টি অসাধারণ ভাবে সারবান ও রসাল এই ভরসায়।

জ্যৈষ্ঠ, ১৩৫১

পুনশ্চ:—স্বনামধন্ত পণ্ডিত শ্রীযুক্ত বিনয়কুমার সরকার মহাশয় মূল “প্রাচ্য-প্রতীচ্য দিউরানে”র একটা বড় অংশের সঙ্গে আমার অনুবাদ মিলিয়ে দেখেছেন। আর কলিকাতা বিশ্ববিদ্যালয়ের “জার্মান প্রাইমারে”র লেখক কবিত্বজ্ঞানিক শ্রীযুক্ত হরগোপাল বিশ্বাস মহাশয় অশেষ শ্রম স্বীকার করে মূল “ফাউন্ট” প্রথম ও দ্বিতীয় খণ্ড, “প্রাচ্য-প্রতীচ্য দিউরানে”র অবশিষ্ট অংশ, আর “অনুভবগতরী”র সঙ্গে আমার অনুবাদ মিলিয়ে দেখেছেন। সৌভাগ্যক্রমে সর্বত্রই মাজাধারার প্রয়োজন হয়েছে খুব কম। এই মহদয় বন্ধুরা আমাকে চিরকৃতজ্ঞতা-পাশে আবদ্ধ করেছেন। বন্ধু বর হরগোপাল মূল বইগুলো সংগ্রহ করেছিলেন কলিকাতা বিশ্ববিদ্যালয়ের অধ্যাপক ডক্টর লেভি ও কলিকাতা-প্রবাসী জার্মান-দস্ত-চিকিৎসক ডক্টর পল এম্ ডক্টরের গ্রন্থাগার থেকে। এঁদেরও ঋণ শ্রদ্ধার সঙ্গে স্বীকার করছি।

ফাল্গুন, ১৩৫১

## সূচী

অবতরণিকা	...	...	১
কৈশোর			
পিতৃগৃহ	...	...	১১
লাইপৎসিগ্	...	...	১৩
অনুস্থতা	...	...	১৭
ভ্রমণ কবি			
সুট্রাস্বর্গ	...	...	২২
হেউর	...	...	২৪
নৃত্যশিক্ষা	...	...	২৬
ক্রীডেরিকা	....	...	২৮
গৃহে প্রত্যাবর্তন			৩১
ঝড়-ঝাপ্টা যুগ	...	...	৩৩
গ্যাংস্ ফন বেদিধ্বজন	...	...	৩৪
মের্ক	....	...	৩৭
ভেৎস্‌লার	...	...	৪০
দেববাণীর ব্যর্থতা	...	...	৪৩
কয়েকটি খণ্ড-কাব্য	..	...	৪৪
ভেটর	...	...	৪২
সমালোচকদের হাতে হেউর	...	...	৪৬
ক্লাভিগো	...	...	৪৭
মহাজন সম'গম	....	...	৫০
লিপি	...	...	৫৫
কর্মব্রত			
ভাইমার বাত্রা	....	...	৬১
উত্তাম-বাটিকা	....	....	৭২
ভাইমারের গুপ্তী-সমাজ	...	...	৭৪
রাজ-মন্ত্রী	...	....	৭৬
সন্ধিকাল	...	....	৭৭

নব-চেতনা	....	....	১৬
ইফিগেনিয়া	...	....	১৭
পুরাতন স্মৃতি	....	....	১৮
কার্ল আউগুস্ট	....	....	২০
ইতালি-বাজার আয়োজন	....	....	২৩
বাগি-পূজা			
ইতালি-প্রবাস	....	....	২৬
এর্গামেন্ট	....	....	১০২
ভাস্‌লো	....	....	১০৬
প্রত্যাবর্তন	....	...	১১০
ক্রিস্টিয়ানা	....	....	১১৩
শার্লোট ফন বট্টাইম	...	...	১১৬
ফরাসী-বিপ্লব	....	....	১২৩
শিলার	....	....	১২৭
ভিল্‌হেল্ম মাইস্টার-এর শিকানবিলী		....	১৩২
হেরমান ও ডোরোথিয়া		....	১৬৪
হের্ডরের তিরোধান		...	১৬৮
ভিঙ্ক্ল্যানের জীবনচরিত		....	১৬০
নাট্যপরিচালনা	....	....	১৬২
বিজ্ঞান-সাধনা	....	...	১৬৪
ফাউস্ট			
প্রস্তাবনা	....	....	১৬৭
গ্রন্থারম্ভ	....	...	১৮০
তুঙ্কি-পত্র	....	....	২৫২
মির্দেসিকা	....	...	২৫৩
চিত্র-সূচী			
১৬ বৎসর বয়সে	...	...	প্রথম চিত্র
২৩ বৎসর বয়সে	...	...	৫২
৩০ বৎসর বয়সে	...	...	প্রচ্ছদ-পট
৭১ বৎসর বয়সে	...	...	১১৮
৫০ বৎসর বয়সে	...	...	১৬৯







১৬ বৎসর বয়সে

## অবতরণিকা

ক্রেচে তাঁর 'গ্যোট' গ্রন্থে গ্যোটের মনীষা ও কাব্য সঙ্কে নানা বিচার-বিশ্লেষণের পরে বলেছেন : সাহিত্যের ইতিহাসের ক্রমবর্ধনের দ্বারা গ্যোটের কি স্থান তা নির্দেশ করতে তিনি অক্ষম। বলা বাহুল্য এই অক্ষমতার অন্য নাম আপত্তি, কারণ, তাঁর মতে, প্রত্যেক কবি হচ্ছেন এক একজন স্বতন্ত্র স্রষ্টা, আর তাঁর সৃষ্টির বিষয় হচ্ছে তাঁর নিজের ব্যক্তিত্ব তাঁর জীবনের সঙ্গে যার অবসান, পরে পরে যারা আসেন তাঁরা যদি সত্যাকার কবি হন তবে নতুন-কিছু সৃষ্টি করেন আর তা না হলে অঙ্কুরণ করেন, কিন্তু অঙ্কুরার স্থান কাব্যের ইতিহাসে সত্যই নেই। তবু তিনি স্বীকার করেছেন :

গ্যোটের কাব্যে, তাঁর সমৃদ্ধ বৈচিত্র্যবিশালী রূপগ্রাহী ও প্রখরবোধ চিত্রে প্রথম স্পষ্টভাবে প্রতিভাত হচ্ছিল আধুনিকতার বহনিক।

অনেক সাহিত্যিকই গ্যোটের প্রশংসায় পঞ্চমুখ। কিন্তু তাঁর সম্বন্ধে সব চাইতে উজ্জ্বল প্রশংসা বোধ হয় কার্লাইলের। তিনি তাঁর Hero and Hero-worship গ্রন্থে Hero as man of letters অধ্যায় গ্যোটের কথা দিয়ে শুরু করেছেন আর গ্যোটের প্রতিভা যে জগতে এক নতুন বিষয়, যে মরুভূমির মহামানবের প্রতি তিনি গভীর শ্রদ্ধা নিবেদন করেছেন তাঁর প্রতিভার চাইতেও গ্যোটের প্রতিভা যে উচ্চতর গ্রামের, এসব কথা বলবার পর বলেছেন—গ্যোটের কথা থাকুক, আপাতত কেউ তাঁকে বুঝবে না, এই বলে তিনি রুসো বার্নস্ প্রমুখ সাহিত্যিকদের মাহাত্ম্য-কীৰ্ত্তনে মনোনিবেশ করেছেন।—কিন্তু ক্রেচে যে গ্যোটের প্রতিভাকে আধুনিকতার—modern spirit—এর—এক বড় প্রতীক বলেছেন সেইটি বুঝতে পারলে গ্যোটের সঙ্গে আমাদের সত্যাকার পরিচয় খানিকটা হবে।

গ্যোটের ভিতরে এই যে স্ববৃহৎ নতুন মন, বলা যেতে পারে, Renaissance-রুচিত মানসিকতার তা এক বড় পরিণতি। শিক্ষিত ব্যক্তিত্বা জ্ঞানেন ইরোয়োগের রেনেসাঁস (নবজন্ম) কয়েক শতাব্দীব্যাপী ঘটনা, বহু লক্ষণের দ্বারা জটিল, আর তা শুধু সৌন্দর্য ও আনন্দের কাহিনীই নয় তার সঙ্গে বিশেষ রয়েছে অনেকখানি কদম্বতাও—টলস্টয় তাঁর শেষ বয়সের কতকগুলো রচনার দ্বারা দিকে তাঁর বলিষ্ঠ তর্জনী নির্দেশ করেছেন। তবু এ সত্য যে রেনেসাঁস-কাহিনী মোটের উপর মাহুয়ের উত্তর চিন্তাক্ষেত্রের ত্রাণশ্রী ভূষিত হবার কাহিনী, মাহুয়ের মর্ত্য-জীবনের আশা-আকাঙ্ক্ষার সূত্র-সত্তোগের এক মধুর গভীর কাহিনী। কিন্তু এই রেনেসাঁস-পুষ্পের সৌরভে ফ্রান্স ইতালী ইংলও

ঐতিহ্য দেশে আমোদিত হলেও তুহিনাবৃত জার্মানী তা থেকে বহুদিন পৰ্বন্ত বঞ্চিত ছিল। ষোড়শ শতাব্দীতে দেখানে দেখা দিল ধর্মআন্দোলন—Reformation—আপাত-দৃষ্টিতে বা বহুদিক দিয়ে রেনেসাঁসের বিপরীতধর্মী। অষ্টাদশ শতাব্দীর জার্মানীর যে Classicism—প্রাচীন গ্রীক শিল্প ও সাহিত্যের সঙ্গে পরিচয় লাভের চেষ্টা—তারই সঙ্গে বরং রেনেসাঁসের আত্মীয়তা বেশী। কিন্তু জার্মানীর এই প্রাচীন শিল্প ও সাহিত্যের পরিচয় লাভের চেষ্টা তার পূর্ববর্তী ধর্মসংস্কার আন্দোলনের বিপরীতধর্মী বোধ হলেও আসলে এটি রেনেসাঁস ও ধর্মসংস্কার-আন্দোলনের এক সমন্বয়। এই প্রাচীন-গ্রীক-শিল্পের-পুনরুজ্জীবনবাদীদের সৌন্দর্য্যভ্রমরোগ রেনেসাঁসের, কিন্তু তাঁদের সত্য ও স্বদেশ-অহুসার, অস্ত্র কথায় কল্যাণ-অহুসার, ধর্মসংস্কার আন্দোলনের। এই পুনরুজ্জীবনবাদীদের একজন শ্রেষ্ঠ নায়ক লেসিংয়ের (Lessing) একটি উক্তি খুব প্রাধান্যবোধ্য। শিল্পতত্ত্ব বোঝাবার জন্য তিনি লিখেছিলেন ‘লাওকোওন’ (Laokoon)—এক জগদ্বিখ্যাত বই যদিও আকারে ক্ষুদ্র—তিনিই বলেছিলেন :

জৈবর যদি এক হাতে পূর্ণজ্ঞান অস্ত্র হাতে প্রয়াসের অনন্ত ছুঃখ...এই ছুটি নিয়ে বলেন, কোন্টি নেবে বল, তাহলে বলবো, পিতঃ, প্রমাদহীন পূর্ণজ্ঞান তোমাতেই সাজে, আমাকে দান কর অনন্ত প্রয়াস।

একটা দেশের বা জাতির নবজন্মে প্রতিবিম্বিত যেন বসন্ত ও বর্ষার নৈসর্গিক প্রাচুর্য। বসন্তের আগমনে দেখা দেয়-গাছে গাছে নতুন পাতা, ডালে ডালে লাখে পাখীর আনন্দ-গান, বর্ষার দেখতে দেখতে নদীনালা ভরে’ ওঠে উপরের নিরন্তর বর্ষণ; একটা জাতির নবজন্ম-কালে তেমনি একই সময়ে বিভিন্ন ক্ষেত্রে বহু কর্মীর আবির্ভাব ঘটে। অষ্টাদশ শতাব্দীর জার্মান-নবজন্মে দেখতে পাই—চিত্রের ক্ষেত্রে এজার (Æser) ভিন্ডক্লমান (Wincklemann), সঙ্গীতে মোৎসার্ট (Mozart) বেটোফন (Bethoven), সাহিত্যে লেসিং (Klopstock) ভীলান্ড (Wieland) হের্ডর (Herder) গ্যোটে (Goethe) শিলার (Schiller) শ্লেগেল (Schlegel), দর্শনে কান্ট হেগেল ফিক্টে শোপেনহাউজের ইত্যাদি। এ যেন—দেখতে দেখতে গগন বিদীর্ণ করে’ দাঁড়ালো বিচিত্রশীর্ষ বিরাট পর্বতমালা! বিশেষজ্ঞেরা বলেন এই শৃঙ্গমালার উচ্চতম মহত্ত্বটির নাম গ্যোটে।

লুইস বলেছেন :

সাহিত্যিকদের চরিত্রে সাধারণত যে সব দুর্বলতা দেখা যায় সেসবের মধ্যে জর্বা প্রাধান্য, এই জর্বা গ্যোটেতে ছিল না বলা চলে; যে সব গুণ মহত্বের অলঙ্কার সেসবের মধ্যে ঔদার্য প্রাধান্য, এই ঔদার্য গ্যোটেতে ছিল অপরিণত।

এ আদৌ অতিরঞ্জন নয়। এই অসাধারণ প্রতিভা তাঁর প্রতিভার ভার অবলীলাক্রমে বহন করেছেন; কত সহজভাবে তিনি বলেছেন :

শুধু নিজের উপরে নির্ভর করে' খুব উচুতরের প্রতিভাও বেশী দূর অগ্রসর হতে পারে না। কিন্তু অনেক সাধুশুশ্রূষা ব্যক্তি এই ব্যাপারটি বুঝে উঠতে পারে না, তার ফলে তাদের মৌলিকতার স্বপ্ন নিয়ে অর্থেক জীবন তারা অন্ধকারে হাণ্ডে কাটায়।...আমি বা করতে পেরেছি তা শুধু আমার নিজের জ্ঞানের ফলেই নয়, আমার চারপাশের শত সহস্র ব্যাপার ও ব্যক্তি আমাকে বেসব উপকরণ জুগিয়েছে তারও ফলে। মূর্খ ও পণ্ডিত, উদার মন ও সংকীর্ণ-মন, বালক যুবক বৃদ্ধ, সবাইই কাছ থেকে জেনেছি কি তারা অহুত্বব করেছে, ভেবেছে, যেমন করে' তারা জীবন কাটিয়েছে, কাজ করেছে, আর কি অভিজ্ঞতা তাদের লাভ হয়েছে। অপরে যে-ফসল পত্তন ক'রে গেছে, হাত বাড়িয়ে তা সংগ্রহ করার চাইতে বেশী-কিছু আমি করিনি।

তার পূর্ববর্তী ভিক্টরল্যান্ড লেনিং হের্ডের প্রভৃতির কাছে তার ঋণ বারবার তিনি স্বীকার করেছেন। কিন্তু তবু এ সত্য যে গোটে যদি এমন অপরিসীম-কীর্তি-মণ্ডিত না হতেন তবে তার পূর্ববর্তীদের মাহাত্ম্য পরিকীৰ্তিত হবার সুযোগ কম ঘটতো—যেমন কোনো পরিবারকে লোকচক্ষে গৌরব-মণ্ডিত করে তার বহু স্বল্পকীর্তি সন্তান নয় তার একজন অতুলকীর্তি সন্তান।

তার গুরুদেব কয়েকজনের নাম উল্লেখ করা হয়েছে। এঁদের সঙ্গে রুসোর নামও উল্লেখযোগ্য। আর বিশেষভাবে উল্লেখযোগ্য অন্যমধ্য দার্শনিক স্পিনোজার নাম। কিন্তু তার কাব্যের সত্যাকার উৎস তাঁর এই গুরুরা বতখানি তার চাইতে অনেক বেশী তাঁর নিজের জীবনের অভিজ্ঞতা—বিশেষ করে' তাঁর প্রণয়-ব্যাপার। এই প্রেমের দহন তিনি প্রায় সারাজীবন ভোগ করেছেন। বাস্তবিক গোটের ভিতরে একই সঙ্গে এই দুই খারা প্রবলভাবে বিস্তমান—একটি জ্ঞান-অন্বেষণ, অপরটি প্রেম-বিধুরতা।

গোটের প্রণয়-কাহিনী তাঁর জীবন ও কাব্যের ইতিহাসে খুব বড় জায়গা দখল করে' আছে। কিন্তু এ ব্যাপারে তাঁকে ভুল বোঝা এতই স্বাভাবিক যে তাঁর স্বদেশ-বানীরাও বহুকাল পর্যন্ত তাঁকে হীন রঙে রঞ্জিত করে' এসেছেন। আমাদের জ্ঞাত ব্যাপারটি আরো জটিল এইজন্য যে আমাদের সংস্কার অনেক বিভিন্ন তা বতই কেমন আমরা ইয়োরোপের প্রতি খ্রীতিসম্পন্ন না হই।

দৃষ্টান্তস্বরূপ উল্লেখ করা যেতে পারে কন্‌স্টান্টাইন-শতাব্দীর সঙ্গে তাঁর দীর্ঘকালব্যাপী সম্পর্ক। তাঁর চরিত্রকারদের কেউ কেউ এটিকে বলেছেন এক প্রগাঢ় বন্ধুত্বের সম্পর্ক—আত্মিক প্রেম, অপরে এ মত স্বীকার করেন নি। তেমনভাবে অদ্বুত বৃদ্ধ বয়সে যুবতী বন্ধুপত্নী মারিয়ানা ফন ভিলেমার-এর সঙ্গে তাঁর খ্রীতির বোগ বা

বিশেষ প্রেরণা লক্ষ্য করতেন ইরানী-কবি হাফিজের অমূল্যরূপে তাঁর সুবিখ্যাত প্রতীচ্য-প্রাচ্য দিওয়ান ( West-Eastern Divan ) রচনার। কিন্তু এসবের জন্য যারা তাঁকে বৈরাচারী বলতে চান তাঁদের মত গ্রহণ করতে অনেক সাহিত্যিকের মতো আমাদেরও বেছে বেছে বিশেষ করে' এই কারণে যে কবির অন্তরাঙ্গা প্রতিফলিত হয় যাতে সেই কাব্যে গ্যোটে বেশব প্রেমের ছবি অঙ্কিত করেছেন সেসব ফুটেছে অপরিণীম পবিত্রতা আর অলোভ। এখানে ছ'টি দৃষ্টান্তের উল্লেখ করা যেতে পারে। তাঁর নবযৌবনের 'তরুণ ভেটরের দুঃখ' এ ( Sorrows of young Werther ) নায়ক ভেটর বিবাহিতা শার্লোটে'র প্রতি অহুরাগে আত্মহারা, সে এক জার্মান মদ্যু; কিন্তু সেই ভেটরই শার্লোটেকে লক্ষ্য ক'রে এক জায়গায় বলছে :

তার প্রতি আমার ভালবাসা নিষ্পাপ, পরম পবিত্র নয় কি ? আমার অন্তরাঙ্গা কি কখনো একটি পাপচিন্তার দ্বারাও কলুষিত হয়েছে ?

আর তাঁর বৃদ্ধ বয়সের 'স্বয়ম্ভূত সম্পর্কাবলী' ( Elective affinities ) উপন্যাসে নায়ক এডুয়ার্ড তার স্ত্রীকে বিবৃত হয়ে ওটলীর প্রেমে পাগল হয়েছে; কিন্তু ওটলী তার কাছে দেববিগ্রহের মতো পবিত্র, ওটলীর একটু ইঙ্গিতে কঠোরতম সংঘমে সে নিজেকে বাঁধছে।

ক্রোচে বলছেন বটে 'ফাউস্ট' প্রথমখণ্ডে মার্গারেটের সম্পর্কে ফাউস্টের শোভ উৎকট হয়ে উঠেছে, ফাউস্ট তার সমস্ত জ্ঞানভূষণ বিবৃত হয়ে দ্বিতীয় সাহায্যে মার্গারেটকে আয়ত্ত করছে। কিন্তু আমাদের মনে হয়েছে ক্রোচে এক্ষেত্রে কিছু অভিযোজিত করেছেন। দ্বিতী এবং তার আত্মবদিক কদম্বতা অবশ্য অপরিহার্য, কিন্তু প্রথম কয়েক দৃশ্যের বিখ্যাতানের পিপাসু হৃদয়ের ও সর্বল-চিত্ত ফাউস্ট বাস্তবিকই যে বদলে ভোগলিপ্সু হয়ে পড়েছে তা সত্য নয়। মার্গারেটের প্রেমে বাস্তবিকই সে আত্মহারা, মার্গারেটের কক্ষে গোপনে প্রবেশ করে' সে নিজের ভিতরে এক রহস্যময় পরিবর্তন অনুভব করছে :

আর আমি ? কিসের প্রবল আকর্ষণ আমাকে এখানে এনেছে ?

কি গভীর আন্দোলন চলেছে এখন আমার অন্তরে।

কি চাই আমি ? কেন হৃদয় আমার এমন উদ্বেলিত ও ব্যথিত ?

হায় ফাউস্ট ! চেনা যায় না আর তোমাকে।

এখানে কি কোন জাহ্ন-বাল্প আছে ?

আন্তরিকতার কামনা নিয়ে আমি এসেছিলাম

কিন্তু প্রেমের স্বপ্নরূপে আমি এখন নিমজ্জিত।

হাওয়ার প্রতি পরিবর্তনের খেলনা কি আমরা ?

গ্যোটের অগণিত প্রেম-কাহিনীর তাৎপর্য বোঝা কিছু সহজ হবে তাঁর এই সব উক্তি শ্রবণে রাখলে :

পবিত্র বন্ধনে ধরা দিতে চাও না—

তাহলে হে যুবক অভ্যস্ত হও সংঘর্ষে ।

এইভাবেই রক্ষা পাবে তোমার স্বাধীনতা,

আর প্রেমহীন হবে না তোমার অন্তর ।

ভাল সে বাসে না কাউকে ;

তার প্রেমের স্বপ্নকে সে দিয়েছে আমাদের নাম ।

বৃথা গর্জন করে প্রবৃত্তির বশা

কঠিন অজিত উপকূলের সামনে,

বেলাভূমে ছড়ায় তা কবিশ্বের মুক্তা -

লাভ হয় জীবনের কাক্ষিত ধন ।

কিন্তু এমনিভাবে তাঁর পক্ষ সমর্থন করা সম্ভবপর হলেও আমাদের দেশে নর-নারীর এমন সম্বন্ধ কল্পনা করা সহজ কি ? তবে যেদিন আমরা নারীর ব্যক্তিগত পুরোপুরি স্বীকার করবো সেদিন হয়তো আমাদেরও ধারণা করা কঠিন হবে না যে গ্যোটের প্রেম ও প্রয়াস মানুষের সাধারণ জীবনেরই ব্যাপার ।

ফরাসী ভাবুক এমিয়েল গ্যোটে সম্বন্ধে বলেছেন :

তিনি হচ্ছেন গৌরব-যুগের গ্রীক, ধর্মবোধের আত্মিক বেদনা তাঁর কাছে অজ্ঞাত...জগতের বঞ্চিত দুর্বল ও অত্যাচারিতদের প্রতি তিনি প্রকৃতির মতোই উদাসীন ।

কিন্তু গ্যোটে সম্বন্ধে এই ধরণের মত—এক সময়ে বহুলপ্রচলিত—যে অস্রান্ত নর তা এমিয়েল নিজেই সেদিনের ডায়ারির শেষে ব্যক্ত করেছেন :

এই সব জটিল প্রকৃতির লোকদের সম্বন্ধে তাড়াতাড়ি একটা ধারণা করা অসুচিত ।

এই ধরণের মত সম্পর্কে গ্যোটের এই উক্তিটি শ্রবণীয় :

যে সব চাইতে অগ্রভূতি-প্রবণ কেবল সে-ই হতে পারে সব চাইতে কঠিন ও নির্বিকার ; কেননা তাঁর পক্ষে প্রয়োজন হয় নিজেকে বহুস্তর বর্মে আবৃত করা...আর বহু সময়ে এই বর্মে সে পীড়া বোধ করে ।

বলা হয়েছে গ্যোটের ভিতরে একই সঙ্গে প্রেম-বিধুরতা ও জ্ঞান-অধেষণ

বিস্তারিত। এ ব্যাপারটি গোটে সৰ্ব্বদা জিজ্ঞাস্যদের গভীর অধ্যয়নের বিষয়। প্রেমের তিনি যেন একেবারে আত্মহারা হয়ে পড়েন আর তাঁর আর একটি চেতনা যেন বসে' বসে' তাঁর সেই মন্তব্যের কাহিনী সংগ্রহ করতে থাকে। এই আশ্চর্য বাস্তবপ্রীতি— এই যেন গোটে-প্রতিভার সবথানি কথা। তাঁর গুরু ও বন্ধু মের্ক (Merk) তাঁর সৰ্ব্বদা বলেছিলেন : বাস্তব যা তুমি তাকে দাও কাব্যরূপ। তাঁর কাব্যসৃষ্টির এর চাইতে সুন্দর পরিচয় আর দেওয়া যায় না। কিন্তু তাঁর এই বাস্তবপ্রীতি কেন তথাকথিত বস্তুতত্ত্বের পরিণত হলো না সে সৰ্ব্বদা তাঁর নিজের উক্তি এই :

প্রকৃতির গানে শিল্পীর সৰ্ব্বদা দ্বিবিধ ; সে একই সঙ্গে তার প্রভু ও দাস। দাস এই কারণে যে পার্থিব সামগ্রীর সাহায্যে তাকে কাজ করতে হয় নিজেকে বোঝাবার জন্যে ; আর প্রভু এই কারণে যে এইসব পার্থিব সামগ্রী সে উপায়স্বরূপ ব্যবহার করে তার উচ্চতর উদ্দেশ্যে ফুটিয়ে তুলতে। সমগ্রতার সাহায্যে শিল্পী তার মনোভাব ব্যক্ত করে। এই সমগ্রতা কিন্তু প্রকৃতিতে নেই ; এটি শিল্পীর নিজের মনের ফল, অথবা ফলস্বরূপী ঐশ্বরিক প্রেরণা।

গোটের এই ধারণার মতামত অঙ্গুরণ করে' ডক্টর রুডোল্ফ্ হাইনর গোটে সৰ্ব্বদা একটি ছোট বই লিখেছেন, তাতে গোটেকে তিনি দাঁড় করিয়েছেন এক মনোমুগ্ধ-তত্ত্বের প্রতিষ্ঠাতার রূপে। তার মূল কথা কতকটা এই : প্রকৃতির ভিতরে বস্তু পারা যায় এক উদ্দেশ্যের ইচ্ছিত, মাগুনের জীবনে রয়েছে তারও চাইতে বৃহত্তর উদ্দেশ্যের ইচ্ছিত—শিল্পীর রচনায় তারই প্রকাশ। এ সম্পর্কে তিনি গোটের এই উক্তি উদ্ধৃত করেছেন :

প্রকৃতির চূড়ায় অধিষ্ঠিত মানুষ নিজেকে জ্ঞান করে আর এক পূর্ণাঙ্গ প্রকৃতি বলে, তার কাজ হচ্ছে অন্তর-লোকে আর এক চূড়ায় সৃষ্টি করা। এই উদ্দেশ্যে সে তার শক্তির উৎকর্ষসাধন করে,—সমস্ত সৌন্দর্য ও গুণ-পণ্য নিজেকে করে ভূষিত, নির্বাচন শৃঙ্খলা সামগ্রিক অর্থবোধ এসবের হয় তার বিশেষ প্রয়োজন, অবশেষে লাভ হয় তার শিল্পসৃষ্টির যোগ্যতা বা তার অহতাগ কর্তব্য ও কীর্তির পাশে লাভ করে এক বিশেষ মর্যাদার স্থান। একবার যদি এর সৃষ্টি হয়, একবার যদি এই শিল্পসৃষ্টি জগতের সামনে দাঁড়ায় মামল সত্য রূপে তাহলে এর লাভ হয় এক স্থায়ী প্রভাব—শ্রেষ্ঠতম প্রভাব—কেননা বহু শক্তির সম্মেলন-ক্ষেত্রে আদিক শক্তি রূপে এ যে নিজেকে বিকশিত করে' তোলে সেইজন্য জীবনে যা কিছু প্রেম প্রেম ও গৌরবের সে-সবই এর নিজের ভিতরে সঞ্চিত করে, আর এইভাবে মহত্ব-মুখিত প্রাণ সঞ্চার করে' মানুষকে করে মহত্তর, তার জীবন ও

কর্মে পরিমিত করে পূর্ণাঙ্গ, আর অজীভ-ও-ভবিষ্যৎ-সম্বন্ধ বর্তমানে  
তাকে দান করে দেব-মহিমা।

ডক্টর ঠাইনর তাঁর বইখানিতে শেষ মন্তব্য করেছেন এই :

সৌন্দর্য পার্থিব আবরণে এক দিব্য সামগ্রী নয় বরং দিব্য আবরণে  
পার্থিব সত্য।

‘একেরমান ও সোরের সঙ্গে আলাপ’ অধ্যায়ে এ সম্বন্ধে গোটের আরো বহু উক্তি  
আমরা পাব ; তাঁর এই কয়েকটি গভীর উক্তি এই সম্পর্কে উল্লেখযোগ্য :  
সাময়িক কবিতাই আদি ও সব চাইতে অকৃত্রিম কবিতা।

প্রতিভার কাছে আমাদের প্রথম ও শেষ দাবি সত্য-প্রীতি।

প্রত্যেক ব্যাপারে আমি এমন কিছু খুঁজি যা থেকে

প্রভুত বিকাশ সম্ভবপর।...বাক্য সত্য সত্য নয়।

এনলাইফোপিডিয়া ব্রিটানিকায় Poetry শীর্ষক লেখার কবি-দৃষ্টিকে দুই ভাগে  
ভাগ করা হয়েছে : Absolute Vision—শুদ্ধদৃষ্টি, আর Relative Vision—  
আপেক্ষিক দৃষ্টি। এই শুদ্ধদৃষ্টির দৃষ্টান্ত লেখক দেখেছেন শেক্সপীয়ারে ও হোমারে।  
শুদ্ধদৃষ্টি বলতে তিনি বুঝেছেন বস্তুর স্বরূপের উপলব্ধি ও বিবৃতি—কবি নিজের রাগঘেব  
একেবারে ভুলে গিয়ে কোনো বস্তু বা ব্যক্তির মর্মে প্রবেশ করে’ তাকে বুঝেছেন,  
রূপায়িত করেছেন।—এইভাবে সম্পূর্ণ আত্মবিস্মৃত হয়ে শুদ্ধদৃষ্টি লাভ করা মানুষের  
পক্ষে সম্ভবপর কি না, অর্থাৎ শেক্সপীয়ার ও হোমার তাঁদের এই শুদ্ধদৃষ্টির মুহূর্তেও  
শেক্সপীয়ারও ও হোমারও বর্জিত হয়েছিলেন কি না, সহজেই বোঝা যায়, তা সন্দেহের  
বিষয়। তবে এই আত্মবিলোপ মানুষ হিসাবে কবির পক্ষে যতখানি সম্ভবপর সেদিক  
দিয়ে দেখলে বোঝা যাবে, সত্যকার শুদ্ধদৃষ্টি, অর্থাৎ মানুষের মনের বহু স্তরের বহু গ্রামের  
অবস্থা সম্বন্ধে যথাসম্ভব অনাবিল চেতনা, গোটের চাইতে হোমারে ও শেক্সপীয়ারে  
বেশী নয়।†

যৌবনেই গোটে বলেছিলেন :

আমি প্রকৃতির মতো অকৃত্রিম হব, ভাল হব মন্দ হব, তোমাদের বস্তু আদর্শ  
আমাকে বাধা দিতে পারবে না।

এই ধীর সাধনা, প্রচলিত কথায় বাকে বলা হয় কবিত্ব, কাব্য-সৌন্দর্য, তাতেই  
যে তিনি সন্তুষ্ট থাকবেন তা সম্ভবপর নয়। বটেছেও তাই ; গোটে শুধু কবি নন।  
তিনি বিজ্ঞানবিৎ—বিজ্ঞানে তাঁর দান স্বীকৃত হয়েছে—চিত্র-সংস্কার, শেষ বয়সে

† কাউন্ট দ্বিতীয় থোমার আলোচনার শেষ অংশের ৩৪৭।



সঙ্গীত-সম্বন্ধীয়, ধর্মতত্ত্ব, এমন কি মরমী সাধনার সঙ্গেও সুপরিচিত। আর তাঁর এই বহুমুখী জ্ঞান ও অগ্রভূতি সামঞ্জস্য লাভ করে' তাঁর ব্যক্তিত্বকে দান করেছে এক অপরূপ মহিমা। জনৈক আধুনিক ইংরেজ লেখক ( John Macy : 'The Story of the World Literature' ) তাঁর প্রতিভার মর্যাদা নিরূপণ করেছেন এইভাবে :

আমরা সবাই গ্যোটে'র শিষ্য তা আমরা জানি আর নাই জানি, যে কোনো উদারচিত্ত ব্যক্তি এই গুরু'র সংস্পর্শে এলেই সেই অবশ্যস্বাবী শিষ্যত্বের কথা বুঝবেন। ধারা নৈতিক পদ্ধতির চাইতে কাম্য জ্ঞান করেন মৈত্বে শক্তি, আণ্ডর্জাতিক প্রতিদ্বন্দ্বিতার পরিবর্তে চান আন্তর্জাতিক সহযোগ, সাহিত্যে জীবনে রাজনীতিতে ও চিন্তায় স্বপ্নচারিতার চাইতে বেশী মর্যাদা দেন প্রয়োজনের অস্থলীলনকে, তারা এই একটি লোকের জীবন দৃষ্টান্ত ও রচনা থেকে — তাঁর দৈবাৎ-রচিত চিঠিপত্র ও বচন কণিকাও এইসব রচনার অন্তর্ভুক্ত — অফুরন্ত প্রেরণা বীর্ঘ ও আলোক লাভ করবেন।

গ্যোটে নিম্নেও বলেছেন :

যিনি প্রকৃতই আমার রচনা ও চরিত্রের মর্মগ্রাহী হয়েছেন তাঁকে স্বীকার করতে হবে যে তার ফলে তিনি এক প্রকার চিন্তার স্বাধীনতা লাভ করেছেন।

প্রচলিত ধর্মে আস্থাবান না হয়েও ঈশ্বর সন্ধকে যে সব কথা তিনি বলেছেন তার গৌরব অসাধারণ। ফাউস্টের মুখে ( তার প্রিয়া গ্রেটখেনের প্রতি ) তাঁর এই উক্তি ভাবুকদের জন্য বিশ্বয় ও আনন্দের প্রসবণ :

স্পর্শ কার তাঁকে ব্যক্ত করবে !

বলবে কে : তাঁকে জানি, তাঁতে বিশ্বাস রাখি !

অমৃতভূতি ও দৃষ্টি অব্যাহত রেখে

অস্বীকার করবে কে তাঁকে ! বলবে কে বিশ্বাসী তাঁতে নই !

সর্বধর

সর্বপ্রায়

ধারণ কি করছেন না তিনি তোমাকে আমাকে নিজেকে ?

মাথার উপরে নেই কি আকাশের খিলান ?

পায়ের নীচে অবিচলিত ধরণী ?

সামনে জলছে না কি বজ্র-মতো-চেয়ে-থাকা চিরদিনের তারা ?

চোখ কি আমার তাকাচ্ছে না তোমার চোখে দেখছে না তোমাকে ?

অহত্ব কি করছ না তুমি মনে প্রাণে

## অবতরণিকা

তোমার জীবন বিরে চলেছে কি রহস্যময় শক্তির লীলা

—কখনো দৃশ্য কখনো অদৃশ্য ?

পূর্ণ হোক সেই বিরাট শক্তির দ্বারা তোমার হৃদয় ।

আর যখন তুমি ভাগ্যবত' এই অমূল্য-ধনে তখন নাম দিও এর—

আনন্দ হৃদয় প্রেম ভগবান্—যা খুশী ।

আমি অক্ষম এর নাম দিতে !

অমূল্যতাই আমার সব :

নাম শুধু কোলাহল ও কুহেলি,

আকাশের প্রোজ্জ্বলতা তাতে হয় আচ্ছন্ন ।

ধর্ম সন্মুখে তাঁর অপর দুটি বিখ্যাত উক্তি এই :

যারা ধর্মপ্রাণ সৃষ্টিধর্মী হতে পারে কেবল তারাই ।

যদি ভালবেসে থাক বিজ্ঞান আর শিল্প

তবে অস্তুরে পেয়েছ ধর্ম,

যদি প্রয়োজন বোধ না কর এর কোনোটিতে

তবে বহু, ধর ধর্মের পথ ।

গোটের ভিতরে বিজাতি-প্রেমের ভীততা ছিল না । এজ্ঞা তাঁকে কম নিন্দা সহ করতে হয়নি । কিন্তু মনোবী ক্রোচে এতে মহা আনন্দিত হয়েছেন :

মহাকাব্যেরা হচ্ছেন আশা ও আনন্দের অক্ষুরন্ত প্রস্রবণ, সেই মহাকাব্যীদের মধ্যে এমন একজনও যে আছেন যিনি মানবপ্রকৃতির সর্বক্ষেত্রের জ্ঞানে অবিভীত হয়েও জাতিতে জাতিতে অবজ্ঞাস্বাবী দ্বন্দ্বের বহু উদ্বেগ' নিজের চিত্ত স্থাপন করতে পেরেছেন, এ এক মহা সৌভাগ্য বলে' আমি জ্ঞান করি ।

গোটের আন্তর্জাতিকতার বিস্তৃত পরিচয় আমরা পরে পাব ; এ সম্পর্কে তাঁর দু'টি বিখ্যাত বাণী এই :

জাতীয় সাহিত্য এখন প্রায় এক অর্থহীন কথা । বিশ্বসাহিত্যের যুগ আসন্ন হয়েছে, আর প্রত্যেকেরই উচিত তাকে এগিয়ে আনা ।

মোটের উপর বিজাতি-বিদ্বেষ এক অদ্বুত ব্যাপার । যেখানে চিন্তোৎকর্ষের যত অল্পতা সেখানে এর ভীততা তত বেশী । কিন্তু চিন্তোৎকর্ষের এমন স্তর আছে যেখানে এর সম্পূর্ণ বিলোপ ঘটে, ফলে অমূল্যবকের স্থান লাভ হয় অনেকটা জাতীয়তার উদ্বেগ', পড়শী জাতির ছাংখ-বিপত্তি তখন তার

মনে হয় স্বাক্ষরিত দুঃখ-বিপত্তির মতো । চিত্তোৎকর্ষের এই স্তরের সঙ্গে  
আমার প্রকৃতির সহজ যোগ ছিল ।

মধ্যযুগে মানুষকে জ্ঞান করা হতো ক্ষুদ্রায়তন বিশ্ব—microcosm. প্রত্যেক মানুষ  
এমন ক্ষুদ্রায়তন বিশ্ব কি না বলা কঠিন, তবে গ্যোটে যে একটি ক্ষুদ্রায়তন বিশ্ব তা বার্থ ।  
প্রকৃতির প্রবলতা আর অকৃত্রিমতা আর মানব-প্রকৃতির সন্ধানপরতা, দুয়ের অপূর্ব  
মিলন ঘটেছে তাঁর জীবনে ও প্রতিভায়, আর এর কোনোটি ক্ষুণ্ণ হয়নি তাঁর মধ্যে ।

গ্যোটে-সমুদ্রের হাওয়া মানস-বাহ্যের জন্ম অমূল্য বিবেচিত হবে হৃদয় সর্বকালে ।

---

# কৈশোর

## পিতৃগৃহ

কবিশুঙ্ক গোটের জন্ম হয় ১৭৪৯ খৃষ্টাব্দে ২৮ আগস্ট তারিখে মধ্যাহ্নে—জার্মানীর ফ্রাঙ্কফোর্ট (Frankfort on Maine) নগরের এক বণিক পরিবারে। তাঁর নামকরণ হয় রোহান ভোল্ফগাঙ্ক গোটে (Johann Wolfgang Goethe)। আশ্চর্যের সঙ্গে তিনি লিখেছেন যে ক্ষণে তাঁর জন্ম জ্যোতিষশাস্ত্র মতে তা শুভক্ষণ। জ্যোতিষশাস্ত্র সন্থকে তাঁর এই মত লুডভিগের গ্রন্থে উদ্ধৃত হয়েছে :

ফলিত জ্যোতিষের ভিত্তি হচ্ছে বিশ্বজগতের যোগাযোগ সন্থকে এক অস্পষ্ট ধারণার উপরে। অভিজ্ঞতা থেকে আমরা জানি, আবহাওয়া গাছপালা ইত্যাদির উপরে নিকটবর্তী গ্রহ-উপগ্রহের বিশেষ প্রভাব রয়েছে ; আর মানুষের বিবর্তন ও বিকাশ যখন ক্রমে ক্রমে ষটে তখন গ্রহ-উপগ্রহের সেই প্রভাব যে কোন্‌ স্তরে নিঃশেষিত হয় তা বলা অসম্ভব। যাহ্নবের ভবিষ্যৎ-বোধই তাকে ভাবতে প্রস্তুত করে যে সেই প্রভাব তার সৌভাগ্য-দুর্ভাগ্যরূপ সামাজিক ব্যাপারের উপরেও রয়েছে। এ'কে কুলস্কার বলতে চাই না—আমাদের স্বভাবের সঙ্গে এর এত নিকট-সম্পর্ক। অস্ত্রান্ত বিশ্বাসের মতো এটি দিয়েও কাজ চলে।

আশ্চর্যের সঙ্গে গোটে তাঁর বাল্যজীবনের যে-ছবি অঙ্কিত করেছেন তা একান্ত হৃদয়গ্রাহী। তেমন অন্ধনকুলতা আছে রবীন্দ্রনাথের ‘জীবনস্মৃতি’তে ও ‘ছেলেবেলা’য়, তবে গোটের আশ্চর্যের তুলনায় এসব গ্রন্থ স্বল্পপরিসর। এই বাল্যজীবনের দুইটি ব্যাপার সব পাঠকেরই দৃষ্টি আকর্ষণ করে : একটি, তাঁর স্বভাবদত্ত প্রতিভা, অপরটি তাঁর পিতার শিক্ষা-ব্যবস্থা। তাঁর পিতা রোহান কাস্পার গোটে (Johann Kaspar Goethe) অশিক্ষিত, শিল্পদ্রুয়গী ও উচ্চাভিলাষী ব্যক্তি ছিলেন। প্রথমজীবনে তিনি আইন-ব্যবসার অবলম্বন করেন, কিন্তু তেমন কোনো সফলতা অর্জন করতে পারেন না। তাঁর পুত্র যাতে সফলতা লাভ করতে পারে তাই হয়ে দাঁড়িয়েছিল কতকটা তাঁর সাধনার বিষয়। তাঁর শিক্ষা-ব্যবস্থায় চৌদ বৎসর বয়সে ভোল্ফগাঙ্ক হাতুভাষা ভিন্ন করানো, ইতালীয়, লাতিন, গ্রীক ও ইংরেজি ভাষা আয়ত্ত করেন, এ ভিন্ন কবিতা-রচনা অনিচ্ছালা নৃত্য চিত্রাঙ্কন ইত্যাদিতেও কিছু কিছু পারদর্শিতা লাভ করেন। তাঁর ফ্রাঙ্কফোর্টে জন্ম ও তাঁর প্রতিভা-বিকাশের অন্তর্কূল হয়েছিল—সে-সময়ে ফ্রাঙ্কফোর্ট ছিল এক বিশ্ব-বন্দর।

তঁার বালক-কালের দুইটি ঘটনায় রয়েছে তঁার প্রতিভার আশ্চর্য পরিচয়। তঁার বয়স বখন ছয় সাত বৎসর তখন সুপ্রসিদ্ধ লিস্বন-ভূমিকম্প ঘটে। মাছবের উপরে সেই বিপৎপাত তঁার বালক-হৃদয়ে গভীর রেখাপাত করে। সবারই মুখে যিনি দয়াল প্রেমময় ইত্যাদি আখ্যায় সর্বদা ভূষিত হন তঁার সামনে এমন নিদারুণ ব্যাপার কেমন করে ঘটতে পারে এ-চিন্তা তঁার মনকে কিছুকাল ভারাক্রান্ত করে' রাখে। কিন্তু তঁার স্বভাবত-আনন্দময় ও সৌন্দর্য্যামুরাগী মনে এ হুশিঙ্কার ভার স্থায়ী হয়নি। এর উপরে ধর্ম সঙ্কেত বহু বাদানুবাদ সর্বদাই তিনি তঁার চারপাশের লোকদের মুখে শুভ্রভেদ। এ-সবের ফলে ওল্ডটেস্টামেন্টের ক্রোধী দণ্ডধারী ঈশ্বরে অপ্রত্যয় ও প্রকৃতির অধীশ্বর শাস্ত্রসুন্দর জগৎপ্রভুতে প্রত্যয় তঁার মনে প্রবল হতে থাকে। এই শাস্ত্রসুন্দর বিশ্ব-প্রকৃতির অধীশ্বরকে কেমন করে' তঁার অন্তরের পূজা নিবেদন করবেন সে-কথা ভাবতে ভাবতে এক অভিনব পূজা-পদ্ধতি তঁার বালক-মনে খেলে। তঁার সংগ্রহে বহু খনিজ-দ্রব্য ছিল। বালক-পূজারি ঠিক করলেন সেই সব খনিজ দ্রব্য প্রকৃতির বৈচিত্র্যের প্রতীক স্বরূপ একটি সুদর্শন কাঠখণ্ডের উপরে সাজাবেন। কিন্তু কেমন করে' মাছবের মনের স্তব ব্যস্ত হবে? শেষে ঠিক হলো চিত্রাকর্ষণের জন্ত তঁার যে প্যাস্টেল-পেন্সিল আছে ধাতুদ্রব্যের উপরে তা দাঁড় করিয়ে তাতে আগুন ধরিয়ে দেবেন—তা থেকে যে ধূম কুণ্ডলী পাকিয়ে উঠবে তাই হবে মাছবের স্তবের প্রতীক। এক সুন্দর প্রভাতে এইভাবে তিনি তঁার পূজা নিবেদন করলেন—প্যাস্টেল-পেন্সিলে আগুন ধরালেন উদীয়মান সূর্যের দিকে আতস-কাচ ধরে'। তঁার এই স্তব-নিবেদনের এক মন্দ ফল ফলেছিল—প্যাস্টেল-পেন্সিল গুড়ে গিয়ে সেই সুদর্শন কাঠখণ্ডে আগুন ধরে' তাকে বিকৃত করেছিল। এর উপরে গ্যোটে এই স্মরণীয় মন্তব্য করেছেন :

এই ধরনের ঈশ্বর-লাভের কামনায় সর্বদা যে বিপদ বিস্ত্রমান এই দুর্ঘটনাকে গণ্য করা যেতে পারে সে-সম্বন্ধে এক সঙ্কেত ও সাবধান-বাণীর তুল্য।

অপর ঘটনাটি এই। ছেলেবেলা তিনি বাড়ীতেই পড়াশুনা করতেন, এক সময়ে অল্প কিছু দিনের জন্ত এক স্কুলে ভর্তি হয়েছিলেন। একদিন তঁার সহপাঠীরা এই বলে' তাঁকে জব্দ করতে চেষ্টা করে যে তঁার পিতা তঁার পিতামহের পুত্র মন অজ্ঞ কোনো ধনীর পুত্র। (তঁার পিতামহ দর্জি-ব্যবসায়ী ছিলেন ও সেই ব্যবসাতে প্রভূত ধন উপার্জন করেন।) কিন্তু সহপাঠীদের এই নির্মম কথায় বালক-গ্যোটে শাস্ত্রকণ্ঠে বলেছিলেন : এই যদি সত্য হয় তাতেও ক্ষতির কিছু নেই; জীবন এমন এক মহা দান যে কার কাছে এই জীবনের জন্ত মাদ্রুব খণী সে কথা সে না ভেবেও পারে, কেননা, অন্তত এইটুকু সত্য যে ঈশ্বরের কাছ থেকেই তা এসেছে আর তঁার সামনে সবাই সমান।

তঁার বালক-বয়সের কোনো কোনো ঘটনায় রয়েছে তঁার ভগ্নগত সৌন্দর্য্য-বোধের

পরিচয়। তাঁর বয়স বখন তিন বৎসর তখন নাকি এক কুৎসিত শিশুকে দেখে তিনি কান্না আরম্ভ করেন, সেই শিশুটিকে সরিয়ে না নেওয়া পর্যন্ত তাঁর কান্না থামে নি। মাংসের দোকানের পাশ দিয়ে যেতে তাঁর গায়ে কাঁটা দিত, আর মদীর পুলের উপরে বেড়াতে তাঁর খুব আনন্দ বোধ হতো।

বালক-বয়সেই তিনি সবার মনোযোগ আকর্ষণ করেন। তাঁকে উৎসাহ দেবার জন্য তাঁর পিতা অনেকসময়ে বলতেন—তাঁর মতো স্বভাবদত্ত গুণগণা থাকলে তিনি (পিতা) জীবনে অনেক কিছু করতে পারতেন।

পিতা যত্ন নিয়েছিলেন তাঁর মনঃশক্তি বিকাশের, আর তাঁর গুণবতী মাতার যত্নে লালিত হয়েছিল তাঁর কল্পনা ও অল্পভূতি। তাঁর মাতার প্রকৃতিতে হাসিখুশীর প্রাচুর্যের সঙ্গে মিশেছিল কাণ্ডজ্ঞান ও অসাধারণ শান্তিপ্রিয়তা। ভৃত্যদের উপরে তাঁর আদেশ ছিল কোনো হুঃসংবাদ যেন তাঁর কাছে বহন করা না হয়। বিশেষ করে তাঁর গল্প বলার ক্ষমতা ছিল অসামান্য। ভোল্‌ফ্‌গাণ্ড-এর শৈশব-কল্পনা মাতার অক্ষরন্ত রূপকথার রসে রসায়িত হয়েছিল।

তাঁর বাল্যকালেই ইয়োরোপে ‘সাত বৎসরের যুদ্ধ’ আরম্ভ হয়; ফ্রাঙ্কফোর্টে ফরাসী সৈন্যের আগমন ঘটে ও সেই সৈন্যদলের অধ্যক্ষ তাঁদের গৃহেই দীর্ঘকাল বাস করেন। এই যুদ্ধে ফরাসী নাটককার সঙ্গে তাঁর পরিচয় হয়। তাঁর সম্বাসিত মাতামহ (এঁর কুল ছিল কবির পিতৃকুলের চাইতে সম্ভ্রান্ততর) তাঁকে একপ্রান্ত বড় খেলনা দিয়েছিলেন, সেগুলোর সাহায্যে বাইবেলের কোনো কোনো ঘটনা নাটকাকারে দেখানো যেতো। এ-সবের ফলে অল্প বয়সেই নাটককার প্রতি তাঁর অম্লরাগ জন্মে। তাঁর ‘ভিল্‌হেল্ম মাইস্টার’ উপন্যাসের সূচনায় এই পুতুল-নাটকের দীর্ঘ বিবৃতি রয়েছে।

### লাইপ্‌ৎসিগ্‌

ষোলো বৎসর বয়সে গ্যেটে লাইপ্‌ৎসিগ্‌ বিশ্ববিদ্যালয়ে যোগদান করেন। তাঁর পিতার ইচ্ছা ছিল তিনি আইন অধ্যয়ন করবেন কিন্তু কবি নিজে মতলব আটেন সাহিত্য অধ্যয়ন করতে, উদ্দেশ্য, শেষে বিশ্ববিদ্যালয়ের অধ্যাপক হবেন।

প্রথম প্রথম কিছুদিন অধ্যাপকের বক্তৃতা শোনা ‘নোট’ নেওয়া বেশ চললো। কিন্তু এ উৎসাহ মন্দীভূত হতে দেরী হলো না। আত্মচরিতে তিনি লিখেছেন :

দর্শনে আমি কোনো আনন্দ পেতাম না, আর তর্কশাস্ত্র সম্বন্ধে এই অল্পত মনে হতো যে কিশোর কাল থেকে যে সমস্ত চিন্তা-প্রক্রিয়া আমি অবলীলাক্রমে সম্পাদন করে এসেছি যথাযথভাবে ব্যাখ্যার জন্য এখন করতে হচ্ছে সেই সবেরই চুলচেরা ভাগ, অর্থাৎ বিনাশ। বস্তুর স্বরূপ, বিশ্বজগৎ,

ঈশ্বর, এ-সব সন্ধকে মনে হতো আমার জানাশোনা অধ্যাপকের চাইতে বেশী কম নয়। ফলে অনেক জায়গায়ই খুব মুশকিলে পড়ে যেতাম।

বিশ্ববিদ্যালয়ের অধ্যাপকদের সন্ধকে তাঁর মন্তব্য এই :

অধ্যাপকবর্গ সবাই এক বরসের হতে পারেন না। যারা বরসে নবীন তাঁদের পড়ানোর অস্ত্র নাম হচ্ছে শেখা; এঁদের মধ্যে যারা প্রতিভাশালী তাঁদের দৃষ্টি ভবিষ্যতের দিকে, তাঁরা সেই সবেই ব্যাখ্যা করে' চলেন যাতে ছাত্রদের নয় তাঁদের নিজেরদের প্রয়োজন, ফলে ছাত্রদের কোনো উপকার হয় না। যারা প্রবীন অধ্যাপক তাঁদের অনেকের মানসিক উন্নতি বহুদিন হলো থেমে গেছে, তাঁরা! খুব পরিষ্কার পরিচ্ছন্ন মতামত ব্যক্ত করে চলেন কিন্তু সে-সবের বেশীর ভাগ অকেজো হয়ে পড়েছে। এই নবীনে প্রবীনে লাগে ধ্বস্তাধ্বস্তি, আর এই দুয়ের মাঝে পড়ে ছাত্রদের মনে চলে টানা-হিঁচড়া। এই সন্ধটে মধ্যবয়সী অধ্যাপকদের কাছ থেকেও তারা ভেতন কোনো উপকার পায় না, এঁরা বথেষ্ট বিজ্ঞ ও মার্জিতরুচি, কিন্তু এঁদের প্রবণতা জ্ঞান-আহরণ ও মনবিস্তার দিকে।

বলা বাহুল্য 'ফাউসটে'র মেফিসটোফিলিসের বিশ্ববিদ্যালয়ের পঠন-পাঠনের প্রতি নিক্ষিপ্ত বিজ্ঞপ-বাণে তীক্ষ্ণতা জুগিয়েছিল কবির নিজের ছাত্র-জীবনের এইসব অভিজ্ঞতা।

কিন্তু ক্লাসের পড়াশুনার অমনোযোগী হলেও তাঁর মানস-উৎকর্ষ ব্যাহত হয়নি। অধ্যাপক বোহমে-র (Bohme) বিছুরী পত্নী তাঁকে স্নেহ করতেন। তিনি বড় কঠোর সমালোচক ছিলেন, সমসাময়িক অনেক কবিবিশিষ্ট প্রার্থীর প্রতি তিনি ছিলেন অত্যন্ত বিরূপ। গ্যোটে'র প্রিয় ভাববিলাসী তরুণ কবিরা তাঁর হাতে লাজনার একশেষ ভোগ করতেন। তাঁর নিজের রচনা অনেক সময়ে তিনি তাঁর এই গুরুপত্নীর কাছে পাঠ করতেন অপরের রচনা 'বলে', কিন্তু সে-সবও তাঁর কঠোর মন্তব্য থেকে নিষ্কৃতি পেতো না। ছেলেবেলা থেকে যিনি সবায় কাছে পেয়ে এসেছেন অবাচিত প্রশংসা তিনি এখন এই সমালোচকের সামনে নিজেকে অত্যন্ত অসহায় বোধ করলেন। কিছুদিন দারুণ মানসিক অস্থিতি ভোগ করে' শেষে একদিন তাঁর সমস্ত রচনা জলন্ত চুল্লীতে নিক্ষেপ করলেন।

সাজপোষাক সন্ধকেও তাঁর এক কঠোর শিক্ষালভ হয়। খুব দামী ও জমকালো পোষাক তিনি পরতেন। তাই নিয়ে বহুদূর ঠাট্টা করলে গ্রাহ্য করতেন না। কিন্তু একদিন থিয়েটারে গিয়ে দেখলেন তাঁর মতো পোষাক পরে একজন সড় সেজেছে।

এখানে শেক্সপীয়ার, রাসীন (Racine), প্রভৃতির রচনার সঙ্গে তাঁর কিছু কিছু পরিচয় হয়। কিন্তু শিল্পচর্চার দিকেই তিনি বিশেষ প্রেরণা অমুত্ত্ব করেন। শিল্পে

তার গুরু ছিলেন এজর—স্বনামধন্য ভিঙ্কল্‌মানের গুরু ও বন্ধু। তাঁর সখ্যে তিনি বলেছেন :

তাঁর উপদেশ প্রভাব বিস্তার করে' চলবে আমার সমস্ত জীবনের উপরে।

তিনিই শিখিয়েছিলেন : সৌন্দর্যের আদর্শ হচ্ছে অনাড়ম্বর ও প্রশান্তি, সেজন্তে এতে তরুণের সিদ্ধিলাভ অসম্ভব।

এই সময়ে জার্মানসাহিত্যরথী লেসিঙের বিশ্ববিখ্যাত শিল্পসমালোচনা গ্রন্থ 'লাওকোওন' প্রকাশিত হয়। এই ক্ষুদ্রাকার গ্রন্থখানি অনেক অজার্মান সাহিত্যিকের জীবনেও প্রেরণা জুগিয়েছে। গ্যোটে বলেছেন :

লেসিঙের 'লাওকোওন'র প্রভাব আমাদের উপরে কি ধরনের হয়েছিল তা বুঝতে হলে যুবক হতে হবে। অস্পষ্ট বোধের স্তর থেকে এই বই আমাদের নিয়ে গিয়েছিল মননের উন্মুক্ত রাজ্যে।

বইখানি পড়ে প্রাচীন শিল্পসমূহ স্বচক্ষে দেখবার জন্য তাঁর ব্যাকুলতা জন্মে। অনতিবিলম্বে তিনি ড্রেসডেন অভিমুখে রওনা হন। কিন্তু সেখানকার চিত্রাগারে রক্ষিত ওলন্দাজ শিল্পীদের চিত্রই তাঁকে আকৃষ্ট করে বেশী অথচ এজর ভিঙ্কল্‌মান লেসিঙ প্রমুখ তাঁর গুরুরা সবাই ইতালীয় চিত্রের ভক্ত ছিলেন।

ড্রেসডেনে গ্যোটে আতিথ্য গ্রহণ করেছিলেন এক চর্মকার-গৃহে তাঁর সাধুতা ও জ্ঞানবস্তার খ্যাতিতে আকৃষ্ট হয়ে। এর সখ্যে তিনি বলেছেন :

যাঁরা অজানিতভাবে দার্শনিক বিশেষ করে' একে আমি তাঁদের শ্রেণীভুক্ত মনে করি।

এই ঘটনা সম্পর্কে তাঁর চরিত্রকার পল কেয়াল বলেছেন : যারা মৌলিকতার অধিকারী সমাজের উচ্চস্তরের হোন আর নিম্নস্তরের হোন তাঁরা চিরদিন গ্যোটে'র চিত্র আকৃষ্ট করতেন।—কিন্তু শুধু এই-ই নয় ; মনে হয় বিদ্বজ্জনের সঙ্গ, গ্রন্থপাঠ, এ-সবের চাইতেও তাঁর মনোবিকাশের সহায় হয়েছিল অপেক্ষাকৃত নিম্নশ্রেণীর নরনারীর সঙ্গে তাঁর পরিচয় ও বন্ধুত্ব। ফ্রাঙ্কফোর্টে অবস্থানকালেও তিনি সব শ্রেণীর লোকদের পরিচয় লাভের চেষ্টা করতেন ; ইহুদি-পন্নীতেও তাঁর গতিবিধি ছিল। লাইপ্‌ৎসিগে অবস্থানকালে এই ধরনের আলাপ পরিচয়ের সুযোগ তিনি অনেক বেশী পান।

এখানে আমা কাতারীনা ( Anna Katharine ) নামী এক তরুণীর প্রতি তিনি আকৃষ্ট হন। তাঁর এই প্রেমপাত্রী ছিলেন এক হোটেল-স্বামীর কন্যা, সেই হোটেলে তিনি তাঁর সাহিত্যরসিক বন্ধুদের সঙ্গে প্রায়ই খানাপিনা করতেন। তাঁর সংগৃহীত রচনাবলীর প্রথম রচনা 'খেয়ালী প্রেমিক'এর উৎপত্তি এই প্রেম থেকে। এর পূর্বে ফ্রাঙ্কফোর্টে অবস্থানকালে পনের বৎসর বয়সে আর একটি মেয়ের প্রতি তাঁর অহুরাগ জন্মে—অহুরাগ অবশ্য এক-তরফা। সেই মেয়েটি ছিলেন তাঁর চাইতে বয়সে



কিছু বড়, দরিদ্র ঘরের, কিন্তু অসাধারণ সুন্দরী। আত্মচরিতে তাঁর নাম তিনি দিয়েছেন গ্রেটখেন্ ( Gretchen )। তাঁর 'ফাউস্ট' নাটকে এই নাম তিনি অমর করেছেন।

লাইপ্সিগে আর একখানি নাটক তিনি রচনা করেন, নাম, 'সম-অপরামী'। এর উপস্থিতি সম্বন্ধে বলতে গিয়ে তিনি তাঁর কৈশোরের অভিজ্ঞতার ইতিহাস অনেকখানি ব্যক্ত করেছেন :

গ্রেটখেনের সঙ্গে পরিচয়-স্বত্রে অল্প বয়সেই আমাদের চোখে পড়ে সমাজ-জীবনের ভিত্তিমূল ক্ষয় হচ্ছে কত অদ্ভুত হৃড়লের দ্বারা। ধর্ম মীতি পদবী সম্পর্ক শৌকাচার সবই কেবল উপরকার জিনিস ; যেন সুবৃশ রাজপথ, তার দুইধারে বড় বড় বাড়ী ; রাস্তার লোকদের সবারই ব্যবহার মিথুৎ ; কিন্তু ভিতরে সেই পরিমাণে গলদ। নোনাখরা দেহালের উপরে যেন করা হয়েছে পাংলা আস্তর, আর নিশ্চিতি রাতে সব হুড়হুড় করে' ভেঙে পড়ে' করে বিভীষিকার সৃষ্টি। ব্যাকফেল, বিবাহবিচ্ছেদ, কন্যার কুলভাগ্য, হত্যা, চুরি, বিষদান ইত্যাদির দ্বারা কত গৃহের সর্বনাশ অথবা সর্বনাশের উপক্রম হতে আমি দেখেছি ; আর ছেলেমানুষ ছিলাম বলে' এদের উদ্ধারের জন্য হাতও বাড়িয়েছি। আমার অকপটতার গুণে লোকে আমাকে আপনায় ভাবতো, আর যখন তারা দেখতো আমার কাছ থেকে কথা ফাঁস হয় না, ক্ষতিস্বীকারে ও বিপদে মাথা দিতে আমি পশ্চাৎপদ নই, তখন বহু মনোমালিন্য ও বিবাদের মধ্যস্থতা-আদি করবার সুযোগও আমার জুটতো। এইভাবে মানুষের জীবনের অনেক দুঃখমানির সঙ্গে আমার সাক্ষাৎ ও পরোক্ষ পরিচয় ঘটে। মনের ভার লাঘব করবার জন্য আমি বহু নাটকের সূচনা করি, অনেকগুলোর প্রস্তাবনাও লিখে ফেলি ; কিন্তু প্রটগুলোর সবই ছিল চল-চক্রান্তের, আর প্রায় সবগুলোর পরিণতি পাড়িয়েছিল বিরোগান্তক ; তাই একে একে সবগুলোই বাদ দিই। কেবল 'সম-অপরামী' নাটকটি লেখা হয়েছিল।

তাঁর এই দুখানি নাটক সম্বন্ধে তাঁর সমালোচকবর্গ প্রায় একমত : তাঁর বাল্য-রচনার সঙ্গে এগুলোও অগ্নিসাৎ হলে ক্ষতির কারণ হতো না। কিন্তু লুইস বলেন, এ দুটিতে গ্যেটের বিশিষ্টতার পরিচয় রয়েছে :

নিজের অভিজ্ঞতাকে তিনি দিয়েছেন স্থায়ী রূপ—তাঁর নিজের জীবন হচ্ছে সেই মহাশাস্ত্র যার ব্যাখ্যা তিনি করে' চলেছেন।

অন্যত্র বলেছেন :

সমাজের বহিরাবরণের নীচেই এত মানি দেখেও ভীত দুগা অথবা বেদনা-বিহ্বলতা প্রকাশ পায়নি—এ ব্যাপারটি অসাধারণ। অল্প বয়সে স্বপ্ন ভেঙে

গেলে আসে অবিখ্যাস ও মানব-দেহ, অথবা তাঁর প্রতিবাদ। কিন্তু গোটের ভিতরে অবিখ্যাসও নেই, ক্রোধও নেই। যা ঘটলো তা স্বীকার করে' শান্তভাবে তার প্রতিকার-চেষ্টা করতে হবে—এই যেন তাঁর মনোভাব। কন্ঠ প্লিনীর (Pliny) মতো তাঁরও যেন ধারণা, ক্রমা বিচারের অঙ্গ; কঠোর কিন্তু মানবপ্রেমিক থ্রাসেস-এর (Thrasas) সুরে সুর মিলিয়ে তিনি যেন বলতে চান—যে পাপের প্রতি বিরূপ সে মানুষেরও প্রতি বিরূপ।

### অসুস্থতা

লাইপ্‌সিগে গোটের তিন বৎসর কাটে। সেখানে তাঁর বাস দীর্ঘতর হতে পারেনি অসুস্থতার জন্যে। একদিন রাত্রে হঠাৎ তাঁর কুসক্লান্ত থেকে—মতান্তরে অল্প থেকে—ভীষণ রক্তপাত হয়। ফলে তাঁর অবস্থা এমন হয় যে তিনি প্রাণে রক্ষা পাবেন কি না বহুদিন পর্যন্ত তারই কিছুমাত্র নিশ্চয়তা ছিল না। এই অসুস্থতার কারণ সম্বন্ধে হিউম ব্রাউন বলেন :

গোটে তাঁর আত্মচরিতে এর বহু কারণের উল্লেখ করেছেন : এক সময়ে ফ্রাঙ্কফোর্ট থেকে লাইপ্‌সিগে যাবার কালে তিনি বৃকে আঘাত পান, এর উপর ঘোড়া থেকে পড়ে বান, ছবি আঁকার সময়ে মানা অ্যাসিডের ধোঁয়া তাঁর নাকে যেতো, কফি ও গুরু 'বিয়ার' পান্যে তাঁর পাকস্থলীর সমুদ্র ক্ষতি হয়, ক্লসোর নির্দেশ মতো চলতে গিয়ে তাঁর ভাঙা স্বাস্থ্য আরো ভেঙে যায়, ইত্যাদি। কিন্তু এসব তিনি লিখেছিলেন বৃদ্ধ বয়সে, তার সেই-সময়কার চিঠিপত্র থেকে নিঃসন্দেহে বোঝা যায় তাঁর অসুস্থের প্রকৃত কারণ কি। লাইপ্‌সিগে বাসের শেষের দিকে তাঁর কেটেছিল সেদিনের আর দশজন আর্থান ছাত্রের যেমন কাটতো। এক বৈরথ যুদ্ধের ফলে তাঁর বাহুতে অস্ত্রের আঘাত লাগে, যা সহ্য হয় তার বেশী দত্তপান তিনি করতেন...আর এমন অশান্ত ব্যাপারেও নিশ্চয় হয়েছিলেন বার কল তাঁর স্বাস্থ্যের উপরে ভাল হবার কথা নয়।

এই 'অশান্ত ব্যাপার' বলতে তাঁর চরিত্রকাররা বুঝেছেন পূর্ব-উল্লিখিত আনা কাতারীন বা ক্যেটখেন স্কোনকোফ্-এর (Kathchen Schonkopf) সঙ্গে তাঁর প্রণয়-ব্যাপার। এর প্রতি তাঁর প্রেমের স্বরূপ তাঁর সেই দিনের কতকগুলো পত্র ব্যক্ত হয়েছে, পত্রগুলোর কতক ক্যেটখেনকে লেখা কতক তাঁর বন্ধু বেরিশকে (Behriach) লেখা। এই তরুণ বয়সের প্রেম গোটের চিত্তকে যেন করে' তুলেছিল

বিচিত্র অল্পকৃতির আগেরগিরি। বেরিশকে লেখা তাঁর একখানি পত্রের কতক অংশ এই :

হাঁ—কিন্তু বেরিশ, ধীরেহুঁহুে যে বলতে পারবো সে-প্রত্যক্ষিা করো না। হায় ভগবান্! আজ সন্ধ্যার আমি খবর পাঠিয়েছিলাম...আমার চাকর এসে সংবাদ দিলে সে গেছে থিয়েটার দেখতে তার মায়ের সঙ্গে। আমার তখন কাঁপুনি শুরু হয়েছিল, এই সংবাদে আমার রক্তে যেন আগুন ধরে' গেল। থিয়েটারে! যখন সে জানে সে যাকে ভালবাসে সে যোগ-শয্যায়! ভগবান্ ভগবান্...তবে আন। তার সঙ্গে থিয়েটার দেখতে গেছে! এই চিন্তা আমাকে যেন মুগ্ধে দিলে। জানা চাই। কাপড় পরলাম—আর পাগলের মতো ছুটে গেলাম থিয়েটারে।

পোনো বলছি! তার পেছনের সীটে বসেছিল রীডেন (Ryden)। ভাবখানা তার কত কোমল। ভাবতে চেষ্টা কর আমার কথা! গ্যালারি থেকে অপেরা-গ্লাস দিয়ে আমি এদের দেখছি! গোজায় থাক! বেরিশ, মনে হয়েছিল রাগে আমার মস্তিষ্ক বৃষ্টি ফেটে বেরিয়ে পড়বে।...মাঝে মাঝে রীডেন একটু সামনে খুঁকছিল, একটু পরে ঠিক হয়ে বসছিল। আমার একটু সামনে খুঁকে কি বলছিল। গীতে গীত চেপে আমি এই সব দেখছিলাম। চোখে আমার জল এসেছিল, কিন্তু সে সোজা তাকিয়ে থাকার দরুণ—এই সমস্ত সন্ধ্যাটা আমি কাঁদতে পারিনি।...হঠাৎ জর খুব চেপে এলো, মনে হলো এই মুহূর্তেই প্রাণ বেরিয়ে যাবে।...আমার মতো এতখানি শক্তি, এমন উচু চিন্তাভাবনা, এমন স্বযোগস্বিধা নিয়ে আর কাউকে এতখানি অস্থায়ী হতে দেখেছ?...আর একটা কলম নিচ্ছি...একটু বিশ্রাম। কিন্তু আমি যে তাকে ভালবাসি। মনে হচ্ছে তার হাত থেকে বিষ নিয়ে আমি খাব। কাল কি করবো? জানি একবার যদি তাকে চোখে দেখি তবে মনে মনে ভাববো আমি যেমন তোমাকে ক্ষমা করছি ঈশ্বরও তোমাকে তেমনি ক্ষমা করুন, আর আমার বতখানি আয়ু তুমি ক্ষয় করেছ ততখানি আয়ু তিনি তোমাকে দিন...অহো! আমাদের সমস্ত আনন্দ আমাদেরই মধ্যে। আমরাই আমাদের শরতান, নিজের শরৎগোড়ান থেকে নিজেরই করি বহিষ্কৃত।

কিন্তু পরদিন কবি যখন জানলেন সন্দেরের কোনো কারণ সভাই উপস্থিত হয়নি, তখন এই চিঠিরই শেষের দিকে লিখলেন :

এটি ছিঁড়ে টুকরো টুকরো করতাম যদি আমি বা সেইভাবেই নিজেকে তোমার সামনে প্রকাশ করতে লজ্জা পেতাম। এই দুর্দম কামনা আর

তেমনি দুর্দম যুগা, বিকট প্রলাপ আর উদ্দাম স্তবগান, এ-সবে পাঁবে  
এই তরুণের কিছু পরিচয়। কাল যা নিয়ে নরকের সৃষ্টি হয়েছিল আজ  
তাই দিয়ে হয়েছে স্বর্গের সৃষ্টি।...বে দুঃখ-বেদনা কাটিয়ে ওঠা গেছে  
তার সৃষ্টি বড় সুখের। আর এমন কৃতিপূরণ! আমার সমস্ত দুঃখ  
আমার দুই বাহুতে বন্দী।

হৃদয়বেগের এমন উদ্দামতাই তাঁর দেহকে বিপন্ন করবার জন্ত যথেষ্ট।—কবির  
এমন খেয়ালিপনায় কবিশ্রিয়া কিন্তু শেষ পর্যন্ত বিরূপ হন।

গোটের এই রোগ-ভোগ প্রায় দেড় বৎসর কাল স্থায়ী হয়েছিল। এই দীর্ঘ  
সময় তিনি যেভাবে অতিবাহিত করতে পেরেছিলেন সেটিও লক্ষ্যযোগ্য। রোগের  
সূচনা থেকেই তাঁর নান্যশৈলীর বহুবাহুব তাঁর অপরিণীম যন্ত্র নিয়েছিলেন—নানাভাবে  
তাঁর চিত্তবিনোদনের চেষ্টা করেছিলেন যদিও সেই সব বহুদের প্রায় সবাইকে কোনো  
না কোনো রকমে উত্থাপন করতে তিনি কল্পনাকরেন নি। বহুদের এই সদয় ব্যবহারে  
বৃত্তাবত-বৃত্তজহৃদয় গোটে পরম আপ্যায়িত হন।—কিন্তু শুধু আয়োদ-প্রয়োদ নয়,  
যাতে বিশেষ মনোযোগের প্রয়োজন তেমন বিষয়ের আলোচনায় এই রোগ-ভোগের  
কালে তিনি করেছিলেন। লাইপৎসিগে থাকতেই তাঁর এক বহু তাঁকে বাইবেল পড়ে  
শোনাতে আরম্ভ করেন। রোগ-ভোগের এই দেড় বৎসরে তিনি ধর্মালোচনাই করেন  
বেশী। কিন্তু এর সঙ্গে সঙ্গে শির-চর্চা, প্রাচীন গ্রীক ও লাতিন সাহিত্যের চর্চা, প্রাচীন  
আলকেমি-শাস্ত্রের চর্চা, এসবও কম করেন নি।

এই সময়ে তাঁর মাতার বহু কুমারী ফন ক্লেন্টেনবের্গের (Franlein Von  
Clenttenberg) সঙ্গে তাঁর পরিচয় হয়। তাঁর কথা যথেষ্ট হৃদয়তার সঙ্গে তিনি তাঁর  
আত্মচরিতে লিপিবদ্ধ করেছেন :

এঁরই সঙ্গে কথোপকথন ও চিঠিপত্র থেকে ভিলহেল্ম মাইস্টার-এর  
'সুন্দর আত্মার আত্মপরিচয়' খণ্ডটির উৎপত্তি। হের্গট-সম্প্রদায়ের  
মহিলাদের মতো তিনি অতি নির্মূল পরিচ্ছদ ধারণ করতেন। তাঁর  
অস্তরের প্রসাদ ও প্রশান্তি কখনো বিলুপ্ত হতো না। তাঁর ব্যাবিক তিনি  
জ্ঞান করতেন ক্ষণস্থায়ী মরজীবনে এক প্রয়োজনীয় উপাদান; অসাধারণ  
ধৈর্যের সঙ্গে তিনি রোগযন্ত্রণা সহ্য করতেন, আর যখন যন্ত্রণার উপশম  
হতো তখন হাসিখুশী মুখে আলাপ জমাতেন। তাঁর প্রিয় অথবা একমাত্র  
বিষয় ছিল বার। আত্মপর্যবেক্ষণশীল সেইসব মাহুকের বেশব মৈতরিক  
অভিজ্ঞতা লাভ হয় তাঁর কথা; এর সঙ্গে মনোরমভাবে অপূর্ব দক্ষতার  
সঙ্গে তিনি বলতেন ধর্মের কথা—তার দুই ভাগ তিনি করতেন—প্রাকৃত  
আর অতিপ্রাকৃত।

ভরূপ গ্যোটকে তিনি কি চক্ষে দেখতেন ও তাঁদের পরস্পরের কথাবার্তা কি ধরনের হতো সে-সম্বন্ধেও আশ্চর্য্যে হৃদয়ের বর্ণনা আছে :

আমাতে তিনি পেয়েছিলেন—যেমনটি তিনি চান—এক প্রাণবন্ত ভরূপ, এক অনিদেহ হৃদয়ের সন্ধানী, মহাপাপী বলে' সে নিজেই জানে না, অধচ মনে তার ব্যক্তিও নেই, তার দেহ ও মন দুয়েরই পূর্ণ স্বয়ংস্বর অন্বেষণ। আমার প্রকৃতিগত ও আহত গুণগণা দেখে তিনি খুশী হয়েছিলেন।... আমার অশান্তি, অধৈর্য, চেষ্টা, সন্ধান, চিন্তা ও চিন্তাদোলায় ব্যাখ্যা তিনি নিজের স্রোতে দিতেন, আমার কাছে তাঁর মনোভাব লুকোতেনও না, অকপটে বলতেন, এসবের কারণ জীবন আমার প্রতি অপ্ৰসন্ন। আমার কিছু কিশোর-কাল থেকে ধারণা ছিল যে জীবনের সঙ্গে আমার সম্বন্ধ খুব ভাল, এমন কি কখনো কখনো মনে হতো তিনি বরং আমার কাছে গুলী, আর সাহস করে' ভাবতাম, কোনো কোনো বিষয়ে তাঁকে আমার ক্ষমা করবার আছে। আমার এই অকৃত সাহসের মূলে ছিল আমার অপরিণীত গুণভেদ, মনে হতো, তাতে জীবনের আরো সাহায্য কর্তব্য। কল্পনা করা যেতে পারে এ থেকে আমার আর আমার প্রজন্ম বান্ধবীর মধ্যে কত বাদানুবাদের সৃষ্টি হতো; অবশ্য সব বাদানুবাদেরই মধুর অবসান হতো, প্রায়ই তাঁর শেষ বক্তব্য দাঁড়াতো—আমার বুদ্ধি হয়নি, আমাকে বহু ক্ষমা করা যেতে পারে।

কুমারী ফন ক্লেটেনবের্গের কোনো প্রস্তাব গ্যোটের উপরে পড়েছিল কিনা সে সম্বন্ধে সন্দেহ পোষণ করা বিচিত্র নয়, কেননা, গ্যোটের সাধারণ পরিচয় এই যে তিনি প্রকৃতিবাদী ও জীবনবাদী—মরমী বা ভক্ত মন। তবে তাঁর সঙ্গে পরিচয়স্থলে গ্যোটের আলকেমি-শাস্ত্রে প্রবেশলাভ ঘটে আর তাঁর এক ছুরারোগ্য উদরপীড়া আলকেমির প্রক্রিয়ার প্রস্তুত লবণে প্রাণমিত হয়।

এই সময়ে গট্টফ্রীড আর্নোলের 'চার্চ ও প্রতিবাদীদের নিরপেক্ষ ইতিহাস' বইখানি তাঁর হাতে পড়ে, এই বই পড়ে তিনি উপকৃত হন। এই গ্রন্থকার সম্বন্ধে তিনি লিখেছেন :

ইনি শুধু চিন্তাশীল ঐতিহাসিকই নন, ধার্মিক ও হৃদয়বানও বটে। এর মতের সঙ্গে আমার মতের খুব মিল হলো, আর সব চাইতে বেশী খুশী হলাম এই জ্ঞান যে এঁর লেখার অনেক বিদ্রোহী সম্বন্ধে অস্বাভাবিক মত পেলাম—এই সব বিদ্রোহীকে এতদিন জেমে এসেছিলাম উদ্ভাদ অথবা ধর্মহীন বলে।

প্রচলিত খৃষ্টধর্মে ভক্তিমূলক গ্যোটে কোনো দিনই ছিলেন না, বরং নিজেকে তিনি বারবার বলেছেন Pagan, প্রকৃতিপন্থী—মুসলমানী ভাষায় 'কাফের'। তবু 'ভক্তি'

‘বিখাস’ এলব বলতে কি বোঝায় তা তাঁর অজ্ঞাত ছিল না। এ সম্বন্ধে পল কেরাস ভিলহেল্ম মাইস্টার-এর ‘স্বপ্নের আত্মার আত্মপরিচয়’ থেকে এই অংশ উদ্ধৃত করেছেন :  
 একদিন সমস্ত অন্তর দিয়ে প্রার্থনা করলাম—“ভগবান, ভক্তি আমারে দাও।” আমার মনের তখন সেই অবস্থা—এমন অবস্থা কদাচিৎ ঘটে—যে অবস্থার প্রার্থনা ভগবান শোনেন। তখন আমার মনের যে ভাব হয়েছিল তার সাধ্য ছাড়া বর্ণনা করবে। যে ক্রমে বীজ আত্মদান করেছেন আমার অন্তরাত্মা প্রবলভাবে সেই ক্রমের দিকে আকৃষ্ট হলো। যিনি মানুষের স্তরে নেমে এসে ক্রমে প্রাণ দিয়েছেন আমার আত্মা তাঁর মৈকট্য অমুভব করলো। তখন বুঝলাম ধর্মবিখাসের কি অর্থ। ভীতি বিহীন কঠে বলে উঠলাম—হাঁ এইই ধর্ম-বিখাস বটে! এই সমস্ত ভাব ভাবার প্রকাশ করে’ বলবার নয়।†

তাঁর ধর্মবিখাস সম্পর্কে হিউম ব্রাউনের এই মন্তব্যটি স্মরণ :

তাঁর জীবনের প্রত্যেক স্তরেই মরমী-ভাবের অসদৃশ্যবৃত্তি, কিন্তু সেই মরমী-ভাব সংযমিত হতো তাঁর অতিপ্রবল বাস্তব-বোধের দ্বারা—এই কঠিন বাস্তবের ভিত্তির উপরে নির্মিত হবে তাঁর জীবন-সৌধ এই ছিল তাঁর অন্তরতম কামনা।

গোটের এই ধরণের ধর্মজীবনের উপরে কুমারী ফন ক্লেটেনবের্গের প্রভাব কিছুই যে ছিল না তা না বলাই সম্ভব। এই মরমী-ভাবের সঙ্গে সুলভত হয়েছিল এর কিছুকাল পরেই স্পিনোজা-দর্শন থেকে তিনি যে শিক্ষা পান সেইটি।

এই দীর্ঘ রোগ ভোগ গোটের জীবনে এক হিসাবে কল্যাণকর হয়েছিল। এ সম্বন্ধে তিনি বলেছেন :

আমি যেন নতুন মানুষ হয়ে উঠেছিলাম; আমার দীর্ঘ অসুস্থতা তখনো দূর হয়ে যায়নি, কিন্তু অন্তরে পূর্বের চাইতে অনেক বেশী আনন্দ অমুভব করছিলাম, অন্তর-প্রকৃতির একটা মুক্তিও অমুভব করছিলাম।

আর হিউম ব্রাউন বলেছেন :

রোগ-ভোগের পরে ফ্রাঙ্কফোর্ট থেকে লেখা চিঠিপত্রে গোটের জামবত্তা ও সংযম দুইই চোখে পড়ে—মানুষ ও অজ্ঞাত ব্যাপার সম্পর্কে হৃদয় ভীক্ত বাণী...এখন থেকে তাঁর লেখনীমুখে স্বতঃউৎসারিত হয়ে চললো।

আরোগ্যলাভের সঙ্গে সঙ্গে ফ্রাঙ্কফোর্ট তাঁর আর ভাল লাগছিল না। তাঁর অকৃতকার্যতার লজ্জা শিথার অসন্তোষ তাঁর গভীর অসন্তির কারণ হয়েছিল।

## তরুণ কবি

### স্ট্রীসবুর্গ

১৭১০ খৃষ্টাব্দে এপ্রিল মাসে গোটে স্ট্রীসবুর্গে গমন করেন সেখানকার বিশ্ব-বিদ্যালয়ে আইন অধ্যয়নের জন্ত। তাঁর পিতাও এই বিশ্ববিদ্যালয়ের ছাত্র ছিলেন। সেখানে তাঁর অবস্থিতিকাল প্রায় দেড় বৎসর। এই সময়ে তাঁর বয়স বিশ বৎসর। লুইস বলেন : তাঁর মতো আর একজন সুদর্শন যুবক হয়ত আর কখনো স্ট্রীসবুর্গে পদার্পণ করেন নি। প্রসিদ্ধি লাভের বহু পূর্বেই গ্রীকদেবতা আপোলোর ( Apollo ) সঙ্গে তাঁর সৌন্দর্যের কথা লগাই বলতো। কথিত আছে তিনি এক সময়ে এক ভোজন-গ্রহে প্রবেশ করলে সবাই কাঁটা চামচ রেখে তাঁর পানে চেয়ে থাকে। তাঁর অন্তস্ত নিখুঁৎ ছবি ও মূর্তিতেও তাঁর চেহারার সবচেয়ে লক্ষ্যযোগ্য অংশ কমই ফুটেছে, কেননা সেসবে তাঁর অঙ্গপ্রত্যঙ্গের গঠন কিছু ফুটেছে কিন্তু ফোটেনি সেসবের খেলা।

আত্মচরিতে গোটে স্ট্রীসবুর্গের বর্ণনার পঞ্চমুখ হয়েছেন। স্ট্রীসবুর্গের সুন্দর শহর, চারদিকের সুন্দর মাঠ—তার মাঝে মাঝে সুন্দর বন্যপাতি নিকুঞ্জ লোকালয় কুন্ড কুন্ড প্রোভভতী, আর সকলের উপরে চারদিকের গাঢ় সবুজ ত্রী—দীর্ঘ রোগ-ভোগের বন্দীদশার পরে কত ভাল লেগেছিল এসব এই তরুণ কবির চোখে তা সহজেই অনুমেয়। স্ট্রীসবুর্গের লোকেরা ভ্রমণবিলাসী। তাদের সাহচর্যে এখানকার বহু স্থান—পাহাড়, নদী, খনি, জঙ্গল—তিনি পরিদর্শন করেন। তাঁর খনিজ-বিভাষ আসক্তির সূচনা এখানে থেকে। আর মাঝে মাঝে বন্ধুদের সঙ্গে স্ট্রীসবুর্গের বিখ্যাত গির্জার হুউচ গ্যালারিতে বসে রাইন-মন্ড-পূর্ণ পাত্র হস্তে তিনি অন্তগামী স্বর্গকে অভিষাদন জানাতেন।

ব্যথির অস্থিতি তখনো তাঁর একেবারে চুকে যায়নি; খুব উচুতে উঠে নীচের দিকে তাকালে তাঁর মাথা ঘুরতো। এটি দূর করবার জন্তে তিনি গির্জার সব চাইতে উঁচু চূড়ার উঠে বসে থাকতেন। আর কাল্পনিক ভয় দূর করবার জন্তে গির্জা ও অভ্যন্ত নির্জন স্থানে ভ্রমণ করতেন। কদর্ঘ ও বীভৎস দৃশ্য তিনি সহ করতে পারতেন না। এজন্য তাঁর ডাক্তার-বন্ধুদের সঙ্গে শব-ব্যবচ্ছেদ দেখতেন।

স্ট্রীসবুর্গে গোটে বাস করতেন কয়েকজন চিকিৎসাবিদ্যার্থী সঙ্গে। এঁদের মধ্যে প্রধান ব্যক্তি ছিলেন ডক্টর জালৎসমান ( Salzman )—বয়স আটচল্লিশ বৎসর, অবিবাহিত, পোষাকের পরিচ্ছন্নতার নিখুঁত, সুশিক্ষিত ও সুবিক্র। এঁর কথা তিনি

তার আত্মচরিতে বর্ধিত প্রকার সঙ্গে উল্লেখ করেছেন। স্ট্রাসবুর্গে এসে প্রথমে তিনি চেষ্টা করেছিলেন কয়েকজন ‘ধর্মভীরু’ ব্যক্তির সঙ্গে মিশতে—কুমারী ক্লেটেনবের্গের স্মৃতি ভখনো তাঁর মনে প্রবল; কিন্তু ধর্মভীরুদের সঙ্গে তাঁর বিরক্তিকর হতে বেশী দিন লাগেনি। তাঁদের নিরানন্দ আগাপ তাঁর ক্ষুভিতরা প্রকৃতিতে সহীবে কেন। এঁদের পরিবর্তে ডক্টর জালৎসমানের সঙ্গেই তিনি বেশী কামা জ্ঞান করেন। তাঁর সন্ধকে তিনি বলেছেন : তিনি শাস্ত্রভাবে জগদ্ব্যাপার গ্রহণ করেন; তিনি বুঝেছেন যে আমরা এই জগতে এসেছি এই বিশেষ উদ্দেশ্যে যে আমাদের দ্বারা জগতের কাজ হবে, ধর্ম আমাদের এই কাজের হবার ব্যাপারে সাহায্য করতে পারে; তাঁর মতে, যিনি মানুষের বেশী কাজে লাগেন তিনিই শ্রেষ্ঠ।—এটি গোটের পরিণত বয়সের মত, কাজেই ডক্টর জালৎসমানকে গোটের একজন বড় গুরু জ্ঞান করা যেতে পারে। কিন্তু তাঁর চরিত্র-কাররা বলেন, এই ধরনের চিন্তার সঙ্গে এই বয়সেও গোটের অপরিসর ছিল না, কাজেই ডক্টর জালৎসমানের প্রভাবে তাঁর চিন্তাধারা আরো পরিচ্ছন্ন হয়েছিল এই বলা যায়।

এই দলে তাঁর আর দুইজন বন্ধু লাভ হয়। একজন ফ্রান্ৎস লের্সে (Franz Lersé) অপর জন যুঙ্-ষ্টিলিঙ্ (Jung-Stilling)। লের্সে-চরিত্রের সবলতায় তিনি মুগ্ধ হয়েছিলেন। তাঁকে তিনি অমর করেছেন তাঁর প্রথম বিখ্যাত নাটক ‘গোৎস্ ফন বেরলিংগেন’ (Gotz Von Berlichingen—দৌহপাণি গোৎস্) নাটকে। আর উত্তরকালে যুঙ্-ষ্টিলিঙের আত্মচরিত তিনি নিজের খরচে প্রকাশ করেন। যুঙ্-ষ্টিলিঙের জীবন বৈচিত্র্যপূর্ণ। প্রথমে তিনি কয়লা পোড়াতেন, তারপর হয়েছিলেন দাঁড়ি, তারপর স্কুলমাষ্টার, তারপর গৃহশিক্ষক ও শেষে এসেছিলেন স্ট্রাসবুর্গে ডাক্তারি পড়তে। ষ্টিলিঙ্ তীক্ষ্ণবী ও কর্মভৎপর ব্যক্তি ছিলেন, তার সঙ্গে মিশেছিল তাঁর অন্তরের একটি সহজ ভক্তির ভাব। সাক্ষা মানুষ চিরদিনই গোটের প্রিয়পাত্র ছিলেন তা তাঁদের মত-বিশ্বাস যাইই হোক। ষ্টিলিঙ্ ও গোটের ভালবাসার মর্বাদা বুঝতেন। তাঁর সন্ধকে তাঁর এই উক্তি বিখ্যাত :

গোটের মস্তিষ্ক যে অসাধারণ সে কথা সবাই জানতো, কিন্তু তাঁর হৃদয়ও যে তাঁর মস্তিষ্কের মতোই অসাধারণ একথা জানতো কম লোকই।

ব্যাপকভাবে জার্মান-সংস্কৃতি সন্ধকে চেতনা গোটের স্ট্রাসবুর্গ-বাসের এক বিশেষ কল। এই সময়ে লেসিঙ্ প্রমুখ জার্মানসাহিত্যরথী প্রবলপ্রভাপ করাসী সংস্কৃতির অপকৃষ্টতা প্রমাণে যেন দেহ-মন উৎসর্গ করেছিলেন। গোটে এ সন্ধকে এতদিন উদাসীন ছিলেন। কিন্তু স্ট্রাসবুর্গের বিখ্যাত গির্জা তার গঠনের বিরাট ও কাল-কার্বেয় মনোহারিষের দ্বারা তাঁর হৃদয়-মন আকর্ষণ করে। কতদিন যে এর গঠন-নৈপুণ্য তিনি ভ্রম ভ্রম করে’ দেখেন তার ইয়ত্তা নেই। শেষে এ সন্ধকে তিনি একটি



প্রবন্ধ লেখেন—সেটি বিখ্যাত। কিন্তু পরবর্তী জীবনে জার্মান-স্থাপত্যের মাহাত্ম্যকীর্তনে তিনি আর মনোযোগী হননি। আর বিশেষজ্ঞেরা বলেন, জার্মান-স্থাপত্যের উৎপত্তির মূলে ফরাসী প্রেরণা। মধ্যযুগের ধর্মভাবের প্রত্যেক এই গর্ভিক স্থাপত্য।

মাতৃভাষার গৌরবও তিনি এখন থেকে বিশেষভাবে উপলব্ধি করতে আরম্ভ করেন। তিনি ফরাসী ভালাই জানতেন ভবু তাঁর ফরাসী রচনা ও কথাবার্তা খাটি ফরাসীর কটাক্ষ থেকে রেহাই পেতো না। তিনি ও তাঁর ডাক্তার-বন্ধুরা ঠিক করলেন মাতৃভাষা জার্মান ভিন্ন তাঁরা আর কোনো ভাষায় কথাবার্তা বলবেন না। এর সঙ্গে সঙ্গে ফরাসী সাহিত্যের কৃত্রিমতার পরিবর্তে শেক্সপীয়ার ও ওশিয়ানের স্বাভাবিকতা তাঁকে বিশেষভাবে আকৃষ্ট করে।—এই যুগে ইয়োরোপের বিভিন্ন দেশে ওশিয়ানের খুব সমাদর হয়; কিন্তু বহু পরে প্রমাণিত হয়েছে এইসব কবিতা কৃত্রিম—খাটি প্রাচীন লোক-সাহিত্য নয়।

### হের্ডের

গ্যোটে এই নবদীকার শ্রেষ্ঠগুরু অত্যন্ত জার্মানসাহিত্যরসী হের্ডের (Herder) —ক্লোনার মন্ত্রশিষ্য। হের্ডেরের বয়স গ্যোটে চাইতে পাঁচ বৎসর বেশী ছিল, কিন্তু তাঁর সঙ্গে স্ট্রাসবুর্গে পরিচয় হলে গ্যোটে বুঝলেন, হের্ডের তাঁরই শ্রীর বিষয়সমূহে তাঁর চাইতে অনেক বেশী আগ্রহের। হের্ডের এসেছিলেন তাঁর চোখের চিকিৎসার জন্য। সমস্ত জীতকালটা তাঁকে ঘরে বসে কাটাতে হয়। গ্যোটে সকালে বিকালে তাঁর কাছে গিয়ে বসতেন ও উৎকর্ষ হয়ে তাঁর জ্ঞানগর্ভ কথাবার্তা শুনতেন। তিনি অনেকগুলো ভাষা জানতেন। সাধারণত কাব্য বিষয়েই আলাপ হতো। হের্ডের কাব্যে জাতীয় বৈশিষ্ট্যের পক্ষপাতী ছিলেন ও লোক-সাহিত্যের বিশেষ অহুসারী ছিলেন—এ সময়ে তিনি বিভিন্ন দেশের লোক-সঙ্গীত সংগ্রহ করছিলেন। গ্যোটে বলেছেন : হের্ডেরের কথা থেকে কাব্য সন্ধানে তাঁর নতুন ধারণা জন্মে; এতদিন তিনি মনে করতেন—কাব্য এক বিলাসের সামগ্রী, ব্যক্তির জীবনে এক অলঙ্কার, হের্ডের তাঁকে শেখালেন—কাব্য জাতীয় চেতনা থেকে উদ্ভূত, মানবতার সারকৃত্ত সামগ্রী, মানবজাতির আদিম ভাষা—the mother speech of the human race. এই কথাটি হের্ডেরের গুরুস্থানীয় হামান-এর; তিনি ফরাসী সাহিত্যের কৃত্রিমতার বীতশৃঙ্খল হয়ে ও ইংরেজী সাহিত্যের বাস্তবিকতায় মুগ্ধ হয়ে এই সিদ্ধান্তে উপনীত হন। অষ্টাদশ শতাব্দীর জার্মান ভাষায় ইংরেজি সাহিত্যের প্রভাব গভীর।

গ্যোটে মুক্তকণ্ঠে হের্ডেরের ঋণ স্বীকার করেছেন। গ্রীক সাহিত্য, হিব্রু সাহিত্য এসব সন্ধানেও নতুন নতুন জ্ঞান তিনি তাঁর কাছ থেকে লাভ করেন—অবশ্য সবই যে

নির্ভুল জ্ঞান তা নয়। হের্ডরের মেজাজ ছিল রুক্ষ; গ্যেটেকে তিনি মাঝে মাঝে বিক্রম করতেন ও ছাড়তেন না মুখ্যত তাঁর চপলতার জন্তে। একখানি চিঠিতে গ্যেটে হের্ডরকে লেখেন যে নিজের চপলতার মূল কারণ তিনি খুঁজে পেয়েছেন পিন্দারের (Pindar) এক কবিতা পড়ে—সেই কবিতায় বর্ণিত সেকালের বিজয়ী মল্লের গৌরব তিনি নিজের ভিতরে অনুভব করেছেন। গ্রীক-কবি পিন্দারের এই সব চরণ তাঁর পক্ষে উদ্ধৃত হয়েছে :

বুক ফুলিয়ে দাঁড়িয়েছ তোমার রথে,—  
চার ভেজীয়ান ঘোড়া উদ্দাম ভঙ্গিতে টানছে তোমার রথ,  
তুমি নিয়ন্ত্রিত করছ তাদের গতিবেগ,  
যেটি বেশী এগোতে চাচ্ছে কশ্ছো তার লাগাম,  
যেটি পিছিয়ে পড়ছে মারছ তারক চাবুক,  
ছুটিয়েছ তাদের,  
চালাচ্ছ তাদের,  
কেরাচ্ছ তাদের যেদিকে খুশী,  
হান্ছে চাবুক,  
এই কশ্ছো লাগাম,  
এই ছুটিয়েছ উদ্দাম বেগে,  
যোলো পা উচু করে' ছুটছে তারা তোমাকে নিয়ে,  
ছন্দ রেখে,  
তোমার লক্ষ্যে—  
এরই নাম কর্তব্য।

গ্যেটের প্রতিভার কোনো পরিচয় হের্ডরের চোখে পড়ে নি। তবু তাঁর কাছ থেকে জ্ঞান আহরণে এতটুকু শিথিলতা তাঁতে দেখা দেয় নি। হের্ডরের কৃতজ্ঞতা-বোমের অভাব সন্দেহে তিনি আশ্চর্যিতে যে মন্তব্য করেছেন তা অপূর্ব। হের্ডরের স্ট্রাসবুর্গ ত্যাগ করে' যাবার কালে গ্যেটে ঋণ করে' তাঁকে কিছু অর্থ দেন। কিন্তু নির্দিষ্ট দিনের মধ্যে হের্ডরের কোনো সাড়াশব্দ পাওয়া গেল না। গ্যেটে কিছু ব্যস্ত হলেন। অবশেষে অর্থ ও পত্র দুই-ই এলো কিন্তু ধন্যবাদ অথবা ক্রটি স্বীকারের পরিবর্তে এলো ছন্দোবদ্ধ বিক্রম। গ্যেটে বলেছেন, আর কেউ হলে এতে না চটলেও হতভম্ব হতো কিন্তু হের্ডর সন্দেহে তাঁর এত উচু ধারণা জন্মেছিল যে তাঁর মনে কোন দাগ কাটলো না। তাঁর মন্তব্যটি এই :

আমি সাধারণত অকৃতজ্ঞতা, কৃতঘ্নতা ও কৃতজ্ঞতা জ্ঞাপনে অনিচ্ছা, বিভিন্ন করে' দেখি। এর প্রথমটি মানুষের প্রকৃতিগত; জীবনে বা বিসদৃশ ও বা

মধুর সবই সহজভাবে বিশ্বত হবার প্রয়োজন থেকে এর উদ্ভব—নইলে জীবন দুর্বল হতো। একটি সাধারণ জীবন যাপনের জন্তও অতীত ও বর্তমানের এত বেশী সহায়তার প্রয়োজন যে সেজন্ত লোকে যদি স্বর্ষ ও পৃথিবী, ঈশ্বর ও প্রকৃতি, পূর্বপুরুষ ও জনক-জননী, বন্ধু ও সঙ্গী, সবার প্রাপ্য কৃতজ্ঞতা অল্পক্ষণ জ্ঞাপন করতো তবে নূতন নূতন দান গ্রহণ কল্পবার অবসর ও আনন্দ তাদের জন্ত দুর্লভ হতো। কিন্তু এই স্বভাবত-বিশ্বতিপারায়ণ মানুষেরই আস্তে আস্তে খ্রীতিহীন ঔদাসীন্যের দিকে প্রবণতা জন্মে, শেষে উপকারীকে মনে হয় নিঃসম্পর্ক—যার ক্ষতি আমাদের জন্ত আদৌ গণনার বস্তু নয় যদি তাতে আমাদের নিজেদের লাভ হয়। এই-ই সত্যাকার কৃতজ্ঞতা, অল্পভূতিহীন বর্বরতা থেকে এর উৎপত্তি—আর এই বর্বরতাই অমার্জিত প্রকৃতির শেষ আশ্রয়। কিন্তু কৃতজ্ঞতা জ্ঞাপনে অনিচ্ছা—উপকারের পরিবর্তে বদমেজাজ—এ কদাচিৎ চোখে পড়ে। খুব উচু-দরের লোকদের মধ্যেই এটি ঘটে। প্রকৃতিদত্ত মহৎ প্রতিভার তাঁরা অধিকারী, সে-বিষয়ে তাঁরা সচেতন, অথচ জন্ম হয়েছে সমাজের নিয়ন্ত্রণে অথবা অসহায়তার মধ্যে, তাই নবযৌবন থেকে আগ্রাণ চেষ্টায় ধাপে ধাপে তাঁদের উঠতে হয়; এই প্রত্যেক ধাপে যে সাহায্য ও আলম্বন তাঁরা পান দাতাদের অল্পভূতির স্থূলত্বের জন্ত অনেক সময়ে সে-সব হয়ে যায় বিবাদ ও বিভ্রমাজনক, কেননা তাঁরা যা পান তা পার্থিব, আর যা দেন তা উচ্চতর মর্যাদার, কাজেই যাকে বলা যেতে পারে ক্ষতিগ্রহণ তাই-ই ত' তাঁদের বেলায় জোটে না।

### নৃত্যশিক্ষা

হের্ডরের প্রভাবে শেক্সস্পীর-খ্রীতিও গ্যোটে'র ভিতরে প্রবল হয়। লাইপ্সিগেই তিনি ভীলাগের আখ্যান অল্পবাদ ও মূল শেক্সস্পীর পড়েছিলেন। এই সময়ে বন্ধুত্বহলে শেক্সস্পীর সম্বন্ধে তিনি এক উজ্জ্বলিত বক্তৃতা দেন :

তাঁর রচনার এক পৃষ্ঠা পড়েই আমি যেন তাঁর কেনা হয়ে গেলাম; আর যখন একটি নাটক পড়ে ফেললাম তখন মনে হলো জন্মাক আমি হঠাৎ যেন কার করম্পর্শে মুহূর্তে পেলাম দৃষ্টিশক্তি। প্রাচীন (গ্রীক) আদর্শের নাটক বিসর্জন দিতে আমার বিধমাত্র হলো না, স্থানের একত্ব মনে হলো যেন কারাগার, ঘটনা ও সময়ের একত্ব মনে হলো কল্পনার পায়ে অনাবশ্যক নিগড়া—আমি যেন উন্মুক্তক্ষেত্রে ছাড়া পেয়ে প্রথম অল্পভব করলাম আমার হাত পা আছে।

অত্যন্ত বিষয়েও, বিশেষত বৈজ্ঞানিক বিষয়ে, তাঁর পড়াশুনা খুব হচ্ছিল। এখানেই তিনি বিখ্যাত বৈজ্ঞানিক ও সর্বত্রঈবাদী ( Pantheist ) ব্রুনো-র ( Bruno ) রচনার সঙ্গে পরিচিত হন। কিন্তু স্ট্রাসবুর্গে শুধু পড়াশুনা নিয়েই তিনি যশস্তল থাকেন নি। তিনি খুব বেড়াতে, সে কথা বলা হয়েছে। এর উপর ডক্টর জালৎস্‌মান তাঁকে অনেক ভ্রমপরিবারে পরিচিত করান। তাঁর নির্দেশ-মতো ভ্রমসমাজে সহজে মেলামেশার জন্যে তিনি তাস খেলার কিছু বেশী মন দেন। পোষাক-পরিচ্ছদের দিকেও তাঁকে যথেষ্ট দৃষ্টি রাখতে হতো। কিন্তু এই সম্পর্কে যে কাজটি তাঁর সব চাইতে আগ্রহ ছিল সেটি হচ্ছে স্ট্রাসবুর্গের কেশ-প্রসাধকের নির্দেশ মতো কেশ প্রসাধনে রাজি হওয়া। তাঁর মাথার চুল স্বভাবত স্নন্দর ছিল। তবু এই নতুন পরিবেশে তাঁকে পরচূলা ব্যবহার করতে হতো; আর যাতে সেই পরচূলা স্থানভ্রষ্ট না হয় সেজন্য অত্যন্ত সংযত হয়ে চলাফেরা ওঠাবলা করতে হতো।

নৃত্যে আগে থাকতেই তিনি অভ্যস্ত হয়েছিলেন। কিন্তু তাতে সন্তুষ্ট না হয়ে একজন ফরাসী শিক্ষকের কাছে তিনি নৃত্য শিক্ষা করতে আরম্ভ করেন। স্ট্রাসবুর্গের এই নৃত্যশিক্ষা তাঁর জীবনে একটি স্মরণীয় ঘটনা : এই নৃত্যশিক্ষার ব্যপদেশে সেই নৃত্যশিক্ষকের দুই কন্যার সঙ্গে তাঁর পরিচয় হয়, পরিচয় ক্রমে প্রেমে ও বিবাহময় বিচ্ছেদে পরিসমাপ্ত হয়।

নৃত্যশিক্ষকের দুই কন্যা লুসিন্দা ( Lucinda ) ও এমিলিয়া-র ( Emilia ) সঙ্গে তিনি নাচতেন ও অনেক সময়ে গল্প করতেন। এমিলিয়া ছিলেন অপর একজনের প্রতি অমুরাগিণী—তিনি গ্যোটার সঙ্গে দূরত্ব রেখে চলতেন। কিন্তু এমিলিয়ার চলাফেরা হাবভাবই ছিল গ্যোটার চোখে বেশী মাধুর্যপূর্ণ। একদিন এক মেয়ে গণৎকারের মুখে এমিলিয়া শুনলেন তাঁর প্রণয়ীর সঙ্গে মিলনের আর বেশী দেরী নেই, কিন্তু লুসিন্দা সশঙ্কে জানা গেল, তিনি যাকে ভালবাসেন তিনি তাঁর থেকে দূরে, অপর এক নারী তাঁর প্রণয়ীর নিকটবর্তিনী। এতে লুসিন্দা মর্মাহত হলেন। ক্রমে গ্যোটে সব কথা পরিষ্কার ভাবে জানতে পারলেন; এমিলিয়া তাঁকে সব জানালেন—বলেন, তাঁর নিজের চিন্তাও দোহল্যমান, তাঁদের গৃহভাগ করে' বাওয়া গ্যোটার উচিত। বিদায়সম্ভাষণ স্বরূপ এমিলিয়া যখন কবিকে প্রথম ও শেষ চুষন দান করছিলেন তখন পাশের দরজা খুলে গেল, আর লুসিন্দা হালকা স্নহৃদ্য নৈশ পোষাকে সহসা আবির্ভূত হয়ে বললেন—“শুধু তুমিই তার কাছ থেকে বিদায় নেবে না।” কবি তাঁর আশ্চর্যিতে লিখছেন :

এমিলিয়া আমাকে ছেড়ে দিলেন, আর লুসিন্দা আমাকে আকর্ষণ করে'  
আমার বুকে ঝাঁপিয়ে পড়লেন—তাঁর কালো চুল আমার গণ্ড স্পর্শ করলো,  
এমনিভাবে তাঁর কিছুকণ কাটলো—একটু আগে এমিলিয়া যে ভবিষ্যৎবাণী  
করেছিলেন দুই বোনকে নিয়ে তেমনি উভয় সংকট আমার সামনে দেখা

দিল। 'লুসিন্দা আমাকে ছেড়ে দিয়ে আবেগভরা দৃষ্টিতে আমার মুখের পানে চাইলেন। তাঁর হাতখানি হাতে নিয়ে ছুই একটি সমবেদনার কথা বলতে চাচ্ছিলাম, কিন্তু তিনি আমার দিকে পিঠ ফিরিয়ে সামনে খানিকক্ষণ পাশ্চাৎ করে' সোফার এক কোণে বসে' পড়লেন।

শেষবার গ্যোটার ওষ্ঠাধরে গাঢ় চুষনরেখা অঙ্কিত করে' লুসিন্দা বললেন :

এইবার আমার শাপের কথা মনে রেখো। চিরহুঃখ তার যে আমার পরে প্রথম এই ওষ্ঠাধর চুষন করবে।

### ক্রীতেত্নিকতা

গোল্ডস্মিথের The Vicar of Wakefield বইখানির সন্ধান গ্যোটে হের্ডের কাছ থেকে পান। এই বইখানির উচ্চ প্রশংসা তিনি তাঁর আত্মচরিতে করেছেন। এই বয়সে কাব্য-বিচারে তিনি খুব ভাবোচ্ছ্বাসের পরিচয় দিচ্ছেন। কিন্তু হের্ড ছিলেন কঠোর সমালোচক, তিনি কঠোর মন্তব্যে তাঁকে লংঘন করতে চেষ্টা করতেন। গ্যোটে বলেছেন :

হের্ডের তিরস্কার আমাকে আদৌ বিচলিত করতে পারেনি, তার কারণ, তরুণদের প্রকৃতিই এই বা তাদের মনে দাগ কেটেছে তাঁর প্রভাব তাদের মধ্যে প্রবল হতে না দিয়ে তারা পারেই না—এর ফল অবশ্য ভাল মন্দ দুইই হয়। উপরিউক্ত বইখানি আমার মনের উপরে এক জোরালো ছাপ রেখে গিয়েছিল, তার কারণ নির্ণয় আমার পক্ষে অসাধ্য; কিন্তু অমূল্যব করছিলাম এর বক্তৃৎপাতক মনোভাবের সঙ্গে আমার মনোভাবের সঙ্গতি—এই বিজ্ঞপাতক মনোভাবের অধিষ্ঠান সৌভাগ্য-দুর্ভাগ্য ভাল মন্দ জীবন-মৃত্যু প্রত্যেক ব্যাপারের উদ্দেশ্য, এবং এই ভাবেই এর প্রবেশলাভ হয় প্রকৃত কাব্য-জগতে।

এই বইখানির যে কাল্পনিক জগৎ তদনুরূপ একটি বাস্তব জগতের সঙ্গে অনতি-বিলম্বে তাঁর পরিচয় হয়, আর হয়ত তাতেই তার মাধুর্য তাঁর চোখে অনেকগুলি বেড়ে গিয়েছিল।

স্ট্রাসবুর্গ থেকে প্রায় বোলো বাইল দূরে জেসেনহাইম-এ (Sesenheim) এক বালক-পরিবার বাস করতেন, তাঁদের অমায়িকতা ও আতিথেয়তার কথা তিনি তাঁর অনৈক সঙ্গীর মুখে অবগত হন। সঙ্গীটি এই পরিবারের সঙ্গে পরিচিত ছিলেন। তিনি ছদ্মবেশপ্রিয় গ্যোটকে এক গরীব ধর্মবিজ্ঞানের ছাত্রের বেশে সেখানে নিয়ে বান। পরিবারের কর্তা, গৃহিণী, দুই নবীনা কন্যা, পুত্র—সব মিলে সহজেই ওয়েকফিল্ডের

রাজক-পরিবারের সঙ্গে এর সৌসাদৃশ্য গ্যেটের চোখে পড়ে। কনিষ্ঠা ফ্রীডেরিকার (Friederike) মাধুর্য অল্পকণেই তাঁর চিত্ত আকৃষ্ট করে। তখন এই তরুণীর সামনে নিজের দীন ছদ্মবেশে তিনি অভিশয় কুণ্ঠা বোধ করেন। কোনো রকমে রাত কাটিয়ে খুব ভোরে বেরিয়ে গিয়ে এই অবাহিত ছদ্মবেশ বদলে আসেন। তাঁর অমায়িক ব্যবহার, কণ্ঠোপকণনের ছটা, হাসি-উল্লাস, সহজেই তাঁকে সেখানকার সকলের প্রিয় করে তোলে।

ফ্রীডেরিকার স্মৃতি গ্যেটে আত্মচরিতে একান্ত হৃদয়গ্রাহী করে' অঙ্কিত করেছেন। ফ্রীডেরিকার বয়স এ সময়ে ষোলো বৎসর। তাঁর সঙ্গে গ্যেটের প্রথম সাক্ষাৎকার, ফ্রীডেরিকার অকুণ্ঠিত মধুর আলাপ, খোলা জায়গায় জ্যোৎস্না-আলোকিত আকাশের নীচে তাঁর গ্রাম্য গান, তাঁর প্রভুত্বপন্নমতিত্ব, চলাফেরার প্রাণবন্ততার সৌন্দর্য—সবই নিরতিশয় নিপুণতার সঙ্গে আত্মচরিতে অঙ্কিত হয়েছে :

কোনো কোনো নারীকে সুন্দর দেখায় বরের ভিতরে, কাউকে খোলা জায়গায়। ফ্রীডেরিকা ছিলেন শেষোক্ত শ্রেণীর। তাঁর স্বভাব, তাঁর দেহসৌষ্ঠব অপূর্ব সুন্দর মনে হতো যখন তিনি কোনো উচু পথ ধরে' চলতেন। তাঁর গতির সৌন্দর্যের সঙ্গে প্রতিযোগিতা চলতো ফুলেভরা ধরণীর আর তাঁর চিরপ্রফুল্ল মুখের সঙ্গে প্রতিযোগিতা চলতো নীল আকাশের। সব চাইতে নির্মল আনন্দ আমরা উপভোগ করি যখন দেখি যিনি আমাদের ভালবাসার পাত্রী অপরোপ তাঁকে দেখে খুশী। সামাজিক মেলামেশায় ফ্রীডেরিকার ব্যবহারে সবাই আপ্যায়িত হতেন। বেড়াবার সময়ে তিনি যেন ক্ষুণ্ণভাবে ছই পাখা মেলে ভেসে বেড়াতেন, যেখানে যেটুকু ফ্রিট চোখে পড়তো মুহূর্তে তা সংশোধন করে' নিতেন।...সব চাইতে সুন্দর ছিল তাঁর দৌড়। হরিণ যেমন তার স্বভাব প্রকাশ করে যখন নতুন শস্তক্ষেতের উপর দিয়ে হালকা পায়ে ছোটো, ফ্রীডেরিকার স্বভাবও তেমনি নিজেকে অতি সহজ ভঙ্গিতে প্রকাশ করতো যখন ফেলে-আসা-কিছু নিয়ে আসতে, হারানো-কিছু খুঁজতে, বীরা পেছিয়ে পড়েছেন তাঁদের ডেকে আনতে, অথবা দরকারী-কিছুর ব্যবস্থা করতে তিনি ময়দান ও চষামাঠের উপর দিয়ে লঘুপায়ে দৌড়াতেন।

লুসিন্দার শাপ সব সময় গ্যেটের মনে থাকতো। তাই যে সব খেলায় হার বা জিতের ফলে চূষন প্রদানের রীতি আছে (game of forfeits) সেসব তিনি এমন ভাবে খেলতেন যাতে ফ্রীডেরিকাকে চূষন করতে না হয়। তাঁর এই সংযমের জন্য ফ্রীডেরিকার পিতামাতার কাছে তাঁর মর্যাদা বৃদ্ধি পায়, ফ্রীডেরিকার সঙ্গেও তিনি যথেষ্ট পান। কিন্তু এক উৎসবের দিনে তাঁদের ক্ষুণ্ণতার মাত্রা অত্যন্ত বেড়ে যায়; সেদিন

কেজেনহাইমের সমস্ত অভ্যাগতই অপরিচীত ক্ষুধিত রত হন। সেদিন ফ্রীডেরিকার মাধুর্য ও গ্যোটের চোখে বহু গুণ বৃদ্ধি পায়। এই অবস্থায় লুসিন্দার শাপের স্বাভাবিক অতলে তলিয়ে যায় আর খেলার সময়ে ফ্রীডেরিকাকে বারবার তিনি চুষন করেন।

কিছুক্ষণ নিদ্রা দেবার পর শেষ রাত্রে সব কথা তাঁর মনে পড়ে। ফ্রীডেরিকার অভ্যস্ত অকল্যাণ করা হয়েছে ভেবে তিনি যার-পর-নাই মর্মপীড়া ভোগ করেন। কিন্তু শেষ পর্যন্ত ফ্রীডেরিকার মাধুর্য ও তাঁর সঙ্গে তাঁর ভালবাসার সামনে এ হৃদয়স্থিত বাধা লুকোতে বাধ্য হয়।

গ্যোটের প্রেমপাত্রীদের কারো চিত্রই এত মোহন রঙে রঞ্জিত হয় নি। ফ্রীডেরিকার জন্মস্থান কেজেনহাইম জার্মান-সাহিত্য-রসিকদের তীর্থস্থানে পরিণত হয়েছে। কেন গ্যোটে তাঁকে বিবাহ করেন নি এ অভিযোগ তাঁর আত্মচরিতের অনেক পাঠকই তাঁর বিরুদ্ধে আনয়ন করেছেন। এ সম্বন্ধে তাঁর চরিতকারদের মোটের উপর অভিমত এই যে ধনী ও মানীর পুত্র গ্যোটের সঙ্গে গ্রাম্য রাজকের কস্তার বিবাহ বাস্তবিকই অসম্ভব ছিল; তাঁর পিতা যে এ বিবাহে রাজি হবেন পরে ভেবে চিন্তে এমন কোনো সম্ভবনাই তিনি দেখেন নি।—হয়ত এ অসুখান মিত্যা নয়। গ্যোটে নিজেকে এর কোনো কারণ নির্দেশ করতে পারেন নি। কিন্তু নিজেকে এজ্ঞ তিনি ক্ষমাও করেন নি। এর পরে আমরা দেখবো পর পর কয়েকখানি নাটকে তিনি অবিবাহিত প্রেমিকের ছবি এঁকে চলেছেন এবং তাদের কশাঘাত করছেন।—অথবা এও হতে পারে যে তাঁর প্রেম ও অবদান-প্রিয় প্রকৃতি একই সঙ্গে প্রেমের অমৃত আর বিচ্ছেদের হলাহল পান করবার তাগিদ অনুভব করেছিল।

ফ্রীডেরিকার স্বাভাবিক গ্যোটে বৃদ্ধবয়সেও পরম আন্তরিকার সঙ্গে বহন করতেন। লুইস বলেছেন :

যে সেক্রেটারি এই কাহিনী তাঁর মুখ থেকে শুনে লিখেছিলেন তিনি আজো (১৮৫৫ খৃষ্টাব্দে) জীবিত আছেন; তাঁর পরিষ্কার মনে আছে এই সব স্বাভাবিক গ্যোটের মনে উদ্ভিত হলে তাঁর চিত্ত কত ভারাক্রান্ত হয়ে পড়েছিল। দুই হাত পেছনে রেখে ঘরের ভিতরে পায়চারি করতে করতে তিনি বারবার থেমে দাঁড়াতে, বলা কিছুক্ষণের জন্ত বন্ধ হতো, কিছুক্ষণ নিস্তক থেকে এক গভীর নিশ্বাস ত্যাগ করে' মৃদুস্বরে পুনরায় আরম্ভ করতেন।

ফ্রীডেরিকার কাছ থেকে শেষ বিদায়ের ছবিটি তাঁর 'বরণ ও বিদায়' কবিতায় অমরতা লাভ করেছে। গীতি-কবি হিসাবে বিশ্বসাহিত্যে গ্যোটের অতি উচ্চ আসন—এই কবিতায় পড়েছে তাঁর সেই প্রতিভার প্রথম ছাপ। কবিতাটির শেষ দুটি স্তবক এই :

দেখলাম তোমাকে, তোমার প্রাণ নয়ন  
আমার অন্তরে জাগালো করুণ গর্ব ;  
তোমার বৃকের ছলে চলছিল আমার বৃক,  
তোমার নিখাসে নিখাসে চলছিল আমার নিখাস ।  
বসন্তের যত রঙ  
ফুটেছিল তোমার মুখে ;  
বক্ষে তোমার জমেছিল প্রেম—  
আমারই জন্ত, কিন্তু ভাগ্যহীন আমি ওগো দেবকুল ॥

এত শীগগির ফুরিয়ে গেল রাত !  
বিচ্ছেদের ক্ষণ হানছে কঠিন আঘাত ।  
কী অমৃত তোমার চুষনে !  
কী বেদনা তোমার নয়নে !  
গেলাম ধীরে চলে, তুমি রইলে দাঁড়িয়ে—নতমুখী,  
দেখলে মুখ তুলে—অশ্রু-ছাওয়া তোমার দুই চোখ :  
ভালবাসা প ওয়া—সে কী স্বর্গ !  
ভালবাসা, ওগো দেবকুল, সে কী সুখ !

ব্রাণ্ডেন বলেন :

গোটের জীবন ও প্রতিভার উপরে ফ্রীডেরিকার প্রভাব অসামান্য ; এই  
প্রেম তাঁর জীবনে এনে দিল বসন্তের ঐশ্বর্য । প্রেমকে তিনি প্রত্যক্ষ  
করলেন ফ্রীডেরিকার অন্তরে ; এই ফ্রীডেরিকাই রূপ পেয়েছে তাঁর বহু  
নাট্যিকার মধ্যে, আর শেষে সে চরম পরিণতি লাভ করেছে ফাউস্টের  
মার্গারেটে বা গ্রেট্‌থেনে ।

### গৃহে প্রত্যাবর্তন

১৭৭১ খৃষ্টাব্দের আগষ্ট মাসে গোটে স্ট্রাসবুর্গ থেকে ফ্রাঙ্কফোর্টে প্রত্যাবর্তন  
করেন । পথে মানহাইম-এ এই তিনি প্রথম লাওকোওন, আশোলো বেলভেডিয়ার,  
মেডিসি-র ভেনাস, প্রভৃতি প্রাচীন ভাস্কর্যের নিদর্শন প্রত্যক্ষ করে' পরম পুলকিত হন ।  
মাইনৎস্-এর মেলায় এক বালক-যন্ত্রী তার বাজনার দ্বারা তাঁকে মুগ্ধ করে । মেলা  
শেষ হয়ে আসছিল দেখে তিনি তাকে ফ্রাঙ্কফোর্টে আহ্বান করেন ও তার থাকবার  
জায়গা দেবেন ও আরো স্মৃতি করে' দেবার চেষ্টা করবেন এই ভরসা দেন ।



পুত্রের এই খেলায় মাতা বিব্রত হয়ে পড়লেন। মানী গ্যোটে ভবনে থেকে এই ছোকরা মদের আড্ডায় বাজিয়ে বাজিয়ে পরসা রোজগার করবে এ যে বর্ষায়ান-গ্যোটের চোখে কত বিসদৃশ ঠেকবে সহজেই তা তিনি বুঝলেন। যাহোক অচিরে পাড়ায় এর থাকবার ও খাবার বন্দোবস্ত তিনি করে দিলেন।

পিতা কৃতী পুত্রকে এবার সমাদরে গ্রহণ করলেন। আইন সম্বন্ধে তাঁর লাভিন ভাষায় লিখিত গবেষণা বিশ্ববিদ্যালয়ের কতৃপক্ষ প্রকাশ করেন নি দেখে তিনি দুঃস্থ হলেন। (বিশ্ববিদ্যালয়ে গ্যোটের গবেষণা নাকি প্রথমে গৃহীত হয় না খৃষ্টধর্মাবরোধী ভাবের জন্ত)। তিনি সংকল্প করেন ভবিষ্যতে নিজেই এটি প্রকাশ করবেন; এতে তাঁর পুত্রের বশ অনেক বাড়বে এ ভরসা তাঁর ছিল। পুত্রের সাহিত্য-চর্চায়ও এবার তিনি আনন্দ প্রকাশ করতে কুণ্ঠিত হলেন না। তরুণ ডক্টর গ্যোটে তাঁর আইন-ব্যবসায় যথেষ্ট আগ্রহ দেখালেন—যদিও প্রথম সাত মাসে মাত্র ছ’টি মোকদমা তাঁর হাতে পড়েছিল। কিছুদিন পরে অবশ্য বেশী মোকদমা তিনি পান।

১৭৭১ খৃষ্টাব্দের আগষ্ট থেকে ১৭৭৫ খৃষ্টাব্দের নভেম্বর পর্যন্ত এই চার বৎসর দুই মাস গ্যোটের ফ্রাঙ্কফোর্টে কাটে-এর মধ্যে কয়েক সপ্তাহ তিনি ডার্মস্টাট ও ভেৎসলার-এ যাপন করেন। কিন্তু তাঁর সাহিত্যিক জীবনে এর চাইতে সৃষ্টিবহুল কাল আর কখনো আসে নি, হয়ত বিশ্বের কোনো সাহিত্যিকের জীবনেই আসে নি। এই সময়ে তাঁর ‘গ্যাংস্ ফন্ বোলিখিলন’ নাটক ও ‘তরুণ ভের্টরের দুঃখ’ পত্রোপস্তাস প্রকাশিত হয়—শুধু জার্মান সাহিত্য নয় সমগ্র ইয়োরোপের সাহিত্য এই দুই গ্রন্থের দ্বারা প্রভাবিত হয়েছে। ‘প্রমেথিউস’ ‘গানিমেডে’ ‘পঞ্চচারী’ ‘মোহনদের গান’—তাঁর এইসব বিখ্যাত খণ্ডকাব্যও এইকালে রচিত হয়; আর তাঁর ‘ফাউসটে’র অনেকগুলো দৃশ্যও এই সময়ে তিনি লেখেন—ফাউসট, মেক্সিসটোফিলিস, ভাগনার, গ্রেটখেন, প্রভৃতি চরিত্র এই সময়ে তাঁর হাতে রূপ লাভ করে। ব্রাণ্ডেল বলেন :

ইয়োরোপের সর্বশ্রেষ্ঠ সাহিত্যিক সৃষ্টি, যথা, একিলিস, ইউলিসিস, ডান কুইক্সোট, হ্যামলেট, ফল্‌স্টাফ্ ইত্যাদি, এ সবার সমমর্যাদা গ্যোটের এই সব চরিত্রের; ছাব্বিশ বৎসর বয়সে ইয়োরোপের সর্বশ্রেষ্ঠ কবিদের মানসিক সমুন্নতি তাঁর লাভ হয়েছিল।

এই সৃষ্টিকালে গ্যোটের চিন্তা নানা ভাব-ভরজে মহা আন্দোলিত হয়েছিল—তাঁর এই সময়কার চিঠিপত্রে রয়েছে তার বিশেষ পরিচয়। অপরিমিত আশা ও বিশ্বাস আর নিরতিশয় নৈরাশ্র—যার দ্বারা ভাঙিত হয়ে আত্মহত্যার কথাও তিনি মাঝে মাঝে ভেবেছেন—অদ্বুত দাক্ষিণ্য ও অদ্বুত বজ্রকটাক্ষ, সব মিলে তাঁর চরিত্রকে করে তুলেছিল হুজের। কিন্তু তাঁর অশাধারণত্বও সবারই চোখে পড়তো।

## ঝড়-ঝাপটা যুগ

গ্যোটে'র তরুণ্যের এমনতর অভিব্যক্তি হয়েছিল এই সময়ের গুণেও। রুসোর স্বাভাবিক-বাদ ও হৃদয়তাপ অনাবৃত করবার শিক্ষা, ইংরেজ-সাহিত্যিক স্টার্নের (Storne) অত্যধিক বাস্তবপ্রিয়তা, এই সময়ের লোকদের জন্য এক বিষম ভাবান্তর-শয্যের আবেষ্টন সৃষ্টি করেছিল। সহজ কথাবার্তা চালচলন ভাবভঙ্গি এই যুগের তরুণ-তরুণীদের জন্য হয়েছিল নিত্যান্ত অবাঞ্ছিত। জার্মান সাহিত্যের এই Sturm und Drang (Storm and Stress—ঝড়-ঝাপটা) যুগ সম্পর্কে লুইস বলেন :

প্রকৃতি প্রকৃতি বলে' চাৎকার চলেছিল। তরুণ-তরুণীদের জন্য এই প্রকৃতি হয়েছিল অগ্নি-উচ্ছাস ও চাঁদের ক্ষোভের মিশ্রণ—তার শক্তি উচ্ছ্বাসে, সৌন্দর্য ভাবালুতায়। কিছু না মানা আর ভাববিলাসী হৃদয়, উচ্ছ্বাসে ফেটে পড়া তেমনি কল্পনায় ফেটে পড়া—এইসব হয়েছিল প্রতিভার অপ্রাস্ত লক্ষণ।

কিন্তু এসবকে ব্রাণ্ডেন্সের উক্তি বৈশী অর্থপূর্ণ :

সেদিনের বিশাল কৃত্রিমতার মধ্যে তরুণ-সমাজ হৃদয়-ধর্মের সন্ধান করছিল...যতই মানুষ দেখছিল তারা সমাজ রাষ্ট্র পৌরসভা এসবের নগণ্য অংশ মাত্র ততই তারা আঁকড়ে ধরেছিল এই চিন্তা যে তারা প্রকৃতির বিশ্বজগতের অংশ—অনন্ত প্রাণের মধ্যে এক প্রাণশূলিন্দ,...যুগে যুগে মানুষ স্বাধীনতার সীমাননির্দেশক যেসব বিধি-বিধান তৈরি করেছে তা নিছক অন্যায ও অধর্ম; বাইরের কোনো নিয়ম-কাহন নয় অন্তরের প্রতিভাই মানুষের পথ-নির্দেশক,...আর সেই প্রতিভার বাইরে সত্যের প্রকাশ হয়েছে বিশ্বপ্রকৃতিতে, স্তব্ধ প্রকৃতিও অনুকরণীয়।

সমাজের অপেক্ষাকৃত নিম্নশ্রেণীর তরুণরাই এই “ঝড়-ঝাপটা” আন্দোলনের নায়ক হয়েছিল। ১৭৭৮ খৃষ্টাব্দে প্রকাশিত ফ্রীডরিখ মাক্সিমিলিয়ান ফন ক্লিঙ্গার-এর (১৭৫২—১৮৩১) বহুলপ্রশংসিত Sturm und Drang নাটক থেকে এর নাম-করণ হয়। এই নাটকখানির প্রকৃত সাহিত্যিক মূল্য অবশ্য নগণ্য, কিন্তু এর লেখকের ব্যক্তিত্ব ও জীবন অর্থপূর্ণ। তাঁর জন্ম ফ্রাঙ্কফোর্টের এক দরিদ্র পরিবারে। বাল্যজীবনের দুঃখ ও নির্ধাতন তাঁকে কবেছিল বিদ্রোহী। রুসো ছিলেন তাঁর একমাত্র গুরু—তাঁর ‘এমিল’ তাঁর বাইবেল। তাঁতে একদিকে যেমন ছিল দৃঢ়তা, স্বাধীনতা-বোধ, বিনয়, অসাধারণ স্মরণশক্তি, ভাষা-জ্ঞান, অন্যদিকে তেমনি ছিল আহারে-বিহারে চূড়ান্ত অমিতাচার। গণতন্ত্রের দেশ আমেরিকা ছিল তাঁর স্বপ্নের দেশ। পরবর্তীকালে তিনি রাশিয়ায় সেনা-নায়কের পদে উন্নীত হয়েছিলেন, এক বিশ্ববিদ্যালয়ের ‘কিউরেটর’র

পদও লাভ করেছিলেন; আর বৃদ্ধবয়সে যৌবনের বন্ধু গ্যোটে'র সঙ্গে নৃত্তন করে' খ্রীতির যোগে যুক্ত হয়েছিলেন।

এই আন্দোলনের আর একজন ধুরন্ধর ছিলেন লেনৎস্—সারাজীবন তিনি করেছিলেন গ্যোটে'র অমূল্যকরণ। ব্রাউন্স বলেছেন, গ্যোটে'র অমূল্যকরণে তিনি ক্রীডেরিকাকে প্রেম নিবেদন করেছিলেন।

এই আন্দোলন সত্যাকার সাহিত্যিক মর্খাদা পেয়েছে গ্যোটে'র 'গ্যোৎস্' নাটক ও 'ভেটর' উপন্যাস থেকে।

### গ্যোৎস্ ফন বেলিখিংজেন

গ্যোৎস্ নাটকখানি গ্যোটে তিনবার লেখেন। প্রথম পাণ্ডুলিপি তৈরি হয় ১৭৭১ খৃষ্টাব্দে শীতকালে। এর উৎপত্তি সম্পর্কে তিনি আত্মচরিতে লিখেছেন :

শেক্সপীয়ারের নাটকের প্রতি গভীর খ্রীতির ফলে আমার চিত্ত এত সম্প্রাণিত হলো যে রক্তমঞ্চের সংকীর্ণ পরিসর ও অভিনয়ের জন্ত নির্ধারিত বয়স সময় কোনো বড় কিছু প্রদর্শনের নিত্যন্ত অযোগ্য বলে' আমার ধারণা জন্মালো। বীরাগ্রগণ্য গ্যোৎস্ ফন বেলিখিংজেনের (Gott Von Berlichingen) আত্মচরিত পড়ে' ঐতিহাসিকতার দিকে দৃষ্টি রেখে কিছু লিখবার তাগিদ অনুভব করছিলাম; আমার কল্পনা এমন বিপুল-পরিসর হয়ে পড়লো যে আমার পরিকল্পনা ক্রমেই রক্তমঞ্চের সমস্ত সীমা লঙ্ঘন করে' চললো—জীবনের বাস্তব ঘটনা হলো তার লক্ষ্য।

কবি তাঁর এই পরিকল্পনার কথা তাঁর সহোদরা কর্ণেলিয়ার কাছে ব্যক্ত করলেন। কর্ণেলিয়া অত্যন্ত উৎসাহিত হয়ে তাঁকে পীড়াপীড়ি আরম্ভ করলেন, এসব লিপিবদ্ধ করতে—শুধু মুখে মুখে শেষ না করতে। তাঁর আগ্রহাভিলাষে একদিন আগে থাকতে কিছুমাত্র চিন্তা না করে' তিনি লিখতে বসলেন। প্রথম কয়েক দৃশ্য লিখে সন্ধ্যায় ভগিনীকে পড়ে শোনালেন। তাঁর যারপরনাই পছন্দ হলো, 'কিন্তু টিপ্সনী করলেন—হয়ত এইই শেষ। এতে করিব জেদ চড়ে গেল। দ্বিতীয় দিন আবার লিখলেন। তৃতীয় দিনও লিখলেন। এমনি করে' লিখতে লিখতে' ও পড়ে শোনাতে শোনাতে রচনাটি জমতে লাগলো। ছয় সপ্তাহে এই নাটকটি লিখে তিনি শেষ করলেন।—নাটকখানি লিখে তাঁর অন্তরঙ্গ সাহিত্যিক বন্ধু মের্ক-কে পড়তে দিলেন। তিনি মোটের উপর ভালই বললেন। হের্ডরের কাছে পাঠানো হলে তিনি ভাল ভাষে বললেনই না উপরন্তু এইটি উপলক্ষ করে' ব্যঙ্গবিজ্ঞপ্তি বর্ষণ করতেও ছাড়লেন না।—পরে অবশ্য তিনি এর বর্ণেই স্তুতি করেছিলেন।

এই নাটকের আখ্যানভাগ সংক্ষেপে এই :

গট্টফ্রীড বা গ্যাংস্ বোডশ শতাব্দীর একজন লুণ্ঠনপ্রিয় ব্যারন, অর্থাৎ পরাক্রান্ত জমিদার। সস্ত্রাটের সে একান্ত অহংগত, কিন্তু অপর ব্যারন নাইট প্রভৃতির সঙ্গে তার কলহের অন্ত নেই। অজ্ঞেয় তার পরাক্রম, যুদ্ধেই তার আনন্দ। নাইট আডেলার্ট ফন ভাইসলিংগেন তার বাল্যবন্ধু কিন্তু সে গ্যাংসের পরম শত্রু বাম্বের্গের বিশপের চক্রান্তে পড়ে গ্যাংস্ থেকে বিচ্ছিন্ন হয়েছে। একদিন ভাইসলিংগেন যখন বিশপ-সম্মুখে থাকিল তখন গ্যাংস্ তাকে পরাক্রান্ত করে\* খাঁর দুর্গে বন্দী করে। সেখানে নাটকখানিতে গ্যাংসের সেনানীজনোচিত রুঢ় অটল কর্তব্যনিষ্ঠ চরিত্র আর ভাইসলিংগেনের লভাসদৃশ্যলভ দুর্বল ও অব্যবহিত চরিত্র পাশাপাশি স্কন্দর ফুটেছে। গ্যাংসের সংস্পর্শে এসে দুর্বলচেতা ভাইসলিংগেনের মনের পরিবর্তন ঘটে; সে তার বাল্যবন্ধুর পক্ষ সমর্থন করতেই কৃতসংকল্প হয় ও তার প্রমাণ স্বরূপ গ্যাংসের ভগিনী মধুর-স্বভাবা স্নেহময়ী মারিয়াকে তার বাগদত্তা রূপে গ্রহণ করে। বাম্বের্গের বিশপের সঙ্গে তার বোঝাপড়া করবার কিছু ছিল, সেজন্য সে সেখানে যায়। কিন্তু সেখানে গিয়ে স্বামীহীনা মোহিনী আডেলহাইডের রূপে আকৃষ্ট হয়ে মারিয়ার চিন্তা জলাঞ্জলি দিয়ে তার সঙ্গে পরিণয়যজ্ঞে আবদ্ধ হয় ও এমনি করে আবার গ্যাংসের শত্রুপক্ষভুক্ত হয়। এই সময়ে গ্যাংস্ এক বণিকদলের ধনরত্ন লুণ্ঠন করে—এমনি-ধরণের লুণ্ঠন ছিল তার শৌর্যপ্রকাশের আর দুঃস্বপ্নের সাহায্য দানের উপায়। ভাইসলিংগেন সস্ত্রাটকে গ্যাংসের বিরুদ্ধে প্ররোচিত করে। সস্ত্রাটের সেনাদলের হাতে গ্যাংস্ পরাজিত হয়ে খাঁর দুর্গে শাস্ত জীবন বাপন করতে বাধ্য হয়, ও আত্মচরিত রচনার মন দেয়। এদিকে দেশে এক বিষম কৃষক-বিদ্রোহ দেখা দেয়—বাদের তারা অত্যাচারী বলে\* জান্তো তাদের উপরে তারা ভীষণ অত্যাচার চালায়। গ্যাংস্ এসব খামিয়ে দিতে চেষ্টা পেলে বিদ্রোহীরা তাকে তাদের নেতা হতে অহরোধ করে। কিন্তু নেতা হয়ে গ্যাংস্ তাদের বেশে রাখতে অপারগ হই। সস্ত্রাটের সৈন্তদের হাতে সে বন্দী হয় ও কারাগারে প্রাণত্যাগ করে। তার শেষ উক্তি এই :

প্রতারণার যুগ আসছে; প্রতারণা স্বাধীনতা ভোগ করছে।  
অপদার্থরা করবে ছলনার সাহায্যে প্রভু বিস্তার আর বার। বীর তারা বন্দী  
হবে কাপুরুষদের পাতা জালে। হায় স্বর্গীয় সমীর স্বাধীনতা! স্বাধীনতা!

\* বিশপ=মোহত।

নাটকখানির শেষের দিকে হুন্দরী আডেলহাইডের মূর্তি সবকিছু ছাপিয়ে উঠেছে। ভাইলিঙ্গেনকে লীগগিরই সে নিতান্ত অপদার্থ জ্ঞান করে ও সিকেঙ্গেন নামক আর একজন বীর নাইটের অমুরাগিনী হয়। তার অমুরাগভাজন তরুণ ভৃত্য ফ্রান্ৎস-এর হাতে সে ভাইলিঙ্গেনকে বিষ দানে হত্যা করে। ফ্রান্ৎস আত্মহত্যা করে; আডেলহাইড নিজের বিচারকদের হাতে মৃত্যুদণ্ড লাভ করে। আডেলহাইডের উপরে পড়েছে শেক্সপীয়রের ক্লিওপেট্রার ছায়া। তাকে কবি এক অপূর্ব শয়তানী রূপে অঙ্কিত করেছেন—তার রূপ-বোধানের সংস্পর্শে এসে তরুণ ফ্রান্ৎস কবি হয়ে উঠেছে।

পাণ্ডুলিপি তৈরির পরই গ্যোটে বুঝলেন প্রচলিত ফরাসী আদর্শের সময় ও স্থানের একই লঙ্ঘন করতে গিয়ে গ্রন্থের ভিতরকার সত্যাকার একত্বের প্রতিও লক্ষ্য রাখা হয়নি। শেষের দিকেই এই ত্রুটি বড় হয়ে দেখা দিয়েছে। তাই দ্বিতীয় বারে আডেলহাইড-কাহিনী ছোট করা হলো, অগ্রাগ্র জারগায়ও অনাবশ্যক অংশ বাদ দেওয়া হলো।

তৃতীয়বার এটি বদলানো হয়। ভাইমারের ১৮০৪ খৃষ্টাব্দে, অর্থাৎ ফরাসী-বিপ্লবের পরে। (ফরাসী-বিপ্লব সম্বন্ধে আলোচনা দ্রষ্টব্য।) তৃতীয়বারের গ্যোৎস এক সম্পূর্ণ নূতন এছ, পূর্বের বিদ্রোহী গ্যোৎস তাতে যথেষ্ট শাস্ত হয়ে গেছে।—সমস্ত ত্রুটি-বিচ্যুতি সম্বন্ধে সমালোচকরা পঞ্চমবারের লেখা নাটকটিরই বেশী প্রশংসা করেন, তাতে তরুণ কবির উদ্যম হৃদয়াবেগ গৈরিক নিঃশ্রাবের মতো এক অদ্ভুত সৌন্দর্য লাভ করেছে।

গ্যোৎস প্রকাশিত হয় ১৭৯০ খৃষ্টাব্দে, গ্যোটে ও মের্কের খরচে—এই প্রতিপত্তি-হীন গ্রন্থকারের রচনা কোনো প্রকাশক নিতে রাজি হবে কেন। কিন্তু প্রকাশ হবার মাত্র এর খ্যাতি সর্বত্র ছড়িয়ে পড়লো। একজন প্রকাশক এসে এমন এক ডজন নাটক লিখে দেবার ফরমাস দিলে। একমাত্র ফ্রেডেরিক দি গ্রেট এর বিরুদ্ধে সমালোচনা করেছিলেন; তিনি ফরাসী আদর্শের অমুরাগী ছিলেন—ভল্টেয়ারের সঙ্গে তাঁর সাহিত্যিক যোগ ইতিহাসপ্রসিদ্ধ। কিন্তু সমস্ত জার্মানীতে গ্যোৎস যে অভিনন্দন পেলো তার সমানে তাঁর অপসন্দ ভেসে গেল।

গ্যোৎস নাটকখানি একালের কাব্যরসিকদের তেমন প্রিয় নয়—যদিও ব্রাণ্ডস বলেন কিশোরকিশোরীদের চিন্তা-বিক্রান্তের সহায় হিসাবে আজো এ এক শ্রেষ্ঠ গ্রন্থ। এর ঐতিহাসিক মর্যাদা কিন্তু খুব বেশী। অনেকের মতে ইরোরোগীয় সাহিত্যে Romanticism এর (উচ্ছ্বাস-বাদের) প্রবর্তনা এর থেকে ১৭৯৯ খৃষ্টাব্দে দ্যাসিক স্কট এর ইংরেজি অনুবাদ প্রকাশ করেন। তাঁর অতীতমুখী রোমান্টিক

\* একালের খ্যাতনামা সাহিত্যিক আর্ভিৎ ব্যাণ্টি রোমান্টিসিজম-এর উৎপত্তি দেখেছেন রুসোতে। তাঁর অন্তিমতই বেশী সঙ্গত মনে হয় কেননা Sturm und Drang, Romanticism এসব প্রায় সমধর্মী; Sturm und Drang-এর সঙ্গে রুসোর যোগে কথা আগেই বলা হয়েছে।

কৃতির সার্থক তিনি যে এতে পেয়েছিলেন তা সহজেই বোঝা যায়। জার্মান সাহিত্যে এর খুব বড় দান এই যে মার্টিন লুথারের পরে গ্যাৎস্‌নাটকেই জার্মান জাতি পেলো মবল অকুণ্ঠিত হৃদয়ের ভাষা।—ভাষায়তার মহাগ্রন্থপেও বারবার এটি আদৃত হয়েছে। সেটি অবশ্য এর অপব্যাখ্যা। গ্যোটার কাব্যচেষ্টা তাঁর পূর্ণাঙ্গ জীবন-বোধের ইতিহাস—কোনো সংকীর্ণ বা বিশিষ্ট মতবাদ প্রচার নয়।

### মেকর্ক

স্রোডেরিকাকে ভাগ্য করে' আসার দুঃখ গ্যোটে তীব্রভাৱে অনুভব করতেন। তাই মনকে শাস্ত করবার জন্ত একা একা দীর্ঘ ভ্রমণে বহির্গত হতেন। খোলা আকাশ, উপত্যকা, অধিত্যকা, বিস্তীর্ণ মাঠ, এসবের প্রতি স্বভাবতই তিনি অনুকম্পিত হ'লেন। একদিকে ডার্মষ্টট অপর দিকে হামবুর্গ এই দুই সুন্দর জায়গার মাঝখানে ফ্রানকফোর্ট, তিনি বলেছেন এই অবস্থিতির জন্ত এই সব ভ্রমণ তাঁর পরম উপভোগ্য হতো। এমন এক দীর্ঘ ভ্রমণ কালে তিনি ভগ্নানক ঝড়ের ভিতরে পড়েন। সেই ঝড়ের ভিতরে চলতে চলতে মুখ মুখে এক কবিতা রচনা করেন ও চোঁচখে তা আবৃত্তি করতে থাকেন। আত্মচরিতে এটিকে তিনি বলেছেন অর্ধপ্রলম্প। কবিতাটির নাম 'পথচারীর ঝড়ের গান' ( Wanderer's Storm-Song ), তার কয়েকটি লাইন এই :

প্রতিভা, প্রতিভা, যে পেয়েছে তোমার আদেশ

বর্ষণ ও ঝঞ্ঝ

তার বৃকে জাগায় না ভয়।

প্রতিভা, প্রতিভা, যে পেয়েছে তোমার আদেশ

যমদ্যাকৃতি মেঘে

করকায় ও বিদ্রোহে

সে জানায় ফুল উপেক্ষা—

আকাশের

ওই চাককের মতো।

কিন্তু কাব্য হিসাবে এর চাইতে অনেক উচুদরের তাঁর এই সময়ের অল্প একটি কবিতা, নাম 'পথচারী'। ছুপুর রোদে এক ক্লান্ত পথচারী এক নারীর দেখ পায়—সেই নারীর কোলে শিশু। নারী তাকে আতিথ্য গ্রহণ করতে কুটীরে আহ্বান করে, ও তাকে সেই কুটীরে বসিয়ে রেখে ঝরণার জল আনতে যায়। পথিক লক্ষ্য করে এই কুটার এক ভাঙা মন্দিরের পাথর দিয়ে তৈরি—এই সামান্য আশ্রয়ে আনন্দে কাটছে এই দম্পতির। এই কবিতায় তরুণ কবির চোখে চমৎকার ধরা পড়েছে—

ধ্বংসের উপর দিয়ে কেমন স্বচ্ছল ভলিতে চলেছে জীবনের জয়যাত্রা। এর করেকটি চরণ এই :

প্রকৃতি। ওগো শাখতী জনরিত্রী !  
সন্তানদের তুমি জন্মান করেছ  
জীবনের আনন্দ উপভোগের জন্য।  
মায়ের বহু দিয়ে তুমি ব্যবস্থা করেছ  
প্রত্যেকের জন্য তার আপন কুটার।

শুটিপোকা! বোনে তার বাসা ডালে  
তার সন্ততির আশ্রয় হেতু :  
আর দাঁড় করিয়েছ তুমি, অতীতের  
মহিমাম্বিত ভগ্নাবশেষ দিয়ে,  
নগণ্য আশ্রয়।

ওগো প্রকৃতি, দেখিয়ে চল আমার পথ,  
চলেছি আমি  
পুত অতীতের  
সমাধি-ভূমির উপর দিয়ে  
সদয় অশ্রয়ে.....  
যখন ফিরবো আমি  
সন্ধ্যায়  
আপন কুটারে,  
অস্তরবিরজিত,  
তখন যেন বক্ষে পাই এমন পত্নী  
কোলে তার শিশু। \*

এই কালে ডার্মষ্টাটে তাঁর পরিচয় হয় মের্কের ( ১৭১৪—১৭৯১ ) সঙ্গে। তিনি বলেছেন তাঁর জীবনের উপরে এর প্রভাব সব চাইতে বেশী। এ অতিরঞ্জন নয়। এই সময়ে মের্ক যেমন তাঁকে বুঝেছিলেন আর কেউই তেমন পারেন নি। গ্যেটে সন্দেহে তাঁর এই উক্তি গ্যেটে জিজ্ঞাসুদের শিরোধার্য :

† E. A. Bowring এর Goethe's Poems গ্রন্থে পুরো কবিতাটির অনুবাদ রয়েছে। কৌতূহলী পাঠক বরীন্দ্রনাথের 'প্রকৃতির প্রতিপোষ' ও তাঁর বৈবরণের এই জাতীয় অন্তর্ভুক্ত রচনার সঙ্গে এটি মিলিয়ে পড়তে পারেন।

তোমার চেষ্ঠা তোমার অবিলম্বিত লক্ষ্য হচ্ছে যা বাস্তব তাকে কাণ্য রূপ দেওয়া। অন্তেরা চেষ্ঠা করে তথাকথিত কবিত্বের সৌন্দর্য কল্পনার সৌন্দর্য উপলব্ধি করতে—বার অবশ্রম্ভাবী ফল নির্বোধ অর্থহীনতা।

এঁর পরিচয় গোটে আশ্চর্যিতে দিয়েছেন এই ভাবে :

স্বভাবত তিনি ছিলেন বীণাক্তিসম্পন্ন, যথেষ্ট উপাদেয় জ্ঞানও তিনি অয়ত্ত করেছিলেন, বিশেষ করে' আধুনিক সাহিত্যে, আর মানুষ ও বিশ্বজগতের সর্বদেশের সর্বকালের ইতিহাসের সঙ্গে পরিচিত হতে চেষ্ঠা করেছিলেন। অলান্তভাবে ও স্তম্ভভাবে বিচার করবার প্রতিভা তাঁতে ছিল। পাকা ব্যবসায়ী হিসাবে তিনি আদৃত হতেন, হিসাব করতে পারতেন মুখে মুখে। যেখানে তাঁর ভয়াবহ ব্যঙ্গ-বিজ্রপের পরিচয় দেবার প্রয়োজন বোধ করতেন না সেখানে তিনি অতি অমায়িক বহুরূপে সমাদরে গৃহীত হতেন। দেখতে তিনি ছিলেন লম্বা ও পাংলা; তাঁর চোখা নাক খুব চোখে পড়তো; তাঁর চোখ ছিল নীল অথবা ধূসর রঙের, চারদিকে তিনি চাইতেন তীক্ষ্ণভাবে, তাঁর চোখের দৃষ্টি ছিল যেন বাঘের দৃষ্টি। তাঁর প্রকৃতির ভিতরে এক অদ্ভুত স্ববিরোধিতা ছিল। স্বভাবত তিনি ছিলেন সং মহৎ ও অকুটিল, কিন্তু জগতের প্রতি হয়ে পড়েছিলেন বিতৃষ্ণাপরায়ণ, আর তাঁর এই মনোভাবকে এতটা প্রকাশ দিয়েছিলেন যে ধূর্তামি এমনকি নষ্টামির পরিচয় না দিয়ে তিনি যেন পারতেন না। এই মুহূর্তে তিনি হয়ত বিবেচক শান্ত সদয়, কিন্তু পরমুহূর্তেই—শামুক যেমন তার গুঁড় বের করে তেমনিভাবে—তাঁর হয়ত খেয়াল যবে একটু খোঁচা একটু আঘাত এমন-কি কিছু ক্ষতি করতে। কিন্তু বিপদের আশঙ্কা না থাকলে বিপজ্জনক বস্তু নিয়েও যেমন অবাধে মাহুঘের কাজ চলে আমিও তেমনি নিঃসন্দেহ ছিলাম যে আমার প্রতি তাঁর মন্দ দিকটা কখনো উত্তত হবে না, আর এই বিশ্বাসে তাঁর সাহচর্য লাভ করে' তাঁর সদৃশ্যাবলী উপভোগ করতে আগ্রাহাষিত ছিলাম।

পঞ্চাশ বৎসর বয়সে ইনি আত্মহত্যা করেন। যেকিস্টোফিলিস চরিত্রের পরিকল্পনা যে মের্ককে দেখে গোটে করেছিলেন এ বিষয়ে আলোচনা প্রায় একমত।

মের্ক, গোটে, ও আরো কয়েকজন তরুণকে নিয়ে এক আলোচনা-চক্র গড়ে উঠেছিল। তাঁদের মুখপত্র সর্বত্র আদরে পঠিত হতো। সাহিত্য বিজ্ঞান সব বিষয়েই এতে আলোচনা চলতো।



## কবিশুরু গোটে

### ভেৎস্লাম

১১৭২ খৃষ্টাব্দে গ্রীষ্মকালে গোটে তাঁর আইন-ব্যবসায় সংক্রান্ত কাজে ভেৎস্লাম-এ যান—সেখানে ছিল Holy Roman Empire-এর উচ্চ বিচারালয়। জায়গাটি তাঁর পছন্দ হয় না। এখানে নিরানন্দ জীবন বাপন করতে হবে এই তাঁর অশঙ্কা হয়। কিন্তু শীগগিরই একদল কৌতুকপ্রিয় তরুণের সঙ্গে তাঁর পরিচয় হলে, তাঁর জীবন অন্তত কিছুদিনের জন্ত আর নিরানন্দ রইল না। এই দলের সম্পাদক ছিলেন গোটে'র, ইংরেজি সাহিত্য তাঁর খুব প্রিয় ছিল। আমাদের কবি ও ইনি দু'জনেই গোল্ডস্মিথের Deserted Village-এর অনুবাদ করেন। কবি বলেছেন, গোটে'রের অনুবাদ বেশী ভাল হয়েছিল।

আত্মচরিতে গোটে লিখেছেন—ভেৎস্লাম এ তেমন বিশেষ কোনো ঘটনা ঘটে নি। কিন্তু তাঁর চরিত্রকাররা সে-কথা মেনে নিতে রাজি নন। এখানে এক গ্রাম্য নাচের মঞ্চলিগে শার্লোট বুক-এর সঙ্গে তাঁর পরিচয় হয়। এর লব্ধকে কবি বলেছেন—ইনি হচ্ছেন সেই জাতীয় নারী যারা পুরুষের অন্তরে বাসনার আশ্রয় আশ্রয় না, শুধু এদের দেখে তৃপ্ত হওয়া যায়। কিন্তু কবির এই সময়ের চিঠিপত্র থেকে নজির তুলে চরিত্রকাররা বলেন—এবারও তিনি কুহুমসায়কের হাত থেকে সম্পূর্ণ পরিজ্ঞান পান নি।

শার্লোট ছিলেন কেস্টন-এর বাগ্‌দস্তা; কেস্টন-এর ভেৎস্লাম-এর একজন চাকুর—দীর স্থির চরিত্রবান। শার্লোটের মা ছিলেন না, দশ-বারোটি ভাইবোনকে তিনি নিজে পরম যত্নে মানুষ করতেন। গোটে ছোট ছোট ছেলেমেয়েদের বড় ভাল বাসতেন, শার্লোটের ভাইবোনরা তাঁর এত অহরহ হয়ে পড়েছিল যে তিনি ভেৎস্লাম ত্যাগ করে' চলে গেলে তারা প্রায়ই তাঁর কথা জিজ্ঞাসা করতো। শার্লোট জানতেন গোটে তাঁর প্রতি অহরহী, কিন্তু তিনি সেই দিনের ভাববিলাসিনী মেয়ে ছিলেন না আদৌ; গোটে'কে তিনি অনাদর করতেন না, বরং আদরই করতেন, কিন্তু তাঁর অন্তরে অহরহগের ইন্ধন যোগানো না হয় সেদিকেও তাঁর সাংখ্যানতা ছিল। শার্লোটের এমন সংশ্রব গোটে'র জন্ত হচ্ছিল দিন দিন বেশী পীড়াদায়ক। শেষে একদিন তিনি কাউকে না বলে' ভেৎস্লাম পরিত্যাগ করে' যান। যাবার বেলায় কেস্টন-রের জন্ত এই চিঠিখানি রেখে যান :

...সে চলে গেছে, কেস্টন-র; যখন এটি তোমার হাতে পড়বে তখন সে চলে গেছে দূরে...আমার মনে কোনো বিক্ষোভ ছিল না, কিন্তু তোমার সঙ্গে কথাবার্তার ভিতরটা আমার ছিন্নভিন্ন হয়ে গেছে। এই মুহূর্তে মজা তোমাকে বলতে পারি—বিদায়! যদি ওখানে আর এক মুহূর্ত বেশী

ধাকতে হতো তবে নিজেকে চেপে রাখা আমার পক্ষে সম্ভবপর হতো না।

এখন আমি একলা, আর কাল বাচ্ছি। ওঃ মাথার কী বয়না।

কেস্টনের হৃদয়বান ব্যক্তি ছিলেন। গ্যোটেকে তিনি মনে মনে শ্রদ্ধা করতেন বর্ষেট। তাঁর এমন হঠাৎ চলে যাওয়ার তিনি চুঃখিত হয়েছিলেন—অথচ প্রেমের রূপে তাঁর এই শক্তিশালী প্রতিদ্বন্দ্বী তাঁকে যে পরাভূত করতে পারেন এ আশঙ্কাও মাঝে মাঝে তাঁর মনে জেগেছে। ভরুণ গ্যোটে লম্বন্ধে তাঁর এক পত্রে অন্ত্রিত এই চরিত্র-চিত্র গ্যোটে-চরিত্রকাররা সাদরে তাঁদের গ্রন্থে স্থান দিয়েছেন :

বসন্তকালে এখানে গ্যোটে নামে একজন এলেন, আইন্সব্রাবসারী, বয়স তেইশ বৎসর, খুব ধনী পিতার একমাত্র পুত্র, উদ্দেশ্য—উদ্দেশ্যটি অবশ্য পিতার—আইম-ব্যবসারে কিছু অভিজ্ঞতা অর্জন করবেন, কিন্তু তাঁর নিজের উদ্দেশ্য হোমার পিন্ডার ইত্যাদি পাঠ, অথবা বেশব ব্যাপারে তাঁর প্রতিভা ও চিন্তাধারা তাঁকে প্রবর্তিত করে সেই সবেল অগ্রসরীলন।

প্রথমই এখানকার সাহিত্যিকরা তাঁকে তাঁদের একজন বলে' চারিদিকে খবর রটালেন। তিনি ফ্রান্সফোর্টের “গেলেটে আইটুং”-এর পরিচালকবর্গের অন্যতম ভাবুক, এসব খবরও তাঁরা দিলেন, ও তাঁর সঙ্গে পরিচিত হতে খুব ব্যস্ত হলেন। আমি এদলের লোক নই, সাধারণ সমাজে ঘোরাফেরাও আমার কম, তাই গ্যোটের আমি জেনেছি দেরীতে। এখানকার খ্যাতিনামা সাহিত্যিক গ্যোটের একদিন বেড়াতে বেড়াতে আমাকে গার্বেনহাইম গ্রামে নিয়ে গেলেন। সেখানে দেখলাম ইনি এক গাছের নীচে ঘাসের উপরে চিং হয়ে শুয়ে আছেন, পাশে দাঁড়িয়ে একজন এপিকিওর (ভোগ)-পন্থী, একজন স্টোইক (সংবম)-পন্থী ও একজন মধ্যপন্থী। এঁদের সঙ্গে, পরমানন্দে তাঁর আলাপ চলেছিল। আমি যে এই অবস্থায় তাঁকে প্রথম দেখেছিলাম এতে তিনি পরে আনন্দ প্রকাশ করেছিলেন। অনেক আলাপ-আলোচনা হলো—তাঁর কতকগুলো খুবই চিন্তাকর্ষক। এই সময়ে তাঁর লম্বন্ধে আমার এই ধারণাটুকু হয়েছিল যে ইনি সাধারণ লোক নন। তাড়াতাড়ি অভিমত প্রকাশ করা অবশ্য আমার স্বভাব নয়। এঁকে ছেখেই বুঝলাম এঁর প্রতিভা ও সত্ত্বজ কল্পনা-শক্তি আছে। কিন্তু এতেই যে এঁর লম্বন্ধে আমার খুব উঁচু ধারণা হলো তা নয়। এঁকে পরে আমি আরো ভাল করে' জেনেছি……… এঁর বর্ষেট গুণগণা আছে—সত্যকার প্রতিভার ইনি অধিকারী ও চরিত্রবান। এঁর কল্পনা-শক্তি খুব প্রবল, তাই এঁর ভাষা সাধারণত রূপক ও উপমা-মহল। তিনি অনেক সময়ে বলেন সোজা-সহজ মনের কথা ব্যক্ত করতে তিনি আদৌ পারেন না, তবে আরো বয়স হলে তাঁর চিন্তা যথাযথভাবে প্রকাশ করতে পারবেন এমন আশা রাখেন। তিনি বা-কিছু ভালবাসেন সমস্ত প্রাণ ঢেলে, অথচ আত্মকর্তৃত্বও অনেক

সদয়ে বেশ দেখান। তাঁর চিহ্নাধারা মহৎ, সংস্কার থেকে তিনি এত মুক্ত যে বলে বা ভাল বলে' জানেন তাই তিনি করেন, তাতে অন্যে খুশী হবে কি না, সেইটো চিন্তা কি না, দস্তুর কি না, এসব নিয়ে আলো মাথা ঘামান না।

ছোট ছোট ছেলে মেরে তাঁর খুব প্রিয়, তাদের সঙ্গে তাঁর বেশ আলাপ জমে। বখেটে খেয়ালী তিনি। তাঁর ব্যবহারে ও চালচলনে এমন অনেক-কিছু আছে যাতে তিনি অপরের কাছে বিরক্তিকর হতে পারেন। কিন্তু তবু তিনি ছেলেপিলেদের মেয়েদের ও অন্যান্য বহু লোকের প্রিয়। নারীজাতির প্রতি তাঁর খুব শ্রদ্ধা। জীবনের নিয়ামক কোনো সিদ্ধান্ত সৰ্ব্বদা তিনি এখানে স্থিরনিশ্চয় নন—সে রূপ সিদ্ধান্তের সন্ধানে তিনি অবস্থ আছেন। এই ব্যাপারে রুসোর সৰ্ব্বদা তাঁর খুব উচ্চ ধারণা, কিন্তু তাঁর অন্ধ অস্থবর্তী তিনি নন। ধর্ম নিষ্ঠাবান বলতে যা বোঝায় তিনি তা নন, কিন্তু সেটি অস্বাভাবিক বা খেয়ালের বেশে অথবা নিজেকে একটা কিছু হবার জন্যে নয়। কতকগুলো গুরু বিষয়ে তিনি খুব কম লোকের কাছে মুখ খোলেন, আর অন্যের মনের শান্তিতে ইচ্ছা করে' বাধ সাধেন না। তিনি সংশয়-বাদ ঘূণা করেন। সত্য ও কতকগুলো বড় বিষয়ে স্থিরনিশ্চয়তা লাভ তাঁর কাম্য, আর মনে করেন তিনি এরই মধ্যে সব-চাইতে গুরু বিষয়ে স্থির-সিদ্ধান্তে পৌঁছেছেন, কিন্তু যতদূর দেখেছি, এ সত্য নয়। তিনি গির্জার অথবা Sacrament<sup>†</sup> অমুঠানে বান না, প্রার্থনা করতেও তাঁকে ঝড় একটা দেখা যায় না। তার কারণ তিনি বলেন, তিনি অত ভণ্ড নন। কখনো কখনো মনে হয় কোনো কোনো বিষয়ে তাঁর মন বেশ শান্তিতে আছে, কখনো কখনো মনে হয় তার উন্টো। তিনি ধর্মতত্ত্বকে শ্রদ্ধা করেন, কিন্তু আমাদের ধর্মতত্ত্ববিদ্রা তার বেরূপ আমাদের সামনে ধরেন সে-রূপের নয়। তিনি জীবনের একটি পরবর্তী অংশ একটা উন্নততর অবস্থা সৰ্ব্বদা বিশ্বাসবান। তিনি সত্যের সন্ধানে, তবু সত্যের প্রদর্শনের চাইতে সত্যের অমু-ভূতিতে তাঁর আনন্দ বেশী। তিনি এরই মধ্যে অনেক কিছু করেছেন, অনেক গুণগণা তাঁর আছে, পড়াশুনাও চের করেছেন; কিন্তু তার চাইতেও চিন্তা করেছেন বেশী। সাহিত্য ও কলাবিভাগ নিয়েই তিনি এ পর্যন্ত বেশীর ভাগ সময় কাটিয়েছেন, অথবা, যাতে কটির ব্যবস্থা হয় তা বাদ দিয়ে আর সব রকমের বিজ্ঞান মন দিয়েছেন।.....আমি তাঁর বর্ণনা দিতে চেষ্টাছিলাম, কিন্তু তার জন্য সময় চাই যথেষ্ট, কেননা তাঁর সৰ্ব্বদা অনেক কিছু বলবার আছে। এক কথার লোকটি খুব চোখে পড়বার মতো।

† খ্রীষ্টের 'দেহ' ও 'শোণিত' সেবন ইত্যাদি অমুঠান।

## দেববাণীর স্বার্থতা

মের্কের সঙ্গে -গোটের আগেই কথা ছিল এই স্তম্ভের ঋতুতে একবার কোবলেনৎস্-এর স্মৃতিখণ্ডা শ্রীমতী ফন লারোশ-এর ওখানে কয়েকদিন কাটানো যাবে। অনিষপত্র ফ্রাঙ্কফোর্টের দিকে রওনা করে দিয়ে তিনি ভেৎস্‌লার ছেড়ে 'লাম' নদীর তীর ধরে' সেইদিকে চললেন। নদীতীরের ও দূরে দূরের ছবির মতো প্রাকৃতিক দৃশ্য তাঁর দৃষ্টি আকর্ষণ করলো। তাঁর বেকনাকাতর চিত্র প্রকৃতির এই স্পর্শে সজীব হয়ে উঠলো। মুগ্ধ দৃষ্টিতে পরম আনন্দে তিনি পথ চলতে লাগলেন।

এই সময়ের একটি ঘটনা স্মরণীয়। এই সব প্রাকৃতিক দৃশ্য দেখতে দেখতে ছবি আঁকার কথা তাঁর মনে খুব আগছিল। তিনি এখনো মাঝে মাঝে ছবি আঁকতেন; শিল্পচর্চায় কালে খ্যাতি অর্জন করবেন এ স্বপ্নও তাঁর ছিল। তাঁর পকেটে একখানি দামী ছুরি ছিল। তাঁর এক প্রবল খেয়াল আগলো, সেই ছুরিখানি ছুঁড়ে নদীতে ফেলবেন, যদি সেখানিকে জলে পড়তে দেখেন তাহলে বুঝবেন তাঁর শিল্পী হবার সাধ পূর্ণ হবে, আর যদি ছুরিখানি এমন ভাবে পড়ে যে তীরের উইলো ঝোপের দরুণ তা জলে পড়তে দেখা গেল না, তাহলে বুঝবেন শিল্পী হবার বাসনা তাঁর ত্যাগ করা ভাল। যেমন সংকল্প তেমনি কাজ। তিনি লিখেছেন :—

প্রাচীনরা দেববাণীর স্বার্থতা সধক্ষে বহু অভিযোগ করে' গেছেন, আমার বেলায়ও তাই ঘটলো। ছুরিখানি ঠিক কোন্‌খানে জলে পড়লো তা দেখা গেল না উইলোর ঝুঁকে-পড়া ভালপালার দরুণ, কিন্তু ছিটকে-ওঠা জল পরিস্কার দেখা গেল।

গ্যেটে বুঝে নিলেন তাঁর চিত্র চর্চা সাফল্যমণ্ডিত হবে না। এই ধারণার জন্মই পরে তিনি চিত্র-চর্চায় তেমন মনোযোগ দেন নি একথা তিনি বলেছেন। তখনকার মতো তাঁর চিত্র বড়ই বিবাদভারাক্রান্ত হলো।

শ্রীমতী ফন লারোশ-এর ওখানে ক'দিন তাঁর বেশ কাটলো। আরো কয়েকজন সাহিত্যিক সেখানে জুটেছিলেন। এই মহিলার বয়স তখন চল্লিশ বৎসর। তাঁর রূপের ও গুণের ভূয়সী প্রশংসা কবি করেছেন। এই কয়েক দিনে তাঁর জ্যেষ্ঠা কন্যা মাক্সিমিলিয়ানা-র সঙ্গে কবির খুব ভাল জমে।

ফ্রাঙ্কফোর্টে ফিরে এসে গ্যেটে আইন সাহিত্য ও চিত্রচর্চা নিয়ে ব্যস্ত হলেন। শার্লট ও কেস্ট্রনের এর কাছে উচ্ছ্বসিত ভাষায় চিঠি লেখা চললো। নিজেকে র পত্রিকার তাঁর বহু লেখা বেকতে লাগলো।

### কল্পকল্পিত খণ্ড-কাব্য

গ্যোৎস প্রকাশের পরে গ্যোটে তাঁর বন্ধুবান্ধব ও বিপক্ষ সবাইকে লক্ষ্য করে' ব্যঙ্গকবিতা প্রহসন ইত্যাদি রচনায় মন দিলেন। রুসো, বড-স্মাটো, এসবও বাদ গেলনা। কিন্তু তারুণ্যের এই অভিব্যক্তির সঙ্গে সঙ্গে তাঁর প্রতিভার বিশিষ্ট পরিচয় যাক্কে আছে তেমন খণ্ড-রচনাও তাঁর হাতে উৎসাহ। সেসবের মধ্যে তাঁর “মোহম্মদ” (Mahomet) ও “প্রমিথেউস” (Prometheus) প্রধাম।

‘মোহম্মদ’ নাটকখানি লিখবার আগে তিনি কোরান ও মোহম্মদের জীবন-চরিত্র মনোযোগ সহকারে পাঠ করেন। প্রতিভাবান্ যখন কোনো বড় কাজে হাত দেন তখন তাঁকে জনসাধারণের উপরে প্রভাব বিস্তারের জন্তে তাদের স্তরে নেমে আসতে হয় ও এই ভাবে তাঁর মহান উদ্দেশ্য পরিপূর্ণ হয়, এইটো দেখাবার জন্তে তিনি এই নাটকখানি লেখার সংকল্প করেন। নাটকটির পরিকল্পনা এই:

প্রারম্ভে উন্মুক্ত আকাশের নীচে মোহম্মদের একটি বন্দনাগীতি। প্রথমে তিনি আকাশের অনন্ত নক্ষত্রকে দেবতাজ্ঞানে স্তুতি-নিবেদন করছেন; কিন্তু যখন বৃহস্পতির উদয় হলো তখন নক্ষত্ররাজ জ্ঞানে শুধু তারই বন্দনায় তিনি রত হলেন। এর পরে চন্দ্র ও সূর্য্যে সূর্য তাঁর হৃদয়মন আকর্ষণ করলে। কিন্তু এই সবে কিছু কিছু আনন্দ পেলেও এক অতৃপ্তি-বোধ তাঁর হচ্ছিল,—আরো আরো উর্ধ্বগ্রামে মনকে উঠতে হবে। এই তাগিদ তিনি অনুভব করছিলেন। শেষে শাস্ত্র অনন্ত সমস্ত জ্যোতির্বিদ্য নক্ষত্রের স্রষ্টা এক ঈশ্বরের ধারণায় তিনি উপনীত হলেন।—গ্যোটে বলেছেন:

খুব এক আনন্দ নিয়ে আমি এই স্তব রচনা করেছিলাম। কিন্তু এটি হারিয়ে যায়।

এমনিভাবে এক নব প্রেমে বলীয়ান হয়ে মোহম্মদ তাঁর মনোভাব তাঁর বন্ধুবর্গের নিকট ব্যক্ত করেন, তাঁর পত্নী ও আলি সর্বাঙ্গতঃকরণে তাঁর দীক্ষা গ্রহণ করেন। দ্বিতীয় অঙ্কে মোহম্মদ তাঁর নূতন মত জ্ঞাতিবর্গের ভিতরে প্রচার করতে চেষ্টা পান; আলি তাঁর সাহায্যে ব্রতী হন। জ্ঞাতিদের কেউ এটি পছন্দ করে, কেউ অপছন্দ করে, এই পদক্ষেপ অপসন্দের ভিতর দিয়ে তাদের চরিত্রের বৈশিষ্ট্য ও বৈচিত্র্য প্রকাশ পেতে থাকে। শেষে সংঘর্ষ প্রবল হয়; মোহম্মদ দেশত্যাগ করেন। তৃতীয় অঙ্কে তিনি তাঁর শত্রুদের পরাজিত করেন ও তাঁর ধর্ম্ম সর্বসাধারণের ধর্ম্মরূপে প্রচার করেন, কাবা থেকে সমস্ত দেবমূর্ত্তি অপসারিত করান;

কিন্তু বলে এতে পুরোপুরি কৃতকার্য হবার সম্ভাবনা নেই দেখে' ছলনার আশ্রয় গ্রহণ করেন। তাঁর চরিত্রের যত মানবমূল্যে দুর্বলতা এইবার বৃদ্ধি পেতে থাকে ও তাঁর ভিতরকার দেবত্ব আচ্ছন্ন হয়। চতুর্থ অঙ্কে তাঁর বিজয়-অভিযান চলতে থাকে। তাঁর ধর্মমত তাঁর উদ্দেশ্য-সিদ্ধির উপায় স্বরূপ তিনি ব্যবহার করেন। উদ্দেশ্য-সিদ্ধির জন্ত যা-কিছু দরকার সবই তিনি অবলম্বন করেন, নৃশংসতাও বাদ যায় না। জনৈক নারীর স্বামী তাঁর আদেশে নিহত হয়, সেই নারী তাঁকে বিবদান করে। পঞ্চম অঙ্কে, তিনি বুঝতে পারেন তাঁকে বিষ খাওয়ানো হয়েছে। তাঁর বিপুল হৈর্ষ, তাঁর চরিত্রের সমস্ত মাহাত্ম্য, এইবার ফিরে আসে। তাঁর ধর্মের ভিতরকার সমস্ত ক্রটি তিনি পরিহার করেন, তাঁর ধর্মরাজ্য প্রতিষ্ঠিত করেন, ও শেষে জীবনলীলা সাক্ষ করেন।

গ্যোটে বলেছেন;

এই পরিকল্পনাটি দীর্ঘদিন আমি ভাবি, তার কারণ, আমার নিজের ভিতরে ধারণা পরিষ্কার করে' নিয়ে তবে আমি লেখার হাত দিতাম। এতে আমার দেখাবার ছিল, চরিত্র ও বুদ্ধিবলের সহায়তায় প্রতিভা মানব-সমাজের উপরে কতখানি প্রভাব বিস্তার করতে পারে, আর এই প্রভাব বিস্তারের চেষ্টায় তার লাভই বা কি হয়, ক্ষতিই বা কি হয়।

এই নাটকের জন্ত অনেকগুলো গান তিনি রচনা করেন, কিন্তু একটি ভিন্ন সবই হারিয়ে যায়। যেটি আছে সেটির নাম মোহম্মদের গান—Mahomet's Gesang—সাফল্যের চরম শিখরে সমাসীন প্রভুর উদ্দেশ্যে আলির এই গান :

চেয়ে দেখ ওই পার্বত্য স্বরূপ,  
আনন্দিত ও নির্মল  
—তারার মতো ঝিকিঝিকি ;  
মেঘের দেশে  
তুঙ্গ শৃঙ্গে  
নিকুঞ্জের কোলে  
লালিত হয়েছে সে দেবতাদের হাতে ।  
উচ্ছল ভাবন্য তার—  
নেচে নেচে নামছে সে  
মেঘের দেশ থেকে  
মর্মর-সোপানের 'পরে ।

তার হৃদয়নি উন্মিত হয়  
আকাশের পানে ।

পাহাড়ের পথে পথে  
খোঁজে সে রঙীন ফুড়ি,  
আনন্দে পথ দেখায়  
যত ঝরণা সাধীদেয়ে,  
সঙ্গে নেয় সবাইকে ।  
নিয়মে উপত্যকার দেশে  
তার যাত্রার পথে পথে ফোটে ফুল,  
'প্রান্তর' জীবন পায় তার প্রাশাসে ।  
কিন্তু বাধবে তাকে কোন্ আধার-ছাওয়া উপত্যকা !  
কোন্ ফুল ! তাদের রেহাতুর আশি  
তার মুখে ফোটায় আনন্দের হাসি ।  
নামলো সে মাঠের 'পরে  
সাপের মতো আঁকা-বঁাকা তার গতি ।

এগিয়ে আসে কুলুকুলু ঝরণা  
তার সঙ্গী হতে ।  
এগিয়ে চললো সে  
প্রান্তরের বুকে চেউ খেলিয়ে,  
প্রান্তর হলো উজ্জল ।  
প্রান্তরের যত নদী  
পাহাড়ের যত কুলুকুলু ঝরণা  
ডাকলো তাকে ভাই বলে :  
“ভাই গো, তোমার সব ভাইকে  
নিয়ে চল পিতার কাছে—  
পিতা আমাদের মহাপুত্র  
বাহু বিস্তার করে’  
আছে আমাদের প্রতীকার,  
প্রতীক্ষামান সন্তানদের আলিঙ্গন করতে,—  
কতকাল ধরে’ প্রসারিত রয়েছে সেই বাহু !

মক-বালুকার হারিয়েছি আমার পথ,  
বিশীর্ণ হচ্ছি সূর্যের শোষণে,  
পাহাড় আমাদের বন্দী করে' করেছে হ্রদ;  
ভাই গো, প্রান্তরের বত ভাই  
পাহাড়ের বত ভাই  
সবাইকে নিয়ে বাণ পিতার কাছে।”

আয় তোরা সবাই আয়—  
ফুলে ফুলে উঠছে সে মহিমার,  
তার সব আপনার জন নিয়েছে তাকে মাথায় তুলে।  
তার জয়বাত্রার পথে  
নাম দিচ্ছে সে  
নব নব দেশকে; নব নব নগরী  
উজ্জ্বল হচ্ছে তার চরণাধাতে।  
বাধাবদ্ধহীন ছুটেছে সে সামনে  
পেছনে ফেলে যাচ্ছে কত উজ্জলিত পুরী,  
কত উচ্চুড় প্রাসাদ—  
তারই শক্তির সৃষ্টি।

আটলাস-দৈত্য যেন বয়ে নিয়ে চলছে  
তার বিরাট গৃহ!  
তার মাথার উপরে উড়ছে  
লক্ষ লক্ষ পতাকা  
তার মহিমার সাক্ষী।  
চলেছে সে সবাইকে নিয়ে—  
ভাই বোন প্রেরণী সন্তান—  
চলেছে পথ-চাওয়া পিতার সমীপে  
যুকে তার উল্লে উঠছে আনন্দ। \*

\* খ্যাতনামা ভাষাতত্ত্ববিদ ডক্টর মুহম্মদ শহীদুল্লাহ্, যুল জার্মান থেকে এই কবিতার এক ইংরেজি অনুবাদ করেন, সেইটির সাহায্য আমি এখানে গ্রহণ করি। পরে এর প্রচলিত ইংরেজি অনুবাদ পাই। এই সুযোগে তাকে আন্তরিক ধন্যবাদ আপন করছি।



লুইস বলেন :

গ্যোটে'র সমস্ত অসার্পক পরিকল্পনার মধ্যে এইটির জন্ত আমার সব চাইতে বেশী দুঃখ হয়। মহিমায়, গভীরতায়, মানবপ্রকৃতির রহস্যের স্থূল চিত্রণের বিষয় হিসাবে, এই পরিকল্পনাটি ছিল তাঁর প্রতিভার বিশেষ অঙ্কুর।

এই কবিতার সঙ্গে রবীন্দ্রনাথের “নির্ব্বরের স্বপ্নভঙ্গ” কবিতার মিল সহজেই চোখে পড়ে। তবে দুটিতে পার্থক্যও লক্ষ্য করার মতো : রবীন্দ্রনাথ প্রাধান্যত এঁকেছেন নির্ব্বরের পাষণ্ড-প্রকার থেকে মুক্তিলাভের ও প্রবাহিত হবার আনন্দ, আর গ্যোটে এঁকেছেন নির্ব্বরের বিপুল পরিসর লাভের গৌরব।

কার্লাইলের হজরত মোহাম্মদের মাহাত্ম্য উপলব্ধির মূলে বোধ হয় গ্যোটে'র এই ‘মোহাম্মদ’ পরিকল্পনা আর ‘মোহাম্মদের গান’।

গ্যোটে এই বয়সেই যে সব মানসিক সংগ্রামের লক্ষ্যবিন্দু হয়েছিলেন সে-সব থেকে উদ্ধার কোনো মানুষের বা কোনো অলৌকিক শক্তির সাহায্য পান নি, পেয়েছিলেন তাঁর অন্তর্নিহিত সৃষ্টিধর্মের গুণে—তাঁর এই মনোভাব রূপ পেয়েছে তাঁর অলম্ব্যাপ্ত “গ্রামেথেউস” নাটকে। এর স্বগত-উক্তিটি পরমাশ্চর্য :

দেবরাজ, আবৃত্ত কর তোমার স্বর্গলোক  
মেঘের ধোঁয়া দিয়ে,  
আর বালক যেমন বীরত্ব দেখায়  
কুলগাছ\* লণ্ডভণ্ড করে’  
তোমনি আঘাত হেনে যাও  
দেওদার আর পাহাড়ের মাথায় ;  
আমার পৃথিবী কিন্তু তোমার অধিকারের বাইরে—  
যে পৃথিবীর উপরে তৈরি হয়েছে আমার কুটার,  
তোমার দ্বারা নয় আমার দ্বারা।  
সেই কুটারের প্রসন্ন পাবক-শিখা  
তোমার অন্তরে জাগায় জঁর্বা।

হায় দেবসমাজ, জিভুবনে কোথাও দেখিনি আমি  
তোমাদের মতো কৃপার পাত্র ;  
যত মহিমময় হও  
তোমরা বেঁচে আছ  
যজ্ঞ আর জপের প্রসাদে ;

উপবাস হতো তোমাদের ভাগ্য  
 যদি বঞ্চনা করবার জন্য না জুটতো  
 আশাতাড়িত অপোগণ্ড আর ভিক্ষুর দল ।  
 যখন ছিলাম অসহায় শিশু,  
 জানতাম না কোথায় পাব আশ্রয়,  
 আঁখি আমার উন্মিত হয়েছে আকাশের পানে  
 সূর্যের পানে, যেন সেই উর্ধ্বদেশে কোনোখানে আছে  
 আমার কাতর প্রার্থনা গুনবার মতো কান,  
 —যেন আছে আমারই অন্তরের মতো অন্তর  
 ব্যথা যাতে বাজে পীড়িতের জন্য ।

দেবতার দর্পের সামনে  
 কে আমাকে দিয়েছিল বল ?  
 উদ্ধার করেছিল আমাকে মৃত্যু থেকে,  
 দাসত্ব থেকে ?  
 সমস্তই কি তোমার কীর্তি নয়  
 হে আমার পুত্র প্রোজ্জ্বল হৃদয় ?  
 অকুটিল তাকপো  
 আজো তুমি গেয়ে চলেছ স্তব  
 উর্ধ্বের নিদ্রিত দেবতার প্রতি !

আমি শ্রদ্ধানত হব তোমার প্রতি ; কেন ?  
 ব্যাধাতুর কি কোনোদিন পেয়েছে তার বৃকে  
 তোমার হাতের স্পর্শ ?  
 কোনোদিন কি মুছেছ তুমি  
 বেদনাদীর্ঘের নয়নলোর ?  
 আমার মহুয্য কি গঠিত হয় নি  
 সর্বশক্তি কালের আঘাতে,  
 ভাগ্যের আঘাতে,  
 —যারা আমার প্রভু তোমারও প্রভু ?

ভেবেছ তুমি  
 ঘৃণা করবো আমি জীবনকে  
 পালিয়ে যাব কাননে কান্তারে,

বেহেতু লব  
স্বপ্নমঞ্জরি আমার  
সার্থক হয়নি ফলভারে ?

এই দাঁড়িয়েছি আমি, তৈরি করে চলেছি মানুষকে  
আমার মতো করে' ;  
এই আমার মতো জাতি  
দুঃখ পারে, কাঁদবে,  
আর জীবন উপভোগ করবে ;—  
আর তোমাকে করবে উপেক্ষা  
আমি যেমন করছি ।

ব্রাণ্ডেস বলেন :

...অমরতা লাভের জন্ত এমন একটি কবিতাই যথেষ্ট। গ্যাৎসের  
বিদ্রোহ এখানে হয়ে উঠেছে বিরাট.....এর চাইতে বড় বিদ্রোহের কবিতা  
আর লেখা হয়নি...প্রত্যেকটি চরণ যেন আশ্বনের অক্ষরের ধারা—  
মানবতার নিশীথ গগনে। এর সঙ্গে তুলিত হতে পারে এমন খুব কম  
কবিতাই জগতে লেখা হয়েছে।

কৌতূহলী পাঠক এস্কীলস্-এর Prometheus Bound-এর সঙ্গে এই কবিতাটি  
মিলিয়ে পড়তে পারেন। দুইয়েরই বিদ্রোহ অসাধারণ; শেলীর Prometheus  
Unbound-এর বিদ্রোহও উচ্চাঙ্গের; তবে এ-সবের তুলনায় যথেষ্ট ভব্য।

এই কবিতা নিয়ে সাহিত্যরথী লেসিঙ্ ও তাঁর বিপক্ষদের মধ্যে একটি  
বাদাম্বাদের স্রজপাত হয়। এই কবিতার ভিতরকার কথা বা তাঁরও মনোভাব  
তাই লেসিঙ্ এই অভিমত প্রকাশ করলে তাঁর বিপক্ষদল তাঁকে নাস্তিক ও  
প্রকৃতিপূজক (অর্থাৎ অথুগাম) বলে' প্রমাণ করতে বদ্ধপরিকর হন। লেসিঙ্-এর  
বন্ধু মোজেস মেন্ডেলস্‌জোন তাঁর পক্ষ সমর্থন করে' লিখতে গিয়ে এমন চিত্ত-  
বিক্ষোভ অনুভব করেন যে তাতেই নাকি তাঁর মৃত্যু হয়। জার্মানীর বিন্দ্রবপনহী  
ভরুগদের সংহিতা-রূপে এটি ব্যবহৃত হতে পারে আশঙ্কা করে' বুদ্ধবয়সে গ্যোটে  
এর প্রচার রহিত করেছিলেন।

তাঁর এই যুগের আর একটি কবিতা গানিমেডে (Ganymede)। তাতে সহজ  
ভক্তিমধুর্য প্রকাশ পেয়েছে। সাকী গানিমেডে দেবরাজের উদ্দেশে প্রার্থনা জানাচ্ছেন :

প্রভাতের আলোক-চাক্ষুণ্যে  
ভূমি দীপ্তি পাও আমার চারিদিকে

ওগো বসন্ত, ওগো প্রিয়তম ! -  
 অসীম প্রেমবিহ্বলতায়  
 স্পন্দিত হয় আমার চিত্ত  
 তোমার চিরজাগ্রত প্রেমের  
 দিব্য পরশনে ।  
 অমৃতময় সৌন্দর্য !  
 তোমাকে যদি ধারণ করতে পারতাম  
 এই বাহুর বন্ধনে ।

হায় আছি তোমার বৃকে,  
 তবু মরি দ্বঃখে,  
 তোমারই পুষ্প তোমারই তৃণ  
 স্পর্শ করে আমার বৃক ।  
 শাস্ত কর তুমি  
 আমার বৃকের জালা  
 ওগো অল্পম প্রভাত শরীর ।  
 মধুকণ্ঠ বুলবুল  
 ডাকে আমাকে নিবিড় বনানী থেকে ।  
 যাচ্ছি ! ওগো আমি যাচ্ছি !

কোথায় ? হায় ! কোথায় ?  
 উপরের দিকে ।  
 মেঘ ভাসে আকাশে  
 আসে নেমে, শাদা মেঘ  
 আসে নেমে প্রেমের মিনতিতে ।  
 আমার কাছে ! আমার কাছে !  
 তোমার কোলে লও তুলে  
 উর্ধ্ব  
 —আলিঙ্গিত ও আলিঙ্গ্যমান—  
 উর্ধ্ব তোমার বৃকে,  
 অনন্তপ্রেমময় পিতা !

প্রমথেন্ডেলের অবদান আর গানিমেডের প্রেমবন্ধন একই সঙ্গে গ্যোটে-চিন্তার পরিচয়-চিহ্ন।—ব্রাণ্ডেন বলেন, এই সময়ে স্পিনোজা-দর্শনের সঙ্গে গ্যোটের পরিচয় হয়; স্পিনোজার যে বাণী : ভগবান ও তাঁর সৃষ্টি অভিন্ন যেমন দেহ ও আত্মা অভিন্ন, প্রত্যেক ব্যক্তিতে সেই বিশ্বভগবানের প্রকাশ—এর প্রভাব দেখা যাচ্ছে প্রমথেন্ডেল ও গানিমেডে দুই কবিতায়ই। প্রমথেন্ডেল অস্বীকার করেছে সেই ঈশ্বরকে মাহুঘের ধারণায় যিনি সর্বশক্তিমান কিন্তু দায়িত্বহীন, মাহুঘ তাঁর সামনে চিরকাল কাঁপছে যেমন অত্যাচারী প্রভুর সামনে কাঁপে দাস; সেই অত্যাচারীর প্রভুত্ব অস্বীকার করে' প্রমথেন্ডেল নিজেকে দাঁড় করাতে চাচ্ছে তার নিজের সৃষ্টিধর্মের উপরে। গানিমেডে কবিতায় সেই ঈশ্বরকে দেখা হয়েছে চিরবসন্ত রূপে, বিশ্বপ্রকৃতির অন্তর্নিহিত সৃষ্টিধর্ম রূপে—মাহুঘের সৃষ্টিধর্মের সঙ্গে যার অঙ্গাঙ্গী যোগ।

### ভেটর

১৭৭২ খৃষ্টাব্দের শরৎকালে গ্যোটে ভেৎসলারে ফিরে যান—পিতা তাঁকে পাঠান আইন-ব্যবসায় শুরু করতে। শার্লোটকে তিনি ভুলতে পারেন নি। এর পর বৎসর ভেটর রচনা আরম্ভ হয়। ভেটরের প্রথম কয়েক পরিচ্ছেদে গ্যোটের ভেৎসলার-বাসের স্মৃষ্টি ছায়া পড়েছে। গ্যোটের মতো ভেটরও বসন্তকালে এক মফঃস্বল শহরে বাস করতে যায়; শহরটি তার পছন্দ হয় না; কিন্তু শহরের বাইরেই গ্রাম, সেখানে গাছে গাছে ফুল ফুটে অপূর্ব শোভা বিস্তার করেছে, সেই শোভা ও সৌন্দর্যের রাজ্যে মন তার ভ্রমরের মতো মত্ত হয়ে ওঠে। ওসিয়ান ও হোমর পাঠ করে', ছোট ছোট ছেলেমেয়েদের সঙ্গে ও অশিক্ষিত সরল লোকদের সঙ্গে গল্প করে' আর ছবি একে তার অধিকাংশ সময় কাটে। এমন সময় গ্যোটের মতোই এক গ্রাম্য নাচের মজলিসে শার্লোটের (ভেটরের নায়িকা) সঙ্গে তার দেখা হয়, দেখা হবামাত্রই সে মুগ্ধ হয়। সেই দিমই সে জানতে পারে (গ্যোটে প্রথম দর্শনের কিছুকাল পরে জনতে পেরেছিলেন) যে সে আলবার্টের বাগদত্তা। (ভেটরের প্রথম ভাগে কেস্টনরের চরিত্রই আলবার্টে ফুটেছে।) অল্প কিছুকাল পরেই ভেটর বুঝতে পারলে তার এই প্রেমের সম্বন্ধ অসহ, আর গ্যোটের মতোই সে নিজের মনের উপরে জবরদস্তি করে' এই স্থান ত্যাগ করে। চলে যাবার পূর্বে গ্যোটের মতোই সে আলবার্ট ও শার্লোটের সঙ্গে আলোচনা করে ভবিষ্যৎ জীবনে কি করতে হবে।

ভেটরের পরিণতির কথা অবশ্য গ্যোটে প্রথম থেকেই ভেবেছিলেন। কিন্তু প্রথম দিককার ভেটর আশ্চর্য প্রাপ্তপূর্ণ; প্রকৃতির সঙ্গে তার যোগ নিবিড়, প্রকৃতির বর্ণনা দেবার চেষ্টা তার নয় সে করে প্রকৃতিকে অনুভব :



২৩ বৎসর বয়সে



.....যখন আমার চারপাশের স্থলর উপত্যকা থেকে ওঠে কুয়াশা, অদূরে বনানীর স্ফিটভেদ্য অন্ধকারের মাথার উপরে কিরণ দেয় মধ্যাহ্ন স্বর্ষ, সেই ঘন বনের অন্তস্তলে প্রবেশ-পথ পায় মাত্র ছ'একটি রশ্মি; যখন কলনাদিনী নিম্ন'রিণীর কূলে দীর্ঘ বাসের মধ্যে গ্রহণ করি আমার শয্যা, নীচে সমতল-ক্ষেত্র পর্যন্ত দেখা যায় বিচিত্র শ্রেণীর ছোট ঘাস, বুকের পাশে অম্লভব করি বাসের ডগা থেকে লক্ষ লক্ষ কীটপু পর্যন্ত বিচিত্র প্রাণকণিকার ভিড়, অম্লভব করি সর্বশক্তিমানের প্রকাশ নিজের রূপেই যিনি আমাদের সৃষ্টি করেছেন, অম্লভব করি অনন্তপ্রেমময়কে যিনি আমাদের ধারণ করে' আছেন, তুলে ধরেছেন অনন্ত আলোকের মাঝে; যখন...সন্ধ্যার অন্ধকারে দৃষ্টি আমার হারিয়ে যায় আর চারপাশের জগৎ আর আমার মনের স্বর্গ ধারণ করে প্রিয়া-মূর্তি—তখন সাধ যায়—যদি প্রকাশ করে' বলতে পারতাম, যদি সহজভাবে কাগজের উপরে ফুটে উঠতো যা নিবিড়ভাবে অম্লভব করছি, যার দ্বারা পূর্ণ আমার হৃদয় মন—তা'হলে সৃষ্টি হতো আমার অন্তরাত্মার দর্পণ, আমার অন্তরাত্মা যেমন দর্পণ অনন্তস্বরূপের, আমার বন্ধুর! কিন্তু এ আকাজ্জিক দ্বারা ডেকে আনছি ধ্বংস; যা-কিছু চোখ ভরে' দেখছি তার মহিমার সামনে নিজেকে দিচ্ছি বিলিয়ে।

এই প্রাণপ্রাচুর্যের মধ্যে মৃত্যু-বীজ লুকিয়ে আছে অতিরিক্ত ভাবালুতায়।

ভেটরের পরিণতি-চিন্তায় কবি সাহায্য পেয়েছিলেন একটি বিশেষ ঘটনা থেকেও, সেই ঘটনাটি হচ্ছে ১৭৭২ খৃষ্টাব্দের অক্টোবরের শেষে, অর্থাৎ তাঁর ভেৎসলার ভাগ করে' আসার মাসদেড়েক পরে, যেরুসালেমের পুঁ( Jerusalem ) আশ্রয়স্থল। এই যেরুসালেম ছিলেন সেই দিনের একজন প্রথরবুদ্ধি ও হৃদয়বান্ যুবক। তাঁর মৃত্যুর পর তাঁর বন্ধু লেসিঙ তাঁর রচনাবলী 'দার্শনিক নিবন্ধাবলী' নাম দিয়ে প্রকাশ করেন। গোটে লাইপ্ৎসিগে থাকতেই যেরুসালেমকে জানতেন; তিনি যখন ভেৎসলারে তখন যেরুসালেম ছিলেন সেখানকার একজন রাজদূতের সেক্রেটারী। চাকরিতে তিনি আরাম পাচ্ছিলেন না, এর উপর এক বহুপত্নীর প্রতি তাঁর অমুরাগ অন্ততঃ প্রবল হয়। অন্তরে এমনিভাবে নিপীড়িত হয়ে লোকজনের সংসর্গ ভাগ করে' তিনি জ্যোৎস্নারাত্রীে একা একা পথে পথে ঘুরতেন। এমনিভাবে ঘুরতে-ঘুরতে এক রাত্রে তিনি এক জঙ্গলে পথ হারিয়ে ফেলেন ও সারারাত্রি ঘোরেন। তাঁর মনের কথা কোনো বন্ধুর কাছে ব্যক্ত করতেন না, কেবল সেই দিনের হাফতাশপূর্ণ নম্বল পড়ে' কিছু শান্তি লাভ করতে চেষ্টা করতেন। যে-বহুপত্নীর প্রতি তিনি আকৃষ্ট হন তাঁকে যে তিনি তাঁর মনের ভাব জানান নি তা নয়। কিন্তু সেখানে কোনো সাহায্য না পেয়ে অধিকন্তু প্রত্যাখ্যান ও



বিরক্তি শেষে এক বন্ধুর ( কেস্টেনর-এর ) কাছ থেকে পিতুল জোগাড় করে' আশ্বস্তা করেন।

কিন্তু ভেট্টরের প্রথম অংশ লিখে তিনি ফেলে রাখেন। ১৭৭৪ খৃষ্টাব্দে তাঁর নিজের জীবনে একটি ঘটনা ঘটে, সেইটি তাঁকে বইখানি সম্পূর্ণ করবার ভাগিদেয়। ঘটনাটি এই : শ্রীমতী ফন লারোশের কন্যা মাক্সিমিলিয়ানা-র সঙ্গে গ্যোটে'র কিছু ভাব হয় আমরা দেখেছি; ১৭৭৪ খৃষ্টাব্দের প্রারম্ভে ব্রেন্ডানো নামক এক কিশোরীক ব্যবসায়ীর সঙ্গে বিবাহিতা হয়ে তিনি ফ্রান্সফোর্টে আসেন। সত্ত্বরই কবির সঙ্গে তাঁর দেখা হয়। মাক্সিমিলিয়ানাকে কয়েকটি সপত্নীপুত্রের লালনভার গ্রহণ করতে হয়েছিল; তাঁর চাইতে বয়সে অনেক বড় স্বামীর সঙ্গে তাঁর মনের মিলও তেমন হচ্ছিল না; এই অবস্থায় তাঁর পূর্বপরিচিত বন্ধুর সঙ্গে আলাপ করে' তিনি মনের ফাঁপর মেটাতেন। কিন্তু ব্রেন্ডানো কেস্টেনরের মতো উদারহৃদয় ছিলেন না, তাই আমাদের কবির সঙ্গে তাঁর মনোমালিঙ্গ হতে দেয়ী হলো না। এই সময়ে গ্যোটে শ্রীমতী ফন লারোশকে এই চিঠিখানি লেখেন :

ওদের গৃহ ত্যাগ করে' আসার আগে আমার মনে কি অবস্থা গেছে তা যদি জানতেন মা, তা'হলে ওখানে আবার যেতে আমাকে বলতেন না।

এই মানসিক উত্তেজনের সময় চার সপ্তাহে তিনি ভেট্টর লিখে শেষ করেন। বইখানির দ্বিতীয়-অংশে ভেট্টরকে দেখতে পাওয়া যায় এক নূতন পরিবেষ্টনে। তার রচিত বিবন্ধে সে এক ছোট জার্মান রাজসভায় রাজদূতের সেক্রেটারীর কাজ নিয়েছে। কোনো কাজে তার বিন্দুমাত্র আসক্তি বা পারদর্শিতা নেই, কেবল ভাববিহ্বলতায় তার সময় কাটে। এই ভাববিহ্বলতাই যে তার প্রধান ব্যাধি সে-বিষয়ে সে নিজেও মাঝে মাঝে সচেতন হয়। সে বলছে :

আমার অর্ধেক শক্তি নিয়ে অস্ত্রেরা সূখে ও গৌরবে জীবন অতিবাহিত করছে, আমার কি কেবল নৈরাশ্র্যই কাটবে? হায় ভগবান, আমার অর্ধেক শক্তি রেখে কেন আমাকে দিলে না আশ্ববিখাস ও সন্তোষ!

এখানে তার জীবন-অতিষ্ঠ হয়ে উঠলো, সে চাকরি ছেড়ে দিলে। কিছুদিন এক রাজকুমারের সঙ্গে তার কাটলো, শেষে তাঁর সঙ্গে আর ভাল লাগলো না। তার পূর্বপ্রেমের পরিবেষ্টনে আবার সে ফিরে এল। কিন্তু এখন আলবার্ট ও শালাটের বিবাহ হয়েছিল—আলবার্টকে স্বামিস্বের সমস্ত হৃদয়ের অধিকারী দেখে' ভেট্টর তার হৃদয়-বেদনার কেবলই মুহূর্তমান হয়ে চললো। এই অবস্থায় ওসিয়ান তার অবলম্বন হলো। এমনভাবে ব্যর্থতায় ও হৃদয়ের আলায় দগ্ধ হতে হতে শেষে তার মনে পড়লো জীবনে কোনো ব্যাপারেই সে ত' কিছুমাত্র সার্থকতা লাভ করতে পারে নি—তার এই

ব্যক্তিগত জীবনের অবসান হওয়াই ভাল। আত্মহত্যা সম্পর্কে তার বিখ্যাত উক্তি এই :

মানুষের ক্ষমতা পরিমিত : পরিমিত সুখ অথবা দুঃখ সে সহ করতে পারে, তার বেশী হ'লে হয় তার অসহ। নৈতিক সবলতা অথবা দুর্বলতার কথা নয়, কথা হচ্ছে দুঃখ কতটা সওয়া যায় ; আমি মনে করি কেউ আত্মহত্যা করলো বলে' তাকে কাপুরুষ বলা তেমনি অদ্ভুত যেমন অদ্ভুত কেউ জরে মরলে তাকে কাপুরুষ বলা।

এই অবস্থায়ও তার কথা মাঝে মাঝে একান্তকবিত্বপূর্ণ হয়ে ওঠে। এক জায়গায় সে বলছে :

আমার এই জীবন যদি প্রকৃতির সঙ্গে মিশে যায় তবে সেইটিই হবে বেশী ভাল, তাহলে ঝড় হয়ে আমি আকাশ ছিন্নভিন্ন করবো, সমুদ্রের জলে তরঙ্গ তুলবো।

অংশেবে আলবার্টের কাছ থেকে পিস্তল জোগাড় করে' সে আত্মহত্যা করে। তার শেষ উক্তি এই :

প্রকৃতি, তোমার সন্তান, তোমার বন্ধু, তোমার প্রেমিক, তোমার নৈকট্য লাভ করছে — অনন্ত পরিণতির নিকটবর্তী হচ্ছে।

ভেটের প্রকাশিত হবা মাত্র সাহিত্য-জগতে হলুতুল পড়ে গেল। সমস্ত শ্রেণীর লোকের চিত্ত এর দিকে আকৃষ্ট হলো। নেপোলিয়ন জীবনে বহুবার এই বইখানি পড়েছিলেন। সুদূর চীন-সাম্রাজ্যে শার্লোট ও ভেটরের প্রতিমূর্তি চিনামাটির বাসনে অঙ্কিত হয়েছিল। কিন্তু এর একটি বিশেষ ফল ফলতে আরম্ভ করলো—ভেটরের বেশবিশ্বাস পদ্ধতি সবার অগুরুগণীয় হলো, আত্মহত্যা ও যুবকযুবতীদের মধ্যে সংক্রামক ভাবে দেখা দিল। ফলে জার্মানীর কয়েক জায়গায়, মিলান শহরে ও ডেনমার্কের এর প্রচার আইনের দ্বারা রহিত করা হলো।

ব্রাণ্ডেল বলেন :

ভেটরের প্রেমোন্মাদ ও ব্যর্থতার কাহিনী ব্যক্তি-বিশেষের দুর্ভাগ্যের কাহিনী মাত্র নয়। ব্যক্তি-বিশেষের কথা এতে এমন ভাবে বলা হয়েছিল যে এক বিশেষ যুগের আবেগ-আকাঙ্ক্ষা ও অন্তর্দাহ এতে রূপলাভ করেছিল।

লুইস বলেন :

এই বইখানি আজকাল আর পাঠকদের তেমন প্রিয় নয়, এর ইংরেজি

অনুবাদটি সুন্দর হয়নি, কিন্তু মূলে এটি পরম উপভোগ্য। এতে অসাধারণ লিপিচাতুৰ্য প্রকাশ পেয়েছে, সমগ্র জার্মান সাহিত্যে এমন সরস প্রকৃতি-বর্ণনা, এমন পূর্ণ জীবন-বোধ, এমন অনায়াস রচনাভঙ্গি কবীচিং চোখে পড়ে।

গ্যোটে বলেছেন :

ভেটর এমন একটি সৃষ্টি যাকে আমি লালন করেছিলাম ডাহকীর মতো আপন হৃদয়-রক্ত দিয়ে। আমার গভীর অভিজ্ঞতার ও চিন্তার এমন অনেক কিছু ওতে আছে যা দিয়ে এমন দশখণ্ডে-সমাপ্ত গ্রন্থ রচিত হতে পারতো। প্রকাশের পরে আজ পর্যন্ত মাত্র একবার আমি ও বই পড়েছি, আর পড়তে সাহস করিনি। ওতে ক্রমাগত চলেছে আতসযাজি। ও বই দেখলে আমি বিচলিত হয়ে পড়ি, যে মানসিক অবস্থা থেকে ওর উদ্ভব হয়েছিল তার পুনরাক্রমণ ভয়ের চক্ষে দেখি।

কিন্তু গ্যোটে-চরিত্র ও ভেটর চরিত্র যে এক নয় সে-সম্বন্ধে সমালোচকরা একমত। ক্রোচে এটিকে বলেছেন এক মানসিক ব্যাধির সুলিখিত কাহিনী—সেই ব্যাধির প্রতি কবি নিক্ষেপ করেছেন করুণার দৃষ্টি। ক্রোচের মতে ভেটর এক অজটিল উৎকৃষ্ট কাব্য কেননা একই সঙ্গে এতে প্রকাশ পেয়েছে অনুভূতির তীব্রতা ও বোধের তীক্ষ্ণতা—উদ্দাম হৃদয়বেগ ও সে-সম্বন্ধে অনাবিল চেতনা।

ভেটরের দুঃখ যে এক উচ্চাঙ্গের প্রেম-কাহিনী নয়, বরং এক মানসিক ব্যাধির সুলিখিত কাহিনী তা মিথ্যা নয়। কিন্তু প্রেম-তত্ত্বজ্ঞাতাও মাঝে মাঝে এতে যে-ভাষা লাভ করেছে, দীপ্তির তীব্রতায় তা পরমাশ্চর্য। সেই দিনের অনেকে—দিগবিজয়ী নেপোলিয়নও—একে এক ব্যর্থ প্রেমের কাহিনী হিসাবেই গণ্য করেছিলেন।

### সমালোচকদের হাতে ভেটর

ভেটর প্রজ্ঞাপ্তাঙ্গাধামি দেশ-বিদেশের পাঠকদের কাছে যে অসাধারণ সমাদর লাভ করেছিল তার বড় কারণ ছিল সেই যুগের নরনারীর মানসিক অবস্থা—এ সম্বন্ধে প্রায় সবাই একমত। কিন্তু তাম্বিল্য ও উপহাসও যে এর লাভ হয়নি তা নয়। মনীষা ও সবলতার প্রতীক লেসিঙ মত প্রকাশ করেছিলেন : একজন গ্রীক বা রোমক যুবকের পক্ষে এই কারণে ও এইভাবে আত্মহত্যা অসম্ভব ছিল, এমন মৌলিকতা ভাব-বিলানী খৃষ্টান সংস্কৃতির পক্ষেই সম্ভবপর।—লুইল এ মন্তব্যে আপত্তি করেছেন। তাঁর যুক্তি, এমন আত্মহত্যার রীতি গ্রীক ও রোমক জগতেও অপ্রচলিত ছিল না। তবু লেসিঙ এর মন্তব্যটি অর্থপূর্ণ। সেই বিষয় ভাবালুতার যুগে স্থিতধী ব্যক্তিও যে ছিলেন, এ তার এক বড় প্রমাণ।

ভেটরের একটি কৌতুকবহ সমালোচনাও প্রসিদ্ধি লাভ করেছিল। বার্লিনের পুস্তকবিক্রেতা ও গ্রন্থকার ক্রিস্টোফার ব্রীডরিথ নিকোলাই সেই দিনে জার্মানীতে বিশেষ প্রতিপত্তি অর্জন করেছিলেন। অষ্টাদশ শতাব্দীর সংকীর্ণ যুক্তিবাদের তিনি ছিলেন একজন গোঁড়া সমর্থক। সমালোচকরা বলেন, তিনি পণ্ডিত ব্যক্তি ছিলেন, কিন্তু মতের অহুদারতা ও অহুত্বতির সুলভতার জন্য ধর্মের মরমী সাধনা কিংবা কাব্যানন্দ তেমন উপভোগ করতে পারতেন না। 'তরুণ ভেটরের ছুংথে'র জবাবে তিনি লেখেন 'তরুণ ভেটরের আনন্দ'; তাতে ভেটর আশ্বহত্যার চেষ্টা করে পিণ্ডলে বাচ্চামুর্গীর রক্ত ভরে' ও নায়িকা শার্লোটকে বিবাহ করে' অবশিষ্ট জীবন স্নেহে কাটিয়ে দেয়।

এই বিজ্ঞ গ্যোটে উপভোগ করেছিলেন, বিশেষ করে' নিকোলাই-এর বইখানির প্রচ্ছদপটে আঁকা ছবিটি। কিন্তু এক ব্যঙ্গকবিতা লিখে এর জবাবও তিনি দেন। লুইস বলেছেন, কবিতাটিতে রসিকতা তেমন জমেনি, খুব অমার্জিতও হয়েছে। এক আশ্বস্তরী ধর্মধ্বজীর বিরুদ্ধ-সমালোচনার উত্তরে কবি লেখেন :

আশ্বস্তরী সেই জন সে আমারে বলে ভয়ঙ্কর।

সাঁতারে যোগ্যতা নেই জল-নিন্দা তার কৃতিকর ॥

ব্যঙ্গক-শাসিত সেই বার্লিন-সমাজে কহি ডাক'।

মোর কথা যে না বোঝে শেখা তার আরো কিছু বাকি ॥

## ক্লাভিগো

ভেটরের অল্পকাল পরেই ক্লাভিগো নাটক রচিত হয়। এর উৎপত্তি সম্বন্ধে গ্যোটে আশ্বচরিতে বলেছেন :—তাঁর সহোদরা কর্ণেলিয়ার যত্নে তাঁদের যে একটি তরুণ-তরুণী-সমাজ গড়ে উঠেছিল কর্ণেলিয়ার বিবাহের পরেও তা ভাঙলো না। এঁরা সবাই পরস্পরের সাহচর্য খুব কামনা করতেন এবং সপ্তাহে একবার বনভোজনে কিংবা শ্রীতি-সম্মেলনে মিলিত হতেন। এঁদের দলের এক খেয়ালী কিন্তু অভিজ্ঞতাশালী তরুণ একবার প্রস্তাব করলেন,—প্রেমিক ও প্রেমিকা পরস্পরের প্রতি কেমন আচরণ করবেন তা তাঁরা সবাই জানেন; কিন্তু স্বামী ও স্ত্রী সমাজে পরস্পরের সঙ্গে কেমন আচরণ করবেন তা তাঁরা জানেন না বলেই চলে। সেই জন্য প্রতি সপ্তাহে চিঠি খেলে ঠিক করা হবে সেই সপ্তাহের জন্য কে কার 'স্বামী' বা 'স্ত্রী' হবেন, এই সব 'দম্পতি' পরস্পরের সাম্নি সহজভাবে এড়িয়ে চলতে চেষ্টা করবেন, পরস্পরের সঙ্গে কথাবার্তা খুব কম বলবেন, আদর-আপ্যায়ন ত নয়ই, এই সংযম ও ভাব্যতা যেমন তাঁরা আয়ত্ত করবেন তেমনি এড়িয়ে চলতে চেষ্টা করবেন সন্দেহ ও মনোমালিন্য। এই ভাবে প্রেমিক-প্রেমিকার পদ্ধতি অহুসরণ না করে' যে 'স্বামী' তাঁর 'স্ত্রী'র অহুসরণ-

ভাঙ্গন হতে পারবেন তাঁকেই সফলকাম বলা হবে। এইরূপ বর-বধু খেলার এক তরুণী পরপর ভিন্নবার গ্যোটে বধুরূপে নির্ধারিত হন। তখন সাবাস্ত হর যে তাঁদের দুইজনকে নিয়ে আর চিঠি খেলা হবে না, ভাগ্য তাঁদের বর-বধু বলে স্বীকার করেছেন। এই সব সম্মেলনে কেউ কিছু পাঠ করে' আর সবাইকে শোনাতে। এক সন্ধ্যায় গ্যোটে ফরাসী নাট্যকার বোমার্শে-র ( Beaumarchais ) সম্ভ্রান্তকামিত জীবন স্মৃতি সবাইকে পড়ে শোনান। কথায় কথায় তাঁর 'বধু' বলেন: আমি যদি তোমার বধু না হয়ে অধিবাসিনী ( Liegelady ) হতাম তাহলে তোমাকে আদেশ করতাম এই আখ্যায়িকা নিয়ে নাটক রচনা করতে, এ নাটকেরই যোগ্য। গ্যোটে উত্তর করলেন: প্রিয়ে, তুমি দেখবে অধিবাসিনী ও বধু এক। আসছে সপ্তাহে এই বারে এই বিষয়েই একটি নাটক আমি পড়ে শোনাব।—আগেই গ্যোটে মনে হয়েছিল আখ্যায়িকাটিকে সহজেই নাটক-রূপ দেওয়া যাবে। কিন্তু এমন তাগিদ না পেলে তাঁর অস্তিত্ব বহু পরিকল্পনার মতো এটিও হয়ত অলিখিতই থেকে যেতো।

ক্লাভিগো পঞ্চাঙ্ক নাটক। এর প্রথম চার অঙ্ক যেন বোমার্শে-র কাহিনী নাটকের মতো করে' লাজানো। শেষ অঙ্কটি সম্পূর্ণ স্বতন্ত্রভাবে লেখা।—প্রথম অঙ্কের প্রথম দৃশ্যে ক্লাভিগো তার বন্ধু কার্লোস-এর সঙ্গে তার ভবিষ্যৎ-জীবন সম্বন্ধে আলোচনার রত। ক্লাভিগো উদীয়মান সাহিত্যিক ও সাংবাদিক, অধিকশিত-প্রতিভার তাড়নায় চঞ্চল; বোমার্শের ভগিনী মারিয়া তার বাগ্‌দস্তা। কিন্তু মারিয়া রুগ্ণা, দীপ্তিহীন, তাকে বিয়ে করা ক্লাভিগোর মতো উজ্জ্বল-ভবিষ্যৎ-সম্পন্ন যুবকের পক্ষে অসম্ভব। এই তার বন্ধু কার্লোসের মত। সে বলছে :

বিয়ে করা! জীবন যখন প্রথম কিছু-হয়ে-ওঠার পথে দাঁড়িয়েছে তখন বিয়ে করা! সাংসারিকতার গতানুগতিকতার মিজেকে সঁপে দেওয়া! জীবনকে বন্দী করা যখন দেখাশোনার অর্থেকও হয়নি। যখন বিজয়-গৌরব অর্থেকও লাভ হয়নি।

প্রতিভা সাধারণ দায়িত্ববোধের অতীত, এও কার্লোসের মত। প্রথমবৃদ্ধি কার্লোসের হাতে চঞ্চলমতি ক্লাভিগো যেন মরম কাদা। সে ঠিক করলে মারিয়ার সঙ্গে সম্বন্ধ ছিন্ন করবে। দ্বিতীয় দৃশ্যের প্রারম্ভে বোমার্শের পরিজন ক্লাভিগোর কৃতঘ্নতা ও স্থগিত আচরণ সম্বন্ধে আলোচনা করছে; ক্ষয়বোগগ্রস্তা মারিয়া কিন্তু তার প্রেমোষ্পাদকে তুলতে পারছে না। শেষের দিকে বোমার্শের প্রবেশ ও অকারণে যদি ক্লাভিগো এমন স্থগিত আচরণ করে তবে তার প্রতিফল দানের সংকল্প গ্রহণ। দ্বিতীয় অঙ্কে একটি মাত্র দৃশ্য, তাতে বোমার্শে বন্দ-যুদ্ধের ভয় দেখিয়ে ক্লাভিগোর কাছ থেকে তার স্থগিত আচরণের এক স্বীকারোক্তি লিথিরে নিচ্ছে, সেটি লিখে দিয়ে দোলায়িতচিত্ত ক্লাভিগো তার প্রেম-পাজীর প্রতি হৃদ্যবহারের জন্য অকৃত্রিম অনুরোধে প্রকাশ করছে; সে মারিয়ার

সঙ্গে পুনর্মিলনের আগ্রহ জানালে, বোমার্শে তাতে স্বীকৃত হলো। তৃতীয় অঙ্কে মারিয়া ও ক্লাভিগো-র পুনর্মিলন ঘটেছে; তাদের বিবাহের আয়োজন হচ্ছে; বোমার্শে ক্লাভিগোর সেই স্বীকার-উক্তি নষ্ট করে ফেললে। চতুর্থ অঙ্কের প্রথম দৃশ্বে কার্লোস ক্লাভিগোকে ভাল করে বুঝিয়ে দিচ্ছে এমন অবস্থিত পরিণয়ের শোচনীয় পরিণামের কথা, ক্লাভিগোকে সে কৌশলে এ বিপদ থেকে উদ্ধার করবে একথাও বলছে। দ্বিতীয় দৃশ্বে ক্লাভিগোর নতুন বিশ্বাসঘাতকতায় বোমার্শের পরিজন মুহমান হয়েছে, বোমার্শে প্রতিশোধ গ্রহণের সংকল্প করছে, মারিয়া মৃত্যুশয্যা শায়িতা। পঞ্চম অঙ্কে মারিয়ার শব সমাধিক্ষেত্রে নীত হয়েছে, তখন পথ ভুলে ক্লাভিগো সেখানে উপস্থিত—সে তার বন্ধু কার্লোসের সন্ধানে বেরিয়েছিল। বোমার্শের হাতে ক্লাভিগো নিহত হলো। এক গভীর শোক ও অশ্রুশোচনীয় নাটকের পরিসমাপ্তি হলো।—মূল কাহিনীতে বোমার্শে ক্লাভিগোর বিশ্বাসঘাতকতায় ও যড়যন্ত্রে কুপিত হয়ে রাজমন্ত্রী ও রাজার সাহায্যে তার পদচ্যুতি ঘটায়। লুইস বলেন, এই ক্লাভিগো বা ক্লাভিজো কালে খ্যাতিমান সাহিত্যিক হয়েছিলেন; গ্যোটে'র নাটকের সাহায্যে তাঁর কলঙ্ক জার্মানীর রঙ্গমঞ্চে মূর্তি ধরে' ফিরছে এ হয়ত তিনি জানতেন, কিন্তু গ্যোটে' জানতেন না।

ক্লাভিগো পড়ে' মের্ক গ্যোটে'কে লিখলেন : এমন বাজে লেখা আর লিখো না, এসব লিখবার জন্ত তের লোক আছে।—নাটকখানি সম্বন্ধে সমালোচকদের মোট বক্তব্য এই। এর কোনো চরিত্রই তেমন উৎকর্ষ লাভ করেনি, যদিও মাঝে মাঝে কাব্য-সৌন্দর্য প্রকাশ পেয়েছে। তা'ছাড়া পরিণতিটি যেন জুড়ে দেওয়া হয়েছে, ঘটনা-প্রবাহে অবশ্যস্বাভাবী হয়ে ওঠেনি।—তবে আজ পর্বন্ত এটি না কি জনপ্রিয়। আত্মচরিতে গ্যোটে বলেছেন, মের্কের কথা না শুনে তিনি যদি ক্লাভিগোর মতো আরো কতকগুলো নাটক রচনা করতেন তবে ভালই করতেন, তাঁর যুক্তি—জনসাধারণ যা ভাল বোঝে তা যে সব সময়ে লজ্জম করত হবে তা নয়, বরং অনেক কাজ সেই চিন্তাধারার দিকে লক্ষ্য রেখেই করা সম্ভব।

ক্লাভিগোতে কিন্তু গ্যোটে'র মনোবিকাশের পরিচয় রয়েছে। গ্যোৎস্ নাটকের কয়েকটি চরিত্রের ছায়া এর উপরে পড়েছে। তবু এতেই যেন তরুণ গ্যোটে তাঁর নিজের চলচ্চিত্রতা আর পরিচ্ছন্ন দৃষ্টি রূপায়িত করে' দেখেছেন। একাধারে তিনি ক্লাভিগো ও কার্লোস। এই শেষোক্ত চরিত্র সম্পর্কে লুইস বলেন : নাটকে যেসব অমাহুব চরিত্র অঙ্কিত হয় তাদের কর্মের মূলে সাধারণত থাকে প্রতিহিংসা, ঈর্ষা, অথবা এই ধরনের কোনো মনোভাব। কিন্তু কার্লোস-চরিত্রে ফুটেছে কাণ্ডজ্ঞান, চিন্তার পরিচয়তার ছবি—সমস্ত রকমের ভাবাবেশের সে বিরোধী। ফাউস্টের মেক্সিমটোকিলিসের পরিকল্পনার সূচনা যেন এখানে।

গ্যোৎস্-এ গ্রীক বা ফরাসী আদর্শের স্থান কাল ও ঘটনার একত্বের প্রতি কিছুমাত্র শ্রদ্ধা দেখানো হয়নি, কিন্তু ক্লাভিগো নাটকে সেসব পূর্ণমাত্রায় বিস্তারিত।

### মহাজান-সম্মিলন

এই তরুণ প্রেতিভা সন্দর্শনে আগমন করেন তখনকার দিনের কবিকজন খ্যাতিমান ব্যক্তি। তাঁদের বর্ণনায় গ্যেটের পরমার্শ্য তারুণ্য অমর হয়ে আছে।

প্রথমে ফ্রাঙ্কফোর্টে আসেন লাফাটর (Lavater), তৎকালীন ইয়োন্নোপের অতি প্রসিদ্ধ ব্যক্তি। দুইখানি বই লিখে নববোঝেনই তিনি খ্যাতিলাভ করেন—খুইটান মরমিয়া বলে' তাঁর সমাদর হয়। যখন গ্যেটের সঙ্গে তাঁর দেখা হয় তখন তিনি মুখাবয়ব-বিজ্ঞা (Physiognomy) সম্বন্ধে একটি গ্রন্থ রচনায় মিস্ত্র ছিলেন। পরবর্তীকালে মুখাবয়ববিজ্ঞা-বিশারদ রূপেই তিনি প্রসিদ্ধ হন। এই বিজ্ঞায় গ্যেটেও পারদর্শী ছিলেন,—তাঁর লোক-চরিত্র-জ্ঞান ও সমাজ দৃষ্টি এর অনুরূপ ছিল। লাফাটর তাঁর সাহায্য গ্রহণ করেছিলেন।

এর এক বৎসর পূর্বে তাঁর সঙ্গে গ্যেটের পত্র-ব্যবহার আরম্ভ হয়, গ্যেটের রচনা পড়ে' তিনি চমৎকৃত হন। একবার গ্যেটের ছবি বলে' তাঁর এক বছর ছবি লাফাটরকে পাঠানো হলে তিনি বলতে পেরেছিলেন তা গ্যেটের ছবি নয়। কিন্তু গ্যেটকে দেখে তিনি ভেতন খুশী হন নি। তাতে গ্যেটে বলেছিলেন—তিনি বা তা যখন জীবনের অভিজ্ঞত তখন লাফাটরেরও সেইভাবেই তাঁকে গ্রহণ না করে' উপায় কি। প্রথম দিনের আলাপ-পরিচয়ের শেষে লাফাটর মন্তব্য করেন : (গ্যেটে) আগাগোড়া চৈতন্ত ও সত্য (All Spirit and truth)।

লাফাটরের সঙ্গে গ্যেটের ধর্মবিষয়ে বহু আলাপ হয়। এক জায়গায় দুজনের একটি বড় মিল দেখা দিয়েছিল—দুজনেই ছিলেন আচার-নিয়মের দাসত্বের বিরোধী ও সহজ-অনুভূতির পক্ষপাতি। কুমারী ফন ক্রেটেনবের্গের সঙ্গে লাফাটরের ধর্মআলাপ গ্যেটে শ্রদ্ধার সঙ্গে শোনেন। প্রত্যয় ও জ্ঞানের সম্পর্ক সম্বন্ধে তিনি আশ্চর্যিতে মন্তব্য করেছেন : প্রত্যয়ে বা ভক্তিতে দেখবার দরকার নেই কাকে ভক্তি করা হচ্ছে, সেটি এক অপূর্ব নির্ভরতা, নিরাপত্তা-বোধ, এক সর্বশক্তিমান জ্ঞানাতীত শক্তিতে বিশ্বাস—এই বিশ্বাসই শক্তি ; কিন্তু জানে যাচাই করতে চেষ্টা করা হয় কি বা কাকে বিশ্বাস করা হচ্ছে।—লাফাটর যখন ফ্রাঙ্কফোর্ট থেকে এর্নস্-এ বান গ্যেটে তাঁর সঙ্গী হন। পথে তাঁর নিজের রচনা সম্বন্ধে আর স্পিনোজা সম্বন্ধে তাঁদের বেশীর ভাগ আলাপ হয়। ফ্রাঙ্কফোর্টের মতো এর্নস্-এও ভক্তের ভিড় জমলে গ্যেটে বাড়ী ফিরে আসেন।

লাফাটের সঙ্গে সঙ্গে গ্যেটের স্বাভাব্য সহজেই প্রকাশ পেয়েছে। লাফাটের গ্যেটের প্রতিভার প্রতি বতই প্রদাহিত হোন তাঁর স্বভাবের প্রেরণায় তিনি চেষ্টা করেছিলেন গ্যেটকে তাঁর ভাবের ভাবুক করতে, তাঁর ব্যাখ্যাত খুঁটির মুক্তির আশ্বাদ গ্রহণ করতে; তাঁর এক পক্ষে আছে :

গ্যেটে আমাকে দাদা বলে ডাকেন। আমি তাঁকে কি বলব—অপূর্ব ? মানুষের মধ্যে তিনি অতুলনীয়, অতুল। কিন্তু তাই, বীভূতকে গ্রহণ করতে তোমার কী আপত্তি ?

কিন্তু লাফাটের প্রতি গ্যেটে আকৃষ্ট হয়েছিলেন তাঁর মৌলিকতার জন্তে, মনের জন্তে তেমন নয়। এই সম্পর্কে তাঁর এই চিঠিখানি বিখ্যাত—লাফাটের বহু ফেনিঙ্গরকে ( Phenninger ) লেখা :

দ্রাভঃ, আপনি বিশ্বাস করুন এমন দিন আসবে যেদিন আমরা একে অন্ধকে বুঝতে পারবো। আপনি আমার সঙ্গে এমন ভাবে আলাপ করেন যেন প্রত্যয় আমাতে নেই, আমি শুধু বুঝে দেখতে চাই, সব আমার সামনে প্রমাণ করা হোক এই আমার ভাব—অমুভূতি যেন আমাতে বিন্দুমাত্র নেই। কিন্তু আসলে এসবের যা বিপরীত তাইই সত্য। “বুঝে দেখা,” প্রমাণ নেওয়া,” এসব ব্যাপারে আমি কি আপনাদের চাইতে বেশী সমর্পণ-ধর্মী মই ? অথবা আপনাদের মনস্তত্ত্বের জন্তে আপনাদের ভাষায় কথা বলা আমার পক্ষে নিবৃত্তিতা মাত্র। আমার বরং উচিত, বিভক্ত ব্যবহারিক মনস্তত্ত্বের সাহায্যে আমার অন্তরতম সত্তা আপনাদের সামনে অনাবৃত করে’ এই কথা প্রমাণ করা—যে আমিও মানুষ, আর সেই জন্ত অন্যান্য মানুষের মতো অমুভূতি আমারও পক্ষে স্বাভাবিক, আমাদের মধ্যে যত বিরোধ সেসব কেবল শব্দের ব্যবহার নিয়ে ; আমি যে ভাবে বা অমুভব করে’ এসেছি, সেই ভাবে ভিন্ন অন্য ভাবে সেসব প্রকাশ করতে আমার যে অক্ষমতা, সেসব অমুভূতি আমি যে স্বতন্ত্র ভাবে প্রকাশ করি, তা থেকে অনন্ত কলহের সৃষ্টি হয়েছে—এর সমাধান নেই। কিন্তু আপনি সব সময়ে আমার কাছে প্রমাণ দাবি করেন। কেন ? আমি আছি এর কি কোনো প্রমাণের দরকার আছে ? আমি অমুভব করি এর কি কোনো প্রমাণ চাই ? আমি অমূল্য জ্ঞান করি, ভালবাসি, চাই, সেইসব প্রমাণ বার বার নিঃসন্দেহে বুঝি যে, যা আমাকে বল দান করেছে, শাস্ত্র দান করেছে, তা শতসহস্র ব্যক্তি—অথবা একজনও—অমুভব করেছেন। এজন্য আমার কাছে মানুষের কথাই যেন জীবনের কথা—সে-কথা ধর্মবাক্য অথবা বারবানিতা



বে-ই বিধি-বিধানের সাহায্যে প্রকাশ করক অথবা কণায় কণায় চতুর্দিকে ছড়িয়ে দিক। আমার সমস্ত অন্তরাঙ্গা দিয়ে আমি আলিঙ্গন করি আমার সব ভাইকে—যোজেনকে, পরগণারকে, তত্ববাহককে, বাণীপ্রচারককে, স্পিনোজাকে অথবা ম্যাক্সিমেলিকে। কিন্তু এতোকের কাছে আমার নিবেদন : বন্ধু, আমার বে অবস্থা তোমারও তাই ; বিশেষ বিশেষ ব্যাপার ছুমি পরিষ্কার ভাবে বোঝো, তাতে শক্তিও প্রকাশ পায়, কিন্তু সমগ্রের ধারণা আমার পক্ষে যেমন সম্ভবপর নয় তোমার পক্ষেও তেমনি সম্ভবপর নয়।

লাফাটের পরেই আসেন বাজেডভ্ (Basedow)—বিখ্যাত শিক্ষা-সংস্কারক ও তখনকার দিনের একজন গোড়া যুক্তিবাদী। লাফাটর ও বাজেডভ্ দুই সম্পূর্ণ ভিন্ন প্রকৃতির লোক ছিলেন। লাফাটর স্বদর্শন, মার্জিতকৃটি, ভক্ত, বাজেডভ্ স্বদর্শন, ভব্যতালেশশূন্য, নিরুজ্জ্বলযুক্তিবাদী—খুঁটান দ্বিত্ব বাদের বিরুদ্ধে বিদ্রোহ ঘোষণা করতে সদাই প্রস্তুত। অতিরিক্ত মত্ত ও ধ্বংসাত্মক জন্তু তাঁর বাসস্থান সব সময়ে অপরিষ্কার ও দুর্গন্ধময় হয়ে থাকতো। ক সপ্তাহ এঁর সঙ্গে গ্যোটে'র কাটে। এঁর অনেক কথা তাঁর ভাল লাগেনি। তবে শিক্ষাকে যে-ইনি জীবন্ত করতে চাচ্ছিলেন সেটি তাঁর ভাল লেগেছিল। বাজেডভ্ ছিলেন দরিদ্রের সন্তান ও জন্মবিজ্ঞোহী। মধ্যজীবনে তিনি রুশোর শিক্ষা-পদ্ধতিকে জীবনের ব্রত করে' ভালেন ও এই বিষয়ে বহু গ্রন্থ রচনা করে' লোকপ্রসিদ্ধ হন। তাঁর ইচ্ছামুত্বারা শিক্ষাদানের জন্ত একটি বিদ্যালয় প্রতিষ্ঠার সংকল্প নিয়ে তিনি অর্থসংগ্রহে জার্মানীর বিভিন্ন স্থান পরিদর্শন করছিলেন।

বাজেডভ্ ব্রাহ্মফোর্ট থেকে এর্নস্ট-এ যান। গ্যোটে তাঁর সঙ্গ নেন। সেখানে লাফাটরকে পেয়ে তাঁর খুব আনন্দ হয়। তাঁদের তিনজনের অন্ততভাবে কিছুকাল কাটে,—লাফাটর করতেন ভুক্তিধর্ম প্রচার, বাজেডভ্ বলতেন আমূল সংস্কারের কথা, গ্যোটে রত থাকতেন কৌতুকে ও নৃত্যে। একদিন এক ভদ্রমহিলার গৃহে তাঁরা গমন করলে বহু লোক তাঁদের দেখতে আসে। লাফাটর ভাদের আপ্যায়িত করেন মুখাবয়ব-বিভার দক্ষতা দেখিয়ে, গ্যোটে তাঁদের শোনান গদ্য, কিন্তু যখন বাজেডভ্‌র বাক্যস্রোত নির্বারিত হলো তখন অল্পক্ষণের মধ্যেই সকলে প্রমাদ গণলে। প্রথমে তিনি বলতে আরম্ভ করেছিলেন উন্নততর শিক্ষা-পদ্ধতি প্রচলনের কথা বার জন্ত সকলেরই মুগ্ধহস্ত হওয়া সমীচীন ; কিন্তু হঠাৎ তুলে বললেন দ্বিত্ববাদ প্রসঙ্গ। সমস্ত শ্রোতা অতিষ্ঠ হয়ে উঠলো—কিন্তু সেদিকে বাজেডভ্‌র জ্রক্ষেপ নেই। তাঁর বিদ্যালয়ের জন্য কিছু অর্থ-সাহায্য তিনি হরত পেতেন, কিন্তু তা আর সম্ভবপর হলো না।—বাসায় ফিরবার কালে গ্যোটে এমন একটি কাণ্ড করলেন যাতে তাঁদের মধ্যে হাসির রোল পড়ে গেল। বাজেডভ্ তৃষ্ণাবোধ করছিলেন। এক 'বিরারের' দোকান দেখে তিনি গাড়োয়ানকে

গাড়ী ধামাতে বললেন। কিন্তু গোটে আরো চেষ্টায়ে বললেন—চালাও। গাড়ী বাস্তবিকই বখন ধামালো না তখন বাজেডভ্ গোটের উপরে একেবারে মারমুর্তি হয়ে উঠলেন ; কিন্তু গোটে শাস্তকণ্ঠে বললেন :

ধর্মাত্মা, এর জন্য আমাকে আপনার ধন্যবাদ দেওয়াই উচিত। ভাগ্যে আপনি বিষয় মদের বিজ্ঞাপনটি দেখেন নি—তাকে এক ত্রিভুজের মধ্যে আর এক ত্রিভুজ ঢুকেছে। এক ত্রিভুজ দেখেই আপনার ম'থা গরম হয়ে যায়, তুই ত্রিভুজের উপরে যদি আপনার চোখ পড়তো তবে আপনার জন্য দড়িকাছির যোগাড় করতে হতো।

আত্মচরিতে গোটে লিখেছেন, এর্নস্-এ রাত্রিতে থানিকটা সময় তিনি বাজেডভ্-এর কামরায় কাটাতেন। বাজেডভ্ ঘুমাতেন না, কোঁচে বসে 'অনর্গলভাবে বলে' যেতেন আর তাঁর সেক্রেটারি লিখতেন। মাঝে মাঝে তাঁর তন্দ্রা আসতো, সেই তন্দ্রার বৌক কেটে গেলে আবার তিনি বলতে থাকতেন। নাচের ফাঁকে ফাঁকে তাঁর ধূমের-গন্ধে-ভরা কামরায় ঢুকে গোটে তাঁর সঙ্গে তর্কে প্রবৃত্ত হতেন, বখন তিনি আবার নাচের মজলিসে ফিরে যেতেন তখন সহজভাবে বাজেডভ্ তাঁর কাছে মন দিতেন।

এর্নস্ থেকে তিনজন কোব্লেনৎস্-এ যান। পথে ও কোব্লেনৎসে মেমে গোটে ওবাজেডভ্ হাসিঠাট্টায় এমন উদ্যমতার পরিচয় দেন যে সবাই তাঁদের পাগল মনে করে। এখানে এক হোটেলে তাঁদের নৈশ-ভোজন সমাধা হয়—সেই ভোজন সাহিত্যিক মর্দাদা লাভ করেছে। ভোজনকালে লাফাটর এক গ্রাম্য বাজককে শোমাচ্ছিলেম প্রত্যাদেশ-তত্ত্ব, আর বাজেডভ্ এক একগুঁয়ে নিত্যশিক্ষককে কেবলই বোঝাতে চেষ্টা করছিলেন যে খৃষ্টীয় জলগুদ্ধি (Baptism) একালে অনাবশ্যক। একটি কবিতায় গোটে এর স্মৃতি রক্ষা করেছেন—তার শেষ দু'টি চরণ এই :

ডাইমে বার্তাবহ বামে বার্তাবহ,

মধ্যে বসে' বিশ্ব-শিশু—

এই বোধ হয় প্রথম তিনি নিজেকে বিশ্ব-শিশু বা বিশ্ব-সন্তান (Welt-kind) বললেন।

এই যাত্রায় গোটে ডুসেলডর্ক্-এ যান, সেখানে তাঁর বন্ধু যুগ্‌বটলিঙ্ক-এর সঙ্গে তাঁর দেখা হয়, খ্যাতনামা চিন্তাশীল জ্রিৎস্ যাকোবির (Jacobi) সঙ্গেও তাঁর মিলন ঘটে। এখানে এক ধর্মভ্রুদের সভায় গোটে আশ্চর্য সংঘর্মের পরিচয় দেন। খুব এক উদ্যমতার নেশা সম্প্রতি তাঁর লেগেছিল। সেই ধর্মভ্রুদের সভায় টেবিলের চারপাশে তিনি নেচে নেচে ফিরছিলেন। মাঝে মাঝে এমন তিনি করতেন। অনেকেরই মনে তাঁর মস্তিষ্ক-বিকৃতির আশঙ্কা জেগেছিল। বখন মজলিসি আলাপ

খুব জমেছে তখন এক ভক্ত হঠাৎ গ্যোটেকে জিজ্ঞাসা করলেন তিনি ভেটরের আচরিতা কি না। গ্যোটে বললেন—হ্যাঁ। তখন ভক্ত বললেন :

আপনার সেই জঘন্য বইখানির প্রতি যদি আমি ঘৃণা প্রকাশ না করি তবে আমার বিবেকের কাছে দোষী হব। জীবনের ইচ্ছা হোক আপনার বিকৃত হৃদয় সংশোধিত করতে।

সভা শুরু হয়ে রইল। গ্যোটে শান্ত কণ্ঠে বললেন :

আপনার দিক থেকে এই যে সিদ্ধান্ত হবে তা আমি বেশ বুঝি, আর এমনিভাবে আমাকে যে ভৎসনা করলেন সেজন্য আপনার অকৃত্রিমতার প্রতি শ্রদ্ধা নিবেদন করছি; আমার জন্য ভগবানের কাছে প্রার্থনা করুন।

রাকোবি ও তাঁর ভাইয়ের সংসর্গে গ্যোটের কয়েক দিন আনন্দে কাটে। লাফাটর ও বাজেডভের চাইতে অন্তরের মিল তাঁদের সঙ্গে তাঁর বেশী হয়েছিল যদিও কিছুদিন পূর্বে তাঁদের সঙ্গে তাঁর সাহিত্যিক অসম্ভাব ছিল। সাহিত্য ধর্ম দর্শন এই সব বিষয়ে বহু আলাপ তাঁদের হয়, তার স্মৃতি তাঁর আশ্চর্যতে রয়েছে। এর অল্প কিছুকাল পরে রাকোবি ভীলগুকে এই পত্রখানি লেখেন :

আমি যত ভাবি ততই গভীরভাবে উপলব্ধি করি যিনি গ্যোটেকে দেখেননি কিংবা তাঁর কথা শোনেননি তাঁকে বিধাতার এই অপূর্ব সৃষ্টি সম্বন্ধে একটি বুঝবার মতো ধারণা দেওয়া কি অসম্ভব ব্যাপার। হাইনুজ্জ বলেছেন, মাথার টাঁদি থেকে পায়ের তালু পর্যন্ত গ্যোটে আগাগোড়া প্রতিভা; আমি আরো বলি, গ্যোটে যেন দানোর-পাওয়া—বতঃপ্রসূত হয়ে কিছু করা যেন তাঁর পক্ষে অসম্ভব। এক ঘণ্টার জন্য যিনি তাঁর সংস্পর্শে আসবেন তিনি বুঝবেন তিনি যা ভাবেন বা যা করেন তা ভিন্ন আর কিছুই তাঁর জন্য মানানসই ভাবা যায় না। আমার বলবার মতলব এ নয় যে ভালোর দিকে শোভনতার দিকে তাঁর বিকাশের অবকাশ নেই, আমি বরং বলতে চাই যে তাঁর বেলায় সেই বিকাশ হবে যেন ফুলের বিকাশ, বীজের পকতা-লাভ, বৃক্ষের আকাশে মাথা তুলে পত্র-পল্লব-ভূষিত হওয়া।

স্পিনোজার আলোচনার গ্যোটে ও রাকোবির অন্তরঙ্গতা ঘনীভূত হয়। স্পিনোজার সংঘম ও অনাশ্রিত্য গ্যোটের উদ্দাম তাকুণ্যের জন্য হয়েছিল এক অপূর্ব প্রতিবেশক। কিন্তু উত্তরকালে এঁকে নিয়েই এই ছই বন্ধুর মনোমালিন্য ঘটে। রাকোবি শেষে এই ধারণায় উপনীত হন যে স্পিনোজা নাস্তিক, মানুষ ভুল করে' তাঁকে শ্রদ্ধা নিবেদন করেছে, কিন্তু গ্যোটে তাঁকে আজীবন জান করেন শ্রেষ্ঠ জানী। ব্রাণ্ডস মন্তব্য করেছেন রাকোবি

কোনোদিনই গ্যোটেকে বুঝতে পারেন নি, বার বার ভুল বুঝেছেন, কি করে' যে দীর্ঘকাল তাঁদের বন্ধুত্ব চলেছিল সেইটিই আশ্চর্য। যাকোবির প্রকৃতি যে অগভীর ছিল লুইসও সেকথা বলেছেন। দীর্ঘ দিন পরে লাফাটরের সম্পর্কও গ্যোটে ভাগ্য করেছিলেন। লাফাটর যে নিজের প্রাধান্য বজায় রাখবার জন্য ছলনার আশ্রয় নিতে কুণ্ঠিত হতেন না, সে বিষয়ে তিনি কালে কালে নিঃসন্দেহ হন।

এর কয়েক মাস পরে ফ্রাঙ্কফোর্টে আসেন সেকালের মহাপ্রসিদ্ধ কবি ক্লপষ্টক্ (Klopstock)। তাঁর “মেসায়াস” (পরিত্রাণ) কাব্য গ্যোটের পিতার অগ্রিয় ছিল কেননা প্রচলিত সমিল ছন্দে তা লেখা নয়; কিন্তু সেই দিনের অন্যান্য যুবকের মতো গ্যোটেও এই কবিকে জ্ঞান করতেন এক অসাধারণ মৌলিক প্রতিভা—জার্মান-ভারতীকে যিনি ছন্দের অনাবশ্যক নিগড় থেকে মুক্তি দিয়েছেন। পূর্বেই এই জার্মান কবিগুরুর সঙ্গে তাঁর সঙ্গ পত্রালাপ হয়েছিল। কিন্তু তাঁর সঙ্গে মৌখিক আলাপ করে' গ্যোটে যে বিশেষ পরিতোষ লাভ করেছিলেন তা মনে হয় না। কাব্য বা সাহিত্য সম্বন্ধে আলোচনা না করে ক্লপষ্টক্ তাঁর সঙ্গে আলাপ করেন স্কেটিং ও ঘোড়ার চড়া সম্বন্ধে—এই দুয়েতেই গ্যোটেরও-যথেষ্ট অনুরাগ ছিল।—ক্লপষ্টক্কে তিনি মান-হাইম পর্যন্ত পৌঁছে দিয়ে আসেন ও ফিরবার পথে একটি কবিতা রচনা করেন। হিউমব্রাউন বলেন, ক্লপষ্টকের ভাষা ও ছন্দের অমূল্যরূপে এটি লেখা—ঝড়-ঝাপটার ভাবে পূর্ণ; জীবন স্নানকাল স্থায়ী হোক ক্ষতি নেই কিন্তু আমৃত্যু তা যেন থাকে স্নানাহ, এই কথা কবিতাটিতে বিশেষ আবেগের সঙ্গে বলা হয়েছে।

এমন মহাজন-সমাগমে গ্যোটে যে আনন্দিত হয়েছিলেন তা বলাই বাহুল্য। এ সম্বন্ধে তাঁর মন্তব্য এই :

নিজের অস্তিত্ব সম্বন্ধে আমরা সচেতন হই যখন দেখি অপরের অন্তরে আমাদের ঠাই হয়েছে।

### লিলি

মহাজন-সমাগমের পরে ফ্রাঙ্কফোর্টে গ্যোটের জীবনের প্রধান ঘটনা আনা। এলিজাবেথ শ্রোনেমান নাম্নী এক তরুণীর সঙ্গে পরিচয় ও পরে বিবাহ-প্রস্তাব। আশ্চর্যের সঙ্গে ঐ নাম তিনি দিয়েছেন লিলি।

লিলির পিতা ছিলেন একজন বড় ব্যাঙ্ক-মালিক—বৈভবে ও মর্যাদায় গ্যোটেদের চাইতে উচ্চতর। কিছুদিন পূর্বে তিনি পরলোক গমন করেছিলেন; লিলির মাতা পারিবারিক গৌরব ও প্রতিপত্তি অক্ষুণ্ন রেখেছিলেন। এ সময়ে ফ্রাঙ্কফোর্টের উচ্চতর সমাজে খ্যাতিমান গ্যোটের খুব মেলামেশা চলছিল। জন্মক বন্ধুর আগ্রহে একদিন

তিনি ফ্রান্সেমান-ভবনে উপনীত হন। লিলি তখন অভ্যাগতদের পিয়ানো বাজিয়ে শোনাচ্ছিলেন। তাঁর কৃতিত্ব কবিকে মুগ্ধ করে।

সপ্তদশবর্ষীয়া লিলি স্বাভাবিক ও অর্জিত রূপবৈভবের দ্বারা গ্যোটে'র চিত্তের উপরে অনেকখানি প্রভাব বিস্তার করতে সমর্থ হন। গ্যোটে'র এই সময়ের কয়েকটি কবিতা লিলির দ্বারা অনুপ্রাণিত। সেসবের মধ্যে এই ক'টি চরণ প্রসিদ্ধ :

তার মায়াফাঁদে বন্দী হয়ে আছি ;

রব তারি দাস বতকাল বাঁচি।

আপনারি মোর চেনা হলো ভার—

দাঁও মুক্তি দাঁও প্রেমসী আমার।

তাঁর এই সময়ের একটি দীর্ঘ কবিতা কৌতুকাবহ—নাম 'লিলির চিড়িয়াখানা'। লিলি ছিলেন তাঁর তকণ-তরুণী-সমাজে 'বল'-নাচের নেত্রী এই কবিতায় লিলি হয়েছেন পরীরাণী, তাঁর চিড়িয়াখানায় নানা পাখী ও পশুর ভিড় জমেছে, তাদের মধ্যে চলেছে পরীরাণীর আদর-বদ্ব পাবার প্রতিযোগিতা—সে-প্রতিযোগিতা কখনো কখনো তীব্র হয়ে ওঠে। তাদের দলে এক বুনো ভালুক এসে জুটেছে—পরীরাণীর আদর-বদ্ব তারও কাম্য; কিন্তু এই পোষাপ্রাণীর দলে সে আরাম পাচ্ছে না। অন্যান্য প্রাণীর প্রতি পরীরাণীর আদর দেখে একবার সে চীৎকার ছুটে বেরিয়ে যেতে চাচ্ছে, কিন্তু পরীরাণীর কণ্ঠস্বরের মায়ায় আকৃষ্ট হয়ে আবার সে ফিরে আসছে। কবি বলেছেন এই ভালুক তিনি নিজে।

১৭৭৪ খৃষ্টাব্দের শেষের দিকে তাঁদের পরিচয় হয় আর ১৭৭৫ খৃষ্টাব্দের এপ্রিলে তাঁদের বাগদান ঘটে। কিন্তু তাঁদের উভয় পক্ষের অভিভাবকরাই এ বিবাহে অসম্মত ছিলেন। গ্যোটে'র পিতা এমন সৌখীন রুচির ধনী কল্‌তাকে পুত্রবধূ রূপে গ্রহণ করতে উৎসাহ বোধ করছিলেন ন, লিলির অভিভাবকরাও চাচ্ছিলেন না তাঁদের মতো ধরে ভিন্ন লিলির বিবাহ হয়। এর উপর লিলির পিতৃপক্ষ ছিলেন হাইচার্চ-পন্থী আর গ্যোটে'রা ছিলেন লুথার-পন্থী।—লিলি শুধু মুগ্ধ করেন নি, মুগ্ধ হয়েওছিলেন। তাঁদের বিবাহে এই বাধায় তাঁরা উভয়ে গভীর দুঃখ পান। লিলি গ্যোটে'র সঙ্গে আমেরিকার চলে যেতেও প্রস্তুত ছিলেন। কিন্তু চিরপরিচিত পিতৃগৃহ পরিত্যাগ করে' অচেনা দেশে যাওয়া গ্যোটে'র পক্ষে শেষ পর্যন্ত সম্ভবপর হয়নি।

গ্যোটে বলেছেন, তাঁর প্রকৃত প্রেমপাত্রী লিলিই হতে পেরেছিলেন, আর কেউ নয়। লুইস কবির এই উক্তি'কে স্বার্থ বলে মেনে নেন নি। অগ্রান্ত চরিতকার বলেছেন, লিলি সর্ববিষয়ে গ্যোটে'র পত্নী হবার যোগ্য ছিলেন, তাঁকে জীবনসঙ্গিনী রূপে পাবার আকাঙ্ক্ষা হয়ত সত্যই কবির অন্তরে জেগেছিল।

লিলির উদ্দেশ্যে বেসব কবিতা গ্যোটে লিখেছিলেন সেসবে যেমন ফুটেছে লিলির প্রতি তাঁর প্রবল অনুরাগ তেমনি ফুটেছে লিলির চারপাশের আড়ম্বর ও লিলির বন্ধুবান্ধবদের প্রতি তাঁর অবজ্ঞা। তাঁর এই সময়ের এই চিঠিখানি তাঁর চরিত্র-গ্রন্থে সাদরে উল্লিখিত হয়েছে—এটি গুস্টাভেন ছদ্মনারী এক অপরিচিতা বান্ধবীকে লেখা :

মনে মনে আঁকতে চেষ্টা করুন এক গ্যোটের ছবি,—গায়ে তার কারুখচিত ফ্রককোট, তার সঙ্গে সজতি রেখে মাথা থেকে পা পর্যন্ত জমকালো সাজ-সজ্জা; চারদিকে ঝকঝক করছে ঝাড়বাতি, বিচিত্র নর-নারীর ভিড়, আর সে বন্দী হয়ে আছে এক ভাসের টেবিলে ছুটি উজ্জল চোখের মায়ার; হরদম চলছে স্ফূর্তি—গান আর মাচ—আর চলছে অফুরন্ত প্রণয়নিবেদন এক স্বর্ণকুন্তলার কানে,—তাহলে আপনি ধারণা করতে পারবেন আজ-কালকার স্ফূর্তিবাজ গ্যোটে সৰ্ব্বদে।...কিন্তু আর-এক গ্যোটেও আছে... গায়ে তার মোটা ধূসর ওভারকোট, গলায় সিন্ধের বাদামী মাফলার, পায়ে মজবুত বুট, ফেব্রুয়ারীর কোমল বাতাসে সে পাচ্ছে বসন্তের ঘ্রাণ, তার প্রিয় বিপ্লবী ধরণীর নবজীবনে উদ্‌বোধিত হতে আর দেরী নেই। মশে তার চিরদিন চলছে নব নব প্রয়াস ও সফলতা-লাভ; আর সাধনা তার নব-বোঁবনের সহজ হৃদয়াবেগ ক্ষুদ্র কবিতায় রূপদান করা, জীবনের কঠোর অভিজ্ঞতা নাটকে রূপদান করা,—আর বন্ধু বান্ধবদের ও পরিবেষ্টনকে কাগজে চিত্রিত করা। দক্ষিণ বা বাম কোনো দিক থেকে তার জানবার প্রয়োজন নেই তার কার্যকলাপ সৰ্ব্বদে কে কি ভাবছে, কেননা সে শটন: শটন: এগিয়ে চলতে পারছে কাজের ভিতর দিয়ে; আদর্শের উপরে সে আগে থাকতে ঝাঁপিয়ে পড়ে না, বরং তার অন্ত:প্রকৃতিকে বিকশিত হতে দেয় কতকটা কঠিন আগ্রহে ও কতকটা নীলাময় কৌতুকে।...এই গ্যোটের পরম আনন্দ তার যুগের শ্রেষ্ঠদের সঙ্গে জীবনাতিপাতে।

এই বৎসরই গ্রীষ্মকালে ষ্টোলবের্গ-বংশের দুই কুমারের সঙ্গে গ্যোটে স্নাইটজারল্যাও ভ্রমণে যান। এই কুমারদ্বয় ছিলেন কবি রূপশ্রষ্টকের ভক্ত আর প্রকৃতিমার্গী, অর্থাৎ লোকাচারের বিরোধী। খুব এক উদ্ধামতায় এঁদের কয়েক দিন কাটে।—এই ভ্রমণ কালে লাফাটরের সঙ্গে ও তাঁর ভাগিনী কর্ণেলিয়ার সঙ্গে গ্যোটের দেখা হয়, কর্ণেলিয়া লিলির সঙ্গে তাঁর বিবাহে আপত্তি জানান। উত্তরকালে এই ঘটনা ‘স্মরণ করে’ গ্যোটে বলেছিলেন তাঁর ভাগিনী ছিলেন সেই শ্রেণীর নারী ধার। স্বাভাবিক সন্ন্যাসিনী। এই ভ্রমণকালে গ্যোটের আরো দেখা হয় ভাইমারের তরুণ যুবরাজ কার্ল আউগুস্ট-এর সঙ্গে। এর পূর্বে যুবরাজ ফ্রান্সফোর্টে একবার গিয়েছিলেন ও সেখানে গ্যোটে তাঁর সঙ্গে দেখা করেন। গ্যোটেকে তিনি বিশেষভাবে আমন্ত্রণ করেন তাঁর রাজধানী ভাইমারে।

সুইটজারল্যান্ডের অতুলনীয় প্রাকৃতিক দৃশ্যের মধ্যে গ্যোটে'র মনে ভাসছিল লিলির মুখ। তাঁর স্মরণে লেখা এই চার ছত্র অমর হয়ে আছে :

না যদি তোমারে বাসিতাম ভালো হে মোর লিলি,

মধুর লাগিত এমন স্বভাব-শোভা ;

কিন্তু না যদি বাসিতাম ভালো তোমারে লিলি,

এত সুখ কভু দিত কি স্বভাব-শোভা ?

ফ্রাঙ্কফোর্টে ফিরে কবি দেখলেন তাঁর ও লিলির মধ্যকার দূরত্ব আরো বেড়ে গেছে—লিলির বন্ধু-স্বাক্ষর কবির অল্পপস্থিতির সুযোগ পূরোপূরিই নিয়েছিলেন। কিন্তু পরস্পরকে ভালো তাঁদের পক্ষে সম্ভবপর হলো না দীর্ঘদিন। এক রাত্রে লিলির জানালায় নীচে চুপচাপ দাঁড়িয়ে কবি স্তনলেন লিলি তাঁরই রচিত গান শিয়ানোয় গাচ্ছেন।

এইকালে গ্যোটে'র দুইখানি গ্রন্থ প্রকাশিত হয়—“এব্ভিন্ উণ্ড এল্‌মিরা” গীতিনাট্য আর “স্টেলা” নাটক। গীতিমাট্রের বর্ণনার বিষয় নায়িকার চতুরালি যাতে নায়ক হতাশ্বাস হয়ে পড়ে—হয়ত লিলির ছায়া এই নাটকে পড়েছে ; আর নাটকখানির বর্ণনার বিষয় এক নায়কের দুই প্রেমময়ী নায়িকা। এ-সবের, বিশেষ করে’ নাটক-খানির, সাহিত্যিক মূল্য তেমন নেই বলেই সমালোচকদের ধারণা।—এই কালে তাঁর ‘ফাউস্ট’ রচনা অনেকদূর অগ্রসর হয়, আর “এগ্‌মন্ট্” নাটকখানির সূচনা হয়।

উত্তরকালে লিলির একটি উক্তি গ্যোটে'র মহত্বের উপরে প্রচুর আলোক পাত করেছিল। গ্যোটে'র সঙ্গে তাঁর বিচ্ছেদের বোল বৎসর পরে ভাইমারের এক সম্মান্ত মহিলার সঙ্গে তাঁর দেখা হয়। লিলি তখন মর্যাদাময়ী গৃহিণী। এই মহিলার কাছ থেকে তিনি জানতে চেষ্টা করেন গ্যোটে'র জীবন কি ভাবে অতিবাহিত হচ্ছে। এঁকেই তিনি বলেছিলেন :

তাকে (গ্যোটে'কে) আমি জ্ঞান করি আমার নৈতিক জীবনের স্রষ্টা রূপে। তাঁর প্রতি আমার অনুরাগ আমার ধর্ম ও কর্তব্য-জ্ঞান ছাপিয়ে উঠেছিল ; একমাত্র তাঁর মহত্বের রক্ষা পেয়েছিল আমার আত্মিক জীবন। আমি তাঁরই সৃষ্টি—জীবনের শেষ মুহূর্ত পর্বন্ত তাঁর প্রতিমূর্তির দিকে পরম ভক্তিতে চাইব।

# কর্ম-ব্রত

## ভাইমার-যাত্রা

১৭৭৫ খৃষ্টাব্দে ৭ই নভেম্বরে ছাত্রিশ বৎসর বয়সে গ্যোটে ভাইমারে উপনীত হন। তাঁর পিতা তাঁর এই রাজদরবারে গমন স্রীতির চক্ষে দেখেন নি। প্রাশিয়া রাজ স্বনামধন্য ফ্রেডেরিকের দরবারে সাহিত্য-গুরু ভল্টেয়ারের লঙ্ঘনার কথা তাঁর মনে সজীব ছিল। গ্যোটেও যে রাজদরবারে যোগদানের বাসনা নিয়ে ভাইমার যাত্রা করেন তা নয়। উত্তর কালে একেরমানকে তিনি বলেছিলেন, লিলির বিচ্ছেদ তাঁর ভাইমার আগমনের হেতু।

কিন্তু অর্ধশতাব্দীরও অধিক কাল এই ভাইমারে তিনি বাস করেন। ‘ক্ষুদ্র ইল্ম-তীরাশ্রিত নগর্য ভাইমার তাঁর প্রতিভার বিকাশ-ক্ষেত্র হয়ে পেয়েছে অগণ্যের গৌরব।’

ভাইমারে প্রথম ছই মাস কবির যেভাবে কাটে সবাই তাকে বলেছেন উদ্ভাস। কবি রূপশ্ৰুতিক স্কেটিংএর মহিমা গান করেন, আর তা ভাব্য-সমাজে প্রচলিত করান তারুণ্যের অপূর্ব বিগ্রহ এই কবি। অনতিবিলম্বে রাজপরিবারের মহিলারাও স্কেটিংএর ভক্ত হয়ে পড়েন। স্কেটিং চালনার যে ধুম চলে গ্যোটে নিজে তাকে বলেছেন পাগলামি। নাচ-গান পাশাখেলা শিকার এসবও হয়ে ওঠে অন্তহীন। আর এসব পাগলামিতে যুবরাজকে কবি পান দোসর রূপে। সঙ্ঘাত সম্রমের সমস্ত ব্যবধান তাঁদের মধ্যে থেকে অপসারিত হয়। তাঁরা পরস্পরকে সন্ধান করতে শুরু করেন ‘ভূমি’ বলে। ভীলাস্তের এই সময়ের এক চিঠিতে আছে :

কার্ল আউগুস্টের কোনো কাজই আর গ্যোটেকে ছাড়া হয় না। রাজদরবারে অথবা যুবরাজের সঙ্গে সংশ্রবে এই ভাবে গ্যোটের সময় নষ্ট হচ্ছে। ব্যাপারটা আফসোসের। অথবা এমন মহিমময় দেবোপম পুরুষের জন্ত কিছুই আফসোসের নয়।

গ্যোটের ও যুবরাজের এই সব উদ্ভাসতার কাহিনী দূরদূরান্তে ছড়িয়ে পড়ে—হয়ত অতিরঞ্জিত হয়ে। এই সময়ে যুবরাজের বয়স ছিল মাত্র উনিশ বৎসর। তাঁর বিবাহ হয়েছিল অল্প কিছুদিন পূর্বে। যুবরাজ ও তাঁর পত্নী লুইসার ভবিষ্যৎ সম্বন্ধে উদ্বিগ্ন হয়ে কবি রূপশ্ৰুতিক গ্যোটেকে এই চিঠিখানি লেখেন :

আমার বন্ধুত্বের এ এক পরিচয় পরমপ্রিয় গ্যোটে; অবশ্য এমন পরিচয় দান কিঞ্চিৎ অস্বস্তিকর। কিন্তু অত্র উপায়ও ত দেখি না। ভাববেন



না, কি আপনার করণীয় সে সম্বন্ধে আমি আপনাকে উপদেশ দিতে যাচ্ছি, অথবা কোনো কোনো বিষয়ে আপনি ভিন্ন মত পোষণ করেন বলে' আপনার সম্পর্কে অমুদারতার পরিচয় দিচ্ছি। কিন্তু আপনার ও আমার মতামতের কথা থাকুক, বর্তমানে আপনি যে পন্থা অবলম্বন করেছেন তার অবশুস্বাভাবিক ফল কি হবে বলুন তা। যুবরাজ বর্তমানে যে-পরিমাণে মত্ত পান করে চলেছেন যদি সেই ভাবেই চলেন তবে তাঁর স্বাস্থ্যের উন্নতি সাধনের পরিবর্তে অচিরেই ধ্বংস সাধন করবেন। অনেক শক্ত খাতের যুবকও—যুবরাজের খাত তত শক্ত নয়—এইভাবে অকালে মৃত্যুমুখে পতিত হয়েছেন। জার্মানরা এ পর্যন্ত এই ধারণা পোষণ করে' এসেছে—সমস্ত-ভাবেই—যে তাদের শাসনকর্তাদের জন্ত সাহিত্যিক সংসর্গের কিছুমাত্র প্রয়োজন নেই। যুবরাজের বেলায় তার ব্যতিক্রম তারা সানন্দে মেনে নিয়েছে। কিন্তু আপনি যদি আপনার বর্তমান পন্থাই অমূল্যবান করে' চলেন তবে অত্যাশ্চর্য শাসনকর্তা কত বড় একটা অজুহাত পাবেন? আর আমি যা অবশুস্বাভাবিক বলে' আশঙ্কা করছি তাই যদি ঘটে! যুবরাজপত্নী হয়ত নিজের বেদনা চেপে রাখবেন—তাঁর বুদ্ধি পুরুষের মতো সবল—কিন্তু সেই বেদনা যে পরম দুঃখের ব্যাপার হবে! সেই দুঃখ কি চেপে রাখা যাবে! নৃসিংহ দুঃখ—এই কথাটা ভাবুন গ্যোটে!...ষ্টোলবের্গ সম্বন্ধে একটি কথা বলবার আছে। যুবরাজের বন্ধুত্বের আকর্ষণে সে ভাইমারে যাচ্ছে। তাঁর সঙ্গে তার যোগ্যভাবেই কাটানো চাই। কিন্তু কি ভাবে? যুবরাজের ভাবে কি? নিশ্চয়ই নয়; যদি সে না বদলায় তবে যুবরাজের সঙ্গ সে ত্যাগ করবে। তারপর কি করবে? কোপেনহেগেনেও নয় ভাইমারেও না। ষ্টোলবের্গকে লিখতে হবে। কিন্তু কি লিখব তাকে? এই চিঠিখানি আপনি যুবরাজকে দেখাবেন কি না সে আপনার ইচ্ছা। আমার কিছুমাত্র আপত্তি নাই। বরং তার উল্টো, কেননা আমার ধারণা যুবরাজ এমন দশায় উপনীত হন নি যে বন্ধুর অকপট কথায় কান দেবেন না।

দুই সপ্তাহ পরে গ্যোটে এর এই উত্তর দেন :

ভবিষ্যতে এমন সব পত্র থেকে আমাদের অবগাহতি দেবেন প্রাচ্যের রূপটক। এসবে লাভ কিছুই হয় না, বরং অন্তরের অপ্রসন্নতা বেড়ে যায়। আপনি নিশ্চয়ই বোঝেন যে আমার কিছুমাত্র বলবার নেই। আমাকে হয় গুরুজনের সামনে ছেলেশাস্ত্রবের মতো জড়সড় হতে হবে, নইলে কারণ দর্শাতে হবে, নইলে বুক ফুলিয়ে দাঁড়িয়ে আত্মসমর্থন করতে

হবে, অথবা এক সঙ্গে এই তিন কাজই করতে হবে, সেইটাই হবে যা সাধারণত ঘটে তার কাছাকাছি—কিন্তু কি লাভ হবে তাতে? কাজেই ওবিষয়ে আমাদের মধ্যে আর একটি কথাও নয়। বিশ্বাস করুন, এই সব তিরস্কার উত্তরযোগ্য বিবেচনা করলে আমার মনে এতটুকু শান্তি অবশিষ্ট থাকতো না। মুহূর্তের অল্প যুবরাজের অন্তর ব্যথিত হয়েছিল এই কথা ভেবে যে, কবি রূপুষ্টকের তরফ থেকে কথাগুলো এসেছে। তিনি আপনাকে ভালবাসেন ও শ্রদ্ধা করেন। আপনি জানেন আমারও মনোভাব তাই। বিদায়। ষ্টোলবের্গ নিশ্চয়ই আসবেন। আমাদের অবস্থায় কোনো বিপর্যয় ঘটেনি। আর, ভগবৎপ্রসাদাৎ, তিনি আমাদের যে ভাবে দেখে গেছেন তার চাইতে আরো ভাল হওয়ার সম্ভাবনাই আমাদের বেশী।

এতে রূপুষ্টক ক্রুদ্ধ হন ও লেখেন :

আমার বন্ধুত্বের নিদর্শনকে আপনি অত্যন্ত ভুল বুঝেছেন। যা অপরের ব্যাপার তাতে অনাহুতভাবে হস্তক্ষেপ করতে যাইনি সেই বন্ধুত্বের অমুরোধেই। কিন্তু আপনি এমন সব পত্র এবং এমন সব তিরস্কারই যখন একপর্ষায়ভুক্ত ভেবেছেন—আপনার কথার তাই অর্থ—তখন আপনাকে আমার বন্ধুত্বের অযোগ্য স্থান না করে' আর উপায় নেই। ষ্টোলবের্গ আর সেখানে যাবে না যদি সে আমার কথা শোনে, অর্থাৎ তার বিবেকের কথা শোনে।

তরুণ ও প্রবীণ কবির মধ্যে এই 'মনাস্তর' আর ঘোচে নি।

গ্যেটের তারুণ্যের এক সাহিত্যিক অভিব্যক্তি সন্ধক্ষে সাহিত্যিক গ্রাইম এই কাহিনীটি লিপিবদ্ধ করেন :

গ্যেটের ভেটর লেখার কিছুকাল পরে আমি ভাইমারে আসি তাঁর সঙ্গে দেখা করতে। আমার সঙ্গে ছিল একখানি নবপ্রকাশিত কবিতাসংগ্রহ। তা থেকে বন্ধুদের পড়ে পড়ে শোনাতাম। এক সন্ধ্যায় এমনভাবে যখন কাব্যপাঠ চলেছে তখন এক তরুণ যুবক—পায়ে বুট গায়ে সবুজ রঙের খাটো বুকখোলা শিকারের জামা†—এসে শ্রোতার দলে বসে গেলেন। তাঁর দুটি কালো ইতালীয় চোখ ছাড়া আর কিছু লক্ষ্য করার প্রয়োজন বোধ করিনি; পরে অবশ্য রীতিমতই করতে হয়েছিল।

কাব্যপাঠে কিঞ্চিৎ বিরতি হলো। সমাগত উদ্ভ্রমহৃদয় ও মহিলা-বৃন্দ কোনো কোনো কবিতার দোষগুণ সন্ধক্ষে আলোচনা করছিলেন। তখন

† এইটি ভেটরের পদ্ধতির বেশবিজ্ঞাস।

এই তরুণ শিকারী—এঁকে আমি তাই মনে করেছিলাম—আমাকে খুব বিনীতভাবে বইখানি চাইলেন আমাকে কিঞ্চিৎ অবসর দেবার জন্তে। এমন বিনীত প্রার্থনা প্রত্যাখ্যান করা অসম্ভব। আমি তৎক্ষণাৎ বইখানি তাঁর হাতে দিলাম। কিন্তু সব দেবতা সাক্ষী—কী শুনবার সৌভাগ্যই না আমার হয়েছিল! প্রথমে ধীরেহুঁহুই চললো। নিপুণভাবে বিভিন্ন কবির বিভিন্ন কবিতা তিনি আবৃত্তি করে' চললেন।...

কিন্তু সহসা যেন তাঁকে দানোয় পেয়ে বসলো—আমার মনে হচ্ছিল আমি যেন উদ্ভাস শিকারের দেবতাকে সামনে দেখছিলাম। এমন সমস্ত কবিতা তিনি আবৃত্তি করে চললেন যা কন্ঠিনকালেও সেই কবিতাসংগ্রহে ছিল না। একের পর আর বিভিন্ন ছন্দ, কখনো সেসবের অদ্ভুত মিশ্রণ—যেন বজ্রাবেগে উৎসারিত হয়ে চললো। সেই সন্ধ্যায় কি উদ্ভাস আর অদ্ভুত কল্পনার সমাবেশই না তিনি করেছিলেন, আর সেসবের মধ্যে কত চমৎকার চিন্তা আর বাণীই না বিক্ষিপ্ত হয়েছিল! সেই সব চিন্তা ও বাণী যেসব কবির উপরে তিনি আরোপ করছিলেন বাস্তবিকই সেসব তাঁদের দ্বারা সম্ভবপর হলে তাঁরা নতজাঙ্গু হয়ে ভগবানকে ধন্যবাদ দিতেন।

যখন এই ফাঁকি ধরা পড়লো তখন চারদিকে হাসি-উল্লাসের তরঙ্গ বইতে লাগলো। ষাঁরা উপস্থিত ছিলেন প্রত্যেককেই তিনি কিছু-না-কিছু বলে' নিরন্তর করে' দিলেন। তরুণ সাহিত্যিকদের মুকুটস্থানীয় আমায়ে জন্ম হবার পালা এলো। আমার সেই মুকুটস্থানীয় প্রতি তিনি যথেষ্ট শ্রদ্ধা মিবেন্দন করলেন, যদিও এই খোঁচা দিতে ছাড়লেন না যে আমার আশ্রিত তরুণদের আমি জ্ঞান করি আমার নিজের সম্পত্তি। মুখে মুখে রচিত এক ছন্দময় কাহিনীতে তিনি আমাকে তুলনা করলেন এক প্রবীণা কুঙ্কটীর সঙ্গে, পরম যত্ন ও ঐর্ষ্য সহকারে যিনি বহু ডিমের তা দেন, কিন্তু সময় সময় ডিমের সঙ্গে সঙ্গে চকের ডেলায়ও তিনি তা দেন—তা থেকে আর বাচ্চা ফোটে না।

আমার সামনে ভীলাণু বসেছিলেন। আমি বলে উঠলাম—এ হয় গ্যেটে নয় শয়তান বয়ং! তিনি বলেন—হুই-ই।

### উদ্ভাস-বাটিকা

গ্যেটে একেরমানকে বলেছিলেন :

এই ভাইমায়ে আমি পঞ্চাশ বৎসর কাটিয়েছি। কোথায়ই বা যাইনি।  
কিন্তু ভাইমায়ে ফিরে এলে বারবারই মন খুলী হয়েছে।

অখ্যাত ভাইমার যে মোহিনী গুণে কবিকে মুগ্ধ করেছিল সেটি হচ্ছে তার প্রাকৃতিক সৌন্দর্য—কবির চিরদিনের প্রিয় সামগ্রী। ভাইমারের নিকটবর্তী উপত্যকা ও অরণ্য আর ভাইমারের দীর্ঘ প্রান্তর ও উজ্জান কবির মনকে আকর্ষণ করেছিল। ভাইমারের বিখ্যাত উজ্জানের এক পাশে যে তাঁর আবাসস্থল নির্দিষ্ট হয়েছিল এতে তিনি খুব খুশী হয়েছিলেন।

কবির এই উজ্জান-বাটিকা লাভের ইতিহাস এই। কবি ভাইমারেই থাকবেন মা চলে যাবেন সে বিষয় কয়েক মাস মনস্থির করতে পারেন নি। ভাইমারে থেকে যাবার জন্তই একদিন ডিউক তাঁকে খুব পীড়াপীড়ি করলেন। ভাইমারে অবস্থানের বহু অসুবিধার কথা কবি বললেন, তার মধ্যে একটি এই যে এখানে এমন নিরিবিলা জায়গা নেই যেখানে বাস করে' তিনি তাঁর বাগান করবার সখ মেটাতে পারেন; সঙ্গে সঙ্গে এই উজ্জান-বাটিকার নাম করে তিনি বলেন—এইটির মত একটি জায়গা পেলে তিনি আনন্দিত হতেন। এই উজ্জান-বাটিকার মালিক ছিলেন বেরটুশ—ভাইমারের একজন গণ্যমান্য ধনী। অনতিবিলম্বে ডিউক তাঁর কাছে গিয়ে বলেন—বাগানটি তাঁর চাই। বেরটুশ হতভম্ব হয়ে পড়লেন। ডিউক বলেন, “আপত্তি করলে চলবে না, এটি না পেলে আমি গোটেকে রাখতে পারব না।” যা উচিত মূল্য তার কিছু বেশী দিয়ে এটি নিয়ে কবিকে বাস করতে দিলেন। পাঁচ বৎসর পরে এক দলিল করে' তিনি কবিকে এটি দান করেন।

এই উজ্জান-বাটিকাটির অবস্থিতিই ছিল মনোরম—সামনে ছোট নদী ইল্ম, পশ্চাতে ঘন গাছপালা শহরের কর্মসুখরতা থেকে একে বিচ্ছিন্ন করেছিল; কিন্তু এই উজ্জানের যে গৃহে কবি বাস করতেন তা ছিল নিতান্তই সাধারণ। এই গৃহে দীর্ঘ সাত বৎসর কবি পরমানন্দে অতিবাহিত করেন। এই গৃহে অমেক সময়ে ডিউক মিজোও কবির সঙ্গে কাটাতেন, কোনো দিন এখানেই এক সোফায় রাত্রি যাপন করতেন। কবি তাঁর রাজ-অতিথির জন্ত যে ভোজের আয়োজন করতেন তাও ছিল চমৎকার—কিঞ্চিৎ বিয়ার সূপ ( Beer Soup ) ও ঠাণ্ডা মাংসে তাঁদের এক নৈশ ভোজন সমাধা হয়। কবির জীবন-যাত্রা চিরদিন ছিল অনাড়ম্বর।

এই উজ্জান-বাটিকায় তাঁর মালি বাটি-র সাহায্যে ঋতুতে ঋতুতে নানা ফলফুলের আয়োজন তিনি করতেন ও প্রায়ই সেসব তাঁর পরমপ্রীতিপাত্রী শ্রীমতী শার্লোট ফন বটাইন্-কে উপহার পাঠাতেন। এই কালে কৃষির প্রতি কবির চিত্ত বিশেষভাবে আকৃষ্ট হয়, এবং এর ভিতর দিয়ে তাঁর অদূর ভবিষ্যতের ঐকান্তিক বিজ্ঞান-চর্চার সূত্রপাত হয়। তাঁর মালি বাটি-কে তিনি তাঁর সাহিত্যে অমর করেছেন। তার সঞ্চকে তিনি বলেছেন :

শিল্পে সৃষ্টি সঞ্চকে আমাদের যেমন অস্পষ্ট ধারণা তেমন কোনো অস্পষ্টতা

বাটিতে মেই। সে যখন কিছু করতে চায় তখন নিমেষমাত্রেরই বৃক্ষে ফেলে সেজন্তে কি কি তার চাই। কৃষি অতি চমৎকার বস্তু। আমরা উদ্দেশ্য সিদ্ধির দিকে অগ্রসর হচ্ছি না কেবল গণ্ডগোল করছি সে-সম্বন্ধে এর উত্তর অভ্রান্ত।

লুইস বলেন, খোলা জায়গা আর স্নান জার্মান জাতির প্রিয় নয় কিন্তু গ্যোটের প্রকৃতি ছিল এই দুই ব্যাপারে তাঁর জাতির প্রকৃতির উল্টা। তাঁর এই উদ্ভাম-বাটিকা এক সময়ে ভেঙে কিছু বড় করতে হয়েছিল, সে সময়ে অল্প কোনোখানে না গিয়ে এই ভাঙা বাড়ীর ছাদের উপরেই তিনি রাত্রি যাপন করতেন। বৃষ্টি হচ্ছে, আকাশে বজ্র-বিদ্যুতের লীলা চলছে, তিনি ছাদের একটি শুকনো কোণ বেছে নিয়ে সেখানে ওভারকোট মুড়ি দিয়ে মহা আরামে ঘুমুচ্ছেন—সকালে উঠে দেখছেন কাপড়-চোপড় সব ভিজ়ে গেছে। তাঁর এক চিঠিতে আছে:

কাল রাত্রে ওভারকোট মুড়ি দিয়ে ছাদে ঘুমুচ্ছিলাম। তিনবার ঘুম ভেঙে যায়—বারোটায় ছটোয় আর চারটায়। প্রত্যেক বারেই আকাশে নতুন নতুন সমারোহ চোখে পড়ছিল।

আর সামনের ইলম্-এ মনের আনন্দে তিনি স্নান করতেন—শীত গ্রীষ্ম বারোমাস। একদিন ঘোর সন্ধ্যায় এমন স্নানের সময় উৎকট শব্দ আর লাফালাফি করে' এক চাষীকে ভূতের ভয় ধরিয়ে দিয়েছিলেন।—জলের মোহিনী সম্বন্ধে তাঁর একটি কবিতা আছে, নাম 'জেল'—তাতে তলতল্ ছলছল্ জলের মোহিনীতে আকৃষ্ট হয়ে জেলে ধীরে ধীরে জলের মধ্যে তলিয়ে যাচ্ছে। কবিতাটির সঙ্গে রবীন্দ্রনাথের 'সুদয়-বসুনা' কবিতার কিঞ্চিৎ মিল দেখা যায়।

### ভাইমারের গুণী-সমাজ

শহর হিসাবে নগণ্য হলেও দৈনিন্দে ভাইমারে একটি চমৎকার গুণী-সমাজ গড়ে উঠেছিল। ডিউক-মাতা আমেলিয়ার অন্তরে ভারি একটা প্রশ্নসত্তা ছিল, তাঁর চার-পাশে সেই প্রশ্নসত্তা বিরাজ করতো; ভীলাণ্ডকে তিনি তাঁর পুত্রের শিক্ষকরূপে নিযুক্ত করেন; গ্যোটের "এরভিন উণ্ড এল্‌মিরা" গীতিনাট্টে তিনি সুরসংযোজনা করেন। রাজবধূ লুইসার উন্নত প্রকৃতির প্রতি সবাই শ্রদ্ধাযুক্ত ছিল। উত্তর কালে তাঁর শত্রু নেপোলিয়নের মুখেও তাঁর প্রশংসা ধ্বনিত হয়েছিল। এ ভিন্ন ডিউক-মাতার সহচরী জীবৎকুজা গ্যোথ্‌হাউজেন তাঁর প্রত্যাশপন্নমতিত্বের জন্ত বিখ্যাত ছিলেন। রাজদরবারের গায়িকা কোরোনা শ্যাটের যেমন সে যুগের শ্রেষ্ঠা সুন্দরী ছিলেন তেমনি ললিত কলায় দক্ষতা অর্জন করেছিলেন। গ্যোটের 'ইফিগেনিয়া' নাটকের নাম ভূমিকায় তিনি অবতীর্ণ হন। সঙ্গীত ও নাট্যকলা ভিন্ন চিত্রাঙ্কনেও তিনি প্রতিভার পরিচয় দেন। ডিউক

কার্ল আউগুস্ট তাঁকে বলেছিলেন—মর্মর-মূর্তি, মর্মরের মতোই কঠিন। তাঁর সম্বন্ধে  
গ্যেটে লেখেন :

ফুলের মতো ফুটে উঠেছে সে জগতে ;  
সৌন্দর্যের সে পূর্ণ মূর্তি ;  
পরিপূর্ণতা কি তা বোঝা যায় তাকে দেখলে ;  
সৌন্দর্য-লক্ষ্মীরা প্রত্যেকে তাকে দিয়েছেন তাঁদের দান ।  
আর প্রকৃতি তার অন্তরে সঞ্চারিত করেছে কলা-বোধ ।

অত্ৰত্ৰ

তার সামনে বিশ্বস্রপূরিত চিত্তে অগুণ্ডব কর  
শিল্পীর মনে তার স্বপ্নের কি রূপ !

অন্যত্ৰ

তোমাকে গড়েছেন মদন, ওগো গায়িকা, তোমাকে লালনও করেছেন তিনি,  
সেই শিশুদেবতা আনন্দচ্ছলে তোমার মুখে খাবার তুলে দিয়েছেন তাঁর  
ভীর দিয়ে ।

তাই ওগো বুলবুল, কণ্ঠ তোমার ভরপুর মধুরতম বিষে,  
তোমার কণ্ঠের ছলনাইন সঙ্গীত আমাদের হৃদয়ে সঞ্চারিত করে প্রেম ।

আর এঁদের সঙ্গে উল্লেখযোগ্য শার্লোট ফন ষ্টাইন-এর নাম। তাঁর কথা  
বিস্তারিত ভাবে বলবার প্রয়োজন হবে। গ্যেটের জীবনে ও সাহিত্যে তিনি  
অবিস্মরণীয়। তিনি ছিলেন ভাইমারের অধ্যাপক সৈন্তের অধ্যক্ষের পত্নী ও ডিউকমাতা  
আমেলিয়ার সহচরী। অসাধারণ সুন্দরী তিনি ছিলেন না—হীনদর্শনাও ছিলেন না।  
তাঁর মার্জিত রুচি, মিষ্ট আলাপ, সরল সংযত ব্যবহার, চিত্রাঙ্কনে ও সঙ্গীতে যোগ্যতা  
আর অল্পময় নৃত্য সেই দিনে তাঁকে একটি বিশিষ্টতা দান করেছিল। দরবারি আদব-  
কায়দা তাঁর কাছে থেকে কবি শিক্ষা করেন।—এঁদের ভিন্ন ডিউক-মাতার কারবারদার  
গল্পরসিক আইনজীডল আর মেজর ফন ক্লেবল-এর নামও উল্লেখযোগ্য। আর, কিছু  
দিন পরে ভাইমার দরবার-সংশ্লিষ্ট যাজকের পদে আসেন স্বনামধন্য হের্ডর—অবশ্য  
গ্যেটের আগ্রহে।

কিন্তু এই রাজ দরবারের সব চাইতে উল্লেখযোগ্য ব্যক্তি ছিলেন ডিউক স্বয়ং।  
কার্ণোভারের সঙ্গে তাঁতে ছিল গুণের সমাদর আর দৃঢ়চিত্ততা। গ্যেটেকে রাজমন্ত্রী  
পদে নিয়োগ বাপারে তিনি এই মন্তব্য করেন :

ডক্টর গ্যেটেকে আমি যে লাভ করতে পেরেছি এতদ্বারা সূখী ব্যক্তির  
আমাকে অভিনন্দিত করেছেন। তাঁর প্রতিভা ও কর্মদক্ষতা সুবিদিত।

এইরূপ একজন ব্যক্তিকে যথাযোগ্য স্থানে নিয়োগ না করলে তাঁর অসাধারণ শক্তির অপব্যবহার করা হবে।...ডক্টর গ্যোটে কোনো নিয়মদ থেকে আরম্ভ না করে প্রথমেই যে রাজমন্ত্রী নিযুক্ত হলেন এতে বাইরের জগৎ অপ্রসন্ন হতে পারে কিন্তু আমার দৃষ্টি সেদিকে নয়। আমি চাই—প্রত্যেক কর্তব্যনিষ্ঠ ব্যক্তিই তাই চান—নীরবে বাইরের জগতের প্রসন্নতা দিকে দৃষ্টি না রেখে এমন ভাবে কাজ করে যেতে যাতে ভগবানের ও আমার অন্তরাত্মার প্রীতি।

এরূপ গুণগ্রাহী প্রভুর অধীনে কবি যে কর্মভার গ্রহণ করতে পেরেছিলেন সেটি তাঁর সৌভাগ্যই বলতে হবে। তাই রাজদরবারের সঙ্গে দীর্ঘ সংস্রবে তাঁর প্রতিভা অপব্যয়িত হয় নি। রাজ-দরবারের কাজে তাঁর যে সময় ব্যয়িত হয়েছিল তার পরিবর্তে তিনি লাভ করেছিলেন জীবিকা; আর, আমরা পরে পরে দেখবো, ডিউকের আন্তরিক প্রদ্বা অনেক ক্ষেত্রে তাঁর প্রতিভার অগ্রগতির সহায় হয়েছিল।

### রাজমন্ত্রী

১৭৭৬ খৃষ্টাব্দের জুন মাসে গ্যোটে ভাইমার-দরবারে এক নিম্ন মন্ত্রীর পদে নিযুক্ত হন, তাঁর বার্ষিক বেতন নির্ধারিত হয় ১২০০ টালার-এ অর্থাৎ আনুমানিক ২০০ পাউণ্ডে। এ সম্বন্ধে ডিউক গ্যোটের পিতাকে লেখেন : যখন ইচ্ছা পদত্যাগ করবার অধিকার কবির রইল, এটি একটি বাহ্য নিদর্শন মাত্র, কবির প্রতি তাঁর স্নেহের পরিমাপ এ থেকে নয়; আরো লেখেন :

এখানে গ্যোটের একটি মাত্র পদ, সেটি এই যে তিনি আমার বন্ধু, আর সবই তার নীচে।

কাজের প্রতি আগ্রহ কবির ভিতরে চিরদিনই প্রবল ছিল। রাজমন্ত্রীর কাজ তিনি যথেষ্ট আগ্রহের সঙ্গে গ্রহণ করেন। তাঁর বিশ্বাস হয়েছিল এক অভূতপূর্ব সাফল্য তিনি জীবনে অর্জন করতে পারবেন। কবি কৃষি ও খনির ভার পান। এর পরে অর্থ-সচিব ও সময়-সচিবের পদও তাঁকে গ্রহণ করতে হয়েছিল। রাজ্যের আয় যাতে বৃদ্ধি পায় এই উদ্দেশ্যে ইলমেনাউ-এর খনিজ সম্পদ উদ্ধারের দিকে তিনি বিশেষ মন দেন। কৃষকদের আর্থিক উন্নতিও তাঁর গভীর চিন্তার বিষয় হয়। যে সমস্ত লোকহিতকর কর্মের প্রবর্তনা তাঁর দ্বারা হয়েছিল সে-সবের মধ্যে একটি ফায়ার-ব্রিগেড গঠন সুপ্রসিদ্ধ। তাঁর এই সময়ের একটি কবিতায় তিনি লিখেছিলেন :

হে প্রতিদিনের উত্তম, দান কর

বৈচে থাকার শ্রেষ্ঠ আমন্দ—জীবনের সুপরিণতি।

শৃগুগর্ত স্বপ্ন? নয় কখনো নয়!

রিক্ত শাখা—সে ত সাময়িক :

চাই পত্র-পুষ্প-ফল—

আমার সৃষ্টিধর্মের সার্থকতা ।

এই সব কাজ কবি এতখানি আন্তরিকতার সঙ্গে গ্রহণ করেছিলেন যে মাঝে মাঝে তাঁর মনে হতো কাজই তাঁর স্বধর্ম, কবি-প্রতিভা তাঁর জন্ত আকস্মিক ।

শুধু রাজ্যের উন্নতির কাজে নয়, ভাইমারের রঙ্গমঞ্চের উন্নতিতেও তিনি বিশেষ মন দেন । তাঁর নিজের ও অপরের লেখা বহু নাটক গ্রহসন রূপক নিয়মিতভাবে ভাইমারে অভিনীত হতে থাকে । প্রথম যুগে ডিউক, ডিউক-ভ্রমতা, গ্যোটে স্বয়ং এবং ভাইমার-দরবার-সংশ্লিষ্ট অজ্ঞান্য অনেক সম্ভ্রান্ত পুরুষ ও মহিলা এই সব নাটকে অভিনয় করতেন—এসবের দর্শকও ছিলেন দরবার-সম্পর্কিত লোকেরা ।—কবির নূতন রচনার অধিকাংশেরই প্রধান উদ্দেশ্য ছিল চিত্তবিনোদন । সেজন্যে অনেকে দৃষ্টি করেছেন যে গ্যোটার ভাইমার-বাসের প্রথম কয়েক বৎসর বৃথা নষ্ট হয়েছে । কিন্তু এ সম্বন্ধে লুইসের উক্তি সারগর্ভ :

শুধু গ্রন্থের সংখ্যা বাড়িয়ে চলা গ্যোটার ঘাতে ছিল না আদৌ । তাঁর জন্য প্রয়োজন ছিল অভিজ্ঞতা-সঞ্চয়ের আর লেখার ।...কবিতা ছিল তাঁর সমগ্র জীবন-ব্যাপার থেকে উদ্ভিত সুরগ্রাম...এক প্রেমাধার ব্যাপার—উদাত্ত ও গম্ভীর, মধুর ও উন্মাদনাময়, তীক্ষ্ণ ও ললিত সব আঘাতেই তাঁর জীবন-বীণা বজ্রত হতো ।...বাঁদের সৃষ্টি-শক্তি প্রচুর বহু তুচ্ছ সৃষ্টি না করে' তাঁদের উপায় নেই, যেমন গাছে সুপরিণত ফুলের সঙ্গে সঙ্গে দেখা দেয় বহু বিফল কুঁড়ি ।

তাঁর বিখ্যাত উপন্যাস ভিলহেল্ম মাইস্টার-এর রচনায় রঙ্গমঞ্চের অভিজ্ঞতা তাঁর জন্য বিশেষ কার্যকরী হয়েছিল । আর তাঁর এই তথাকথিত ব্যর্থ যুগে তাঁর অমর নাটক 'ইফিগেনিয়া'র জন্ম ।

## সন্ধিকাল

সাধারণত গ্যোটার সাহিত্যিক জীবনকে দুই ভাগে ভাগ করা হয় : ইতালি-যাত্রার পূর্বের জীবন আর ইতালি-যাত্রার পরের জীবন । কিন্তু বাস্তবপক্ষে তাঁর জীবনের সন্ধিকাল তাঁর ভাইমার-বাসের প্রথম চার-পাঁচ বৎসর । ইতালি-বাসের পরে তাঁর জীবন যে সুস্পষ্ট পরিণতি লাভ করেছিল তার সূচনা তাঁর উনত্রিশ-ত্রিশ বৎসর বয়সে, অর্থাৎ ইফিগেনিয়া রচনা-কালে । ইফিগেনিয়া নাটক অবশ্য তাঁর বর্তমান রূপ পায় ইতালিতে, কিন্তু লুইস-প্রমুখ আলোচকরা বলেছেন সে-রূপ দেবার জন্য



টাকে বেগ পেতে হয়নি।—এই মতের সপক্ষে যুক্তিগুলো একটু শুছিয়ে বলা যেতে পারে এই ভাবে :

প্রথমত, এই কালেই তাঁর মনোভাবে ও ব্যবহারে একটা পরিবর্তন দেখা দেয়। এতদিন তাঁতে ছিল অপরিণীত উচ্ছাস, অতি সহজেই অপরকে ভাই ব'লে আলাপন করতে তিনি প্রস্তুত, কিন্তু তাঁর ত্রিশ বৎসর বয়সের পূর্বেই তিনি অনেকখানি নির্জনতা-প্রিয় হয়ে ওঠেন—এই নির্জন-বাসে চলতো তাঁর সাহিত্য ও বিজ্ঞান-সাধনা। তাঁর এমন পরিবর্তনের একটা বিশেষ কারণের কথা ব্রাণ্ডেস উল্লেখ করেছেন। ভাইমারে তিনি রাজমন্ত্রী হয়েছেন, দেখে তাঁর 'ঝড়-ঝাপটা'র বন্ধুদল একে একে ভাইমারে এসে হাজির হলেন, উদ্দেশ্য, পুরাতন বন্ধুর সহায়তায় তাঁদের ভাগ্যও যদি সুপ্রসন্ন হয়। কিন্তু তাঁদের অন্তত দায়িত্বহীন ব্যবহারে গ্যোটে বিরত হয়ে পড়েন। বলা বাহুল্য, তাঁদের যথাসম্ভব সম্মান ভাইমার-ভ্যাগের ব্যবস্থা কবি ও ডিক্টর করেছিলেন। কিন্তু এর পরে বন্ধুকে আলাপন করার জন্ত তাঁর সদাপ্রসারিত বাহ যে সঙ্কুচিত হয়ে পড়বে তা স্বাভাবিক।

দ্বিতীয়ত, ইলমেনাউ-এর খবির উৎকর্ষের ভার যে তিনি নিয়েছিলেন এই কাজ ভাল ভাবে করার জন্ত তিনি রসায়ন অধ্যয়নে মন দেন। কৃষির উন্নতির কথা ভাবতে গিয়ে উদ্ভিদ-তত্ত্ব ভূতত্ত্ব এসব অধ্যয়ন করতে আরম্ভ করেন। এই বিজ্ঞান-চর্চার ফলে কিছু কিছু নতুন আবিষ্কার তিনি করেন বহু পরে, কিন্তু তাঁর এই নতুন বৈজ্ঞানিক মনোভাব তাঁর জীবন ও প্রতিভায় যে একটা নতুন পর্যায়ের নির্দেশ করছে তা যথার্থ। \*

তৃতীয়ত, এই কালেই শার্লট ফন ষ্টাইনের সঙ্গে তাঁর গভীর স্রীতির যোগ স্থাপিত হয়। বিজ্ঞান সাধনা যেমন তাঁর বুদ্ধির পরিচ্ছন্নতা বাড়িয়ে দেয় তেমনি

+ এই কালে কবির পর্যবেক্ষণ-শক্তি কত উৎকর্ষ লাভ করেছিল তার পরিচয় রয়েছে নিম্নবর্ণিত গল্পটোতে,—গল্পের বস্তু গ্যোটের জনৈক পুরাতন ভৃত্য, শ্রোতা একেরমান :

একদিন রাত দুপুরে বন্টা বাড়িতে প্রভু আমাকে ডাকলেন। ঘরে ঢুকে দেখি তিনি তাঁর লোহার খাট সন্নিবেশে নিরেছেন জানালার পাশে আর চেয়ে রয়েছেন আকাশের পানে। আমাকে জিজ্ঞাসা করলেন : আকাশে কিছু লক্ষ্য করছ? আমি বললাম : না। তিনি আমাকে প্রহরীর কাছে পাঠালেন সে কিছু লক্ষ্য করেছে কিনা জানতে। আমি তার কাছে শুনে এসে বললাম সেও কিছু দেখেনি। প্রভু তখনো তেমনি আকাশের দিকে তাকিয়ে ছিলেন ; বল্লেন, শোনো, এ খুব একটা সময়, কোনোখানে এখন ভূমিকম্প হচ্ছে অথবা এখনই হবে। তিনি.....আমাকে তাঁর বিজ্ঞানায় বসিয়ে দেখিয়ে দিলেন কি কি লক্ষণ দেখে তিনি একথা বুঝলেন।

সেদিন আকাশ ছিল মেঘলা, বাতাস ছিলনা আদৌ, সব হুমদাম, আর গরমও পড়েছিল খুব। কয়েক দিন পরে জানা গেল, সেই রাতে মেসিনা-র ( Messina ) এক অংশ ভূ-মকম্পে বিধ্বস্ত হয়ে গেছে।

শালোর্টের প্রীতি সংঘম ও স্মৃতি তাঁর অল্পভূতি ও কল্পনাকে মহত্তর লক্ষ্যে উদ্ভূত করে।  
শালোর্টের উদ্দেশে লেখা তাঁর একটি কবিতা এই :

বল মোরে কি চলেছে ভাগ্যের মঞ্জরা ?  
বল মোরে কেন দৌহে মিলেছি এমন ?  
পূর্বজন্মে ছিলে কিগো সহোদরা মোর ?  
কিংবা জায়া পরমকাঙ্ক্ষিতা ?  
জান তুমি সব মোর, জান তুমি  
প্রতি তত্ত্বা মম ; পড়ে ফেল মুহূর্ত্তকে  
মোর যত কথা—কেহ কভু পারেনি এমন,  
না পারিবে কেহ তোমা পরে ।  
তুমি পার প্রশমিতে মোর রক্ত-দাহ  
তুমি পার দেখাইতে মহত্তর পথ  
মোর মুগ্ধ মতি হতে । শরণ লভিষু যবে  
তোমার পবিত্র বাহ-ডোরে—  
শাস্তি নামি এল মোর বৃকে ।

উচ্চাসকে যদি জ্ঞান করা যায় গোটির প্রথম জীবনের পরিচয়-চিহ্ন, আর  
প্রশান্তিকে যদি জ্ঞান করা যায় তাঁর পরিণত বয়সের পরিচয়-চিহ্ন তবে সেই প্রশান্তির  
সূচনা তাঁর ইফিগেনিয়া রচনা-কালে । ইতালিতে এই প্রশান্তির দ্ব্যিচ্ছ-লাভ ।

## নব চেতনা

কবি তাঁর ত্রিশৎ জন্মদিনের ( ১৭৭৯ খৃষ্টাব্দে ) ডায়ারিতে লেখেন :

সব গোছানো হলো : কাগজপত্রগুলো পড়লাম, টুকরাটুকরা কাগজ  
পুড়িয়ে ফেলা হলো । নতুন কাল নতুন চিন্তা । কেমন ভাবে এতদিন  
কেটেছে ভাবলাম, খেয়ালের বাড়াবাড়ি, আবেগ, উদ্ভাদনা, ভীত কামনা—  
এসব প্রবল হয়েছে সর্বত্র ; আমি খুশী হয়েছি সেইসব নিয়ে যা রহস্যময়  
আর কাল্পনিক ; বিজ্ঞানকে ধরেছি শিথিল হস্তে, তাই তার সঙ্গে যোগ  
ঘটেনি, যা কিছু লিখেছি তাতে রয়েছে এক ভব্য আত্মভূষণ ; অপার্থিব  
ও পার্থিব ব্যাপারে দৃষ্টিতে আমার কত সংকীর্ণতা ; কত দিন কেটে  
গেছে ভাববিলাসে আর আমার হৃদয়াবেগে ; কত কম ফল পেয়েছি  
সেসব থেকে ; জীবনের অর্ধেক কেটে গেল কিন্তু জীবন-পথে একটুও  
এগোনো হয় নি, আজ যেন নিজেকে দেখছি জাহাজডুবি থেকে উদ্ধার

পাওয়া মাছুষের মতো—তরঙ্গের সঙ্গে বোঝাযুক্তির পালা তার শেষ হয়েছে, এখন সে নিজেকে মেলে ধরেছে করুণাময় সূর্যের কিরণে ১৭৭৫ খৃষ্টাব্দের অক্টোবর থেকে আরম্ভ করে' এ পর্যন্ত যে সময়টা আমার গেছে তার দিকে চাইতে ভয় হয়। ভগবান আরো সাহায্য করুন, আরো আলো দিন যেন আমিই আমার প্রতিবন্ধক না হই, যেন প্রতিদিনের কাজ বুঝে করতে পারি ও জ্ঞান নির্মল হয়; যেন আমার দশা তাদের মতো না হয় যাদের দিন কাটে মাথা-বাখায় আর রাত কাটে মদ খাওয়ায় বা থেকে জন্মে এই মাথাবাখা।

লাফাটরকে লেখা তাঁর একালের (সেপ্টেম্বর : ১৭৮০) একখানি পত্র এই :

আমার প্রতিদিনের কাজ প্রতিদিন আমার জ্ঞান হয়ে চলেছে সহজসাধ্য ও কঠোর—আমার জাগরণ ও স্বপ্ন পরিপূরিত হচ্ছে তার দ্বারা। এই কাজ প্রতিদিন আমার প্রিয়ত্তর হচ্ছে; আমার এই স্বপ্নপরিপূরিত ক্ষেত্রে শ্রেষ্ঠদের সমতুল্য হব এই আমার কামনা। আমার জীবনের এই যে ভিত্তি স্থাপিত হয়েছে এরই উপরে গঠিত হবে আমার জীবন-পিরামিড, উর্ধ্ব আকাশে উঠবে তার মাথা—এই চিন্তায় তলিয়ে যাচ্ছে আমার আর সব চিন্তা—এ থেকে মুক্তি পাচ্ছি না। বেশী দেৱীও আর করা যাবে না; বয়স যথেষ্ট হয়েছে, হয়ত আয়োজনের মাঝখানেই মৃত্যু এসে হাজির হবে—আমার বাবিলন-টাওয়ার পড়ে রইবে অসম্পূর্ণ। তাহলেও লোকে দেখবে পরিকল্পনা যা করা হয়েছিল তা বিরাট, আর যদি বাচি তবে ভগবৎপ্রসাদাৎ আমার শক্তিসামর্থ্য পূর্ণতা লাভ করবে। শার্লোট ফন ষ্টাইন তাঁর ভালবাসার দ্বারা আমার জীবনকে যে অভিবিক্ত করছেন এটি হয়েছে আমার জ্ঞান যেম এক দৈব কবচ। ধীরে ধীরে তিনি দখল করেছেন আমার মাতার, ভগিনীর ও পূর্ব-প্রেমপাত্রীদের আসন, আমাদের মধ্যে যে সম্বন্ধ স্থাপিত হয়েছে তা স্বভাবের বন্ধনের মতো দৃঢ় ও অকৃত্রিম।

ডিউকেও তিনি এই কালে লেখেন :

লোকে কি বলবে সে কথা না ভেবে আমি আশ্রয় নিচ্ছি আমার পুরাতন কবিত্ব-ভূর্গে আর খেটে যাচ্ছি আমার 'ইফিগেনিয়া' নিয়ে। এই থেকে বুঝতে পারছি আমার ভগবদ্দত্ত ক্ষমতার যথেষ্ট অপব্যবহার করে' এসেছি। এখনো সময় আছে ও প্রয়োজন আছে এ বিষয়ে মিতব্যয়ী হবার। যদি ভাল-কিছু লিখবার ইচ্ছা আমার থাকে।

এ সবে স্পষ্ট হয়ে উঠেছে 'ঝড়-ঝাপটা'র ভাবের বিরোধান আর এক মন-

চেতনার আরম্ভ। কবির এই নব চেতনার প্রতীক 'ইফিগেনিয়া' গল্পে লেখা হয়েছিল ; তখন সংস্কার দাঁড়িয়েছিল যে গল্প স্বাভাবিক আর গল্প অস্বাভাবিক। তবে বিষয়-বস্তুর গুণে গোটের এই গল্পও ছিল কবিত্বধর্মী তাই সহজেই কবিতার রূপান্তরিত হতে পেরেছিল।

### ইফিগেনিয়া

গ্রীক নাট্যকার এউরিপিদেস ইফিগেনিয়ার কাহিনী অবলম্বনে দুইখানি নাটক রচনা করেন। ইফিগেনিয়া গ্রীকরাজ আগামেমনন-এর জ্যেষ্ঠা কন্যা। ঔষ বিজ্ঞয়ের জ্ঞাত গ্রীক-বাহিনী যখন যাত্রা শুরু করে তখন দিয়ানা দেবীর কোপে তাদের যান অচল হয়ে পড়ে। দৈববাণীতে জানা যায় আগামেমননের জ্যেষ্ঠা কন্যা ইফিগেনিয়াকে বলি দিলে তবে দেবী প্রসন্ন হবেন। আগামেমননের আদেশে ইফিগেনিয়াকে কৌশলে তার মাতার নিকট থেকে নিয়ে এসে বধ্যভূমিতে উপস্থিত করা হয় কিন্তু তার উপরে খড়্গাঘাতের সময়ে দিয়ানা (Diana) দেবী তাকে মেঘের আবরণে তুলে নেন, ও খড়্গাঘাতের পরে দেখা যায় এক সুদর্শন হরিণী দ্বিখণ্ডিত হয়ে পড়ে আছে। এইটি এউরিপিদেসের প্রথম নাটকের বিষয়। দিয়ানা দেবী মেঘের আবরণে ইফিগেনিয়াকে তুলে নিয়ে বর্বর সিথিয়া-দেশে তাঁর মন্দিরের পূজারিণী রূপে নিযুক্ত করেন। সেখান থেকে ইফিগেনিয়া পরে কৌশলে মুক্তিলাভ করে। এইটি এউরিপিদেসের দ্বিতীয় নাটকের বিষয়, এবং গোটে এইটি অবলম্বন করেই তাঁর নাটক রচনা করেন। কিন্তু এউরিপিদেসের একান্ত অমুণ্ডী তিনি হন নি, বরং এউরিপিদেসের পরিকল্পনা থেকে তাঁর পরিকল্পনা বেশ স্বতন্ত্র; আর তাঁর নাটকের মূল্য ও মর্যাদাও ভাই থেকে। এউরিপিদেসের ইফিগেনিয়া তার বিদেশ-বাসের জ্ঞাত দুঃখিতচিত্ত। এই দেশে নিয়ম ছিল কোনো বিদেশী এখানে উপস্থিত হলে তাকে দিয়ানা দেবীর মন্দিরে বলি দেওয়া হ'তো। একদিন দুই গ্রীক যুবক সমুদ্রতীরে ধূত হয়ে বলিরূপে মন্দিরে প্রেরিত হলো। কথায় কথায় ইফিগেনিয়া জানতে পারে এই দুই যুবকের একজন তার ভাই ওরেস্টেস অপরিজন তার ভাইয়ের বন্ধু পিলাদেস, এরা দেবতার আদেশে এই রীপে এসেছে দিয়ানার বিগ্রহ অপহরণ করতে। এদের কাছ থেকে ইফিগেনিয়া তার মাতার হস্তে পিতার নিধন আর ওরেস্টেসের হাতে তার মাতার নিধনের কথা জানতে পারে। এই মাতৃহত্যার দৈবশাস্তি থেকে মুক্তি লাভের উপায় হচ্ছে দিয়ানা দেবীর বিগ্রহ এই রীপ থেকে গ্রীসে নিয়ে যাওয়া। ইফিগেনিয়া এদের সাহায্য করতে স্বীকৃত হয় ও দিয়ানার বিগ্রহ সমেত এদেশ থেকে কৌশলে পলায়ন করে মিনার্ডা দেবীর আশ্রুকূলে। কিন্তু

গ্যোটার ইফিগেনিয়া অভিশপ্ত পবিত্রচিত্তা। তার ভাইয়ের ও ভাইয়ের বন্ধুর শিন্দের কথা জানতে পেলে প্রথমে হলনার আশ্রয় নিয়ে এদের সাহায্য করতে সে সংকল্প করে, কিন্তু শেষ পর্যন্ত হলনা তার জন্ত দ্রবিসহ হয়ে ওঠে। সে অকপটে সব কথা এদেশের রাজার কাছে ব্যক্ত করে ও তার ভাই, তার ভাইয়ের বন্ধু ও তার নিজের মুক্তি প্রার্থনা করে। তার অকপটতায় ও সৌহার্দ্যে মুগ্ধ হয়ে রাজা এদের মুক্তি দেয়।

এই নাটক গ্যোটার সর্বশ্রেষ্ঠ রচনাসমূহের অন্ততম। এর একটু বিস্তৃত পরিচয় এই :

নাটকটি পঞ্চাঙ্ক; কিন্তু তেমন বড় নয়। প্রথম অঙ্কের প্রথম দৃশ্বে মন্দিরসংলগ্ন উচ্চানে ইফিগেনিয়ার স্বগতোক্তি—সরল গভীর ছন্দে উদ্গীত হয়েছে জন্মভূমি ও প্রিয়জনের বিচ্ছেদজনিত তার দুঃখ, এই দুঃখের বা শাস্ত বিষয়তার ছায়া পড়েছে সমস্ত নাটকখানির উপরে। দ্বিতীয় দৃশ্বে মন্দিররক্ষী আর্কাপ ইফিগেনিয়াকে সংবাদ দিচ্ছে যে রাজা থোয়াস আসছে। ইফিগেনিয়া যে তাদের এত আদর যত্ন সত্বেও বিষয় মনে দিন কাটায় এজন্ত সে দুঃখ করছে ; ইফিগেনিয়াকে সে বোঝাচ্ছে যে রাজার প্রতি সদয় ব্যবহার করা তার উচিত, নইলে রাজা ক্রুদ্ধ হতে পারে। রাজা এখন নিঃসন্তান ; সে যে ইফিগেনিয়াকে বিবাহ করতে চায় ও ইফিগেনিয়া তাতে অসম্মত সে কথাও প্রকাশ পায়। তৃতীয় দৃশ্বে ইফিগেনিয়া ও থোয়াসের কথোপকথন। ইফিগেনিয়া রাজার সমৃদ্ধি কামনা করে ; রাজা তার নিঃসন্তান নিরানন্দ জীবনের কথা বলে ও ইফিগেনিয়ার পাণি প্রার্থনা করে ; ইফিগেনিয়া যে আজ্ঞা তার পরিচয় দেয় নি এজন্ত রাজা অভিযোগ করে। ধীরে ধীরে ইফিগেনিয়া তার পূর্বপুরুষদের কথা বলে। দেবতাদের এক সময়ের প্রিয় ট্যানটেলোস-এর বংশে তার জন্ম। দেবতাদের কোপে ট্যানটেলোস ও তার বংশধরগণ যে উন্নত হৃদয়াবেগ ও তার ফলস্বরূপ জিঘাংসা স্বৈরতা ইত্যাদির ভিতর দিয়ে জীবন অতিবাহিত করে তার ভয়াবহ কাহিনী শুনতে শুনতে থোয়াস বলে—এমন নৃশংস কুলে ইফিগেনিয়ার জন্ম কেমন করে' সম্ভবপর হলো ! ইফিগেনিয়ার পিতা গ্রীক-রাজ আগামেমনন ট্রয়-যুদ্ধ-যাত্রার প্রাক্কালে কেমন করে' দিয়ানা দেবীর আদেশে তাকে বলি দেবার আয়োজন করেন, ও দেবী স্বয়ং কেমন করে' তাকে মেঘের আবরণে ভুলে নিয়ে সিথিয়া-দেশে আনেন সবই ইফিগেনিয়া বিবৃত করে আর বিবাহে অনিচ্ছা প্রকাশ করে এই ব'লে যে দেবী তাকে যে পদে নিযুক্ত করেছেন তাতেই তার রত থাকা উচিত, তা ছাড়া দেবীর ইচ্ছায় পিতার কাছে ফিরে যেতেও সে পারে ; তার বদশ গম্ভীর ব্যবস্থা করতে রাজা থোয়াসকে সে অগ্ররোধ করে। থোয়াস ক্ষুব্ধচিত্তে স্বীকৃত হয় কিন্তু জানায় যে ইফিগেনিয়ার মায়ার অভিতূত হয়ে—যে মায়ার সে কখন অহুভব করেছে কন্তার মমতা কখনো বধুর নির্ভরতা—সে যে এতদিন নরবলি বন্ধ রেখেছিল তার অবসান হলো, দুইজন আগন্তক শীগ্গিরই বলিরূপে প্রেরিত হচ্ছে। ইফিগেনিয়া বলে :

নররক্ত দেবতার। চান না তাঁরা চান সেবা—তার নিজের উদ্ধারে রয়েছে তার প্রমাণ, কিন্তু খোয়াস সে কথায় কর্ণপাত করে না।†

দ্বিতীয় অঙ্কের দুইটি দৃশ্য।† প্রথম দৃশ্বে ওরেস্‌তেস ও পিলাদেস তাদের বর্তমান বন্দী-দশা সম্বন্ধে আলোচনা করছে। ওরেস্‌তেস তার অতীত জীবনের কথা স্মরণ করে' বিষন্ন ও এখন মৃত্যুর জন্ত প্রস্তুত। যে স্মৃতি তার অন্তরে এই দুঃখের সঞ্চার করেছে তা এই : সে আগামেমমনের একমাত্র পুত্র, আগামেমমন যে কৌশলে তাঁর কন্যা ইফিগেনিয়াকে তার মাতার কাছ থেকে নিয়ে এসে বধ করেন—তার মাতার এই ধারণাই হয়েছিল—এজ্ঞ তার মাতা ক্রিতেম্নেস্ট্রা তার পিতাকে ক্ষমা করিতে পারেন না ; দীর্ঘ দিন পরে আগামেমমন ট্রয় থেকে স্বর্গহে প্রত্যাবর্তন করলে এগেস্‌থেস নামক এক ব্যক্তির সহায়তায় তাঁর পত্নী তাঁকে নৃশংসভাবে হত্যা করেন ও এগেস্‌থেসকে স্বামীরূপে গ্রহণ করে' রাজ্য ভোগ করতে থাকেন। এ সময়ে ওরেস্‌তেস বালক, তার দ্বিতীয়াভগিনী এলেক্সান্দ্রা তাকে এক জ্ঞাতির বাড়ীতে লুকিয়ে মামুষ করে, আর ওরেস্‌তেস বড় হলে তাকে তার পিতৃহত্যার প্রতিশোধ নিতে প্ররোচিত করে। ওরেস্‌তেস তার মাতাকে বধ করে কিন্তু বধ করেই এরিনিয়েস (Erinyes) বা 'ফিউরি'দের (নিকট-আত্মীয়ের প্রোত্সার) নির্ভর ভাড়া ভোগ করতে আরম্ভ করে ; আপোলো-দেবের স্থানে জানা যায় যে যদি ভগিনীকে সে বর্বর সিথিয়া-দেশ থেকে আনতে পারে তবে তার শাস্তি ভোগের অবসান হবে। আপোলের ভগিনী দিয়ানা দেবীর বিগ্রহ নিয়ে যেতেই তার ও তার বন্ধুর এই দ্বীপে আগমন।—ওরেস্‌তেস মৃত্যুর জন্য প্রস্তুত হ'লেও পিলাদেস আদৌ নয়। সে ভাবছে তারা কেমন করে' এই বিপদ থেকে উদ্ধার পাবে, তাদের উদ্দেশ্যও সিদ্ধ হবে। ওরেস্‌তেসকে সে উৎসাহিত করতে চেষ্টা করছে। কথায় কথায় তাদের ভ্রূণ জীবনের আশা-উদ্বোধনা-ভরা দিনগুলোর ছবি তাদের মনে ভেসে ওঠে। এই প্রসঙ্গে ওরেস্‌তেস বলেছে :

কীতি স্মহান !

ছিল একদিন রঙীন করুণা যবে দিত উজলিয়া

আমাদের কিশোর অন্তর। ফিরিতাম পর্বতে কান্তারে

মুগয়ার অশ্রুধরণে, উপজিত মনে, কেমনে অচিরে

† দেবতাদের সম্বন্ধে এমন ধারণা গ্রীকদের মধ্যেও দেখা দিগেছিল। এউরিপিডেসের "হেরাক্লিস" নাটকের এই উক্তিটি বিখ্যাত :

বলো না স্বর্গে আছে বৈরাচারীর দল,

অথবা বন্ধনকারী ও বন্দী দেব-সমাজ। বহু পূর্বে

আমার মন জেনেছে এসা মিথ্যা বলে'—বদলাবে না সে ধারণা।

ঈশ্বর যদি ঈশ্বর হন তবে সব অত্যাচার থেকে মুক্ত তিনি, এসব কথকদের কষ্টকল্পিত কাহিনী।

শত্ৰুপাণি, পিতৃপিতামহ-সম শান্তিব তরুরে  
 কিংবা রক্ষ ভয়ঙ্কর পশি তার গেহে । দিবা অবসানে  
 বসিতাম দৌহে, ভর করি দৌহা অঙ্গ, সমুদ্র-সৈকতে ।  
 তরঙ্গ আসিত নাচি স্পর্শিতে চরণ । এই বহুক্ষরা  
 বিপুল রাজিত চোখে । সহসা ধরিত অসি দৃঢ়হস্ত,  
 কীৰ্ত্তি হেরিতাম—নক্ষত্রনিকর যেন নিশীথ-গগনে !

কিন্তু পিলাদেস বহু চেষ্টা করেও ওরেস্‌তেসের বিষয়তা দূর করতে পারে না ।  
 দ্বিতীয় দৃশ্বে ইফিগেনিয়া পিলাদেসের কাছে জানতে পারে ট্রয়যুদ্ধের শেষে তার পিতার  
 প্রত্যাবর্তন ও তাঁর মাতার হস্তে তাঁর নৃশংস নিধন । ইফিগেনিয়া বিহ্বল হয়ে পড়ে ।

তৃতীয় অঙ্কের তিনটি দৃশ্য । প্রথম দৃশ্বে ইফিগেনিয়া ও ওরেস্‌তেসের কথোপকথন ।  
 ওরেস্‌তেসের মুখে সে জানতে পারে তাদের পরিবারের অবশিষ্ট কাহিনী অর্থাৎ  
 ওরেস্‌তেসের মাতৃহত্যা ও প্রেতাশ্বার নিদারুণ তাড়না ভোগ । ওরেস্‌তেস নিজের  
 পরিচয় আর ইফিগেনিয়ার কাছে গোপন রাখে না । ইফিগেনিয়াও নিজের পরিচয় দেয়,  
 কিন্তু ওরেস্‌তেসের যে ধারণা যে ধ্বংসই তার ভাগ্য তা থেকে তাকে মুক্ত করতে পারে  
 না । দ্বিতীয় দৃশ্বে ওরেস্‌তেসকে দেখা যায় অপ্রকৃতিস্থ । সে তার চোখের সামনে  
 দেখেছে তার পূর্বপুরুষদের প্রীতিপূর্ণ সম্মেলন যদিও জীবনে তাঁদের কেউ কেউ একে  
 অগ্রহণে হত্যা করেছিলেন । সেই সম্মেলনে যোগদানের জন্ত ওরেস্‌তেস ন্যাকুল ।  
 তৃতীয় দৃশ্বে ওরেস্‌তেস ইফিগেনিয়া ও পিলাদেসের মিলন । ইফিগেনিয়া দিয়ান দেবীর  
 কাছে প্রার্থনা করছে তার ভাইয়ের আপৎ-শাস্তির জন্ত । তার প্রার্থনায় ( অথবা ইচ্ছা  
 শক্তির প্রভাবে ? ) ওরেস্‌তেস তার পূর্ব সন্ধি ফিরে পাচ্ছে ও অশ্রুভব করছে  
 ট্যানটেলোসের বংশের উপরে যে অভিশাপ ছিল তার মোচন হয়েছে—প্রসন্ন জীবন এখন  
 তার সামনে । পিলাদেস ভাবছে অমূল্য বাতাসে কত শীগ্গির সিঁধিয়া ত্যাগ করা  
 বাবে ।

চতুর্থ অঙ্কের পাঁচটি দৃশ্য । প্রথম দৃশ্বে ইফিগেনিয়া দেবতার কাছে প্রার্থনা  
 জানাচ্ছে ওরেস্‌তেস ও পিলাদেসের নিবিড় প্রত্যাবর্তনের জন্ত । এই কাজে তাকে  
 সাহায্য করতে হবে ছলনার আশ্রয় নিয়ে, তাতে তার মনে অস্বস্তি জেগেছে ।  
 দ্বিতীয় দৃশ্বে ইফিগেনিয়া ও মন্দিররক্ষী আর্কাসের কথোপকথন । রাজা ও জনগণ  
 বলির জন্য উদগ্রীব হয়েছে এই সংবাদ সে এনেছে । ইফিগেনিয়া তাকে জানাচ্ছে  
 যে অগুচি বিদেশীর স্পর্শে বিগ্রহ অগুচি হয়েছে, সেইজন্তে সমুদ্রজলে বিগ্রহ খোঁজ করতে  
 হবে, আর সেই খোঁজ-ক্রিয়া মন্দিরের কুমারী পূজারিণীরা ভিন্ন আর কেউ দর্শন করতে  
 পারবে না । রাজাকে এ সংবাদ দিতে বাবার পূর্বে আর্কাস পুনরায় ইফিগেনিয়াকে  
 অনুরোধ জানাচ্ছে তার মত পরিবর্তনের জন্ত, অর্থাৎ রাজা থোয়াসকে বিবাহ করতে

সম্মত হতে। সে বলছে : ইফিগেনিয়ার যত্নে এই বর্বর সিথিয়া-দেশ মরবলির কলঙ্ক থেকে মুক্ত হয়েছে, বিদেশীর মুখের পানে সহজ প্রসন্ন দৃষ্টিতে চাইতে শিখেছে, এই সৌভাগ্য থেকে তাকে যেন বঞ্চিত করা না হয়। কিন্তু ইফিগেনিয়ার বিতৃষ্ণা পরিবর্তিত হ'ল না। আর্কাস এই বলে' বিদায় নিচ্ছে যে ইফিগেনিয়ার প্রতি ব্যবহারে রাজা থোয়াস এ পর্যন্ত যে মহেশ্বরের পরিচয় দিয়েছেন তা যেন ইফিগেনিয়ার চিন্তে পরিম্লান না হয়! তৃতীয় দৃশ্বে ইফিগেনিয়ার স্বগতোক্তি। আর্কাসের শেষ কথা তার অন্তর স্পর্শ করেছে। সে বলছে :

ভাইয়ের মুক্ত-চিন্তা আমার হৃদয়-মন অধিকার করেছিল, সেই ভাইয়ের বন্ধুর পরামর্শ আমি কানে তুলে নিয়েছিলাম ; পরিত্যক্ত সিথিয়া-দেশের পানে চেয়েছিলাম নাবিক যেমন তাকিয়ে দেখে পরিত্যক্ত দ্বীপ। কিন্তু বিশ্বাসী আর্কাসের বাণী আমার স্বপ্ন ভেঙে দিয়েছে, দেখছি যাদের ত্যাগ করে' যাচ্ছি তারাও মানুষ। প্রতারণা এবার দ্বিগুণ ঘৃণিত হ'য়ে উঠলো। হে আমার হৃদয়, শান্ত হও! এখন কি আমার দোলায়িত হবার কাল এসেছে! যেখানে তোমার আশ্রয় সেই দৃঢ়ভূমি ত্যাগ করে' বরণ করবে তুমি তরঙ্গের বিক্ষোভ! নিজেকে আর চিনবে না, জগৎকেও না?

চতুর্থ দৃশ্বে ইফিগেনিয়া ও পিলাদেসের তর্ক। ইফিগেনিয়ার অন্তরে নৈতিক সংগ্রাম প্রবল হয়ে উঠেছে। পিলাদেস তাকে নানা ভাবে বোঝাতে চেষ্টা করছে, ছলনার আশ্রয় না নিয়ে তাদের উপায় নেই, না নিলে যে অনর্থ ঘটবে তা ইফিগেনিয়ার চিরদুঃখের কারণ হবে। এই দৃশ্বে পিলাদেসের এই উক্তি বিখ্যাত :

কি নিজেকে কি অপরকে কড়া ভাবে বিচার করতে আমরা পারি না— এই-ই জীবনের শিক্ষা, তোমারও এই শিক্ষা হবে। মামবজাতি এমন ভাবে গঠিত, এত বিচিত্র বন্ধনে বদ্ধ, যে, সম্পূর্ণ নিষ্পাপ ও অবিরোধিতাহীন হওয়া কারো পক্ষে সম্ভবপর নয়। নিজেদের কাজের বিচার করাও আমাদের পক্ষে সম্ভবপর নয়; এগিয়ে যাওয়া আর সেই এগিয়ে যাবার পথ পরিস্কার রাখ', এই-ই প্রত্যেকের সব চেয়ে বড় কর্তব্য হয়ে দাঁড়ায়, কেননা যা করে ফেলা হয়েছে যথাযথ ভাবে তার বিচার করা মানুষের ক্ষমতার বাইরে, আর সে বর্তমানে যা করছে তা বিচার করার অবসর তার কোথায়।

এই দৃশ্বে ইফিগেনিয়ার কয়েকটি উক্তিও অগভীর। পিলাদেসের নিপুণ যুক্তির উত্তরে সে বলছে :

তর্ক করবার ক্ষমতা আমার নেই, আমি শুধু অসুভব করতে পারি।



অজ্ঞাত বলছে :

হায়, আমার মধ্যে যদি পুরুষের অন্তর থাকতো! পুরুষের অন্তরে বখন  
কোনো সংকল্প প্রবল হয় তখন আর কোনো বাণী তাতে প্রবেশপথ  
পায় না।

পঞ্চম দৃশ্যে ইফিগেনিয়া তার বর্তমান দুঃখময় দশার কথা ভাবছে। দেবতাদের  
কাছে সে প্রার্থনা করছে যেন দেবতাদের আজ্ঞাধীন সে থাকে, দেববিদ্ভোহ যেন তাতে  
না জাগে। এই সূত্রে তার মনে পড়ছে একটি ছেলেবেলার গান—তার খাত্তী গাইত—  
তার প্রথম কলি এই :

অমরদের ভয় কোরো  
হে মানুষের সন্তান !  
চিরন্তন শাসন-ক্ষমতা  
বিধৃত তাঁদের হস্তে ;  
তাঁদের বিরাট রাজ্যে  
একচ্ছত্র তাঁদের প্রতাপ।

পঞ্চম অঙ্কের চ্যুত দৃশ্য। প্রথম দৃশ্যে আর্কাস রাজাকে প্রত্যারণার ইঙ্গিত  
দিচ্ছে। রাজা কড়া পাহারার আদেশ দিচ্ছে ও ইফিগেনিয়াকে ডেকে পাঠাচ্ছে।  
দ্বিতীয় দৃশ্যে থোয়াসের স্বপ্নতোক্টি। ইফিগেনিয়ার প্রতি তার সদয় ব্যবহারের এই  
পরিণতি দেখে সে ব্যথিত ও ফ্রুদ্ধ। তৃতীয় দৃশ্যে ইফিগেনিয়া ও রাজা থোয়াসের  
বোঝাপড়া হচ্ছে। রাজা সুপ্রাচীন রীতির অজুহাত তুলে আগন্তুকদের বলি দাবি  
করছে; ইফিগেনিয়া উত্তর দিচ্ছে : প্রাচীনতর রীতি এই যে প্রত্যেক বিদেশীই পবিত্র  
ন্যাস। রাজা বলছে, এই বিদেশীরা হয়ত ইফিগেনিয়ার আপনার জন, সেজন্যে তার  
অন্তরে এমন অন্যান্য সহানুভূতি জেগেছে; ইফিগেনিয়া বলছে, তাকেও একদিন উদ্যত  
ছুরিকা প্রত্যক্ষ করতে হয়েছিল, আর দেবতার রূপায় সে রক্ষা পেয়েছিল, সেই সমস্তাগা  
তাকে বৃষ্টিয়েছে এদের ভাগ্যের ভীষণতা ও করুণার প্রয়োজনীয়তা। অপূর্ব দক্ষতার  
সঙ্গে ইফিগেনিয়া তার হৃদয় অমাবৃত করে' চলেছে; নারীর সখল অন্ত্র নয়, নারীর সখল  
প্রার্থনা ও বাণী কিন্তু সেই বাণী মহত্তের সমাদরের যোগ্য—তার এই সব কথায়  
থোয়াসের চিত্ত অনেকখানি দ্রব হলো। শেষে ইফিগেনিয়া বাস্তব করলে, এই  
বিদেশীদের একজন তার ভাই অপর জন তার ভাইয়ের বন্ধু : এদের উদ্ধারের ও  
দিয়ানা দেবীর বিগ্রহ অপসারণের যে সব চক্রান্ত হয়েছে সবই সে অকপটে প্রকাশ  
করলে ও বললে,—হত্যা যদি রাজার অভিপ্রেত হয় তবে তাকে (ইফিগেনিয়াকে)  
আগে হত্যা করা হোক কেননা তার ভাই ও ভাইয়ের বন্ধুকে সে-ই সত্যের অমুরোখে

সমূহ বিপদের মধ্যে ফেলে দিয়েছে। ইফিগেনিয়ার অকপটতায় ও অহুনে রাজার মন আরো দ্রব হলো। থোয়াস বলছে :

আগুন যেমন ফোঁস ফোঁস করতে করতে অগ্নির হয় তার শত্রু জনকে জয় করতে, তোমার বিরুদ্ধে আমার ক্রোধ তেমনিভাবে সংগ্রাম করছে।

চতুর্থ দৃশ্যে ওরেসতেস ইফিগেনিয়া ও থোয়াসের সমুদ্রতীরে মিলন। ওরেসতেস ও থোয়াস দু'জনেরই হাত তরবারির উপরে। ইফিগেনিয়া ওরেসতেসকে বলছে শান্ত হয়ে শুনতে। পঞ্চম দৃশ্যে পিলাদেস ও আর্কাসের প্রবেশ। যুদ্ধে যে গ্রীকদের হার হয়েছে তা জানা গেল। রাজা আদেশ দিচ্ছে যুদ্ধ বন্ধ করতে ও হুঁই পক্ষের শাস্ত হয়ে পরস্পরের মধ্যে কথাবার্তা চালাতে। ষষ্ঠ দৃশ্যে থোয়াস জানতে চাচ্ছে ওরেসতেস বাস্তবিকই আগামেমননের পুত্র কিনা। ওরেসতেস তার দীর্ঘ তরবারি দেখিয়ে বলছে এটি তার পূর্বপুরুষের, এর বলে সে অজেয়, বিপক্ষের যে কেউ তার কথা সত্যতা পরীক্ষা করে' দেখতে পারে। রাজা নিজেই প্রতিদ্বন্দিতায় অগ্রসর হলো। ইফিগেনিয়া এই রক্তপাত থেকে তাদের নিবৃত্ত করছে, তার উক্তির একটি অংশ এই—

ক্ষণিক যুদ্ধে মানুষ হয় অমর,

হয় মৃত্যুর কবলিত, অমর হয় তার যশ।

কিন্তু গণনা করে না কেউ ঝরে যত অশ্রু

ব্যথিত নিরানন্দ নারীর চোখে।

ওরেসতেস যে বাস্তবিকই আগামেমননের পুত্র তার কতকগুলো অত্রান্ত দৈহিক লক্ষণ সে সবাইকে দেখিয়ে দিলে। রাজা তার কথা সত্য বলে মেনে নিলে কিন্তু বল্ল, স্নসভা গ্রীকরা চিরদিন অসভ্যদের ধনসম্পদ ও কথা অপহরণ করে আসছে, অসভ্যদের দেববিগ্রহও যে তারা নিয়ে যাবে এ অসম্ভব। সে বোঁকে দাঁড়ালো। তখন ওরেসতেস বল্ল : দেবতার আদেশ তারা এতদিন ভুল বুঝেছে; অ'পোলো-দেবের আদেশ— সিথিয়া-রাজ্যে ভগিনী বাস করছে অনিচ্ছুক হয়ে তাকে গ্রীসে ফিরিয়ে আনলে হবে শাপ মোচন—এখানে বাস্তবিকই অ'পোলো-দেবের ভগিনী দিয়ানা দেবীর কথা বলা হয় নি বলা হয়েছে আমার ভগিনী ইফিগেনিয়ার কথা যার স্পর্শে আমি শাপমুক্ত হয়ে মনের আনন্দ ফিরে পেয়েছি, যার পবিত্র প্রভাবে আমাদের বংশ তার আদিম শাপ থেকে মুক্ত হবে। সে তার বক্তব্য শেষ করছে এই বলে :

কুটবুদ্ধি ও বল—নরের গর্বের সামগ্রী—

এই নারীর পূর্ণ সত্যের সম্মুখে দীপ্তিহীন।

শিশুর মতো এমন পবিত্র নির্ভরতা

মহত্তর কাছে কামনা করে যোগ্য প্রতীদান।

রাজা এদের মুক্তি দিতে সম্মতি জ্ঞাপন করে। কিন্তু ইফিগেনিয়া বলে—এমন অপ্রসন্ন সম্মতি নয়, সে চায় প্রসন্ন সম্মতি ও আশীর্বাদ। যে প্রীতি ও স্নেহ এতদিন সে ভোগ করেছে এই বিদায়ের ক্ষণে তা অটুট থাকুক যাতে ‘পিতৃপ্রতিম রাজা ষোয়াস’র স্মৃতি তার জন্ত হবে চির-অন্ধান’:

তাতে আমাদের পালে মধুরতর হাওয়া লাগবে  
আর আমাদের আঁখি হতে ঝরবে  
প্রসন্ন বিদায়-বাখার অশ্রু; কল্যাণ হোক তোমার।  
মিলুক আমাদের দুইজনের হাত  
প্রাচীন বন্ধুত্বের স্মরণে।

রাজা হাত বাড়িয়ে দিয়ে বলেন : কল্যাণ হোক তোমার।

সমালোচকরা এই নাটকের প্রশংসায় উচ্ছ্বসিত। এর প্রত্যেকটি চরিত্র ব্যক্তিত্ব-সম্পন্ন, আর সমস্ত নাটকখানিতে ভাবের যে অখণ্ডতা প্রকাশ পেয়েছে তা অপূর্ব। লুইস বলেন : উচ্ছ্বসিত প্রশংসা ভিন্ন আর কিছুই এর সামনে সম্ভবপর নয়, এটি ঠিক নাটক নয় নাট্যকাব্য, এতে প্রকট হয়েছে নৈতিক সংগ্রাম, গ্রীক ভাস্কর্যের যে প্রশান্তি তাতে মগ্নিত এর দর্ব্ব অঙ্গ। ক্রোচে বলেন :

ইফিগেনিয়াকে বলা যেতে পারে “শান্তী নারী” যার প্রকাশ তাস্‌সোর রাজকুমারীতে ঘটেছে আর শেষে ঘটেছে ফাউস্টের অস্ত্রিমে; এই “শান্তী নারী” নারীমূলভ হ্রবলতা বা মনোহারিতা নয়, এটি পূর্ণ নৈতিক শক্তি মানুষের পূর্ণাঙ্গ মুক্তির উপরে যার প্রভাব অবিসংবাদিত। ধর্ম্মতত্ত্বের দিক দিয়ে বলা যায় ইনি হচ্ছেন “মেরী মাতা,” মানুষের পরিত্রাণের অংশভাগিনী, মানুষের অবশ্য প্রয়োজনীয় প্রবল ইচ্ছাশক্তিই সেই পরিত্রাণের পক্ষে অনন্যনিরপেক্ষ অথবা অভ্রান্ত পথ-নির্দেশক নয়। কিন্তু এসব তত্ত্বের কথা যতই আমাদের মনে পড়ুক গ্যোটের ইফিগেনিয়া একটি বিশেষ ভাব বা বিশেষ প্রতীক নয়, গ্যোটের ইফিগেনিয়া একজন ব্যক্তি,— সে হচ্ছে সেই মধুর-স্বভাব মানুষদের অন্যতম ব্যাধা অধিকারী হয়েছে অপরিণীত আত্মিক শক্তির, সেই শক্তি তাদের লাভ হয়েছে অংশত: এই কারণে যে মৃত্যুকে স্পর্শ করে’ তারা অন্তরে স্বামীভাবে লাভ করেছে মৃত্যুহীনকে; জগতের পক্ষে তারা মৃত—বস্তুবাদী ও চপল জগতের পক্ষে...কিন্তু আশাহীন ও উৎসাহহীন জগতে আনন্দ আর প্রাণ ফিরিয়ে আনবার শক্তি তাদের এই আনন্দহীনতার ও প্রাণহীনতারই আছে।

একালের কোনো কোনো সমালোচক বলেছেন : গ্যোটে তাঁর ইফিগেনিয়ায় আশাপরায়ণতাকে কিছু বেশী প্রশ্রয় দিয়েছেন। ক্রোচের এই অভিমত তাঁদের

অসুখাবনের যোগ্য। কাব্য-জগৎ স্বতন্ত্র হয়েও বাস্তবজগতের সঙ্গে অঙ্গাঙ্গিতাবে যুক্ত নিঃসন্দেহ, কিন্তু সেই বাস্তবজগতে আশাপরায়ণতা অর্থহীন নয়, কেননা, মানুষের চিরন্তন সৃষ্টিধর্মের সঙ্গে তার নিত্যযোগ। বিশ্বের চিং-সম্পদের ভাঙারে গ্যোটের এক শ্রেষ্ঠ দান তাঁর এই আশাপরায়ণতা—সৌখীন নয় আদৌ, সত্যাপ্রীতি পূর্ণভাবে। ইফিগেনিয়ার প্রত্যেকটি চরিত্র যে ব্যক্তি হয়ে উঠেছে, ভাবের পুতুল তারা হয় নি, এতেই এই ধরনের সমালোচনা অসাহিত্যিক-পর্ধার-ভুক্ত হয়েছে।

### পুরাতন স্মৃতি

কবি তাঁর ত্রিংশৎ জন্মদিনে ‘গেহাইমরাট’ অর্থাৎ ‘প্রধান ব্যবস্থাপক’ উপাধিতে ভূষিত হন। কবি এটিকে বলেছেন অমৃত, অর্থাৎ ভাগ্যের অমৃত দান। তিনি প্রকৃত মনেই এই দান গ্রহণ করেন। তাঁর বেতন বর্ধিত হয় আঠারোশ’ ‘টালার’ এ।

এই বৎসর তিনি তাঁর পরমবন্ধু ডিউক-এর সঙ্গে পুনরায় হুইটবারল্যাণ্ড ভ্রমণে যান। অত্যন্ত অল্প জিনিষপত্র সঙ্গে নিয়ে পরিচয় গোপন করে’ তাঁরা বেরিয়ে পড়েন। হুজনে প্রথমে যান ফ্রাঙ্কফোর্টে। গ্যোটে-জননী তাঁর পদস্থ পুত্র আর রাজ-অতিথিকে পেয়ে পরম আপ্যায়িতা হন। তাঁর ভাঙারের বহু উৎকৃষ্ট সুরা এই দুই তরুণ দেবতার আনন্দ বর্ধন করে। ফ্রাঙ্কফোর্ট থেকে তাঁরা স্ট্রাসবুর্গে যান। অদূরেই জেজেনহাইম—গ্যোটে একলা ফোডেরিকাকে দেখতে যান। কেমন দেখলেন সে-কথা ব্যক্ত হয়েছে শার্লোট ফন টাইনকে লেখা এই পত্র :

২৫ তারিখে (সেপ্টেম্বর, ১৭৭০) ঘোড়ায় চড়ে গেলাম জেজেনহাইমে। দেখলাম সেই আট বৎসর পূর্বে পরিবারটি যেমন ছিল এখনো তেমন আছে। পরিবারের দ্বিতীয়া কন্যা সেই দিনে আমার প্রতি অমুরাগিনী হয়েছিলেন কিন্তু আমি তাঁর ভালবাসার যোগ্য প্রতিদান দিই নি, বরং তাঁর মতো ভালবাসা বাদেই কাছ থেকে পাইনি তাঁদেরই দিয়েছি আমার হৃদয় মন। তাঁকে ছেড়ে আসতে হয়েছিল আমাকে, ভাতে তাঁর প্রাণসংশয় ঘটেছিল; কিন্তু সহজভাবে তিনি বলে’ চলেন তাঁর সেই পুরাতন ব্যাধির কি কি উপসর্গ এখনো দূর হয়নি। এবার তাঁর সঙ্গে দেখা হবার ক্ষণ থেকে শেষ পর্যন্ত এমন দৃঢ়তাপূর্ণ ব্যবহার তিনি করলেন যে আমার মনের বোঝা হালকা হয়ে গেল। বলা দরকার আমার প্রেমের নিভানো আগুন আবার জ্বালাতে কিছুমাত্র চেষ্টাও তিনি করেন নি। সেকালের সেই কুঞ্জবনে আমাকে নিয়ে গেলেন, হুজনে বসলাম। চমৎকার জ্যোৎস্না রাত্রি, আমি সবাইই কথা জিজ্ঞাসা করলাম। আমার কথা এখানে এঁরা আজো তোলেন নি। আমার পুরোনো গান এখনো এঁদের মনে আছে।

একটি গাড়ীতে রং করেছিলাম—সেটিও দেখলাম। সেই সূত্রেই দিনের বহু খেলাধুলার কথা আমাদের মনে পড়লো। সব আমার মনে পরিষ্কার ভেঙ্গে উঠলো, যেন মাত্র ছ'মাস আগে এখান থেকে চলে গেছি। বর্ষায়ানেরা আপনার জনের মতো অকপট ব্যবহার করলেন, বলেন, দেখাচ্ছে আমাকে আরো কম বয়সের। রাজি বাপন করে' সকালে বেরিয়ে পড়লাম—পেছনে রেখে এলাম বন্ধুদের প্রসন্ন মুখ। জগতের এই কোণটি লম্বন্ধে এখন মনে স্থান দিতে পারি—এঁদের ও আমার মধ্যে সম্প্রীতি ভিন্ন আর কিছু নেই।

বলা বাহুল্য ক্রীডেরিকা আজো অবিবাহিতা ছিলেন। গ্যোটে জানতে পারলেন তাঁর ঝড়-ঝাপটা দলের বন্ধু লেনৎস্ ক্রীডেরিকাকে বিবাহ করতে খুব ইচ্ছুক হয়েছিলেন কিন্তু ক্রীডেরিকা স্বীকৃত হন নি।†

২১ তারিখে ফিরে এসে গ্যোটে দেখতে গেলেন লিলিকে। লিলি এখন পদস্থ স্বামীর ঘরগী, সম্প্রতি সন্তানের জননী হয়েছেন। কবিকে তিনি সমাদরে গ্রহণ করলেন। তাঁকে সূখী দেখে কবি আনন্দিত হলেন।

বিবাহের অল্প কিছুকাল পরেই কর্ণেলিয়ার মৃত্যু হয়েছিল। অদূরেই ছিল তাঁর সমাধি—কবি দেখতে যান। তারপর কবি ও ডিউক প্রবেশ করেন স্নাইটজারল্যাণ্ডে, সেখানে লাফাটরকে পেয়ে খুশী হন। ফিরবার পথে সমর-বিভাগে পারিতোষিক বিতরণী সভার পুরস্কারপ্রাপ্ত অস্ত্র ছাত্রের সঙ্গে শিলারকেও তিনি দেখেন। স্নাইটজারল্যাণ্ডের বিখ্যাত ঝরণা দেখে তাঁর “জলদেবতার গান” কবিতা রচনা করেন, তাতে মানব-আত্মাকে তুলিত করা হয়েছে ঝরণার সঙ্গে—কোন্ আকাশে তার উৎপত্তি, আর পাহাড়ের গা বেয়ে কত জটিল কুটিল পথ অভিক্রম করে' সমতল ক্ষেত্রে আকাশের আরশি হয়ে কখনো তরল তুলে' তার বাজা।

এই স্নাইটজারল্যাণ্ড ভ্রমণের কালে লেখা গ্যোটের কতকগুলো পত্রের উল্লেখশা ব্রাণ্ডস করেছেন : ভোর্টারের প্রকৃতি-পর্ববেক্ষণ ও বর্ণনার সঙ্গে তুলনার এইসব পত্রের প্রকৃতি-পর্ববেক্ষণ ও বর্ণনা উৎকর্ষ লাভ করেছে, এই তাঁর মত।

## কার্ল আউগুস্ট

বিপুল আগ্রহে কবি কর্মজীবন আরম্ভ করেন, আমরা দেখেছি। প্রথম করে ক বৎসর এ আগ্রহ মন্দীভূত হয়নি। কাজের পথে বহু বাধা সে-সব স্বীকার করেই তিনি অগ্রসর হন। জনপ্রিয়তাও তিনি অর্জন করেন।

† ১৮১৩ খ্রীষ্টাব্দে (গ্যোটের আত্মগোপিত প্রথমদণ্ড প্রকাশের পরে) ক্রীডেরিকা লোকান্তরিত হন। তাঁর সমাধিপাণ্ডে লেখা হয় :

এর উপরে পড়েছিল কবিরেব রসি।

এর অবস্থা তাতে হয়েছে উদ্ভল॥

কিন্তু শেষ পর্যন্ত তাঁর পরমবন্ধু ডিউককে নিয়েই তিনি বিপদে পড়লেন। তাঁর বিখ্যাত “ইল্‌মেনাউ” কবিতায় নিম্নিত ডিউককে লক্ষ্য করে’ তিনি লেখেন :

বালা ভেঙে কে প্রজাপতিকে দেখে মুক্তি ? সময় আসে  
বখন আপনি সে হয় মুক্ত আর উড়ে গিয়ে বসে গোলাপের বুকে ।  
‘তার’ শক্তির অশ্রান্ত গতিপথও সে খুঁজে পাবে কালে ।  
দেখা যাচ্ছে, সত্যের জন্তে তার গভীর আকাজক্ষার সঙ্গে  
মিশে রয়েছে তুলের দিকে তার দুর্দমনীয় প্রবণতা ।  
হুঃসাহস তাকে হাতছানি দিয়ে নিয়ে যায় বহুদূরে—  
কোনো পাহাড় তার জন্ত নয় উত্তর কোনো পথ নয় হুরারোহ ;  
সদাই সমুখীন সে ভয়ঙ্কর বিপদের.  
সদাই লাভ হচ্ছে তার হুঃখের আলিঙ্গন ।  
তার দুর্দমনীয় আবেগ  
চালিয়ে নিয়ে বেড়ায় তাকে ইতস্ততঃ ।  
অন্ধ কর্মোত্তমের পরে  
বিশ্রাম খোঁজে সে যেন নৈরাশ্রে ।  
নিরানন্দ লে—বদিও অব্যাহতশক্তি ;  
অগ্রসর—বদিও উদ্দাম আনন্দের দিনে ;  
দেহে মনে আহত হয়ে  
যুমাচ্ছে সে পাথরের শযায় বিশ্বরূপ কামনার ।

ডিউকের প্রকৃতির এই এক রোখা ভাব—একশুঁয়েমি বলা সঙ্গত হবে না কেননা এটি তাঁকে পরে সাহায্য করেছিল কুশলী শাসক হতে—কবির যথেষ্ট হুঃখের কারণ হয়ে উঠলো। ডিউক প্রায়ই বস্ত্র বরাহ শিকারে বেরুতেন ; তাতে চাষীদের ফসলের ক্ষতি হতো ; গোটে বারবার এটি ডিউকের গোচরে আনেন ; ডিউক নিজের তুল স্বীকার করতেন, নিজেকে সংশোধন করতেও চাইতেন ; কিন্তু কাজে হয়ে উঠতেনা। নিজের খরচ কমানোও ডিউকের পক্ষে হুঃসাধ্য হলো। ডিউক লক্ষ্যে গোটেই আরো কয়েকটি উক্তি এই :

বা ভাল ও ভ্রাসঙ্গত তার জন্ত তাঁর উৎসাহ প্রচুর, বদিও বা অসঙ্গত  
তাতেই তাঁর আনন্দ বেশী । তাঁর বিবেচনা, অন্তর্দৃষ্টি ও জানাশোনার কথা  
ভাবলে বিস্মিত হতে হয়, কিন্তু কোনো ভাল কাজ করতে গিয়ে আরম্ভ  
করেন তিনি নিবুদ্ধির মতো । হুর্ভাগ্যক্রমে না স্বীকার করে’ উপায় নেই  
যে এই দোষ তাঁর প্রকৃতিগত ;—ব্যাঙ, কিছুকাল ডাঙায় বাস করতেও  
পারে, কিন্তু আসলে সে জলের জীব ।

অন্তঃ—

ডিউকের ভাবনার পরিসর সংকীর্ণ; তিনি কোনো বড় কাজে হাত দিতে চান মুহূর্তের উত্তেজনায়। কোনো সুদূরপ্রসারী কল্পনা কাজে পরিণত করতে পারলে যে বড় রকমের নতুন-কিছু করা হয় সেদিকে তাঁর মন যায় না। প্রকৃত রাজনীতিজ্ঞ তিনি নন।

বলা বাহুল্য ডিউককে লুকিয়ে কবি এসব উক্তি করেন নি। পরে অবশ্য ডিউক সশব্দে বখেটে উচু ধারণা তাঁর হয়েছিল—‘একেরমান ও সোরের সঙ্গে আলাপ’ অধ্যায়ে তা আমরা দেখব।

ডিউক নিজের খরচ কমাতে স্বীকৃত হলে তবেই কবি অর্থ-সচিবের পদ গ্রহণ করেন। তিনি নিজেও তাঁর খরচ কমিয়ে হুঃস্থদের সাহায্য করতে সদাই প্রস্তুত ছিলেন। এক হুঃস্থ ব্যক্তিকে দীর্ঘ সাত বৎসর ধরে তিনি তাঁর পরিমিত আয়ের একষষ্ঠাংশ দিয়ে প্রতিপালন করেন—লুইসের গ্রন্থে তার বিস্তারিত বিবরণ রয়েছে। তাঁর এই সব দানে মানুষের প্রতি তাঁর স্বাভাবিক শ্রদ্ধা প্রকাশ পেয়েছে। এ সম্পর্কে তাঁর একটি উক্তি মনোজ্ঞ :

হাজার হাজার লোকের সঙ্গে তুলনায় নিজের এত বেশী আছে দেখে লজ্জিত হতে হয়।

দরিদ্রদের অবস্থার উন্নতি সাধনের চেষ্টা ফলপ্রসূ হচ্ছে না দেখে কবি ব্যথিত হন। এর ফল যে ভয়াবহ সে-সম্বন্ধে ফরাসী বিপ্লবের আট বৎসর পূর্বে তিনি লেখেন :

আমাদের বর্তমান অভিশপ্ত ব্যবস্থায় গ্রাম-দেশের মজা পর্যন্ত শুয়ে নেওয়া হচ্ছে ; তাতে সেখানকার শস্তশ্রামল ও আনন্দোজ্জল জীবনের সব সম্ভাবনা নষ্ট হয়ে যাচ্ছে। আমি চলেছি যেন ‘ভিক্ষুকের বসন তালি দিয়ে—তা কেবলই ছিঁড়ে ছিঁড়ে পড়ছে। আমাদের নৈতিক ও রাজনৈতিক জীবনের ভিত্তিমূল ক্ষয় হয়ে যাচ্ছে অনন্ত সুড়ঙ্গ গর্ত আর পচা নালা-ডোবার দ্বারা। কি যোগাযোগ চলেছে সেখানে, যারা সেখানে বাস করছে কি তাদের দশা—এসব কেউ ভাবে না। কিন্তু এসবের সঙ্গে সাক্ষাৎ পরিচয় যার আছে তার কাছে এসবের অর্থ আরো পরিষ্কার হয়ে উঠবে যখন ভূমিকম্প শুরু হবে, ...তখন মাটির এই সব ফাটলের ভিতর থেকে উঠবে অদ্ভুত কণ্ঠস্বর।

কবি দিন দিন হচ্ছিলেন জীবনের দারিদ্র্য সম্বন্ধে সচেতন, আর ডিউকের নব-বৌবনের উন্নাদনা কেটে যায় নি—এ কথা তিনি বুঝতেন, তাই ডিউকের সঙ্গে তাঁর গভীর প্রীতির বোগ ডিউকের এই সব ক্রটি-বিচ্যুতি সম্বন্ধে বিনষ্ট হয় নি :

ডিউকের দোষ-ক্রটি বহু, কিন্তু সেসব আমি সহজেই ক্ষমা করি নিজের দোষ-ক্রটির কথা স্মরণ করে’।

কর্মজীবনে এই ‘ব্যর্থতা’র জন্মেই-হোক অথবা তাঁর স্ব-ধর্মের প্রেরণায়ই হোক কবি ধীরে ধীরে পূর্ণভাবে সচেতন হলেন যে তিনি সাহিত্যিক প্রতিভা নিয়ে জন্মেছেন—সাহিত্যই তাঁর ক্ষেত্র। তিনি লিখেছেন :

মনের কথা লেখার ফুটিয়ে তুলে পূর্বের চাইতে নির্মলতর আনন্দ উপভোগ করি।

রাজমন্ত্রি যে তাঁর সত্যাকার কাজ নয় সে সন্দেহে তাঁর মন্তব্য এই :

আমার জন্ম একজন সাধারণ মাগরিক হবার জন্যেই। জামিনা ভাগ্য কেন আমাকে মন্ত্রীর গদিতে আর রাজপরিবারের সংস্রবে এনে হাজির করেছে।

### ইতালি স্বাত্রান আন্দোলন

গ্যেটের পিতা যৌবনে ইতালি ভ্রমণ করেছিলেন। পুত্রকেও তিনি ইতালি ভ্রমণের পরামর্শ দিয়েছিলেন—“ইতালি বিখ্যাত দেশ কাব্যের কানন”—শিল্পের “কানন” ত’ বটেই! কিন্তু এ পর্যন্ত তাঁর পক্ষে তা সম্ভবপর হয়নি। ১৭৮৩ খৃষ্টাব্দ পর্যন্ত গ্যেটে তাঁর জ্ঞানব্রতে নিবিষ্টচিত্ত হলেন। রাজকার্য যোগ্যভাবে করবার জন্য যে সময় ব্যয় করা সম্ভব তা করে’ অবশিষ্ট সময় তিনি সাহিত্য ও বিজ্ঞান-চর্চায় ব্যয় করতে আরম্ভ করেন। এ সময়ে তাঁর ভিলহেল্ম্ মাইস্টার, এগমন্ট ও তাসসো রচনা এগিয়ে চলে, আর বিশেষভাবে চলে বিজ্ঞান-চর্চা। এই বৎসর তিনি বায়ু পরিবর্তনের জন্য হাৎস্ পর্বতে যান, কিন্তু সেখানেও বিজ্ঞান-চর্চাই তাঁর জন্য প্রধান হয়ে ওঠে। বিজ্ঞান-চর্চায় তাঁকে সাহায্য করেছিল তাঁর অসাধারণ পর্যবেক্ষণ-শক্তি—এই পর্যবেক্ষণ-শক্তিই তাঁকে বিশেষভাবে সাহায্য করেছিল সাহিত্যক্ষেত্রেও এত বিচিত্র স্বভাবানুগ চরিত্র সৃষ্টি করতে। ক্ষটিক সন্দেহে তাঁর বিখ্যাত প্রবন্ধে তাঁর এই নব বিজ্ঞানানুগ রূপ লাভ করেছে :

প্রকৃতির রহস্যের প্রতি মানুষের আকর্ষণের কথা যঁরা বোঝেন তাঁরা আশ্চর্য হবেন না যে আমার অতীতের পর্যবেক্ষণ-ক্ষেত্র পরিত্যাগ করে’ এই নতুন ক্ষেত্রের দিকে আমি এতখানি আগ্রহ নিয়ে অগ্রসর হয়েছি। এতদিন পর্যবেক্ষণ করছিলাম, আঁকছিলাম, মানুষের হৃদয়—সৃষ্টির সর্বকনিষ্ঠ, সবচাইতে বহুমুখী, সবচাইতে চঞ্চল, সবচাইতে পরিবর্তনশীল অংশ (এর ভিত্তিমূলও আলোড়িত হয় সহজে), আর তার পরিবর্তে আজ পর্যবেক্ষণ করছি সৃষ্টির সর্বজ্যেষ্ঠ, দৃঢ়তম, গহনতম, একান্তচাক্ষু্যহীন সম্ভাবকে;—একটা বিপরীত কিছু করবার বোঁকেই যে এটি করছি এ-তিরস্কার আমাকে স্পর্শ করবে না। কেমনা সবাই এ বিষয়ে আমার



সঙ্গে একমত হবেন যে প্রকৃতির সব-কিছু পরস্পরের সঙ্গে নিবিড় যোগে যুক্ত, আর অসুসন্ধিৎসু মন লভ্য কোনো-কিছু থেকেই বিরত হতে চায় না। আমি—যে-আমি বহু ভুগেছি, আজো ভুগছি, ভুগেছি মানুষের পরিবর্তনশীল প্রকৃতির জন্তে, দ্রুত এবং বিরামহীন পরিবর্তন শুধু নিজের বেলায় নয় অস্ত্রের বেলায়ও—সেই আমি আজ কামনা করছি মহান বিশ্রাম মহীয়সী যুগভাষিণী প্রকৃতির নিঃসঙ্গ নিশ্চরতার সামনে।

১৭৮৪ খৃষ্টাব্দে তাঁর বিজ্ঞান-সাধনা নব আবিষ্কারের গৌরব লাভ করে। এ পর্যন্ত বনমানুষ ও মানুষের মধ্যে শারীর সংস্থানের দিক দিয়ে কোনো যোগসূত্র খুঁজে পাওয়া যায় নি। বৈজ্ঞানিকেরা স্বীকার করছিলেন Incisor দস্ত যে অস্থির উপরে অবস্থিত উপরের-চোয়ালের-সঙ্গে-যুক্ত সেই অস্থি বনমানুষে আছে—যেমন অস্ত্রাশ্র ইতর প্রাণীতে আছে—কিন্তু মানুষে নেই। এটি তাঁদের চোখে ছিল মানুষ ও বনমানুষের মধ্যে পার্থক্যের প্রমাণ। গোটে আবিষ্কার করেন যে এই অস্থি মানুষেও আছে। এ সময়ে হের্ডর প্রমাণ করতে চেষ্টা করছিলেন যে মানুষ ও ইতর প্রাণীর মধ্যে শারীর গঠনের দিক দিয়ে কোনো পার্থক্য নেই। গোটে তাঁর এই বৈজ্ঞানিক আবিষ্কারে সফলকাম হয়েই হের্ডরকে লিখলেন :

য়েনা—মার্চ ২৭—রাত্রি : আমি আবিষ্কার করেছি—সোনা রূপা নয় কিন্তু এমন কিছু যাতে অনির্বচনীয় আনন্দ অনুভব করছি—আবিষ্কার করেছি মানুষের উর্ধ্বহস্ত-সংযোগ-অস্থি ( Intermaxillari bone )। লোডেরের সঙ্গে মানুষ ও পশুর মাথার খুলি মিলিয়ে দেখছিলাম, আসল সন্ধানটি পেলাম—কি আনন্দ ! কিন্তু এ বিষয়ে একটি কথাও নয় : আপাতত এটিকে খুব গোপন রাখতে হবে। আপনার খুব আনন্দ হবে নিশ্চয়ই কেননা এইটি হবে নৃতত্ত্বের কুঞ্জিকা—ঠিকই পাওয়া গেছে কোনো ভুল নেই ! কিন্তু কেমন করে ?

তাঁর এই আবিষ্কার সন্ধে ক্রেবল্কে লিখলেন :

বাস্তবিক মানুষ পশুর সঙ্গে নিবিড় যোগে যুক্ত। সময়ের সঙ্গে যুক্ত হয়েই প্রত্যেক জীব তার বৈশিষ্ট্য প্রকাশ করতে পারে। মানুষকে বোঝা যায় যেমন তার উপরের চোয়ালের গঠন থেকে তেমনি পায়ে আঙুলের শেষ গ্রন্থি-সংযোগের আকৃতি ও প্রকৃতি থেকে। এই ভাবে বোঝা যায় প্রত্যেক প্রাণী হচ্ছে সমগ্র ‘সুরগ্রামে’র এক একটি সুর, সমগ্র ‘সুরগ্রামে’র সঙ্গে মিলিয়েই বুঝতে হবে তার অর্থ, মইলে তা অর্থহীন। এই চিন্তাধারাই রয়েছে আমার এই ছোট নিবন্ধের মূলে, আর বাস্তবপক্ষে এটিই এর আসল কথা।

প্রকৃতির সব-কিছু পরস্পরের সঙ্গে নিবিড় যোগে যুক্ত এই সত্যের সন্ধান গোটে বোধ হয় প্রথম পান স্পিনোজার কাছ থেকে। কিন্তু তাঁর বৈজ্ঞানিক সাধনা তাঁর এই মনোভাবকে দৃঢ় ভিত্তির উপরে প্রতিষ্ঠিত করে। তাঁর সমসাময়িক সাহিত্যিকরা তাঁর এই বিজ্ঞান-সাধনাকে জ্ঞান করেছিলেন সময়ের অপব্যবহার আর বৈজ্ঞানিকরা তাঁকে জ্ঞান করেছিলেন অনধিকারী—বহু দিন পর্যন্ত তাঁরা তাঁর এই নব আবিষ্কার স্বীকার করেন নি। কিন্তু গোটের যে জীবন-বোধ তার সঙ্গে বৈজ্ঞানিক দৃষ্টি বাস্তবিকই অঙ্গাঙ্গিভাবে যুক্ত। তাঁর এই বিজ্ঞান-সাধনার ফলস্বরূপ তিনি এই সুগভীর উক্তি করেন :

আমি প্রকৃতির মতো অকৃত্রিম হব, ভাল হব মন্দ হব, তোমাদের যত আদর্শ আমাকে বাধা দিতে পারবে না।

লুডভিগ বলেন : এই বিজ্ঞান-সাধনার কালে তাঁর অন্তর্নিহিত মরমী ভাবও তাঁর মধ্যে প্রবল হয়, পুনর্জন্মবাদ তাঁর রচনায় দেখা দেয়।† মৃত্যু সন্ধ্যাে তিনি লেখেন :  
মামুষের যে মৃত্যু হয় এটি কত ভালো—মনোজীবনের সমস্ত ক্ষয়চিহ্ন দূর করে' দিয়ে সে ফিরে আসে যেন স্নানস্নিগ্ধ হয়ে।

এই যুগে তাঁর বিখ্যাত 'নর-দেবত' ( 'The Divine ) কবিতা রচিত হয়। কবিতাটি যেমন রসোচ্ছ্বাসবর্জিত তেমনি ভাবপূর্ণ—মহুশ্বত্ব বলতে কি বোঝা হবে সে সন্ধ্যাে এর নির্দেশ সুউজল :

১

মামুষ হবে মহৎ,  
হবে হিতৈষী ও সৎ !  
এই-ই কেবল তাকে  
পৃথক করতে পারে  
বিশ্বচরাচরের  
সকল কিছু থেকে।

২

জয় হোক অজানাদের  
মহত্তর মহিমাপুঞ্জের,  
যাদের আমরা ধ্যান করি,

† এক ধরনের পুনর্জন্মে গোটের বিশ্বাস ছিল, তাঁর বহু উক্তিতে তা প্রকাশ পেয়েছে। তবে এ সন্ধ্যাে কোনো বিস্তারিত তত্ত্বের অবতারণা তিনি করেন নি। তাঁর "একেরমান ও সোনের সঙ্গে আলাপ"-এ ও ফাউণ্টে দ্বিতীয় খণ্ডের তৃতীয় অঙ্কের শেষে এ সন্ধ্যাে কিছু কিছু ইঙ্গিত আমরা পাব।

## কবিগুরু গোটে

হোক মাহুদ তাঁদের মতো ।  
 তার আচরণ আমাদের শেখাক  
 তাঁদের সম্মুখীন হতে বিশ্বাস-বলে ।

৩

চারপাশের যে প্রকৃতি  
 অমূল্য-বজ্রিত সে,  
 সূর্য কিরণ ছড়ায়  
 ভালোর উপরে মন্দেরও উপরে ;  
 চন্দ্র ও তারা আলো দেয়  
 পাশাপাশিকে  
 গুণ্যায়াকেও ।

৪

ঝড় আর বজ্র  
 শিলা হানে বজ্র হানে,  
 গর্জন করে ছুটে চলে,  
 হামলা করে ছিনিয়ে নেয়,  
 যা তাদের সাম্মুখে পড়ে  
 একের পর আর ।

৫

ভাগ্যেরও তেমনি ধারা—  
 হাৎড়ে সে ফেরে জনতায়,  
 এই সে মারে হ্যাঁচকা টান  
 নিষ্পাপ বালকের-কেশ ধরে’ ;  
 এই সে খসিয়ে নেয়  
 বৃদ্ধ পাপীর ধূসর মুকুট ।

৬

সনাতন ও লৌহকঠোর  
 প্রকৃতির এই বিধিবিধান,—  
 বিশ্বের যত জীব ও জড়  
 তার দ্বারা বাঁচে, চালিত হয়,  
 নিরূপিত তাদের আয়ুষ্কালে ।

৭

মাছুষ কিস্ত সাধন করে—  
মাছুষই কেবল সাধন করে—অশস্ত্রবেব ;  
বাছাই করে সে ভালো-মন্দ,  
গ্রহণ করে আর মূল্য দেয় ;  
ক্ষণ রাগী মুহূর্তেরে  
দান করে সে স্থায়িত্ব ।

৮

আর কেউ নয় কেবল সে-ই  
ভালোরে দেয় পুরস্কার,  
মন্দরে দেয় লাঞ্ছনা,  
রক্ষা করে, উদ্ধার করে,  
সদ্ব্যবস্থা করে' চলে  
ব্রাহ্মের আর বিপৎগামীর ।

৯

সন্মান জানাই আমরা  
মহান্ অমরদেয়ে  
যেন তাঁরা মাছুষের মতো,  
বিরটিভাবে তাঁরা সাধন করেন  
সংকীর্ণ তাদের পরিসরে  
মাছুষের শ্রেষ্ঠরা  
যা করে বা করতে পারে ।

১০

হোক মহৎ মাছুষ  
হিতৈষী ও সৎ,  
অশ্রান্তভাবে কল্লক  
বা প্রয়োজনীয় ও সজ্ঞত ।  
হোক তারা প্রতীক  
সেই সব মহিমার  
যাদের আমরা ধ্যান করি ।

কর্মজীবনে আশামুরূপ ফল-লাভের অভাব আর তার সঙ্গে জীবনের দায়িত্ব সম্বন্ধে প্রবল বোধ—অল্প কথায় এই-ই কবির ইতালি-যাত্রার অব্যবহিত পূর্বের জীবনের পরিচয়। তাঁর পরমখ্রীতিপাত্রী শার্লোট ফন ষ্টাইনের সংস্রব তাঁকে যে আনন্দ দান করছিল তা গভীর। কিন্তু ধীরে ধীরে তাঁর মনের গোপনে এমন এক অস্বস্তির সঞ্চার হয়েছিল যার তীব্রতা ছাপিয়ে উঠেছিল তাঁর সমস্ত আনন্দ-অনুভূতি, সমস্ত কর্তব্য-বোধ। তাঁর বন্ধুরাও মাঝে মাঝে অনুভব করছিলেন তাঁর দেহমন স্তব্ধ নয়। অবশেষে কবি সংকল্প করলেন ভাইমার ত্যাগ করে' কিছুকাল অল্প কোথাও কাটাবেন। কিন্তু এই সংকল্পের কথা কারো কাছে তিনি ব্যক্ত করলেন না।

১৭৮৬ খ্রীষ্টাব্দে তাঁর গ্রন্থাবলীর এক নূতন সংস্করণ প্রকাশের ব্যবস্থা হয়। বইপত্র সঙ্গে নিয়ে কবি জুলাই মাসে ডিউক, হের্ডর ও শার্লোট ফন ষ্টাইনের সঙ্গে স্বাস্থ্য-নিবাস কার্লস্‌বাড-এ গমন করেন। হের্ডর ও শার্লোট কিছুদিন পরে ভাইমারে ফিরে যান। এখানে আরো কিছুদিন ডিউকের সঙ্গে কাটিয়ে কবি ইতালি-যাত্রা করেন সেপ্টেম্বরের প্রারম্ভে, ডিউককে তিনি লেখেন :

আপনার কাছ থেকে বিদায় নেবার সময়ে স্পষ্টভাবে বলে' আসিনি কোথায় যাচ্ছি কতদিনের জন্তে—সেজ্ঞাত ক্ষমাপ্রার্থী। আমি নিজেকে এখনো পুরোপুরি জানি না কি করবো। আপনি আনন্দিত মনে চলেছেন আপনার লক্ষ্যে। রাজকার্য শৃঙ্খলার সঙ্গে চলেছে; আমি যদি এখন আমার পথের সন্ধান করি আশা করি তাতে অপরাধ নেবেন না, আপনি নিজেকে এর প্রয়োজনের কথা বহুবার বলেছেন। এ সময়ে আমাকে না হলেও বেশ চলবে, আমার অনুপস্থিতি-কালে সব শৃঙ্খলার সঙ্গে চলবে এমন ব্যবস্থা করা হয়েছে। এই অবস্থায় আমি চাচ্ছি এক অনির্দিষ্ট কালের জন্ত ছুটি।

# বাণী-পূজা

## ইতালি-প্রবাস

নিজের পরিচয় গোপন করে 'হের মেলর' ( Meller ) এই ছদ্মনাম নিয়ে কবি ইতালিতে উপস্থিত হলেন। ইতালি দর্শনের জ্ঞাত দীর্ঘদিন ধরে' তাঁর মনে যে এক গভীর আকাজ্জক সৃষ্টি হয়েছিল তার এক পরিচয় রয়েছে ভিল্‌হেল্ম মাইস্টারের মিগ্‌মনের গানে। ইতালির বাগান গাছপালা বাড়ীঘর সব যেন তাঁকে পূর্বপরিচিন্তের মতো প্রীতিসম্ভাষণ জানালে। সর্বোপরি ইতালির নির্মল আকাশ তাঁকে যেন আনন্দে ডুবিয়ে দিলে—এই আলোকিত আকাশ যেন তাঁর আত্মার আত্মীয়। ( ফাউস্ট দ্বিতীয় খণ্ডে আলোকিত পরিবেষ্টনে তাঁর গভীর আনন্দ রূপ লাভ করেছে। ) কৃত্রিম খাল, হ্রদ, সরু রাস্তা, চিন্তাকর্ষক স্থাপত্য, জনতার স্ফূর্তি দেখতে দেখতে ভেনিস, ফ্লোরেন্স, আরেৎসো, পেরুগিয়া, ফেজিগ্নো ও স্পোলতো অতিক্রম করে' ২৮শে অক্টোবর তারিখে কবি রোমে উপস্থিত হলেন।

রোমে কবির প্রথমে চার মাস কাটে। কয়েকজন জার্মান শিল্পীর সঙ্গে তিনি বাস করতেন, তাঁরা তাঁর অনাড়ম্বর জীবনযাত্রার প্রশংসা করেছেন। কবি চিত্রাঙ্কনে বিশেষ মন দেন। তার সঙ্গে চলে বিভিন্ন গির্জা ও চিত্রশালা দর্শন। ভিক্টর হ্যামান সঙ্কে তিনি নতুন ভাবে কৌতূহলী হন। কিন্তু সব চাইতে বড় কাজ যেটি করেন সেটি হচ্ছে ইফিগেনিয়ায় ছন্দোময় রূপ দান। তাঁর এই চেষ্টা ব্রাণ্ডেসের চোখে খুব অর্থপূর্ণ, তাঁর মতে, ইফিগেনিয়ায় গোটের-প্রতিভা যে অভিনব ছন্দ-সামর্থ্য লাভ করে সেটি তাঁকে বিশেষ ভাবে সাহায্য করে ফাউস্ট রচনায় অর্থাৎ পূর্ণাঙ্গতা দানে। তাঁর এই রোম-বাস সঙ্কে কবি বলেছেন :

আমার বোবনের সমস্ত স্বপ্ন আজ আমার সামনে জীবন্ত। যেখানেই বাই সেখানেই দেখি পরিচিত বন্ধু-মুখ; যেটির সঙ্কে বা ধারণা করেছিলাম তেমনটিই তাকে দেখছি, তবু সবই কত নতুন। ভাব ভাবনা এ সব সঙ্কেও সেই কথা। নতুন কোনো ভাব বা ভাবনা যে আমি লাভ করেছি তা নয় কিন্তু সমস্ত পুরাতন ভাব এতখানি সুস্পষ্ট, জীবন্ত ও পরস্পর-সঙ্কে হয়ে দেখা দিয়েছে যে সে-সবকে নতুন বলে' ভাবা যায়।

অন্ততঃ বলেছেন :

কেবল এখনই প্রকৃত বাচা বাচছি; এখানে যে এসে পৌঁছেছি এতে আমি শান্ত হ'তে পেরেছি; মনে হয়, জীবনের অবশিষ্ট কাল সে শান্তি নষ্ট হবে না।

ডিউক কথিকে অনির্দিষ্ট কালের জন্ত ছুটি দিলেন। রোম থেকে কবি কেক্সরারীর শেষে নেপল্‌স্-এ যান। সেখানে তাঁর পাঁচ সপ্তাহ কাটে। ছদ্মপরিচয় পরিভ্যাগ করে' এখানে তিনি সবার সঙ্গে যেশেন। নেপল্‌স্-এ স্তর উইলিয়ম হামিলটনের সঙ্গে তাঁর পরিচয় হয় ও তাঁর ইতিহাসপ্রসিদ্ধা পত্নী লেডী হামিলটনের চিত্তাকর্ষক নৃত্য দর্শন করেন।

রোমে কবি লেখাপড়ায় মন দিয়েছিলেন, কিন্তু নেপল্‌স্-এ সেসব প্রায় পরিভ্যাগ করে' তিনি রত হম ভ্রমণে ও লোকের সংসর্গ লাভে। সমুদ্র-তীরে জ্বেলদের আড্ডা, জনসাধারণের ভিড়, বিশিষ্টদের সম্মেলন, জ্যোৎস্নালোকে নৌকাভ্রমণ, পোম্পেয়ি সন্দর্শন, বিস্তুভিয়স সন্দর্শন,—এ সবে তাঁর বহু সময় কাটে। বিস্তুভিয়সে তিনি তিন বার আরোহণ করেন—বিপদের ভয় তাঁর মনে স্থানই পায় না। পাএস্তম্-এ ( Paestum ) তিনি প্রাচীন গ্রীকমন্দিরের অপূর্ব গঠনের ভগ্নাবশেষ দেখে পরম পুলকিত হন।—পাএস্তমের গ্রীকমন্দির সম্বন্ধে প্রথম যোগ্য আলোচনা করেন ভিঙ্ক্লমান।

নেপল্‌স্ থেকে এপ্রিলের প্রারম্ভে কবি পালর্মো-তে যান। সেখানে তাঁর এক পক্ষ কাটে। সেখানকার কমলালেবুর বাগান, করবী বাগান, যেন তাঁকে সংসার ভুলিয়ে দেয়। এখানে হোমর মতুন করে' তাঁর প্রিয় হয়ে ওঠেন—ওডিসি তিনি নতুন করে' পড়েন; হোমরের অনুসরণে 'নাসিকা' নাম দিয়ে এক নাটক আরম্ভ করেন; এটি অবশ্য বেশী দূর অগ্রসর হয় না। এখান থেকে মের মাঝামাঝি তিনি নেপল্‌স্-এ ফিরে যান—পথে সলিল-সমাধি লাভের সম্ভাবনা তাঁর ঘটেছিল। সমুদ্র-তীরে কাঁকড়া দেখে কবি এই গভীর মন্তব্য করেন :

প্রাণবান সৃষ্টি কী অপূর্ব ব্যাপার ! পরিবেষ্টনের সঙ্গে তার কী গভীর যোগ  
—কত বাস্তব—কত বিশিষ্ট !

সমুদ্রের এক বিশেষ ধরণের মাছের জন্ম-কথা বুঝবার জন্ত তিনি না কি ভারতবর্ষ-যাত্রার সঙ্কল্প করেছিলেন। নেপল্‌স্-এ এক পক্ষ কাল কাটিয়ে তিনি পুনরায় রোমে ফিরে আসেন। এখানে তিনি অভিবাহিত করেন ১৭৮৭ খৃষ্টাব্দের জুন থেকে ১৭৮৮ খৃষ্টাব্দের ২২শে এপ্রিল পর্যন্ত।

এই দশ মাস কাল যে পরিশ্রম তিনি করেন তা অমলসাধারণ। তাঁর 'ভাস্‌সো' নাটকের দুই অঙ্ক লেখা হয়েছিল; সবটা লিখে তিনি নতুন করে' দাঁড় করালেন; নাটকটি তিনি অবশ্য শেষ করেন ভাইমারে ফিরে'। তাঁর 'এগমন্ট' নাটক এখানে শেষ করা হয়। রোমে যখন তিনি ভাস্‌সো নিয়ে ব্যাপৃত তখন ফরাসীবিপ্লব আরম্ভ হয়ে গেছে—প্যারিসে Bastille ধ্বংস হচ্ছে।—তাঁর রচনাবলীর যে নতুন সংস্করণ প্রকাশিত হয়েছিল তা চারখণ্ডে সমাপ্ত হয়।—আর তাঁর ফাউস্টও তিনি এই কালে

নতুন করে' আরম্ভ করেন; তিনি লিখেছেন, ফাউস্ট নাটকের হারানো খেইট তিনি পুনরাবিষ্কার করেন। ফাউস্ট রচনা অবশ্য বেশী দূর অগ্রগত হয় না।

ইতালি-বাস কালে কবি চিত্রাঙ্কনে যথেষ্ট সময় ব্যয় করেন। কিন্তু কোনো বিশেষ সাফল্য অর্জন করতে পারেন না। তবে এর পরে আর তিনি চিত্রাঙ্কনে যন দেননি।

তার বিজ্ঞান-চর্চা, বিশেষ করে' উদ্ভিদবিজ্ঞান-চর্চা, এখানে ফলপ্রসূ হয়—বৃক্ষের রূপান্তর সম্বন্ধে তিনি মূল্যবান গবেষণা করেন। ব্রাণ্ডেসের গ্রন্থে এ সম্বন্ধে বিস্তারিত আলোচনা রয়েছে। তাঁর প্রতিপাত্ত নাকি এই যে কাণ্ড ব্যতিরেকে বৃক্ষের আর সব অংশ পত্রের রূপান্তর।

ইতালিতে চিত্র ও স্থাপত্য উভয়ের দিকেই কবি আকৃষ্ট হন। কিন্তু এক্ষেত্রেও তাঁর প্রতিভা ও রুচির বিশিষ্ট রূপ আমাদের চোখে পড়ে। খৃষ্টানধর্মের প্রভাব যে-সব স্থাপত্যে—যেমন তাঁর নবযৌবনের বহুল-প্রশংসিত 'গথিক' স্থাপত্যে—সেসব তাঁকে আকর্ষণ করে না আদৌ। চিত্রেও তেমনি খৃষ্টান-ভ্যাগ-প্রাবল্যের দ্বারা প্রণোদিত আলেখ্যের দিকে আকৃষ্ট না হয়ে তিনি আকৃষ্ট হন রাফায়েলের সহজমানবিকতাপূর্ণ চিত্রের দিকে। আর প্রাচীন গ্রীক-শিল্প তাঁর একান্ত প্রিয় হয়ে ওঠে : প্রাচীন গ্রীক ভাবে তিনি দেখেন জীবনের পূর্ণতা-বোধ ও প্রশান্তি আর খৃষ্টান-শিল্পে তিনি দেখেন ভাবোন্মাদ। রেনেসাঁস-এর যে আনন্দ ও জীবন-বোধ তাই হয়েছিলে তাঁর জীবনব্যাপী আকর্ষণ-স্থল। ব্রাণ্ডেস বলেন :

তিনি দাঁড়িয়েছেন যেন রেনেসাঁসের বর্গফল—বিরাট রেনেসাঁস এখানে পুনর্জীবন লাভ করেছে একজন ব্যক্তিতে।

প্রাচীন সাহিত্য ও শিল্পের বিশেষত্ব সম্বন্ধে তাঁর এই উক্তি বিখ্যাত :

প্রাচীনেরা আঁকতেন জীবন, আমরা সাধারণত আঁকি জীবনের প্রভাব ;  
তাঁরা আঁকতেন ভয়ঙ্করকে, আমরা আঁকি ভয়ঙ্কর করে' ;  
তাঁরা আঁকতেন মধুরকে, আমরা আঁকি মধুর করে'।

জীবনে ও সাহিত্যে তাঁর প্রিয় বস্তুকেজ্ঞিকতা ( Objectivity ) সম্বন্ধে তাঁর আর একটি বিখ্যাত উক্তি এই :

অবনতির যুগ ভাবকেজ্ঞিক ( Subjective ) আর উন্নতির যুগের প্রাথমিকতা বস্তুকেজ্ঞিকতার দিকে।

এ সম্পর্কে তাঁর এই উক্তিটিও উল্লেখযোগ্য :

চিন্তা সম্বন্ধে আমি কখনো চিন্তা করিনি।

ইতালিতে প্রকৃতির ও শিল্পের এই নির্মল সৌন্দর্য উপভোগ কালে কবি যে তাঁর বন্ধু কুন্সমসারকে লক্ষ্যস্থল আদৌ হন নি, তা নয়, তবে কুন্সমসারক এবার তেমন



কৃতকার্ণ হন নি। তাঁর 'ইতালি-ভ্রমণ' গ্রন্থে আছে, এক জুস্মারী মিলান-নদীতীরে তাঁর অন্তরে কিঞ্চিৎ চাকল্য জাগায়। কিন্তু তিনি যখন জানলেন এই তরুণী বাগ্‌দাদী তখন ভেটের পুরাভিনয়ের সম্ভাবনা থেকে সভয়ে প্রতিনিবৃত্ত হলেন তাঁর মবলক শান্তি-রাজ্যে।

১৭৮৮ খৃষ্টাব্দে ২২ এপ্রিল তারিখে কবি ইতালি ত্যাগ করেন—যথেষ্ট অনিচ্ছুক হয়ে। কিছুকাল পূর্বে তাঁর পিতার মৃত্যু হয়েছিল; ফ্রাঙ্কফোর্ট হয়ে ভাইমারে বাবেল এই তাঁর ইচ্ছা ছিল, কিন্তু শেষ পর্যন্ত তা হয়ে উঠলো না।

এই দীর্ঘ কালে ডিউক নিরমিতভাবে তাঁর বেতন পাঠিয়েছিলেন। সেটি যে ভাইমারে চিত্তদাহের সৃষ্টি করেনি তা নয়। কবি শিলার গ্যোটের ভাইমার জ্যাগের কিছুকাল পরেই ভাইমারে আসেন। তিনি অসুস্থ ও সঙ্গতিহীন ছিলেন, এক পত্রে তিনি লেখেন :

ভাইমার! গ্যোটে যে কবে ফিরবেন তার কিছুমাত্র নিশ্চয়তা নেই; অনেকের ধারণা সমস্ত কাজকর্ম থেকে তিনি রেহাই নেবেন। তিনি ইতালিতে ছবি আঁকছেন আর এখানকার রামাশ্রামাদের তাঁর জন্ত গাধার মতো খাটতে হচ্ছে। কিছুই না করে' বার্ষিক ১৮শ' টালার তিনি ইতালিতে খরচ করে' যাচ্ছেন আর তাঁর অর্ধেক মাত্র পেয়ে এদের দ্বিগুণ কাজ করতে হচ্ছে।

ইতালি-বাসে কবির কি লাভ হলো সে সম্বন্ধে তাঁর নিজের উক্তি এই :

আমার এই ভ্রমণের উদ্দেশ্য ছিল দুইটি—যে দৈহিক ও মানসিক অস্বস্তির জন্তে আমি প্রায় কাজের বাইরে চলে গিয়েছিলাম তা থেকে মুক্তি পাওয়া, আর অনাবিল শিল্প-সৃষ্টির জন্ত যে প্রবল তৃষ্ণা আমার মধ্যে দেখা দিয়েছিল তা প্রশমিত করা। প্রথমটিতে আংশিক ভাবে আর দ্বিতীয়টিতে পূর্ণভাবে আমি সফল হয়েছি।

### এগমন্ট

এগমন্ট গ্যোটের একটি জনপ্রিয় নাটক। এর গানে সুর দিয়েছিলেন বেটোফন—সেটিও এর জনপ্রিয়তার এক কারণ। এর কাহিনীটি সংক্ষেপে এই :

এগমন্ট ষোড়শ শতাব্দীর নেদারল্যান্ডের একজন ব্যারন। তখন নেদার-ল্যান্ড স্পেনের অধীন। নেদারল্যান্ডে চলেছে অরাজকতা ও ধর্মবিপ্লব—পুরাতন ক্যাথলিক ধর্ম পরাজিত হচ্ছে নূতন প্রোটেষ্ট্যান্ট ধর্মের হাতে, কিন্তু রাজশক্তি পুরাতন ধর্ম রক্ষায় বন্ধপরিকর, সঙ্গে সঙ্গে এইসব আন্দোলনের

ভিত্তর দিয়ে দেশের লোকেরা যে তাদের পুরাতন অধিকার বজায় রাখতে চাচ্ছে তা নষ্ট করতেও বন্ধপরিকর। স্পেনরাজ ফিলিপের ভগিনী এখন নেদারল্যান্ডের শাসয়িত্রী। কিন্তু বিদ্রোহ দমনে তিনি অক্ষম হচ্ছেন দেখে রাজার তরফ থেকে আসছে আল্ভা-র ডিউক শাসন-তার হাতে নিয়ে। সে পরিপক্ব রাজপুরুষ, কঠোরহস্তে বিদ্রোহ দমন করতে হবে এই তার নীতি। দেশের জমিদারেরা সবাই রাজার অল্পগত, অবশ্য তাদের সবাইই কামনা এই যে দেশ সদয়ভাবে শাসিত হোক। তারা প্রায় সবাই ভয়ে অস্ত্র পালিয়েছে। কিন্তু এগ্মণ্ট অক্সুতোভনু—সে বিশ্বাস করছে রাজশক্তির তরফ থেকে কোনো অস্ত্র হয় না। নতুন শাসক আল্ভা-র ডিউকের সন্দেহ হয়েছে জমিদারেরা কেউ কেউ এই বিদ্রোহ জিইয়ে রাখছে, সুতরাং তাদের দমন করা চাই-ই। এগ্মণ্টকে সে এই দলভুক্ত ভাবেছে; এগ্মণ্টের বন্ধু অরেন্জের উইলিয়মকেও সে সন্দেহ করছে। উইলিয়ম সময় থাকতে পালিয়ে যায়; এগ্মণ্টকে সে সঙ্গে ডাকে, কিন্তু তাতে দেশে অরাজকতা বেড়ে যাবে এই ভেবে এগ্মণ্ট তার প্রস্তাবে রাজি হয় না। ডিউকের সঙ্গে শাসনসংক্রান্ত বিষয়ে আলোচনার জন্তে এগ্মণ্টের ডাক পড়ে। এগ্মণ্ট নির্ভয়ে ডিউক সন্দর্শনে যায় ও তাকে বলে প্রজাদের প্রতি সদয় ব্যবহারই কর্তব্য, আরো কর্তব্য প্রজাদের প্রাচীন অধিকার রক্ষার দিকে দৃষ্টি রাখা। ডিউক কটাক্ষ করে : ব্যারনরাও ত প্রজাদের অধিকার দানে খুব আগ্রহ নয়। এগ্মণ্ট বলে : ব্যারনরা যেসব অধিকার ভোগ করছে তা পুরাতন, নতুন করে' প্রজাদের অধিকার কেড়ে নেওয়া চলবে না।—ডিউক তাকে বাগে পেয়ে কারারুদ্ধ করে।

নাটকখানির অনেকগুলো চরিত্র ঐতিহাসিক যদিও নায়ক এগ্মণ্টের ঐতিহাসিকতা পুরোপুরি রক্ষিত হয় নি। তবু এতে ঐতিহাসিকতা ফুটেছে চমৎকার, বিশেষ করে' অপ্রধান চরিত্রগুলোর কথাবার্তা ও চালচলনের ভিত্তর দিয়ে। ক্রোচে বলেছেন, ঐতিহাসিকতা রক্ষার দিকে গ্যেটের দৃষ্টি সাধারণত কম, কিন্তু এগ্মণ্টে তিনি দক্ষতার সঙ্গে একটি বিশেষ যুগকে ফুটিয়ে তুলেছেন। লুইস ও ব্রাণ্ডেস বিশেষ প্রশংসা করেছেন এর দুটি চরিত্রের—এগ্মণ্টের আর তার প্রেমপাত্রী ক্লারথন-এর বা ক্লারা-র।

এগ্মণ্ট চরিত্র বাস্তবিক একটি অপূর্ব সৃষ্টি। ভয়ভাবমাহীন 'দিলখোলা' চরিত্র এর পূর্বেও গ্যেটে অঙ্কিত করেছেন কিন্তু এগ্মণ্টে যেন সে-সবের চরমোৎকর্ষ। তার দেহ ও মন দুয়েরই স্বাস্থ্য অপূর্ব। যে-যৌবনের বর্ণনা

রবীন্দ্রনাথ দিয়েছেন তাঁর ‘রক্ত করবী’র রঞ্জন সম্পর্কে যেন তাঁর পূর্ণ দৈনন্দিন রূপ গ্যোটেই এই এগ্মণ্টে। মাছুষের অপরাধের কঠোর শাস্তি না দিতে পারলেই সে খুশী, অতি সহজ ভাবে দেশের সঙ্গে মেশে, দেশের অন্তরে গভীর ভালবাসা তার জন্তে—তার তেজীয়ান-বোড়া-সমেত তাকে দেখে তারা উল্লসিত হয়ে ওঠে। ছন্দিত্তা ভয় এসব যেমন কখনো তার অন্তরে প্রবেশ-পথ পায় না। হুর্ভাবনায় সে দেখে জীবনের-ব্যর্থতা। দেশের এই সঙ্কটে জনসাধারণের প্রতি রাজ-শক্তির দায়িত্বের কথা স্মরণ করিয়ে দিতে এডটুকু কুষ্ঠা নেই তাতে—যেমন ভব্য তেমনি দাপ্ত তার ভাষা।—কারারুদ্ধ অবস্থায় দেখা যাচ্ছে মুক্তিলান্ধের জন্ত সে ব্যগ্র, কারাকক্ষে তার অন্তরাশ্মা পীড়িত, কিন্তু মৃত্যুবিভীষিকা তাতে মেই আদৌ। এই মহাপ্রাণের প্রতি ডিউকপুত্র তরুণ ফার্ডিনাণ্ড একান্ত আকৃষ্ট, কিন্তু পিতার কূটনীতির কাছে হার মেনে সে মর্যাহত।

আর এই বীরের প্রতি অমুরাগিণী ক্লারা বা ক্লারথন—এক সাধারণ নাগরিকের কন্যা। এগ্মণ্ট তাকে প্রাণ ভরে’ ভালবাসে, কিন্তু এত ভালবাসলেও ভালবাসার দ্বারা বন্দী সে নয়। ক্লারথনের প্রতি অপর একজন নাগরিক-পুত্রের ভালবাসাও অতি গভীর; ক্লারথন তার প্রতি ভগিনীর মতো স্নেহবতী; কিন্তু তার হৃদয়-সিংহাসনে সমাসীন এই অপূর্ব-প্রভাময় এগ্মণ্ট—এগ্মণ্টের প্রেমে তার সমস্ত সত্তা প্রাণে পবিত্রতায় সঞ্জীবিত। এগ্মণ্টের বন্দী হওয়ার সংবাদে সে অত্যন্ত বিচলিত হয়ে জনসাধারণকে উত্তেজিত করতে চেষ্টা করে। কিন্তু বিফল হয়ে বিষপান করে। শেষ দৃশ্রে এগ্মণ্ট স্বপ্নে দেখছে ক্লারাকে স্বাধীনতার ধ্বজাবাহিনী রূপে।

ক্লারায় এই গান বিখ্যাত :

কত স্মৃথ  
কত দুখ  
কত চিন্তা আর ;  
পথ চাওয়া  
মন পোড়া  
যাতনা অপার ;  
দুঃখী আমরণ—  
বিহরে সে উচ্চ স্বর্গে  
আপন মনে খুশী  
প্রেমিক যে জন।

রবার্টসন বলেন, গ্যোটের চরিত্রের যে আনন্দময় দিক সেটি ফুটেছে এগুম্ভে যেমন তাঁর গান্ধী ফুটেছে ফাউস্টে।—ক্লারা চরিত্রে লুইস দেখেছেন ফ্রীডেরিকার ছবি—মানী গ্যোটের প্রতি গ্রাম্য বাজককন্ঠার প্রেম ও সন্ত্রম।

### তাস্‌সো

Gerusalemme Liberata ( জেরুশালেম-উদ্ধার ) কাব্যের রচয়িতা তার-- কোয়ান্তো তাস্‌সো-র (Tarquinto Tasso) জীবন-কাহিনী অবলম্বনে গ্যোটের তাস্‌সো নাটক রচিত। যৌবনেই এই অসাধারণপ্রতিভাশালী কবির মস্তিষ্কবিকৃতি ঘটে—রাজকুমারী ল্যুক্রেসিয়ার প্রতি তাঁর বার্ষ প্রেমই নাকি এর একটি কারণ—আর বহু হঃখভোগের পরে তাঁর জীবন-লীলার অবসান হয়। গ্যোটের এই নাটকটি মনস্তত্ত্ব-বিশ্লেষণ-মূলক—বার্ষ প্রেম আর রাজসভাসদদের ঈর্ষা ও অহুভূতির স্বগতা তীক্ষ্ণ-অহুভূতিসম্পন্ন কবির পক্ষে কত বেদনাদায়ক তারই নিপুণ চিত্র অঙ্কিত হয়েছে এতে। সমালোচকরা বলেন, এতে অহুভূতি-দীপ্ত তরুণ কবি ও সংসার-অভিজ্ঞ প্রবীণ রাজ-নীতিজ্ঞের মধ্যে যে দ্বন্দ্ব অঙ্কিত হয়েছে তাতে কবিকেই জয়যুক্ত দেখাবার ইচ্ছা প্রথমে গ্যোটের ছিল, কিন্তু পরে বদলে অহুভূতিসর্বস্ব কবিকে তিনি একেছেন মুখ্যত ব্যাধিগ্রস্তরূপে।

জ্ঞানগর্ভ উক্তির প্রাচুর্যে এই নাটকখানি গৌরবাবিত। সহজেই বোঝা যেতে পারে ভাইমার-দরবারে কবির নিজের জীবনের অভিজ্ঞতা এতে রূপলাভ করেছে। এর রাজকুমারীর পরিকল্পনায় প্রেরণা জুগিয়েছিলেন শার্লোট ফন ষ্টাইন।

এর নায়ক নায়িকা পাঁচজন : দ্বিতীয় আলফান্সো—ফেরারার ডিউক ; এলিওনারা—ডিউকের ভগিনী, সাধারণত রাজকুমারী নামে পরিচিতা ; লিওনারা সান্ভিতালে—স্কান্দিয়ানো-র ডিউকের পত্নী ; কবি তাস্‌সো ; আস্তোনিও মন্তেকাতিনো—রাজমন্ত্রী।

প্রথম অঙ্কের প্রথম দৃশ্যে ভার্জিল ও আরিওস্তু-র প্রস্তর-মূর্তি শোভিত উদ্ভানে রাজকুমারীর ও লিওনারার আলাপ। তা'রা গ্রাম্য কুমারীদের সঙ্গে সজ্জিতা। বসন্তের আবির্ভাবে সব সজীব হয়ে উঠেছে, সেই সজীবতা তাদের অন্তরে। তা'রা ভার্জিল ও আরিওস্তু-র মাধব ফুলের মুকুট পরিয়ে দিয়েছে। জ্ঞানের আনন্দ, কবিত্ব, ফেরারার সাহিত্যিক গৌরব, এসব সম্বন্ধে তাদের আলাপ চলেছে। রাজকুমারী বিহ্বলী মায়ের বিহ্বলী কন্ঠা, লিওনারাও মার্জিতকণ্ঠি। কথায় কথায় এদের উভয়ের প্রতি কবি তাস্‌সো-র শ্রদ্ধা ও অমুরাগের কথা উঠলো। লিওনারা বলছে :

রাজকুমারীর মহিমা তার ধ্যানের সামগ্রী,  
 আর আমার লঘুতা তাকে উৎফুল্ল করে।  
 ভাল সে বাসে না কাউকে ;  
 তার প্রেমের স্বপ্নকে সে দিয়েছে আমাদের নাম।  
 আমাদের মনের ভাবও তার মতো ; মনে হয়  
 আমরা তাকে ভালবাসি, কিন্তু তাতে  
 আমরা ভালবাসি আমাদের শ্রেষ্ঠ ভাবনা।

দ্বিতীয় দৃশ্যে রাজকুমারী, লিওনারা ও ডিউকের কথোপকথন। ডিউক বলছেন  
 'কদিন ধরে' কবির দেখা মিলছে না ; রাজকুমারী ও লিওনারা বলছে, কবি এখন  
 তার কাব্য শেষ করতে ব্যস্ত, তার জ্ঞান একলা থাকাই ভাল। ডিউক বলছেন,  
 ক্ষুদ্র পরিসর মহতের বিকাশের অগ্রকূল নয়, তার উপরে পড়া চাই তার নিজের  
 দেশের ও বিশ্বজগতের প্রভাব, নিন্দা প্রশংসা দুইই তার জ্ঞান চাই, তাতেই তার  
 কাছে সুস্পষ্ট হবে নিজের মূল্য ও অপরের মূল্য। এর উত্তরে লিওনারা এই  
 বিখ্যাত মন্তব্য করে :

প্রতিভা বিকশিত হয় নিঃসঙ্গতায়—

কিন্তু চরিত্র বিকশিত হয় সংসার-সমুদ্রের তরঙ্গাভিবাতে।

কিন্তু তাস্‌সো যে দিন দিন সন্দেহপ্রবণ হচ্ছে, তাকে আনন্দিত রাখা কঠিন, তার  
 চিকিৎসার প্রয়োজন, এসব কথাও তাদের হয়।

তৃতীয় দৃশ্যে তাস্‌সো তার নূতন কাব্য ডিউককে উপহার দিচ্ছে। কবির  
 কৃতজ্ঞতার অস্ত নেই ; হুঃ হুঃ অবস্থা থেকে উদ্ধার করে' ডিউক যে তাকে দিয়েছেন  
 তার প্রতিভা বিকাশের পর্যাপ্ত সুযোগ সেসব কথা গভীর আবেগের সঙ্গে সে  
 বলছে। কবির প্রতিভা ও বিনয় দুইই ডিউকের আনন্দের বিষয়। ভার্জিলের  
 মস্তকে যে পুষ্প-মুকুট ছিল ডিউকের ইঞ্জিতে লিওনারা তা কবির মস্তকে স্থাপন  
 করতে গেল। কবি মহা ব্যতিব্যস্ত হয়ে পড়লো, বলে, এমন সম্মান লাভ করার  
 পরে সে বেঁচে থাকবে কেমন করে' ! লিওনারার হাত থেকে পুষ্পমুকুট নিয়ে  
 রাজকুমারী কবির মাথায় পরিয়ে দিতে গেল, কবি মত্তজ্ঞান হয়ে সেটি গ্রহণ  
 করলে। তার চিত্ত মহা আন্দোলিত।

চতুর্থ দৃশ্যে এদের সঙ্গে এসে মিললো রাজমন্ত্রী আন্তোনিও, রোম থেকে, দৌত্যের  
 অবসানে। সে দৌত্যে সফলকাম হয়েছে এজন্য ডিউক আনন্দ প্রকাশ করছেন ও  
 তার সম্বর্ধনার কথা বলছেন ; কবি তাস্‌সো তার অসামান্য কবিপ্রতিভার জন্য আজ  
 সম্মানিত হয়েছে, সে-কথাও তিনি আন্তোনিওকে বললেন। আন্তোনিও শুধু বললে,  
 ডিউকের সমাদর তুলনাহীন, আর আরিওস্তো-র কথা তুলে' তাঁর কবিপ্রতিভার উচ্চ

প্রশংসা করলে। ডিউকের সঙ্গে নিজস্ব হয়ে গেল আন্তোনিও, রাজকুমারী ও লিওনারার অনুসরণ করলে কবি।

দ্বিতীয় অঙ্কের প্রথম দৃশ্যে রাজকুমারী ও তাস্‌সো-র কথোপকথন। আন্তোনিওর ব্যবহারে তাস্‌সো বেশী খুশী হতে পারে নি, কিন্তু রাজকুমারী তাকে বোঝাতে চেষ্টা করছে যে আন্তোনিও কবির হিতৈষী ভিন্ন আর কিছু নয়। রাজকুমারীর ভ্যেঁটা ভগিনীও সুপণ্ডিতা, সে-ই কবিকে হাজির করে রাজকুমারীর সামনে; কবির প্রতি তার সেই ভগিনীর ও তার ভ্রাতার (ডিউকের) সদয়তার কথা ওঠে, কবি তাঁদের প্রতি গভীর শ্রদ্ধা জামায় কিন্তু আন্তোনিও সন্দেহে বলে : দেবতার তাকে বহু গুণে গুণী করেছেন কিন্তু সৌজন্মের দেবতাদের আশীর্বাদে সে বঞ্চিত, আর এর অভাব যাতে সে যত গুণবান হোক মানুষের নির্ভরস্থল নয়। লিওনারা-র কথা ওঠে, কবি তার প্রশংসা করে কিন্তু বলে : তার কাছ থেকেও সে একটু দূরে থাকতে ভালবাসে, তাতে সদয়তার অভাব নেই কিন্তু তার সদয় উদ্দেশ্য সহজেই হয়ে পড়ে ব্যস্ত, তাতে গ্রহীতা কিঞ্চিৎ অস্বস্তি বোধ করে। রাজকুমারী বলে : যে সহৃদয়তা ও সাহচর্যের কথা কবি তুলেছে তা চর্চা হয়ে পড়েছে, তা কেবল রয়েছে মানুষের স্বর্ণযুগের স্বপ্নে। এই স্বর্ণযুগের কথায় কবির কল্পনা উদ্দীপ্ত হয়ে উঠলো, সে অতীতের স্বর্ণযুগের এক মোহন বর্ণনা দিলে—যে যুগে ছিল অপার সৌন্দর্য ও অবাধ স্বাধীনতা, মানুষ তাই করতে পারতো যা তার মন চায়। রাজকুমারী বলে, কবিদের কাক্ষিত সেই স্বর্ণযুগ হয়ত আজো তেমনি আছে যেমন ছিল একালে কেননা যা আজ নেই ছিল না তা কোনোদিন, আজো এই সুন্দর জগতে সমগ্রাণ বন্ধুদের মিলন হয়, তবে সেই স্বর্ণযুগের বর্ণনা একটু ভিন্ন ভাবে দেওয়া দরকার—এই স্বর্ণযুগে মানুষের তাতেই অধিকার আছে যা সঙ্গত। এই ‘সঙ্গত’ কথাটির ব্যবহারে পুরুষ ও নারীর মনোভাবের বিভিন্নতার কথা ওঠে; রাজকুমারী বলে, নারী চায় শৃঙ্খলা, পুরুষ চায় অবদান। কবি বলে, তাহলে কি পুরুষ অহুত্বহীন বর্বর? রাজকুমারী বলে, পুরুষ চিরধাবিত বিচিত্রের আকর্ষণে কিন্তু নারীর আকাজক্ষা স্বল্প, সে একজনকে নিয়েই খুশী যদি তার উপরে নির্ভর করতে পারে, কিন্তু হয় নারীর সে আকাজক্ষা পূর্ণ হয় না, পুরুষ তাতে কেবল চায় মনোহারিত্ব, তার অন্তরে যে বিশ্বস্ততা ও প্রেম সঞ্চিত রয়েছে তার দিকে পুরুষের দৃষ্টি নেই, যদি সেদিকে তার দৃষ্টি থাকতো তবে নারীর ব্যাধি ও জরার সমস্ত দুঃখ দূর হতো—তার জন্য নেমে আসতো স্বর্ণযুগ। এই থেকে ওঠে রাজকুমারীর বিবাহের কথা, কবি বলে, এটি স্বাভাবিক, তবু তার ভক্তরা ভাবতে পারে না তার বিচ্ছেদ তারা কেমন করে সহ্য করবে। রাজকুমারী বলে, তার আশু সম্ভাবনা নেই; সে কবিকে আমন্দে দিন কাটাতে বলে এবং তার কাব্যে যে নারীর মহিমা গীত হয়েছে সেজ্ঞা আমন্দ প্রকাশ করে। কবি বলে, তার কারণ, অস্পষ্ট কল্পনা থেকে তার গানের উৎপত্তি নয়, তার স্তবগান উত্থিত হয়েছে এক অচঞ্চল

মহিমার পামে—সে সেই সৌন্দর্য ও মহিমাই বর্ণনা করেছে যা নিজের চোখে দেখেছে ; তার কাব্য কালজয়ী কেননা তা এক মহৎ প্রেমের বিনীত কুণ্ঠিত নিবেদন । রাজকুমারী বলে, এর আর একটি গুণ এই যে এটি শুনতে মন প্রলুব্ধ হয়, শুনতে শুনতে মনে হয় যেন বোঝা যাচ্ছে কবি কি বলছে, কিন্তু তাকে হিষ্কার দিতে ইচ্ছা হয় না, সে তার গান দিয়ে আমাদের মন জয় করে' নেয় । এতে কবি মহা উৎসাহিত হয়ে উঠলো ; কিন্তু রাজকুমারী তাকে সংযত করলে এই বিখ্যাত উক্তি দিয়ে :

ক্ষান্ত হও তাস্‌সো । আছে সম্পদ হেন  
বল যারে নিতে পারে জিনে ; কিন্তু ভাবো  
তারো কথা যে সম্পদ লভ্য নহে বলে—  
যারে লভে দমী মিতাচারী । সে সম্পদ  
মমুষ্যত্ব, সে সম্পদ প্রেম, যুক্ত যাহা  
মমুষ্যত্ব সনে ; রাখিও স্মরণে ইহা ।

দ্বিতীয় স্বর্গে কবির স্বগন্তোক্তি । রাজকুমারীর কথায় সে আনন্দ ও উদ্দীপনার সপ্তম স্বর্গে উপনীত হয়েছে । তার একটি কথা এই :

অযাচিত হেন বর অযোগ্যের প্রতি -  
জাগায় পুলক অতুলন । কিবা ছার  
এর কাছে যোগ্যতার দাবি অর্বাচীন !

তৃতীয় দৃশ্যে আস্তোনিওর আগমন । কবি তার বন্ধুত্বলাভের জন্ত ব্যাকুল । কিন্তু আস্তোনিও উদ্দীপনাহীন । কবিকে সে দীর স্থির হতে উপদেশ দিচ্ছে । কবি তবু তার স্নেহপ্রার্থী । কিন্তু তার কথাবার্তা ধেকে যখন কবি বুঝলো যে-সম্মান সে আজ লাভ করেছে আস্তোনিওর মতে তার যোগ্য সে নয় তখন সে ক্ষুব্ধ হলো । তাদের কথাবার্তা ক্রমেই কটু হয়ে উঠতে লাগলো । অবশেষে আস্তোনিওর উদ্ভাপহীন তাক্ষিল্যে কবির ধৈর্যের বাধ ভেঙে গেল । সে আস্তোনিওকে দৈরথ যুদ্ধে আহ্বান করে' তালোয়ার খুলে দাঁড়ালো !

চতুর্থ দৃশ্যে ডিউকের আগমন । তাস্‌সো ও আস্তোনিওকে এমন বিবাদরত দেখে তিনি বিস্মিত । তাস্‌সো বলে, আস্তোনিও তাকে ভয়ানক অপমান করেছে ; আস্তোনিও বলে, এই উত্তেজনাগ্রবণ যুবক রাজপ্রাসাদের মর্যাদা লঙ্ঘন করেছে, সেজ্ঞা ডিউকের কাছে সে স্তুবিচারপ্রার্থী । ডিউক কবির মর্মবেদনা অনেকখানি বুঝলেন ; কিন্তু কবি যে অস্ত্র আশ্রয় করে' আইন লঙ্ঘন করেছে এজ্ঞা তাকে কিছুকালের জন্ত তার নিজের কামরায় বন্দী থাকতে আদেশ দিলেন । এতে তাস্‌সো অত্যন্ত মর্মহত হলো । তার মনের সমস্ত আশা-আনন্দ অস্তহিত হয়ে গেল । সে তার ভ্রমবারি ও পুষ্পমুকুট রাজপদতলে রেখে বন্দিজীবন যাপনের জন্ত প্রস্তুত হলো ।

পঞ্চম দৃশ্যে আন্তোনিও ও ডিউকের কথোপকথন। আন্তোনিও বলছে, এমন উত্তেজনা-প্রবণ যুবকের শাস্তি হওয়া ভাল তাকে সে শোধরাবে; ডিউক বলেছেন, হয়ত শাস্তির মাত্রা অনেক বেশী হয়ে গেছে। আন্তোনিও বলছে, তাহলে দ্বৈরথ বৃদ্ধি মিটুক হুঁজনের মান-অপমানের দাবি। ডিউক তখন আন্তোনিওকে গোঝাতে চেষ্টা করেন যে তাস্‌সোর সঙ্গে বিবাদের পরিবর্তে আন্তোনিওর জ্ঞাত বরং শোভন তাস্‌সোর মেহময় গুরুজনের ভূমিকা গ্রহণ করা। আন্তোনিও বিচক্ষণ রাজপুরুষের মতো রাজাজ্ঞা শিরোধার্য করলে।

তৃতীয় অঙ্কের প্রথম ও দ্বিতীয় দৃশ্যে রাজকুমারী ও লিওনারার কথাবার্তা। কবির এই বিপত্তিতে রাজকুমারী ব্যথিত হয়েছে। লিওনারা বলছে 'কিছুদিনের জ্ঞাত কবির ফেরারা ত্যাগ করে' রোমে চলে যাওয়া উচিত। রাজকুমারী কবির সাহচর্য থেকে বঞ্চিত হতে চায় না কিন্তু উপায়াস্তর, না দেখে অগত্যা রাজি হচ্ছে। তৃতীয় দৃশ্যে লিওনারার স্বগতোক্তিতে প্রকাশ পাচ্ছে ফেরারা থেকে কবিকে দূরে পাঠাবার সংকল্পের মূলে রয়েছে লিওনারার ঈর্ষা, রাজকুমারী যে কবির বিশেষ পূজা পাবে এতে তার আপত্তি, কবির স্তবগানের পাত্রী হয়ে জগতে অরণীয়া হতে তারও লোভ। চতুর্থ দৃশ্যে লিওনারা ও আন্তোনিওর কথোপকথন। হঠাৎ কেন তাস্‌সোর সঙ্গে তার বিবাদ হলো আন্তোনিও তা বিশ্লেষণ করে দেখছে। সে বহু কারণের কথা উল্লেখ করলে, শেষে তার সিদ্ধান্ত দাঁড়ালো, এর মূল কারণ কবির প্রতি রাজপুরীর পক্ষপাত—অনেক সম্মান অস্ত্রের সঙ্গে ভাগ করে' ভোগ করা যায় কিন্তু পুষ্পমুকুট ও নারীর প্রসন্ন, হাসি নয়। কিন্তু তাস্‌সোর ফেরারা ত্যাগ সে অনুমোদন করলে না কেননা কবি ডিউকের প্রিয়পাত্র, সেজ্ঞে কবির ও তার মধ্যে সম্মতি স্থাপনের চেষ্টাই এখন কর্তব্য। পঞ্চম দৃশ্যে লিওনারা ভাবছে, কেমন করে' তার সংকল্পে কবির সম্মতি আদায় করবে।

চতুর্থ ও পঞ্চম অঙ্কে তাস্‌সোর উৎকট সন্দেহপ্রবণতা অথবা অপ্রকৃতিহৃতার পরিচয়। লিওনারা, আন্তোনিও, ডিউক, কারো কোনো কথা সে গ্রহণ করছে না—সব কথাই বিপরীত ব্যাখ্যা করছে। কিন্তু এ অবস্থায়ও মাঝে মাঝে জ্ঞানগর্ভ ও প্রদীপ্ত বাণী তার মুখ থেকে নির্গত হচ্ছে। সে তার কাব্য নিয়ে সন্ন্যাসীর বেশে ফেরারা ত্যাগ করে' যেতে প্রস্তুত। এই অবস্থায় একবার রাজকুমারীর সঙ্গে তার সাক্ষাৎ হলো। রাজকুমারীর সামনে তার হৃদয়াবেগ প্রচণ্ড হয়ে উঠল, সে সবেগে তাকে বক্ষে আকর্ষণ করলে; রাজকুমারী দৃঢ়বলি নিজেকে নিজস্ব করে নিলে। কবি উন্মাদ হয়ে গেছে এ বিষয়ে আর কারো সন্দেহ রইল না।

কবির প্রতি আন্তোনিওর মনোভাবে পরিবর্তন ঘটেছে—তরি নিজের মহানুভবতার গুণে না প্রভুর প্রীত্যর্থে তা বলা কঠিন; কবিকে শাস্ত করতে সে এখন চেষ্টিত। কবির শেষ উক্তির কটি চরণ এই—আন্তোনিওকে সে বলছে :



ওগো মহান, তুমি দাঁড়িয়ে আছ যেন পর্বত  
 আর আমি বাত্যাভাঙিত তরঙ্গ ।  
 কিন্তু তোমার শক্তির গর্ব করে না । ভাবো,  
 প্রকৃতি পাহাড়কে দিয়েছে স্থিরতা  
 আর তরঙ্গকে দিয়েছে অস্থিরতা—  
 ঢেউ বাতাসের বেগে ফুলে' ফুলে' ওঠে, তাণ্ডব নৃত্য করে,  
 দিগ্‌দিগন্তে ছড়িয়ে দেয় ফেনরাশি,  
 কিন্তু সেই ঢেউয়ের বুকেই শোভা পায় সূর্যের মহিমা,  
 শাশ্বত তারার দীপ্তি ।

ক্রোচের মতে কবি তাস্‌সোর এই যে ব্যাধিগ্রস্ত মনোভাব যে সে নির্বাক, তার চারিদিকে নির্মম শত্রু, তার এক শক্তিশালী বিবৃতি তাস্‌সো নাটকে রয়েছে ; কিন্তু এতে আবেগের চাইতে বড় হয়ে উঠেছে জ্ঞানবত্তা—অবশ্য আবেগময় জ্ঞানবত্তা ; এটিও কাব্য, তবে এর কাব্যধর্ম কিঞ্চিৎ পরিপ্লান ।—কিন্তু অত্যাশ্চর্য্য সমালোচক তাস্‌সোকে খুব উচুতে স্থান দেন । রবার্টসন গ্যোটে'র এই তিনখানি গ্রন্থকে তাঁর সর্বশ্রেষ্ঠ রচনা বলতে চান—ইফিগেনিয়া, তাস্‌সো আর ফাউস্ট । তাঁর মতে তাস্‌সো পরবর্তীকালের উচ্চশ্রেণীর মনস্তত্ত্বমূলক নাটকসমূহের অগ্রদূত ।

### প্রত্যাবর্তন

গ্যোটে ভাইমারে ফিরে এলেন যেমন শিল্পসত্তার সঙ্গে নিয়ে তেমনি জ্ঞান ও অভিজ্ঞতা সম্ভার লম্বা হয়ে । ইতালিতে থাকতেই তাঁর ভবিষ্যৎ কর্মধারা সঙ্কে ডিউককে এই পত্রখানি তিনি লেখেন :

আমাকে এই যে অমূল্য অবসর দিয়েছেন সেজ্ঞা আমি একান্ত কৃতজ্ঞ । নব যৌবন থেকেই আমার মনের গতি হয়েছিল এই দিকে, কাল্‌সেই এই পরিণতি লাভ না করে' আমার পক্ষে শান্তিলাভ অসম্ভব ছিল । আমার কর্মজীবনের স্বত্রপাত আপনার সঙ্গে আমার ব্যক্তিগত সম্পর্ক থেকে, দীর্ঘ দিন পরে সেই সম্পর্ক থেকে আর এক নূতন সম্পর্ক উদ্ভূত হোক । সত্যই আমি বলতে পারি এই আঠারো মাসের নির্জনতায় আমি নিজেকে ফিরে পেয়েছি । কিন্তু কি ভাবে ? শিল্পী ভাবে । এর বেশী কি আমার দ্বারা সম্ভবপর তার বিচার ও ব্যবস্থা আপনি করবেন । সারা জীবন আপনি দেখিয়েছেন মানুষের মর্যাদা ও যোগ্যতা সঙ্কে আপনার রাজোচিত জ্ঞান ; আপনার সেই জ্ঞান বিকশিত হয়েছে বলে, আপনার

চিঠিপত্র থেকে সে প্রমাণ আমি পেয়েছি ; আপনার সেই বিচার-ক্ষমতার সামনে মানন্দে নিজেকে উপস্থাপিত করছি ।....আপনার পার্শ্বে আমার জীবনকে পূর্ণ সার্থকতা দানের সুযোগ আমার লাভ হোক, তাহলে নব-নিৰ্ব্বস্ত পুত্র উৎসাহার মতো আমার শক্তি ইতস্ততঃ বহু ব্যাপারে নিয়োজিত হতে পারবে। এরই মধ্যে আমি বুঝতে পেয়েছি এই ভ্রমণে আমার কি উপকার হয়েছে, আমার জীবন এতে কত নির্মল ও উজ্জল হয়েছে। যেমন এ পর্যন্ত আপনার সঙ্গে সঙ্গে চলেছি তেমনি ভবিষ্যতেও আমার কথা মনে রাখবেন ; নিজের জ্ঞান আমিত্ব করতে পারি আমার জ্ঞান আপনি তার চাইতে বেশী করেন, যত দাবি করতে পারি তার চাইতেও বেশী। পৃথিবীর এক বৃহৎ ও সুন্দর অংশ সম্বন্ধে এই যে আমার অভিজ্ঞতা হয়েছে এর পরে আপনাদের সংশ্রবেই জীবন কাটাবার ইচ্ছা আমাতে জেগেছে। পূর্বের চাইতেও আপনার বেশী কাজে লাগতে পারবো এখন আশা করছি যদি শুধু আমার যোগ্য কাজ আমাকে করতে দেন আর অল্প কাজের ভার দেন অল্পদের 'পরে। আপনার বিভিন্ন পত্রে আমার প্রতি আপনার যে প্রীতি ব্যক্ত হয়েছে তা এত সুন্দর, এমন মশরু, যে তাতে মনে মনে লজ্জা বোধ করি, মাত্র এই বলতে পারি— প্রভু, এই আমি হাজির, তোমার যা খুশী এই দাসকে দিয়ে করো।

ডিউক কবির প্রার্থনার মর্যাদা রক্ষা করলেন। নতুন ব্যবস্থায় কবিকে অগ্রাঙ্ক সমস্ত দায়িত্ব থেকে অব্যাহতি দিয়ে বিজ্ঞান ও শিল্প-গবেষণা আর রঙ্গমঞ্চ ও খনির ভার দেওয়া হলো। কিন্তু দুঃখিত চিন্তে কবি ইতালির আকাশ বাতাস পরিত্যাগ করে' এসেছিলেন, ভাইমারে ফিরে এলে তাঁর সে দুঃখ বেড়েই চলে। তাঁর এত যত্নের নতুন ইফিগেনিয়া ভাইমারের সমঝদারদের আনন্দ দান করতে অসমর্থ হলো। কবি হয়ত আশা করেছিলেন তাঁতে যেমন পরিবর্তন ঘটেছে ভাইমার-সমাজও অন্ততঃ কয়েক পা সেদিকে অগ্রসর হয়েছে, কিন্তু শিলারের 'দম্মা' ও এই জাতীয় নাটক নিয়ে ভাইমারের সমাজ তখনো মশগুল, অর্থাৎ সেই গোয়াৎস ও 'বড় ঝাপটা'র যুগে তিনি শিল্পদর্শ সম্বন্ধে যে ভাববিলাসের স্তরে ছিলেন এখানকার রসিকদল মহা আনন্দে সেই স্তরেই দিন কাটাচ্ছিলেন। কবির রচনাবলীর নবসংস্করণও আদৃত হয় নি। তাঁর প্রকাশক জানানেন, তাঁদের লাভ ত হয়ইনি বরং ক্ষতি হয়েছে। কবি কিন্তু তাঁর নবলব্ধ আদর্শে অটল রইলেন ; সবাই দেখলো তিনি আগেকার চাইতে অনেক কম মিশুক হয়ে পড়েছেন।

এর উপর তাঁর দুঃখের কারণ হলো তাঁর পরমপ্রীতিপাত্রী শার্লোট ফন স্টাইনের সঙ্গে সম্বন্ধ। তাঁকে না বলে' কবি যে ইতালি যাত্রা করেছিলেন সেটি শার্লোট ক্ষমা

করতে পারেন নি। ইতালি থেকে কবি অবশ্য তাঁকে বহু পত্র দেন, কিন্তু শার্লোটের অন্তরে এই সন্দেহ প্রবল হয়েছিল যে তাঁর প্রতি কবির অমুরাগ পূর্বের অবস্থায় আর নেই, কবির সঙ্গে ব্যবহারে তাঁর প্রসন্নতা আর প্রকাশ পেল না।

তবে ডিউকের বন্ধুত্ব যে কবির জন্ত অটুট রইল এতে কবি ভাইমারে শিল্পজ্ঞান বিস্তারের এক বড় সুযোগ পেলেন। নতুন নতুন ছবি, মূর্তি, ভাইমারে আনা হলো, নতুন নতুন শিল্পাচার্যও এলেন। ভাইমার-রাজ্যের যে আয় সে তুলনায় যথেষ্ট খরচ এই ব্যাপারে ডিউক মঞ্জুর করলেন।

গ্যেটে ইতালি থেকে ফিরে এলেই শিলার তাঁর সঙ্গে পরিচিত হতে ব্যগ্র হন। কিন্তু সে সুযোগ তাঁর শীগ্গির লাভ হয় না। গ্যেটেও পাশ কাটিয়ে চলছিলেন। শিলার যে শক্তিমান সেকথা তিনি বুঝছিলেন কিন্তু তাঁর ‘ঝড়-ঝাপটা’-বাদ গ্যেটের বর্তমান শিল্পবোধকে আহত করছিল। তাঁদের দু’জনের মধ্যে বন্ধুত্ব স্থাপিত হবার পূর্বে শিলারের মনে কি অশান্তি ও আন্দোলন চলেছিল তার সুন্দর পরিচয় রয়েছে শিলারের এই সময়ের দু’খানি পত্রে—পত্রগুলো তাঁর বন্ধু ক্যোর্ণেরকে লেখা :

১২ সেপ্টেম্বর, ১৭৮৮ খৃষ্টাব্দ...এইবার গ্যেটের সম্বন্ধে কিছু বলে’ তোমাদের কৌতূহল নিবৃত্ত করতে পারবো। মনে মনে যা আশা করেছিলাম ঠিক তেমনটি প্রথম দর্শনে তাঁকে মনে হয়নি। তিনি মধ্যমাকৃতির। খুব সোজা দাঁড়ান, চলার ভঙ্গি সহজ নয় কঠিন, মুখের ভাব খুব খোলামেলা নয়; কিন্তু তাঁর চোখ খুব ভাবব্যঞ্জক ও সতেজ, চাহনি আনন্দ দান করে। মূর্তি তাঁর যদিও খুব গম্ভীর তবু তাঁকে মনে হয় যথেষ্ট উদার ও সদয়। তাঁর রং রোদে-পাড়া, বয়স যা দেখায় তার চাইতে বেশী। তাঁর কণ্ঠস্বর সুমিষ্ট, বলবার ভঙ্গি অনর্গল, প্রাণবন্ত, উৎসাহউদ্দীপনাপূর্ণ—শুনতে আনন্দ লাগে; আর তাঁর মেজাজ যখন ভাল থাকে—এবার ভেমনি মেজাজে তাঁকে পেয়েছিলাম—ইচ্ছা করেই তিনি বহু কথা তোলেন যথেষ্ট আন্তরিকতার সঙ্গে; শীগ্গিরই আমাদের পরিচয় হলো, আর অনায়াসে। বহু লোক এসেছিলেন, প্রত্যেকেই তাঁকে পাবার জন্ত ব্যগ্র, কাজেই আমার পক্ষে একলা তাঁর সঙ্গে বেশীক্ষণ কিংবা বিশেষ বিষয়ে কথাবার্ত বলা সম্ভবপর হয়নি। ইতালি সম্বন্ধে তিনি খুব উচ্ছৃঙ্খিত...মোটের উপর বলতে পারি তাঁর সংস্রবে এসে তাঁর সম্বন্ধে আমার উঁচু ধারণা খাটো হয়নি; কিন্তু সন্দেহ হয়, হয়ত কোনোদিনই তাঁর ও আমার মধ্যে অন্তরঙ্গতা সম্ভবপর হবে না। আমি এখন যা নিয়ে ব্যস্ত তার অধিকাংশই তাঁর কাছে এখন অতীতের সামগ্রী; বয়স তাঁর যত তার তুলনায় অভিজ্ঞতা ও আত্মোৎকর্ষ তাঁর লাভ হয়েছে অনেক বেশী, তিনি আমার

চাইতে এত বেশী অগ্রসর যে তাঁর মাগাল যে কখনো ধরতে পারবে। তার কোনো সম্ভাবনা নেই ; আর তাঁর জীবন আর আমার জীবনের মধ্যে মূলগত পার্থক্য রয়েছে, তাঁর জগৎ ও আমার জগৎ এক নয়, আমাদের ভাবনা-চিন্তার ধারাও স্বতন্ত্র। সময়ে সব বোঝা যাবে।

অল্প পত্রখানি পরের ফেব্রুয়ারীতে লেখা :

গ্যোটে'র সাহচর্য বেশী লাভ করে' আমি অসুখীই ছব, খুব কাছের বন্ধুদের সঙ্গে তিনি কখনো মন খুলে মেশেন না ; আমার ধারণা তিনি অসাধারণ-ভাবে আত্মস্তরী। মানুষের মন জয় করবার 'কমতা' তাঁর আছে, তাদের প্রতি অন্নবিস্তর হৃদয়তা দেখিয়ে তাদের মনকে ধরে' রাখতেও পারেন, কিন্তু সেই সঙ্গে সব সময় তাঁর স্বাতন্ত্র্য বজায় রাখতেও তিনি জানেন। নিজের প্রভাবকে তিনি অগ্রতুত করান রূপার ভঙ্গিতে, দেবতার মতো, কিন্তু পুরোপুরি ধরা দেন না ; আমার মনে হয় এটি তাঁর সুপরিকল্পিত, এর ভিতর দিয়ে তাঁর লাভ হয় নিবিড় আত্মতোষণ... এর জন্ত আমি তাঁকে ঘৃণা করি যদিও তাঁর প্রতিভাকে অন্তর দিয়ে ভালবাসি আর তাঁকে খুব উচ্চ স্থান দিই। তিনি আমার অন্তরে জাগিয়েছেন প্রেম ও বিতৃষ্ণার এক অদ্ভুত মিশ্রণ—ক্রটাল ও ক্যাসিয়াসের অন্তরে যেমন ভাব জেগেছিল সীজারের প্রতি কতকটা তার মতো। আমি যেন তাঁর প্রাণনাশ করে' তাঁকে প্রাণ ভরে' ভালবাসতে পারি। এই লোকটি, এই গ্যোটে, চিরদিন আমার পথের অন্তরায় ; তাঁকে দেখে' সব সময়ে আমার মনে হয় ভাগ্য আমার প্রতি নির্ভর। তাঁর প্রতিভা কত সহজে তাঁকে ভাগ্যের ক্রকুটির উর্ধ্বে স্থাপন করেছে! আর আমাকে আজো করতে হচ্ছে কি সংগ্রাম।

### ক্রিস্টিয়ানা

ভাইমারে ফিরে আসবার কিছুদিন পরে জুলাইয়ের প্রারম্ভে কবি একদিন তাঁর বাগানে পায়চারি করছিলেন, এমন সময়ে এক তরুণী পরমশ্রদ্ধাপুরঃসর তাঁর হাতে একখানি দরখাস্ত দিলেন। এই তরুণীর নাম ক্রিস্টিয়ানা ফুল্পিউস্, তাঁর দরিদ্র সাহিত্যজীবী ভ্রাতার একটি পদ-প্রাপ্তি-সম্পর্কে কবিশ্রেষ্ঠের সমীপে তাঁর এই আবেদন। এই তরুণীর বয়স তেইশ বৎসর, কুমারী, বেরটুশের ফুলের কারখানায় কাজ করে' জীবিকা অর্জন করতেন, লেখাপড়া যা জানতেন তা সামান্য। কিন্তু তাঁর নিটোল যৌবনকান্তি কবিকে একান্ত মুগ্ধ করলো—যে ইতালি তিনি ত্যাগ করে' এসেছেন তার

নির্মল আকাশের সৌন্দর্য তার ঐতিহ্যের মাধুর্য যেন তাঁর সামনে মূর্তি ধরে' দেখা দিল  
এই তরুণীর লাভণ্যে। অচিরেই কবি তাঁকে সঙ্গিনীরূপে গ্রহণ করলেন। এর উদ্দেশ্যে  
কবির একটি কবিতা এই :

বেড়াছিলাম উপবনে,  
ছিল না কোনো লক্ষ্য ;  
করছিলাম শুধু পায়চারি—  
সেই ছিল এক ভাবনা।

দেখলাম ছায়ায়  
ফুটেছে ছোট ফুল  
ঝকঝক করছে তারার মতো  
তার সুন্দর চোখ।

ভাবলাম তুলসি এ ফুল,  
বলে সে মুহূর্তে :  
আমার শোভা নষ্ট করতে  
কেন ছিঁড়বে আমাকে ?

খুঁড়লাম মাটি, তুললাম  
শিকড় সমেত,  
আনলাম আমার সুন্দর বাড়ীর  
ঘেরা বাগানে।

রোপিত হয়ে  
ঘেরা জায়গায়,  
চলছে তার বাড়ি—  
ভরছে ফুলে ফুলে।

ইনি কবির জ্যেষ্ঠ পুত্রের জননী হন দেড় বৎসর পরে; কিন্তু এঁকে কবি  
বিধিবদ্ধভাবে বিবাহ করেন বহু দেরীতে—১৮০৬ খৃষ্টাব্দে। বলা বাহুল্য এজ্ঞ ভাইমায়-  
সমাজ কবিকে ক্ষমা করে নি—বিশেষ করে' এইজ্ঞ যে ক্রিস্টিয়ানা ছিলেন পদমর্যাদা-  
হীন—তাঁর জাতিও বহুদিন পর্যন্ত তাঁকে ক্ষমা করেনি। গোটে নিজে প্রথম থেকেই  
প্রকাশ করেন তিনি ক্রিস্টিয়ানার সঙ্গে বিবাহিত জীবন যাপন করছেন; তবু তিনি  
প্রথমেই কেন তাঁকে বিধিবদ্ধভাবে বিবাহ করেন নি এ সবকিছু সহস্তর পাওয়া কঠিন।

ক্রিস্টিয়ানা নিজে নাকি বহুদিন পর্যন্ত গ্যেটের পত্নীত্বের অধিকার চান নি—তিনি নিজেকে সে-সম্মানের অযোগ্য জ্ঞান করতেন।—আমাদের মনে হয়েছে, ক্রিস্টিয়ানার সঙ্গে যখন গ্যেটের মিলন হয় তখন তিনি খৃষ্টান ধর্ম ও সংস্কৃতির প্রতি পূর্ব বিরূপ ছিলেন আর প্রাচীন অখৃষ্টান স্বভাবানুগ জীবনধারণার পক্ষপাতী ছিলেন, সেই পক্ষপাতীত্বের জন্য ক্রিস্টিয়ানার ও তাঁর পরস্পরের প্রতি নিবিড় প্রেম ও নির্ভরতাই হয়ত যথার্থোপায় বন্ধন জ্ঞান করেছিলেন।†

ক্রিস্টিয়ানা কবির গৃহ শৃঙ্খলাপূর্ণ করেন ও সম্ভ্রাম উপহার দিয়ে কবির বহুদিনের শিশুত্বের ক্ষুধা মেটান। কিন্তু তাঁর সব চাইতে বড় গৌরব এই যে তাঁর সম্পর্ক লাভ করে কবি লিখতে পেরেছিলেন তাঁর ‘রোমক গাথা’ (Roman Elegies)। ক্ষুদ্রকায় এই কাব্যখানি, কিন্তু সমালোচকদের মতে এটি গ্যেটে-প্রতিভার এক শ্রেষ্ঠ দান। এই কাব্য আদিরসাত্মক—প্রাচীন রোমান কবি Tibullus, Catullus ও Propertius-এর ভঙ্গিতে লেখা। কোনো কোনো সমালোচক বলেছেন, প্রাচীন কবিদের ভাষাধারায় গ্যেটে তাঁদের চাইতেও মহত্তর কাব্য সৃষ্টি করতে পেরেছেন। লুইসের অভিমত এই :

এইসব রোমক গাথায় প্রাচীন রীতির জগৎ পুনরায় জীবন পেয়েছে, এমন কি কখনো কখনো মনে হয় হয়ত আমাদের কবিই প্রাচীনদের সঙ্গে তুলনায় যথার্থতর প্রাচীন।...কবির যে সহজ নিঃশঙ্ক ভোগানন্দ ও বিধাবর্জিত বাসনাপ্রাবল্য সেটিও প্রাচীন রীতির, কিন্তু এই প্রাবল্যে তাঁর অন্যান্য প্রয়াস অবলুপ্ত হয়ে যায় নি, বরং সেই সব প্রয়াসের সহায় হয়েছে এই প্রাবল্য।

কবিতাগুলোর কিছু কিছু ইংরেজি অনুবাদ উদ্ধৃত হচ্ছে।

‘অনুকূল মুহূর্ত’ সম্বন্ধে কবি বলেছেন :

Aye, we acknowledge ye gladly, ye are our prayers  
and our service  
Daily offered to One—She is the chosen of all  
Goddess this of our hearts—Opportunity : learn  
yet to know her !  
Him the swiftly-deciding, swiftly-acting, she smiles on,  
Him she meekly obeys, sportive and tender and kind.  
Once to me she appeared, an olive-brown girl,  
and her tresses,  
Dusky and rich, like a cloud covered her head and fell ;  
Tiny ringlets curbed round her neck in delicate beauty,

† এই পরিচ্ছেদে উদ্ধৃত পঞ্চম ইংরেজি কবিতার পঞ্চম ও ষষ্ঠ চরণ ত্রুটিয়া।



প্রিয়াকে লাভ করার অপরূপ সৌভাগ্য সন্ধকে বলছেন :

Alexander, and Caesar, and Henry, and  
Fred'ric the mighty  
On me would gladly bestow half the glory they earned,  
Could I but grant unto each one night on the couch where  
I am lying ;  
But they, by Orcus's might, sternly, alas, are held down.  
Therefore rejoice, o thou living one, blest in thy  
love-lighted homestead,  
Ere the dark Lethe's sad wave wetteth thy fugitive foot.

পার্শ্বে-শায়িতা নিদ্রিতা প্রিয়ার স্পর্শলাভ করে' বলছেন :

Oh ! what a joyous awakening, ye hours, so peaceful,  
succeeded.  
Monument sweet of the bliss which had first rocked us  
to sleep !  
In her slumber she moves and sinks while her face  
is averted.  
Far on the breadth of the couch, leaving her hand still  
in mine,  
Heartfelt love unites us for ever, and yearnings  
unsullied,  
And our cravings alone claim for themselves  
the exchange.  
One faint touch of the hand ; and her eyes so heavenly see I  
Once more open. Ah no ! let me still look on that form !  
Closed still remain ! Ye make me confused, and drunken,  
ye rob me  
Far too soon of the bliss pure contemplation affords.  
Mighty indeed are those figures, those limbs how  
gracefully rounded !  
Theseus, could'st thou ever fly, while Ariadne  
thus slept ?  
Only one single kiss on those lips ! Oh Theseus, now  
leave us !  
Gaze on her eyes ! She awakes ! Firmly she holds  
thee embrac'd.



এই আনন্দিত জীবন হারাবার ভয়ে কবি বলছেন :

Often times I mistook, and often came to my senses,  
Happier never I was, Happiness now in this girl.  
O, if this too be mistake, spare me, ye gods that  
mistake not,  
Suffer the dream to go on, till I wake on the lonely shore.

প্রিয়া ও তাঁর অশ্লীল সন্তানকে দেখে' নিন্দুকদের বলছেন :

Thus my beloved one replied—from his chair she  
lifted the boy,  
Passed him close to her heart, and kissed him with  
tears in her eyes.  
O but shame-faced I sat, to think that malignant gossip  
Could have sullied for me a picture so dear and so sweet !

এসব কবিতার বাংলা গজালবাদ দিতে আমার সাহস করলাম না মুখ্যত কবির সত্যকবাপী স্মরণ করে'। তাঁর এইসব কবিতা সম্বন্ধে একেরমানকে তিনি বলেছিলেন, ছন্দের আবরণ দিয়ে ঢাকা যায় ভাবের নগ্নতা যে নগ্নতা গাঠে হুঃসহ, হাক্কা ছন্দেও হুঃসহ ; বাইরণের “ডন জুয়ান”—এর ছন্দে ‘রোমক গাথা’ অশ্লীল হতো।

এই কাব্য সম্বন্ধে শিলায়ের উক্তি মনোরম :

অপাপবিদ্ধ প্রকৃতির কাছে ভব্যতার রীতিনীতি অচল, সেই ভব্যতার রীতিনীতির জন্ম হয়েছে পাপ-বোধের পরে। অবশ্য অপাপ-বোধের বিরোধান ও পাপ-বোধের আবির্ভাবের সঙ্গে সঙ্গে ভব্যতার রীতিনীতি সর্বথা মাত্র হয়ে দেখা দিয়েছে, আমাদের নৈতিক অহুভূতি সেসব রীতিনীতির লজ্বন সহ করতে পারে না। অপাপের জগতে স্বভাবের নিয়মের যে স্থান কৃত্রিমতার জগতে ভব্যতার রীতিনীতির সেই স্থান। কিন্তু কবির স্বধর্ম এই যে নিজের ভিতর থেকে সমস্ত কৃত্রিম রীতিনীতি বিসর্জন দিয়ে তিনি রত হয়েছেন স্বভাবের ঋজুতা ফিরিয়ে আনতে। যদি তাতে তিনি সফলকাম হয়ে থাকেন তবে সমস্ত কৃত্রিম রীতিনিয়মের দাসত্ব থেকে তিনি মুক্তি পেয়েছেন, কেননা এই সব কৃত্রিম রীতিনিয়মের উদ্দেশ্য হচ্ছে আমাদের বিকারপ্রাপ্ত সন্তার রক্ষণ-বেক্ষণ। কবি পবিত্র, কবি অপাপবিদ্ধ—অপাপবিদ্ধ স্বভাবের নিয়মে যা বৈধ তাঁরও জন্ত তা বৈধ। যদি তাঁর পাঠকদের জন্ত সেই অপাপ-বোধ অসম্ভব হয়ে থাকে, যদি কবির পবিত্র প্রভাবে মুহূর্তের জন্তও সেই অপাপ-বোধের সঞ্চার তাঁদের অন্তরে না হয় তবে সেটি তাঁদেরই হুর্ভাগ্য



৪১ বৎসর বয়সে



কবির নয়; সে-রকম পাঠক কবির গ্রন্থ যেন স্পর্শ না করেন, তাঁদের শ্রবণের অস্ত্র তাঁর সঙ্গীত উদ্গীত হয়নি।

এই কাব্যে বিশেষ ভাবে লক্ষ্য করবার আছে কবির সুরুচি বা মাত্রা বোণ—লুইস যেটি লক্ষ্য করেছেন। বিভিন্ন দেশের প্রাচীন কাব্যে অনেক উপভোগ্য আদিশাস্ত্রিক কবিতা রয়েছে; কিন্তু সেসব—এমন কি বহুস্থলে পরমসৌন্দর্যবিশিষ্ট কালিদাসেও—নারী হয়েছে মোটের উপর ভোগের বস্তু। গোঁটের প্রিয়াও অপূর্বযৌবনা, কিন্তু সেই সঙ্গে তিনি অথলা—তাঁর প্রতি একটি মধুর সন্ন্যাস কবির অন্তরে। এই কাব্যে ভোগে কবির পরম উৎসাহ ও আনন্দ প্রকাশ পেয়েছে কিন্তু সোভেবু কদম্বতা নয় আদো।† লুডভিগ যেন বলতে চেয়েছেন ভোগসর্বস্ব “রোমক গাথা” ত্যাগসর্বস্ব “ইফিগেনিয়া”র প্রতিবাদ। কিন্তু গোঁটের ভোগের এই বিশিষ্টতার কথা ভাবলে বোঝা যায় রোমকগাথা ইফিগেনিয়ার অমূল্যবস্তু।

গোঁটের ও ক্রিস্টিয়ানার দাম্পত্য-জীবন সুরের হয়েছিল। ক্রিস্টিয়ানা ছিলেন পতিব্রতপ্রাণা আর গোঁটেও তাঁকে প্রাণভরে ভালবাসতেন। তথাকথিত শিক্ষা দীক্ষার দ্বারা ক্রিস্টিয়ানার স্বভাবদত্ত বুদ্ধি ও অমূল্যভূতি যে খণ্ডিত হয়নি এটি গোঁটের আনন্দের কারণ হয়েছিল। ক্রিস্টিয়ানার উদ্দেশ্যে গোঁটে আরো অনেক কবিতা লেখেন, সে সবও প্রকাশ পেয়েছে তাঁদের দাম্পত্য-জীবনের আনন্দ—সংগোপিত কবির প্রাণঢালা ভালবাসা ও আলোভ।

### শার্লোট ফন্ স্টাইন

শার্লোট ফন্ স্টাইনের সঙ্গে গোঁটের প্রথম দেখা হয় ১৭৭৫ খৃষ্টাব্দের অভ্যন্তরে অর্থাৎ তাঁর ভাইমারে আগমনের অল্প কয়েক দিন পরেই। ভাইমারে আসবার পূর্বেই গোঁটে তাঁর ছবি দেখেছিলেন এবং তাঁর আকৃতির মাধুর্যে মুগ্ধ হয়েছিলেন। যখন তাঁদের প্রথম পরিচয় হয় তখন গোঁটের বয়স ছাব্বিশ আর শার্লোটের বয়স তেরিশ, শার্লোট তখন সাতটি সন্তানের জননী, তার মধ্যে তিনটি জীবিত ছিল, জ্যেষ্ঠ ফ্রিৎস্ কবির কাছে পুত্রের আদর যত্ন লাভ করে।

পরিচয়ের সূচনায় লিলির-বিচ্ছেদ-কাতর গোঁটে শার্লটকে গ্রহণ করেছিলেন স্নেহময়ী মধ্যদাময়ী জ্যেষ্ঠা ভাগিনী রূপে : কবি যেন তাঁর পরিবারের একজন হয়ে পড়েন; দরবারি আদর-কায়দা এর কাছ থেকেই যে তিনি শিক্ষা করেন তা আমরা

† রবীন্দ্রনাথের কবিতার আদিশাস্ত্রিক চরণ এর সঙ্গে তুলনীয়। তাতেও প্রকাশ পেয়েছে আনন্দ ও আলোভ। ভবভূতির (উত্তররামচরিতে) ও বিহারীলালের আদিশাস্ত্রিক কবিতাও অপূর্ব, তবে সেসব আদিশ প্রায় শাস্তরস হয়ে গেছে।

জেনেছি। কিন্তু অর্গোঁশে কবি তাঁর প্রতি এক প্রবল অমুরাগ অমুভব করেন। শার্লোট অবশ্য কবির হৃদয়াবেগকে শার্লোনতার সৌন্দর্য লঙ্ঘন করতে দেন নি; এ সম্বন্ধে কবির এক পত্রে আছে :

আমার ভগিনী ব্যক্তিরকে নারীর সঙ্গে আমার এই যে পবিত্রতম  
সুন্দরতম পরম অবিকৃত লব্ধ তারও উপরে আঘাত পড়বে!..... যদি  
তোমার সাহচর্য না পাই তবে তোমার প্রীতি হবে আমার অমুপস্থিত  
বন্ধুদের প্রীতির মতন—সে রকম বন্ধুত্ব আমি সমৃদ্ধ। প্রয়োজনের মুহূর্তে  
উপস্থিত বন্ধু সমূহ দেখতে পারে, কিন্তু অমুপস্থিত বন্ধু জলের ভাও নিয়ে  
আগুন নিভাতে আসে। আগুন যখন নিভে গেছে তখন।—আর এর  
প্রয়োজন দশজনের দিকে তাকিয়ে! যে-দশজন আমার কোনো কাজেই  
লাগে না, তোমাকে দেবে না আমার জ্ঞান কিছু হতে!.....

কিন্তু কালে কালে শার্লোটও যে কবির প্রতি এক প্রবল অমুরাগ অমুভব করেন  
তার পরিচয় রয়েছে কবির এক পত্রের পিঠে লেখা তাঁর এই কটি ছত্রে ( কবির কাছে  
লেখা তাঁর সমস্ত পত্র তিনি পরে চেয়ে নিয়ে পুড়িয়ে ফেলেন ) :

এই গভীর হৃদয়াবেগ, এ কি অজ্ঞান ?

আমার এই নিষিদ্ধ অমুরাগের জ্ঞান আমাকে কি মনস্তাপে পুড়তে হবে !

কোনো উত্তর পাই না বিবেকের কাছে থেকে।

ভগবান, ধ্বংস ক'রো সেই বিবেক যদি সে কখনো আমার দোষ ধরে।

শার্লোটের প্রভাব ও কবির ও শার্লোটের এই “আত্মিক” প্রেম যে কবির  
চিন্তাবিকাশের সহায় হয়েছিল তার শ্রেষ্ঠ পরিচয় কবির ইফিগেনিয়া এবং তাসসোর  
রাজকুমারী। শার্লোট এই যুগে কবির “মানসী”র স্থান গ্রহণ করেছিলেন। কবি  
যে তাঁর প্রেমশত্রুদের করন্যার রঙে রঞ্জিত করে’ দেখতেম তাঁর পরমবন্ধু ডিউক কার্ল  
আউগুস্টের একটি উক্তিতে সে কথা রয়েছে। কবি নিজেও এ বিষয়ে সজাগ ছিলেন,  
তাঁর তাসসোর লিওনারার মুখে এই কথাটি স্মরণীয় :

ভাল যে বাসে না কাউকে—

তার প্রেমের স্বপ্নকে সে দিয়েছে আমাদের নাম।

শার্লোটকে কবি প্রায় এক হাজার চিঠি লেখেন। কবির চরিত্রকারেরা সেই সব  
চিঠির শ্রেণীবিভাগ করতে চেষ্টা করছেন। তাঁদের মতে শার্লোটের প্রতি আকর্ষণের  
খুব একটা প্রবলতা কবির প্রথম কয়েক বৎসরের চিঠিতে রয়েছে, সে-প্রাবল্য আবার  
চোখে পড়ে তাঁর ইতালি-যাত্রার কিছু পূর্বে। শার্লোটকে না জানিয়ে কবি ইতালিতে  
যান আমরা দেখেছি। সেখানে গিয়ে তাঁকে বহু পত্র দেন। কিন্তু তাঁর মনের

অপ্রসন্নতা দূর হলো না কবিকে ফিরে আসতে দেখেও। এর উপরে ক্লান্তিমানকে গ্রহণ করার সংবাদ বখন শার্লোটের কর্ণগোচর হলো তখন তিনি কবির প্রতি একান্ত বিরূপ হয়ে গেলেন। কবি তাঁকে বোঝাতে বহু চেষ্টা করেন, এ সম্পর্কে তাঁর দুইখানি পত্র এই :

তোমার পত্রের জন্ত ধন্যবাদ, যদিও তা থেকে নানাভাবে চঃখই পেয়েছি।  
উত্তর দিতে দেয়া হলো, কারণ এরূপ ক্ষেত্রে মনের কথা খুলে' বলা আর  
হঃখ না দেওয়া খুব কঠিন।...ইতালিতে আমি কি ফেলে' এসেছি সে-সব  
কথা আর বলবো না, সে-সম্বন্ধে তোমার উপরে আমার আস্থাকে কঠিন  
আঘাত দিয়েছে। যখন প্রথম ফিরে এলাম তখন দুর্ভাগ্যক্রমে তোমার  
মনের অবস্থা ছিল অদ্ভুত ; অকপটেই বলছি, তুমি তখন আমার প্রতি যে  
ব্যবহার করেছিলে তাতে আমি খুব আহত হয়েছিলাম। হেউরের ও  
ডিউক-মাতার ইতালি যাত্রা কালে তাঁদের বিদায়-সম্ভাষণ জানাতে যাই,  
তাঁদের গাড়ীতে জায়গা ছিল, তাঁদের সঙ্গে যাবার জন্ত তাঁরা আমাকে  
পীড়াপীড়ি করেন ; কিন্তু আমি রয়ে গেলাম সেই বন্ধুর জন্ত যার কথা  
ভেবে আমি ফিরে এসেছি। অথচ সেই সময়ে কেবলই আমাকে বিজ্ঞপ  
করে' শোনানো হচ্ছিল যে আমার ইতালিতে ফিরে যাওয়াই ভাল ছিল,  
আমার অন্তরে বিন্দুমাত্র দরদ নেই, ইত্যাদি। আর এসব যখন ঘটেছে  
তখন আমার যে "সম্পর্ক"র জন্ত তুমি এত অসন্তুষ্ট হয়েছ তার কোনো  
আভাস ছিল না। আর এই সম্পর্কই বা এমন কি ? এর দ্বারা কাকে  
বঞ্চিত করা হয়েছে ? সেই বেচারীর প্রতি আমার যে মনোভাব কেইবা  
তার জন্ত দাবি-দাওয়া রাখে ? যে সময় আমার তার সঙ্গে কাটে কার  
তাতে প্রয়োজন ? ফ্রিংস, হেউর-পরিবার, আমার পরিচিত বাকি থুলী,  
জিজাসা ক'রে জানতে পারো আমার দরদ কমে গেছে কি না, আমি পূর্বের  
মতো পরিশ্রমী কি না, পূর্বের মতোই বন্ধু-বৎসল কি না,—এমন কি  
এখনই যথার্থভাবে তাদের একজন হয়ে পড়েছি কি না। আর এই  
সময়ে যদি আমার সব-চাইতে বড় সব-চাইতে গভীর সম্বন্ধের কথা,  
অর্থাৎ তোমার সঙ্গে সম্বন্ধের কথা, ভুলে যাই তবে সেটি হবে এক  
অতিপ্রাকৃত ব্যাপার।.....

অপর পত্রখানি এই :

.....আমার নিজের সাফাই স্বরূপ কিছুই বলবো না। কিন্তু আমি  
তোমার সাহায্য চাই যাতে আমার যে "সম্পর্ক" তোমার চোখে আপত্তিকর  
তা আরো আপত্তিকর না হয়ে যেমন আছে তেমনি থাকে। আবার

তোমার আস্থা চাই, স্বভাবের দিক থেকে ব্যাপারটার দিকে তাকাও, ব্যাপারটা তোমার কাছে শাস্ত ভাবে বৃদ্ধিবে বলতে দাঁও, আমার আশা আছে তাতে তোমার ও আমার সম্পর্ক পুনরায় পবিত্র ও প্রীতিময় হয়ে উঠবে।.....

যাঁরা গ্যোটে ও শার্লোট ফন ষ্টাইনের সম্বন্ধ মোটের উপর এক প্রগাঢ় বন্ধুত্বের সম্বন্ধ জ্ঞান করেন, তাঁদের মতের সমর্থন রয়েছে এই দুই পত্রে। এই সঙ্গে এই কথাটিরও উল্লেখ অসঙ্গত নয় যে ফন ষ্টাইন তাঁর পত্নীর সঙ্গে গ্যোটের বন্ধুত্বে কখনো অস্বস্তি প্রকাশ করেন নি। শিলারও ভাইমারে এসে গুনেছিলেন কবির ও শার্লোট ফন ষ্টাইনের প্রেম আত্মিক।—কিন্তু এই চেষ্টায় শার্লোটের বিরূপতা বরং বেড়ে গেল। কবিকে তিনি আর ক্ষমা করতে পারলেন না। ক্রিসতিয়ানার সঙ্গে গ্যোটের সম্পর্কে লোকচক্ষুে অভ্যস্ত হের প্রতিপন্ন করা তাঁর এক কাজ হয়ে দাঁড়াল। শেষে কয়েক বৎসর পরে তিনি লিখলেন এক নাটক, তার নাম ‘ডিডো’—ব্রাণ্ডস্ বলেন, তার সাহিত্যিক মূল্য কিছুই নেই। এই নাটকে কবিকে তিনি দাঁড় করালেন এক অতি হীন প্রকৃতির বিখ্যাসবাক্তক রূপে। কবির শত্রুহানীয়া সাহিত্যিকদের তিনি হলেন উৎসাহ-দাত্রী। ব্রাণ্ডসের কাছে অদ্ভুত মনে হয়েছে যে এমন শার্লোটের প্রেরণায় সৃষ্টি হয়েছিল ইকিগেনিয়া।—কিন্তু সৃষ্টি চিরদিনই পরম রহস্যময়—বেন পক্ষ থেকে পক্ষজ।

লুইস ও ব্রাণ্ডস দুজনেই শার্লোটের এই মনোভাব ও আচরণের নিন্দা করেছেন, তাঁদের মতে এতে শার্লোট তাঁর নিজের অতি হীন পরিচয় দিয়েছেন। কিন্তু আসলে শার্লোট-চরিত্র এখানে হয়ে উঠেছে কৌতুকাবহ। কবির প্রতি তাঁর এতখানি বিরূপতার কারণ মনে হয় এই : কবির প্রতি যতখানি আহুক্ষুণ্য তিনি বাইরে প্রকাশ করতেন তার চাইতে তাঁর অন্তরের অহুরাগ ছিল অনেক প্রবল ; তাই কবির নবপ্রেমপাত্রীর প্রতি তাঁর জেরা তাঁর সেই অহুরাগকে রূপান্তরিত করেছিল এমন উৎকট যুগায়। শার্লোটের একখানি পত্রে আছে : একদিন ক্রিসতিয়ানাকে সঙ্গে নিয়ে কবি রাস্তা দিয়ে বাচ্ছিলেন, সেই রাস্তার পাশে এক গোলাপ-বাগানে শার্লোট তাঁর এক বন্ধুর সঙ্গে গল্প করছিলেন, তাঁদের দেখে তিনি এতখানি যুগা বোধ করলেন যে সামনে ছাতা আড়াল দিলেন বেন তাঁদের দেখতে না হয়।

হয়ত মাত্র একবার শার্লোটের এই বিরূপতা সম্পূর্ণ অন্তর্হিত হয়েছিল : ১৮০১ খৃষ্টাব্দে—গ্যোটের বয়স তখন পঞ্চাশের উপরে আর শার্লোটের বয়স তখন ষাটের কাছাকাছি—গ্যোটের কঠিন পীড়া হয়, তখন শার্লোট তাঁর পুত্রকে লিখেছিলেন :

আমি জানতাম না যে আমাদের পূর্বতন বন্ধু গ্যোটে আজো আমার এত প্রিয়। নয় দিন ধরে’ তাঁর সাংঘাতিক অসুস্থ যাচ্ছে, তাতে বড় ব্যাকুল হয়ে পড়েছি।.....এরই মধ্যে শিলার-পরিজন ও আমি তাঁর

জন্য বছবার অশ্রু বিসর্জন করেছি। আমার বড় হৃৎ হৃৎ হচ্চে এই জন্য যে এবার নববর্ষে তিনি আমার সঙ্গে দেখা করতে চেয়েছিলেন, হৃর্ভাগ্যক্রমে শিরঃপীড়ায় ভুগছিলাম বলে' তাঁকে আসতে বলতে পারিনি,— আর হয়ত তাঁর সঙ্গে দেখা হবে না।

কবি কিন্তু শার্লোট সম্পর্কে কখনো অহুদারতার পরিচয় দেননি, বারবার তিনি চেষ্টা করেছিলেন শার্লটকে প্রসন্ন করতে। শার্লোটের যা প্রিয় এমন কোনো খাবার বস্তু তাঁর সামনে দেওয়া হলে তিনি বলতেন : ফন ঘটাইন-গৃহিণীকে কিছু পাঠিয়ে দাও।—শার্লোট সম্বন্ধে তাঁর শেষ কবিতা এই :

এক সে আছিল প্রিয়া মোর, আছিল সে সবার উপরে !

হারালেম ভারে চির ভরে ! নীরবে বহন কর ক্ষতি।

শার্লোট দীর্ঘজীবনী হয়েছিলেন। দীর্ঘদিনে তাঁর বিরূপতা তীব্রতাহীন হয়েছিল। গ্যোটের আগ্রহে শেষ বয়সে মাঝে মাঝে তাঁদের দেখা সাক্ষাৎ আলাপ-আলোচনাও হ'তো। ১৮২৭ খৃষ্টাব্দে তিনি পরলোক গমন করেন।

### ফরাসী-বিপ্লব

গ্যোৎস নাটকে যে স্বাধীনতাপ্রীতি রূপলাভ করেছে তা মোটের উপর ঝড়-ঝাপটা-বাদের অবক্ষন-প্রীতি—কিন্তু সেই স্বাধীনতা বলতে রাজনৈতিক স্বাধীনতাও অনেকখানি বোঝা হয়েছিল। ব্রাণ্ডস বলেছেন, গ্যোৎসের প্রথম পাণ্ডুলিপিতে রাজনৈতিক স্বাধীনতা ও শাসক-সম্প্রদায়ের প্রতি অবজ্ঞার ভাব যথেষ্ট ছিল।—জনসাধারণের হৃৎখের সঙ্গে কালে কালে গ্যোটের যে নিবিড় পরিচয় ঘটে সে কথাও আমরা জেনেছি। সেই পরিচয়ের জন্মই ইতালি থেকে তিনি লিখতে পেরেছিলেন :

সৌন্দর্যের যুগ অন্তর্হিত হয়েছে, আমাদের যুগ আশু প্রয়োজন ও অশান্ত দাবিদাওয়ার যুগ।

ফরাসী-বিপ্লব, যখন আরম্ভ হলো তখন গ্যোটে এ'কে অভিনন্দিত করেন নি, এর সম্ভাবনাও তেমন ভাবেন নি। কিন্তু অচিরেই ফরাসী-বিপ্লব অত্যাচারের রূপ গ্রহণ করলো। তার পর থেকে ফরাসী-বিপ্লব সম্বন্ধে গ্যোটের যে মনোভাব দেখা দিল তা মোটের উপর বিরোধিতার মনোভাব—কখনো তীব্র কখনো অতীব্র।

বিপ্লবের কোনো অর্থ যে তিনি বুঝতেন না তা নয়। তাঁর অসমাপ্ত 'আউফ-গেরেগটেন' নাটকে বিচারক রাণীকে ভাগ্যবতী বলছেন এই জন্ত যে

এক মহান জাতির স্বাধীনতা ও বন্ধনমুক্তি উপলব্ধির প্রথম মুহূর্তের পরম উত্তেজনার



সাক্ষী তিনি হতে পেরেছেন।—এই বিচারকেরই মুখে তাঁর আর একটি অমর বাণী উচ্চারিত হয়েছে :

মহৎ ব্যাপারে ভুল করার মর্যাদা ক্ষুদ্র ব্যাপারে নিচুর্ল হওয়ার চাইতে সব সময়েই বড়।

ফরাসী-বিপ্লব গ্যোটে'র কাছে যে সমর্থন পায়নি এজ্ঞা তাঁর সমসাময়িক ও পরবর্তী কালের অনেক চিন্তাশীল ব্যক্তি তাঁর নিন্দায় পঙ্কমুখ হয়েছিলেন। তাঁরা তাঁর নাম দিয়েছিলেন—সনাতনের বন্ধু। এজ্ঞা তাঁর প্রতিভাও তাঁদের অনেকের চোখে দীর্ঘদিন স্বপ্নমূল্য মনে হয়েছিল। তাঁর চরিত্রকাররা নানা দিক দিয়ে এই ব্যাপারটি বুঝতে চেষ্টা করেছেন এবং শেষ পর্যন্ত এর জ্ঞা তাঁরা তাঁর তেমন দোষ দেননি, তাঁর জীবনের বিশেষ সাধনার দিকে দৃষ্টি রেখে'। ক্রোচে এজ্ঞা বিশেষ প্রশংসাই করেছেন আমরা দেখেছি।

গ্যোৎসের রচয়িতা ও ঝড়ঝাপটা-বাদের মেতা গ্যোটে' বিপ্লব-পন্থীকেই তাঁর দেশের সামনে দাঁড়িয়েছিলেন। কিন্তু তাঁর গভীর জীবন-বোধ ও সত্যপ্রীতি অচিরেই তাঁর সামনে উন্মুক্ত করে জীবনের বহু দিক। এর উপর ভাইমারের রাজদরবারের সংশ্রব তাঁর সামনে বিশেষভাবে উন্মুক্ত করলো সেই ব্যাপক জীবন-বোধ ও সত্য-প্রীতির ক্রম-বিবর্তনের পথ—বিপ্লবের পথ নয়। ফরাসী-বিপ্লবের বহু পূর্বে তাঁর এই নূতন ও ব্যাপক জীবন-বোধে তিনি যে উপনীত হন তার পরিচয় আমরা পেয়েছি।

যখন ফরাসীবিপ্লব আরম্ভ হলো তখন সেই জীবন-বোধে তিনি সুপ্রতিষ্ঠিত হয়েছেন, অধিকন্তু বিজ্ঞান-সাধনায় অগ্রসর হয়ে বিশ্বপ্রকৃতির মধ্যে সন্ধান পেয়েছেন অতি ধীর বিবর্তনের সত্যের—বিপ্লবের বা উল্লসনের আদৌ নয়। এই নব উপলব্ধির ফলে তিনি কতখানি আশ্চর্য হন তার পরিচয় রয়েছে 'ফটিক' সঙ্কে তাঁর উক্তি'তে। নিজের উপরে এই কতৃৎ লাভের মর্যাদার সঙ্গে তাঁর ঝড়ঝাপটা-দলের বন্ধুদের অবিকাশ ও হর্দশা মিলিয়ে দেখাও তাঁর পক্ষে স্বাভাবিক। এই দৃষ্টিকোণ থেকে তাঁর নিয়োদ্ধিত উক্তির অর্থ বোঝা সহজ হয় :

আমার প্রকৃতির মধ্যে এমন কিছু আছে যার জ্ঞা আমি বরং অবিচার করতে পারি, কিন্তু বিশৃঙ্খলা সহ করতে পারি না।

সমস্ত রকমের বিপ্লবকে তিনি ভাবভেদে অবাঞ্ছিত ব্যাধি ; এর জন্য অবশ্য তাঁর বিবেচনায় শাসকরা ও প্রধানরাই দায়ী—সুশাসন যেখানে সেখানে বিপ্লব দেখা দিতে পারে না একথা বারবার তিনি বলেছেন। যেমন ফরাসী-বিপ্লব তেমন এর পূর্বের ধর্মসংস্কার-আন্দোলন ('Reformation')—বিশেষ করে' তার দলাদলি—তাঁর প্রীতির ব্যাপার হতে পারেনি। বিজ্রোহের পতাকাবাহীদের সঙ্কে তাঁর একটি বিখ্যাত উক্তি এই :

স্বাধীনতার বীর সেনাপতিদের আমি সহ করতে পারি নি কোনোদিন,  
তাদের প্রত্যেকের অধিতীয় লক্ষ্য দেখেছি বা খুলী তাই করা ;  
জনসাধারণকে মুক্তি দিতে চাও ? তবে রত হও তাদের সেবার ।  
সেবার পথে কত বিঘ্ন জান কি ? জানতে চেষ্টা কর ।

তাঁর “হেরমান ও ডোরোত্তেয়া” কাব্যে এক জায়গায় বলা হয়েছে :

কেউ স্বাধীনতার বুলি না আওড়াক—যেন শুধু তার দ্বারাই চলবে  
শাসনের কাজ ;

বাঁধ ভাঙা হলেই বেনো জলের মতো এসে পড়বে যত পাপ,  
আইনের শাসনেই সে সব থাকে অবরুদ্ধ ।

আর এ সম্পর্কে সব চাইতে বিখ্যাত তাঁর এই বাণী :

যাতে ভাবের মুক্তি আনে, কিন্তু সেই অমুপাতে আত্মজয় এনে দেয় না,  
তা অকল্যাণকর ।

‘নেপোলিয়ন’ ও ‘আলাপ’ অধ্যায়ে এ সম্পর্কে কবির আরো উক্তি আমরা পাব ।

ইতালি থেকে ফিরে এসে গোটে রত হন বিজ্ঞান-চর্চায় ও কাব্য-চর্চায় । অল্প  
কিছুকাল পরে পুনরায় তিনি যান ভেনিস-এ—ডিউক-মাতা ও হের্ডর যেখানে বাস-  
করছিলেন । এবার আর ইতালি তাঁর ভাল লাগে না । ইতালিতে বসবাসের অস্বাধা  
ও ইতালীয়দের বিচিত্র দুর্বলতা এবার তাঁর চোখে পড়ে—তাঁর প্রিয়া ও তাঁর নবজাত  
পুত্রকে ভাইমারে ফেলে গিয়ে তিনি স্বস্তি বোধ করছিলেন না বোধ হয় মুখ্যত এই  
কারণে । এই খুঁতখুঁতে ভাব থেকে তাঁর ‘ভেনিসীয় কণিকা’র (Venetian Epigrams)  
জন্ম । একটি কবিতায় গৃহ-আবেষ্টনে ফিরে যাওয়ার জ্ঞাত কবির ব্যাকুলতা সুন্দর রূপ  
পেয়েছে :

জগৎ বৃহৎ ও সুন্দর, কিন্তু দেবতাদের প্রাণভরে’ ধন্ববাদ দিই এইজন্তে যে  
আমাকে তাঁরা অধিকারী করেছেন একটি বাগানের, হোক ছোট, তবু আমারই ।  
প্রলুব্ধ করেছে সেই বাগান আমাকে গৃহের পানে । বাগানের মালিক  
কেন ঘুরবে পথে পথে :

সম্মান ও আনন্দ দুই-ই সে অমুভব করে যখন সামনে দেখে তার বাগান ।

ভেনিস থেকে ফিরে এসে কিছুকাল পরে কবি ডিউকের সঙ্গে যান ফরাসী  
যুদ্ধ-ক্ষেত্রে । ডিউক হয়েছিলেন প্রাশিয়ার একজন সেনাপতি । এই যুদ্ধক্ষেত্রের  
ডায়ারি থেকে তাঁর “ফরাসীদেশে রণ” গ্রন্থের উৎপত্তি । এই গ্রন্থে কবি যুদ্ধের অভিজ্ঞ-  
তার মনোরম বর্ণনা দিয়েছেন । ঠিক যেখানে যুদ্ধ চলেছে সেখানে উপস্থিত হয়ে কবি  
অমুভব করতে চেষ্টা করেন কামান-গর্জনে দেহে মনে কি ভাব হয় । তিনি লিখেছেন,  
তাঁর ভিতরে তেমন ভাবান্তর ঘটেনি ; খানিকটা উত্তেজনা তিনি অমুভব করেছিলেন

মাত্র। এর আনুযায়িক বিপদ সম্বন্ধে তিনি বলেছেন : বিপদে তাঁর সাহস এমন কি হঠকারিতা বেড়ে যেতো।—প্রাশিয়ার দল গিয়েছিল ফ্রান্সের রাজা যোড়শ লুই-এর শাসন অধিকার পুনঃপ্রতিষ্ঠিত করতে। কিন্তু এই মহৎ আদর্শে অনুপ্রাণিত হয়ে এই যোদ্ধা-দল যুদ্ধক্ষেত্রে করুণ আচরণ করেছিল সে সম্বন্ধে গ্যোটের এই বর্ণনা স্প্রাসিদ্ধ :

কয়েকজন ভেড়ার রাখাল তাদের ভেড়ার দল গুছিয়ে বনের মধ্যে ও অন্যান্য নির্জন জায়গায় লুকিয়ে রাখতে চেষ্টা করেছিল, আমাদের প্রেহরীরা তাদের ধরে' নিয়ে আসে। তাদের প্রতি প্রথমে খুব ভাল ব্যবহার করা হলো, তারা কে কোন্ দলের মালিক তা জিজ্ঞাসা করা হলো ও ভেড়াগুলো দলে দলে ভাগ করে' গুনতি করা হলো। রাখালদের মুখে দেখা দিয়েছিল উদ্বেগ, ভয় ও ক্লিষ্টতা আশা। এর পরে ভেড়াগুলো বিভিন্ন সৈন্যদলের মধ্যে ভাগ করে' দেওয়া হলো আর রাখালদের যথেষ্ট ভদ্রতার সঙ্গে দেওয়া হলো ফ্রান্সের রাজা যোড়শ লুইয়ের নামে 'বিল', আর রাখালদের সামনেই ভেড়াগুলো জবাই করে' চললো ক্ষুধার্ত সৈন্যদল ;—এর চাইতে বড় নির্দয়তার দৃশ্য, আর তা এমন নীরবে সহ্য করার বীর্য, আমার চোখ ও মন আর কখনো প্রত্যক্ষ করেনি। কেবল গ্রীক নাটকেই আছে এমন অবিমিশ্র বেদনার ছবি।

যুদ্ধক্ষেত্রে কামান-গর্জনের মধ্যে কবির চলেছিল অনন্যমনে ভূ-বিজ্ঞান ও বর্ণ-বিজ্ঞানের চর্চা আর চলেছিল লোক-চরিত্র পাঠ। যুদ্ধের প্রভাব মানবের নৈতিক চরিত্রের উপরে কেমন হয় সে সম্বন্ধে তিনি বলেছেন :

আজ তুমি হচ্ছে দুঃসাহসী ও ধ্বংসশীল, কাল হচ্ছে করুণা-প্রবণ ও স্থিতিশীল, ক্রমাগত শুনে চলেছ উদ্বেজনা ও আশার বাণী, তাতে করেই নিজেকে বজায় রেখে চলেছ অত্যন্ত সঙ্কটাপন্ন অবস্থার মধ্যে ; এর ফলে যাজক ও রাজসভাসদদের অনুরূপ এক অভূত মিথ্যাচারের সৃষ্টি হয়ে চলেছে।

আর এই সমস্তের মধ্যে তিনি অনুভব করেন :

সে-ই স্ত্রী যার হৃদয় পূর্ণ হয়েছে মহত্ত্বের আবেগে।

ভার্মী-র যুদ্ধে ফরাসী জাতীয় দলের হাতে জার্মানদের পরাজয় ঘটে। এই পরাজয় সম্পূর্ণ অপ্রত্যাশিত, কবিও এই পরাজয় আশঙ্কা করেন নি। রাত্রে তাঁদের ছত্রভঙ্গ সৈন্যদল-মিলিত হলে কবির উপরে ভার পড়লো কিছু বলে' তাদের মনের ভার লাঘব করতে—যেমন প্রায়ই তিনি করতেন। তিনি বললেন :

এই জায়গা থেকে আর আজকার দিন থেকে জগতের ইতিহাসে এক নতুন যুগের জন্ম হলো, আপনারা সবাই বলতে পারবেন সেই জন্ম আপনারা প্রত্যক্ষ করেছিলেন।

জনশক্তির জাগরণের প্রতি গ্যোটের গভীর সম্মম ব্যক্ত হয়েছে এই উক্তিতে।

ফরাসী বিপ্লব সঙ্কে তাঁর মনের ভাব তাঁর অনেক রচনায় ব্যক্ত হয়। সমালোচকরা বলেছেন সেসব মোটের উপর তাঁর দুর্বল রচনা। সেসবের মধ্যে ইয়োরোপের “শৃগাল কাহিনী” তিনি যে হোমরের ছন্দে নৃতন করে’ লেখেন সেইট উল্লেখযোগ্য, তাতে মানুষের শঠতা, প্রবঞ্চনা, কৃতঘ্নতা ইত্যাদি সঙ্কে কবির তিরস্কার উপভোগ্য হয়েছে। কিন্তু এই বিপ্লব সম্পর্কে তাঁর সর্বশ্রেষ্ঠ রচনা হচ্ছে কয়েক বৎসর পরে প্রকাশিত তাঁর “হেরমান ও ডোরোত্তোয়া” কাব্য—হোমরের ছন্দে রচিত।

তাঁর শেষ বয়সে তাঁর রাজনৈতিক মতামত যা দাঁড়ায় তার বিশেষ পরিচয় রয়েছে তাঁর “ভিল্‌হেল্ম মাইস্টার-এর ভ্রমণে” আর “একেরমান ও সোরের সঙ্গে আলাপে”। বিশেষ বিশেষ জাতির নিজস্ব প্রয়োজনে যেসব পরিবর্তন বা বিপ্লব ঘটে তা তিনি সমর্থন করেন, কিন্তু সমর্থন করেন না একদেশের অহুসারকে অগ্রদেখে বিপ্লব ডেকে আনা। “আলাপে” আছে :

অগ্র জাতির মর্কটি অহুসার নয়, যা জাতির মর্ম থেকে তার সাধারণ অভাবাদি থেকে উদ্ভূত কেবল তাইই জাতির অগ্র কল্যাণকর; কেননা যা কোনো বিশেষ যুগে কোনো বিশেষ জাতির জন্য পরিপোষণের উপায় তা অন্য জাতির জন্য বিষতুল্য হতেও পারে।...যদি কোনো জাতির জন্য কোনো বড় সংস্কারের সত্যকার প্রয়োজন থাকে তবে ঈশ্বর হন তার সহায়, তার বিকাশ ঘটে।

যুদ্ধক্ষেত্র থেকে ফিরে কবি দেখে আনন্দিত হলেন যে, ডিউকের আদেশে তাঁদের অহুসার-কালে একটি প্রাচীন গৃহ তাঁর জন্য নতুন করে তৈরি হয়েছে। সেইদিনে এটিকে প্রাসাদ বলেই গণ্য করা হতো। এই গৃহের বিভিন্ন কক্ষে সংগৃহীত হয়েছিল বিচিত্র প্রস্তর-মূর্তি, বৈজ্ঞানিক উপকরণ, চিত্রকলা ও গ্রন্থ। এর বিস্তৃত বর্ণনা লুইস দিয়েছেন। এই গৃহই গ্যোটের বাস-ভবন রূপে জগদ্বিখ্যাত হয়ে রয়েছে।

## শিল্পাঙ্গ

শিলার গ্যোটের চাইতে বয়সে দশ বৎসরের ছোট ছিলেন। তাঁর সঙ্গে পরিচিত হবার জন্য শিলার ব্যগ্র হন, কিন্তু গ্যোটে ধরা দিচ্ছিলেন না,—আমরা দেখেছি। যেমা বিশ্ববিদ্যালয়ে ইতিহাসের অধ্যাপকের পদ খালি হলে গ্যোটের সুপারিশে শিলার সেই পদটি পান, সুপারিশ-পত্রে শিলার সঙ্কে তিনি লেখেন—ইনি একজন ঐতিহাসিক।—এর পরে শিলারের আর্থিক অবস্থার উন্নতি হতে থাকে।

১৭৯৪ খৃষ্টাব্দে গ্যোটে ও শিলারের মধ্যে প্রথম আলাপ-আলোচনা শুরু হয়।

এক বিজ্ঞান সভা থেকে ফিরবার কালে প্রকৃতি-পর্যবেক্ষণ-রীতি সম্বন্ধে তাঁদের কথা হয়। পথে শিলারের বাড়ী পড়ে, সেখানে গিয়ে গ্যোটে তাঁর “বৃক্ষের রূপান্তর-তত্ত্ব” শিলারকে বোঝাতে চেষ্টা করেন। শিলার গ্যোটের যুক্তি পুরোপুরি মেনে নেন না, কিন্তু গ্যোটে শিলারের বুদ্ধিমত্তার পরিচয় পেয়ে চমৎকৃত হন। এর পরে তাঁদের আলাপ-আলোচনা চলতে থাকে। যে বিখ্যাত চিঠিখানিতে শিলার গ্যোটে ও তাঁর মধ্যকার পার্থক্যের ব্যাখ্যা করেন তার কতক অংশ এই :

বা বিশ্লেষণ-বুদ্ধির আয়াস-লভ্য এমন অনেক কিছু আপনার অভ্রান্ত ‘সহজাত জ্ঞান’ের মধ্যে পর্যাপ্ত পরিমাণে সঞ্চিত রয়েছে, আপনার মধ্যে সেই সহজ জ্ঞান পূর্ণ মাত্রায় রয়েছে বলেই নিজের সেই সমৃদ্ধি আপনার অজ্ঞাত। ...আপনার মতো চিন্তা বীদের তাঁরা কদাচিৎ বুঝতে পারেন কত গভীরে তাঁরা প্রবেশ করেছেন, দর্শনের কাছে ঋণী হবার প্রয়োজন তাঁদের কত কম, বরং দর্শনই তাঁদের কাছ থেকে শিক্ষালাভ করতে পারে। দীর্ঘ দিন ধরে’ দূরে থেকে আমি লক্ষ্য ক’রে আসছি আপনার চিন্তা-শক্তি,— উত্তরোত্তর আনন্দিত হচ্ছি আপনার গতিপথ দেখে। আপনি সন্ধান করছেন প্রকৃতির ভিতরে এক আদিম নিয়ম, কিন্তু অত্যন্ত শ্রমসাধ্যভাবে। অজটিল জীব পর্যবেক্ষণ থেকে আপনি ধাপে ধাপে উঠছেন জটিলতর সৃষ্টির অভিমুখে, আর এখন আপনার চেষ্টা হচ্ছে প্রকৃতির বিচিত্র উপাদান পর্যবেক্ষণ ক’রে জটিলতম সৃষ্টি যে মানব-জীবন—তার গঠন উপলব্ধি করা। প্রকৃতির দিক থেকে ধীরভাবে মানব-জীবনের গঠন বুঝতে চেষ্টা ক’রে আপনি চেষ্টা করছেন সমগ্র মানবজীবনের রহস্য ভেদ করতে। এ এক মহৎ বীর্ঘবস্ত্ত ভাবনা নিঃসন্দেহ—...আপনি নিশ্চয়ই আশা করেন না যে সারাজীবনেও এই লক্ষ্যে আপনি পৌঁছুতে পারবেন, কিন্তু এমন পথে পা বাড়ানোর মর্যাদা অল্প পথে লক্ষ্যে পৌঁছানোর চাইতেও বেশী।...

এই পত্র পেয়ে গ্যোটে সন্তুষ্ট হন। তিনি উপলব্ধি করেন তাঁর নিঃসঙ্গ সাহিত্যিক জীবনে একজন বুদ্ধিমান শ্রোতা পাওয়া যাচ্ছে। এই বৎসর শিলার “ডী হোরেন” নামে এক পত্রিকা প্রকাশ করেন, তাতে গ্যোটে লিখতে সম্মত হন। তদানীন্তন জার্মানীর শ্রেষ্ঠ মনোবিদগণ, যথা কাণ্ট, ফ্রিডে, হুম্বোল্ডট্-ভ্রাঙ্কফ্র, রুপষ্টক, যাকোবি প্রভৃতির সাহায্য পাওয়া যায়। এই পত্রিকার সম্পর্কে শিলার গ্যোটের গৃহে একপক্ষ কালের জন্য আতিথ্য গ্রহণ করেন, এবং নানা আলোচনায় তাঁদের বক্তৃত্বের বন্ধন দূত হয়।

গ্যোটে ও শিলারের প্রকৃতির মধ্যে বড় রকমের পার্থক্য ছিল। গ্যোটে স্বাস্থ্যবান, উদ্বুদ্ধ প্রকৃতি তাঁর প্রিয়, শিলার ক্ষয়রোগগ্রস্ত, বদ্ধ ঘরে পচা আপেলের গন্ধে লাভ

করতেন কর্মের প্রেরণা ; শিলার ইতিহাসের বীরচরিত্রের দ্বারা মুগ্ধ, গ্যোটে'র সাধনা প্রকৃতিকে বুঝতে পারা, প্রকৃতির অগ্নিবর্তী হওয়া ; শিলার সমস্ত অন্তর দিয়ে কামনা করতেন যশ ও প্রতিপত্তি, গ্যোটে তাঁর জাতির প্রিয়পাত্র হবার আশা ত্যাগ ক'রে বাইবেলের ক্রুশের মতো ছড়িয়ে চলেছিলেন চিন্তা-বীজ—কোনটি কোথায় পড়লো সেদিকে দৃষ্টি নেই। কিন্তু এত বড় পার্থক্য সত্ত্বেও এই দুই শ্রেষ্ঠ সাহিত্যিকের মধ্যে নিবিড় অন্তরঙ্গতা স্থাপিত হয়েছিল—তাঁদের সুবিখ্যাত পত্রাবলীতে রয়েছে তাঁদের সেই অন্তরঙ্গতার পরিচয়। এই বন্ধুত্বে শিলারই অবশ্য লাভবান হন বেশী। গ্যোটে'র গভীর প্রকৃতি ও উন্নততর মনোভাবের সংস্পর্শে এসে তাঁর মানসশক্তির উৎকর্ষ ঘটে। তাঁর শ্রেষ্ঠ সাহিত্যিক সৃষ্টি গ্যোটে'র প্রভাবের ফল, তাঁর জনপ্রিয়তা লাভেও 'উদারহুদয়' গ্যোটে' অক্লপণভাবে সাহায্য করেছিলেন। গ্যোটে'ও শিলারকে বন্ধুরূপে পেয়ে কিছু পরিমাণে উপকৃত হন : শিলারের উদ্দীপনা তাঁর অন্তরে নব সাহিত্যিক উদ্দীপনার সঞ্চার করে, তিনি বলেছেন, এই সংযোগ তাঁর জ্ঞাত হলো যেন নব বসন্ত, তাঁর নব নব চিন্তা-বীজ অক্লিষ্ট মুঞ্জরিত হয়ে চললো। তাঁর ভিলহেল্ম মাইস্টার শিলারের আগ্রহাতিশয্যে তিনি সম্পূর্ণ করেন ; এই ভিলহেল্ম মাইস্টার শিলারের সাহিত্যিক জীবনে অশেষ ফলপ্রসূ হয়েছিল। তাঁর ফাউস্ট ( প্রথম খণ্ড ) সম্পূর্ণ করার মূলেও শিলারের আগ্রহ কার্যকর হয়েছিল।

যে পত্রিকা বহু আয়োজন করে' শিলার বা'র করেন তা বেশী দিন চললো না। তাঁরা দুই বন্ধু ক্ষুণ্ণ হলেন। তখন তাঁরা দুই বন্ধু সম্মিলিত ভাবে লিখলেন Xenien—ক্ষুদ্র ক্ষুদ্র ব্যঙ্গ কবিতা। জার্মানীর বহু খ্যাত অখ্যাত সাহিত্যিকের নিবুদ্ভিতা ও অকর্মণ্যতার উপরে বিষম আঘাত করা হলো। একটি কবিতা এই :

ইতস্ততঃ চালিয়েছি আমরা ঘোড়া  
কখনো কাজে কখনো হাওয়া খাওয়ায়,  
আমাদের পেছনে ধেয়ে আসছে কুকুর  
তার ঘেউ ঘেউ-এর আর অন্ত নেই।  
আমাদেরই আস্তাবলের এই কুকুর  
নিয়েছে আমাদের পিছু,  
সারাক্ষণ তার আর্ত চীৎকারে প্রমাণ হচ্ছে  
আমরা চলেছি ঘোড়ায় চড়ে'।

সমালোচকরা বলেছেন শিলারের লাইনগুলোই হয়েছিল বেশী ধারালো।

চারদিকে দেখা দিল মহা চাঞ্চল্য। আহত সাহিত্যিকরাও এই দুই সম্মানিত কবির সম্মান অক্ষুণ্ণ রাখলেন না, তীব্রতর ভাষায় তাঁরা প্রতি-আক্রমণ করলেন। গ্যোটে' কিন্তু আর অগ্রসর না হয়ে চূপ ক'রে গেলেন। পরবর্তীকালে তিনি বলতেন এমন রচনায় হাত দিয়ে সময়ের অপব্যবহার করা হয়েছে।

গ্যোটে'র মনুষ্যত্ব ও প্রতিভার প্রতি এত প্রকাশিত হয়েও শিলার কিন্তু গ্যোটে'র জীবন-সঙ্গিনী খ্রিস্টিয়ানার প্রতি যথোচিত সম্মান দেখান নি যদিও তাঁর নিজের জীবন ক্রটিশূন্য ছিল না, আর শার্লোট ফন ষ্টাইনের কুখ্যাত ডিডো নাটকের উচ্ছৃঙ্খল প্রশংসা তিনি করেছিলেন। এই সব কারণে লুডভিগ বলতে চান শিলার কোমোদিনই গ্যোটে'কে পুরোপুরি বুঝতে পারেন নি। এ অভিযোগ হয়ত পুরোপুরি মিথ্যা নয় কেননা শিলারের নিজস্বতা আর প্রতিপত্তির আকাঙ্ক্ষা প্রবল ছিল। তবে গ্যোটে'র প্রতিভা ও মনুষ্যত্বের প্রতি শিলারের শ্রদ্ধা যে অকৃত্রিম ছিল তা নিঃসন্দেহ, আর গ্যোটে'ও তাঁকে যে বোঝে ও প্রকাশ অভিযুক্ত করেছিলেন তা অপরিসীম, একে রমানের সঙ্গে আলাপে তাঁর নিম্নোক্ত মন্তব্যে একই সঙ্গে প্রকাশ পেয়েছে তাঁর অসাধারণ বহুবাৎসল্য, গুণগ্রাহিতা আর বর্ধনিষ্ঠা :

একদা জনৈক সেনাপতি আমাকে সহজভাবেই বলেছিলেন শিলারের মতো লিখতে। তাঁর কথার উত্তরে আমি বিস্তারিত ভাবে উল্লেখ করলাম শিলারের সাহিত্যিক গুণপণ্যের কথা কেননা সে-সম্বন্ধে আমি সেনাপতির চাইতে বেশী ওয়াকিবহাল ছিলাম। নীরবে আমি চলেছিলাম আমার পথে সাফল্যের কথা আর না ভেবে, আর আমার বিরুদ্ধবাদীদের কথা যথাসম্ভব মনে স্থান না দিয়ে।

একরমান বলেছেন শিলারের প্রসঙ্গ উঠলে গ্যোটে সে-সকল্য তাতেই বিভোর থাকতেন।

শিলারের প্রতি গ্যোটে এত অনুরক্ত হয়েছিলেন তাঁর মনীষার জ্ঞেও—তাঁর শিলাদর্শ শিলার যেমন দ্রুত আত্মসাৎ করছিলেন সেটি তাঁকে গভীর আনন্দ দিয়েছিল। শিলার কাণ্টের দর্শনের একান্ত ভক্ত ছিলেন, গ্যোটেও বড়ের সঙ্গে কাণ্ট পড়তে আরম্ভ করেন। কিন্তু কোনো কোনো সমালোচক বলেছেন গ্যোটে'র উপর শিলারের এই প্রভাব গ্যোটে'র জ্ঞান ক্ষতিকর হয়েছিল, এর ফলে তিনি তত্ত্বপ্রিয় হয়ে ওঠেন—তাঁর শেষ বয়সের অনেক রচনায়ই রয়েছে সেই তত্ত্বপ্রিয়তার পরিচয়। কিন্তু এ সম্পর্কে ক্রোচের মত মূল্যবান, গ্যোটে'র শেষ বয়সের রচনা সম্পর্কে তিনি মন্তব্য করেছেন :

কবিত্ব যেমন জ্ঞানবস্তুর পর্যবসিত হয়েছে জ্ঞানবস্তাও তেমনি হয়ে উঠেছে কবিত্ব, গ্যোটে'তে কখনো লোপ পায়নি অল্পভূতি আর সেই অল্পভূতির রূপদান।

এই দুই বন্ধুর প্রভাবে জার্মান সাহিত্য-জগতে অপরিসীম উদ্বোধনার সঞ্চার হ'লো। তাঁরা দুই বন্ধু উৎকৃষ্ট গাথা রচনা করে' Xenien রচনার প্রাথমিক্ত করলেন। শিলারের শ্রেষ্ঠ গাথা বীরত্বের ভাবে পূর্ণ, আর গ্যোটে'র গাথা প্রেমের ভাবে পূর্ণ; তাঁর "করিথ-কন্যা" (The bride of Corinth) ইয়োরোপীয় সাহিত্যে বিখ্যাত—

খৃষ্টান ত্যাগধর্মের বিরুদ্ধে এটি এক প্রতিবাদ, প্রকাশ-ভঙ্গি যেমন সরল তেমনি অব্যর্থ। এই কালে শিলার গ্যোটের সহায়তায় তাঁর বিখ্যাত ভালেৎসটান ( Wallenstein ) নাটক শেষ করেন—জার্মানীর নাট্য-জগতে এটি এক অপূর্ব উদ্বোধনার সঞ্চার করে। শিলারের অপর বিখ্যাত নাটক “উইলিয়ম টেল”—এর মূলেও ছিল গ্যোটের পরিকল্পনা, এ সম্বন্ধে গ্যোটে একেরমানকে বলেন :

...টেল সম্বন্ধে আমার পরিকল্পনার কথা আমি শিলারকে বলেছিলাম, আমার কল্পিত দৃশ্যাবলী ও নায়ক-নায়িকা শিলারের মনে ধারণ করলো নাটকীয় রূপ। আমি ব্যাপৃত ছিলাম অস্ত্রাজ্ঞাজে, পরিকল্পনায় রূপ দিতে কেবলই দেবী হতে লাগল, তাই এটি শিলারকে ‘পুরোপুরি দিয়ে দিলাম, —আর তিনি দাঁড় করালেন তাঁর সেই অপূর্ব নাটকটি।

এঁদের পরস্পরের প্রতি নিবিড় সৌহার্দ্য কোনো কোনো সাহিত্যিকের মনে ঈর্ষা জাগায়, তাঁদের মধ্যে নাট্যকার কোৎসেবুয়ে ( Cotzebue ) প্রধান। তিনি এঁদের মধ্যে মনোমালিন্য ঘটাবার চেষ্টা করেন, কিন্তু ব্যর্থ হন।

১৮০৫ খৃষ্টাব্দে গ্যোটে ও শিলার দু’জনেই খুব অসুস্থ হয়ে পড়েন : গ্যোটের কেমন ধারণা হয় তাঁদের একজনের জীবনলীলার অবসান হবে। প্রথমে গ্যোটের অবস্থাই খারাপ ছিল। কিন্তু তিনি ধীরে ধীরে সেরে উঠলেন, আর শিলারের অবস্থা ক্রমাগত খারাপ হতে লাগলো। ১৮০৫ খৃষ্টাব্দের অক্টোবর মাসে তাঁর জীবনলীলার অবসান হয়।

শিলারের মৃত্যুতে গ্যোটে এত কাতর হন যে তেমন কাতর তাঁকে কেউ কখনো দেখেনি। তাঁর বন্ধু সেলটেরকে ( Zelter ) তিনি লিখলেন :

আমার জীবনের অধেক চলে গেছে।

শিলারের মৃত্যুর পরে গ্যোটে দীর্ঘদিন সাহিত্য রচনায় মন দেন নি।

মৃত্যুর পরে শিলারের যশ ও প্রভাব অসাধারণভাবে বর্ধিত হয়। স্বদেশবাসীদের অন্তরের অভিনন্দন গ্যোটের চাইতে শিলারের লাভ হয় অনেক বেশী। জনগণের উপরে সেই প্রভাবের প্রতি দৃষ্টি রেখে ১৮২৬ খৃষ্টাব্দে গ্যোটে শিলারের কবিতা লক্ষ্য করে’ এই প্রশস্তি রচনা করেন ( এই সময়ে শিলারের অস্থি কবরাস্তরে নীত হয় ) :

...সেই আকৃতি—যার দিকে আমি চাইতাম সন্ত্রম-মৃগ্য দৃষ্টিতে !

এর উপরে এখনো রয়েছে একাগ্র চিন্তার ছাপ।

একে দেখে আমার মন চলে গেছে স্বপ্নের দেশে

যেখানে দাঁড়িয়েছে শত শত দীপ্ত বীর.....

জাহ্ন-পাত্র, তোমার অপরূপ বাণী বিঘোষিত হয়ে চলেছে !

এই অযোগ্য হাতে স্থান লাভ করে’ তুমি আদেশ করছ



তোমার মতো কবর-বাস উপেক্ষা করে',  
 উদ্ভুক্ত আকাশের নীচে আমার সমস্ত চেতনা উন্মীলিত করে'  
 অদ্বানন্দ ললাটে উদার সূর্যালোকের স্পর্শলাভ করতে ।  
 মরণশীল মানুষের জন্য জীবনের শ্রেষ্ঠ দান—  
 ঈশ্বর-ও-প্রকৃতির বিচিত্র রহস্য এমনি ভাবে প্রত্যক্ষ করা ।  
 চেয়ে' দেখে' বিগুঢ় মনন কঠিন অস্থিতে কেমন পরিবর্তন ঘটতে পারে,  
 চেয়ে' দেখে' মনন-জীবিত কেমন পরিবর্তনকে উপহাস করে !

অন্য একটি কবিতায় তিনি শিলারের প্রকৃতিগত উদ্দীপনাকে অভিহিত করেছেন চিরন্তন বৌবন-ধর্ম বলে'—বার সামনে সব বাধাই কালে কালে হয় নতশির ।

"শতবর্ষ পরে শিলার" গ্রন্থের লেখক রবার্টসন বলেন : ১৮৭১ খৃষ্টাব্দ পর্যন্ত শিলারের অনাবিল উৎসাহ-দীপ্ত বাণী জার্মান জাতিকে অক্ষরস্ত প্রেরণা দিয়ে এসেছে ; কিন্তু তার পরে তাঁর জনপ্রিয়তা হ্রাস পেয়েছে আর গ্যোটে'র জনপ্রিয়তা বৃদ্ধি পেয়েছে— তাঁর জাতির ধারণা হয়েছে শিলার বা বলেছেন তা গত যুগের—একালের কথা ব্যক্ত হয়েছে গ্যোটে'র রচনায় ।

### ভিল্‌হেল্ম মাইস্টার-এর শিক্ষানবিশী

ভিল্‌হেল্ম মাইস্টার-এর সূচনা হয় ১৭৭৭ খৃষ্টাব্দে । ১৭৭৮ খৃষ্টাব্দের জানুয়ারী পর্যন্ত মাত্র এর প্রথম খণ্ড লেখা হয় । তারপর এটি ফেলে রাখা হয় । পুনরায় কবি এটিতে হাত দেন ১৭৮২ খৃষ্টাব্দে আর ১৭৮৩ খৃষ্টাব্দ পর্যন্ত এর চার খণ্ড সমাপ্ত হয় । ১৭৮৬ খৃষ্টাব্দে ইতালি-বাজার পূর্ব পর্যন্ত লেখা হয় এর পঞ্চম ও ষষ্ঠ খণ্ড । ইতালি থেকে ফিরে এসে কবি আবার এটিতে হাত দেন ১৭৯১ খৃষ্টাব্দে । পুরাতন পরিকল্পনার অদল-বদল হয় । শেষে ১৭৯৬ খৃষ্টাব্দে এটি পূর্ণাঙ্গ গ্রন্থরূপে প্রকাশিত হয় ।

ইতালি-বাজার পূর্বে কবির হাতে এটি রূপ পায় মুখ্যত রঙ্গমঞ্চের জীবন-আলেখ্য হিসাবে । সেই প্রথম পরিকল্পনার পাণ্ডুলিপি ১৯১০ খৃষ্টাব্দে আবিস্কৃত ও মুদ্রিত হয়েছে । কিন্তু প্রচলিত ভিল্‌হেল্ম মাইস্টার-এর উদ্দেশ্য পূর্বের পরিকল্পনার তুলনায় অনেক ব্যাপক ও গভীর ।

এই গ্রন্থ সম্পর্কে কবির উক্তি এই :

মাইস্টারের মূলে রয়েছে এই বড় সত্যের অস্পষ্ট অনুভূতি যে মানুষ অনেক সময়ে তাই-ই বোঝে করে' চায় প্রকৃতির বিধান বা পাওয়া তা'র পক্ষে সম্ভবপর নয় । সমস্ত সৌখিন খেলা ও মিথ্যা আগ্রহ এই

শ্রেণীর অন্তর্ভুক্ত। কিন্তু এও সত্য যে এই সব মিথ্যা ধেমালের গতি  
অসীম কল্যাণের দিকেই।

অন্তর বলেছেন :

এই গ্রন্থ এক চরিত্রের সৃষ্টি। এর রহস্য উদ্ঘাটন করার চাবিকাঠি যে  
আমার কাছেই আছে তা ঠিক নয়। এর মূল কথা কি সবাই তা  
খুঁজছে। কিন্তু সেটি খুঁজে পাওয়া সোজা নয় : এই প্রশ্নও সঙ্গত নয়।  
আমার ত ধারণা কোনো স্পষ্ট ধারণার পরিবর্তে একটি সমৃদ্ধ বহুস্থী  
জীবন যে আমাদের সামনে দেখতে পাচ্ছি এই যথেষ্ট, স্পষ্ট ধারণা ত  
মোটের উপর বৃদ্ধির ব্যাপার। কিন্তু তেমন কিছু যদি না হলেই নয় তবে  
সেটি পাওয়া বাবে ভিল্‌হেল্মের প্রতি ক্রীড়ারিখের এই উক্তি : আমার  
মনে হয় তোমার অবস্থা বাইবেলের সেই কিশ-এর পুত্র সোল-এর মতো,  
বেরিয়েছিল সে পিতার গাধার পালের সন্ধানে কিন্তু পেয়ে গেল এক রাজ্য।  
— বাস্ এইটি নাও। আমার ত মনে হয় সমস্ত গ্রন্থের মধ্যে এই কথাটিই  
বলা হয়েছে যে সমস্ত ভুলভ্রান্তি সত্ত্বেও মহত্তর শক্তির পরিচালনায় মানুষ  
শেষে গিয়ে পৌঁছায় এক আনন্দময় লক্ষ্যে।

গ্রন্থের এই যে ছটি দিক—শিল্প-সৌন্দর্য আর ভাব—গোটে-সমালোচকরা কেউ  
কেউ বেশী মনোযোগ দিয়েছেন এর প্রথমটির দিকে, কেউ কেউ দ্বিতীয়টির দিকে।  
গোটের চরিত্র-সৃষ্টির ক্ষমতা যে অসাধারণ সেকথা সবাই স্বীকার করেছেন।—  
মাইস্টার-এ “সাধু” চরিত্রের সংখ্যা কম “পাপী” চরিত্রের সংখ্যাই বেশী। কিন্তু  
‘পাপ’কে কবি লোভনীয়ও করেন নি, ঘৃণ্যও করেন নি, তিনি এঁকে চলেছেন জীবনের  
ছবি ‘পাপ’ অথবা ক্রটি বার আলুসঙ্গিক। কাহিনীটি এই :

ভরুণ ভিল্‌হেল্ম ভরুণী মারিয়ানার প্রতি অশ্রুস্রব্ধ হয়েছে ; মারিয়ানা অভিনেত্রী,  
নোরবের্গ নামক একজন ধনাঢ্য যুবক তাকে লাভ করতে ইচ্ছুক, মারিয়ানাকে সে  
আর্থিক সাহায্য করে’ চলেছে, কিন্তু ভিল্‌হেল্ম তার কিছুই জানে না। নোরবের্গের  
অনুপস্থিতিকালে মারিয়ানা ও ভিল্‌হেল্ম পরস্পরের সাহচর্যে আনন্দে দিন কাটাচ্ছে।  
মারিয়ানার বিচক্ষণ পরিচারিকা বারবারা তার কত্রীকে শোনাচ্ছে নোরবের্গের কথা,  
নোরবের্গ সম্প্রতি বেলজ উপহার মারিয়ানার জন্য পাঠিয়েছে সেসব সে তাকে দেখাচ্ছে,  
কিন্তু সেসব কথা মন থেকে বিলজর্ন দিয়ে মারিয়ানা ভিল্‌হেল্মের সাহচর্যে নিবিড়  
আনন্দ উপভোগ করে’ চলেছে। ভিল্‌হেল্ম মারিয়ানাকে ও তার পরিচারিকাকে  
শোনাচ্ছে তার বালা-কাহিনী—যে-জীবনে পুতুলের সাহায্যে নাটক দেখানো তার  
অপরিসীম আনন্দের বিষয় ছিল। সেই থেকে নাটকলার প্রতি তার নিবিড় অহুসারের  
স্রজপাত। গ্রন্থের প্রথম খণ্ডের প্রথম কয়েক পরিচ্ছেদে চলেছে ভিল্‌হেল্মের সেই

ছেলেবেলাকার পুতুল-নাট্যের বিবৃতি।—তারপর ভিল্‌হেল্ম বিষয়-কর্মে মিশ্রিত হচ্ছে তার পিতার ইচ্ছায়। সেই সূত্রে অভিনেতা মেলিনা ও তার প্রণয়িনীর সঙ্গে তার পরিচয় হচ্ছে—প্রণয়িনী তার পিতৃগৃহ ত্যাগ করে' এসেছে মেলিনার সঙ্গে আর মেলিনা পুলিশের হাতে ধরা পড়েছে। ভিল্‌হেল্মের চেষ্টায় প্রণয়িনীর পিতার ক্রোধ প্রশমিত হচ্ছে ও মেলিনা তার প্রণয়িনীর সঙ্গে পরিণয়সূত্রে আবদ্ধ হচ্ছে। মেলিনা অভিনেতার দুঃসহ ভাগ্যের কথা ভিল্‌হেল্মকে বলছে ও এই ব্যবসায় ত্যাগ করতে চাচ্ছে। ভিল্‌হেল্ম মুখে কোনো প্রতিবাদ করছে না কিন্তু স্বতন্ত্রত্যাগী মেলিনাকে মনে মনে ঝিকার দিচ্ছে :

....মানুষের মনে যে পবিত্র অনল-কণা সঞ্চিত রয়েছে তার অস্তিত্ব তুমি অহুভব করছ না ; সেই অনল-কণাকে যদি লালন করা না হয়, বাতাস দিয়ে সতেজ রাখা ন হয়, তবে তা আবৃত হয় প্রাত্যহিক জীবনের ওদাসীভূত ও অভাবের ভাষে। কিন্তু তবু দীর্ঘকালেও যেন সেই অনল-কণা নির্বাপিত হতে চায় না—হয়ত কখনো নির্বাপিত হয় না। এই অনল-কণাকে সতেজ করে' তোলার তাগিদ তুমি নিজের অন্তরাখ্যায় অহুভব করছ না, তোমার অন্তরে এমন সম্ভার নেই যার দ্বারা এই প্রজ্জ্বলিত অনল-কণা লালিত হতে পারে।...

মারিয়ানাকে বিবাহ করতে ভিল্‌হেল্ম একান্ত ইচ্ছুক। তার সেই ইচ্ছা ও তার জীবনের লক্ষ্য সে একখানি দীর্ঘ পত্রে ব্যক্ত করলে, কিন্তু ঘটনাচক্রে সেই চিঠিখানি মারিয়ানাকে দেওয়া হলো না। এই সময়ে ভিল্‌হেল্ম মারিয়ানার কাছ থেকে নেওয়া একখানি রুমালে পেলো মারিয়ানার সাহায্যদাতা ও প্রেমাকাজক্ষীর এক পত্র। সেই পত্র পড়ে' সে মুষড়ে পড়লো—তার সমস্ত রঙীন কল্পনা কোথায় উবে গেল।

দ্বিতীয় খণ্ডের সূচনায় ভিল্‌হেল্মকে দেখা যাচ্ছে নিরতিশয় শোকগস্ত, শেষে সে রোগশয্যাশায়ী হলো। তার বন্ধু ভের্নার মারিয়ানার অবিদ্যাত প্রকৃতির কথা তুলে' ভিল্‌হেল্মকে স্পর্শে আনতে চেষ্টা করলে, কিন্তু সব ব্যর্থ। রোগভোগের পরে একদিন ভিল্‌হেল্ম তার সমস্ত বাল্য-রচনা ভস্মীভূত করলে ও সংকল্প করলে অভিনেতার জীবন সে কখনো গ্রহণ করবে না। তার এমন চিত্তবিক্ষোভ লক্ষ্য ক'রে তার এই সাংসারিক-বুদ্ধিসম্পন্ন বন্ধু হতভম্ব হলো।

ভিল্‌হেল্ম তার পিতার ব্যবসায় মনোনিবেশ করলে। বহুজন্মের কাছে টাকা বাকি পড়েছিল, সেসব আদায় করতে সে এক সময়ে বেরিয়ে পড়লো। এই সূত্রে বহু স্থান পরিদর্শন ক'রে যথেষ্ট অর্থ সঙ্গে নিয়ে একদিন সে উপস্থিত হলো এক সরাইখানায়—সেখানে এক সার্কাস-পার্টী আড্ডা গেড়েছে। সেই সরাইয়ের অদূরে আর এক সরাইয়ে ফিলিনা ও লেয়ার্টেস বাস করছিল, তারা এক থিয়েটারের দলের

ভগ্নাবশেষ—নতুন কাজের সন্ধানে রয়েছে ও হাতে যা আছে খরচ করে' চলেছে। তাদের সঙ্গে ভিল্‌হেল্মের পরিচয় হলো। সার্কাল-পার্টিতে মিগ্নন নামে একটি বালিকা ছিল। তার অবাধ্যতার জন্তে সার্কালের ম্যানেজার তাকে খুব শাস্তি দেয়। তার হাত থেকে ভিল্‌হেল্ম এই বালিকাকে উদ্ধার করে কিছু অর্থব্যয় করে'। মিগ্নন অতি মিতভাবিনী—ভাঙা ভাঙা জার্মানে দুই একটি কথা বলে। ভিল্‌হেল্মকে সে প্রভু বলে' জেনেছে, তার সন্তোষ-সাধনের জন্ত সে একান্ত চেষ্টিত হলো। একদিন একখানি কার্পেটের উপরে কয়েকটি ডিম সাজিয়ে চোখ বঁধে সে এমন দক্ষতার সঙ্গে নাচল যে একটি ডিমও স্থানভ্রষ্ট হলো না। তার এই কৃতিত্বে ভিল্‌হেল্ম খুশী হলো। অভিনেতা লেয়ার্টেস ও অভিনেত্রী ফিলিনার সঙ্গে তার দৃঢ়তা হলো। ফিলিনার বালক-ভৃত্য ক্রীডরিখও তার মনোযোগ আকর্ষণ করলে তার অদ্ভুত জীবন দ্বারা—সে মনে মনে ফিলিনার অনুরাগী হয়ে উঠছিল আর সেজন্তে অতের সঙ্গে ফিলিনার সম্পর্ক প্রীতির চক্ষে দেখছিল না। ফিলিনা শিল্পীর এক অপূর্ব সৃষ্টি। তার রূপ-যৌবন, চঞ্চলতা, অবিখ্যস্ততা ও অকৃত্রিমতা তাকে এক অদ্ভুত ব্যক্তিত্ব দান করেছে। নারীরা কেউই তাকে দেখতে পারে না, পুরুষরা যেমন তার দ্বারা আকৃষ্ট হয় তেমনি তাকে আয়ত্ত করতে না পেরে চটেও যায়। কিন্তু তার বহু অপরাধ সত্ত্বেও তার উপরে পুরোপুরি রাগ করা যেন কারো পক্ষেই সম্ভবপর নয়। এমন প্রাণবন্ততা আর ঋজুতা তার মধ্যে রয়েছে যার জন্ত সমস্ত অসঙ্গত আচরণ সত্ত্বেও সে সুন্দর। এক সময়ে ভিল্‌হেল্ম তার প্রতি আকর্ষণ অনুভব করলে, কিন্তু অচিরেই ক্রুদ্ধ হলো তাকে আয়ত্তের মধ্যে না পেয়ে। অবশ্য তার এই ক্রোধ দীর্ঘস্থায়ী হলো না। লেয়ার্টেস কর্মদক্ষ কিন্তু নারী-বিদ্বেষী, তার নববধূর অবিখ্যস্ততা তার এমন মনোভাবের মূলে। এদের সঙ্গে থানাপিনায় ও ভ্রমণে ভিল্‌হেল্ম-এর দিন আনন্দেই কাটতে লাগলো। এক স্টীমার-ভ্রমণকালে এক ভদ্রলোকের সঙ্গে ভিল্‌হেল্মের দেখা হলো। কথায় কথায় সে বলল :

বাল্য সঙ্গ ও শিক্ষার কুফল পুরোপুরি কাটিয়ে ওঠা প্রতিভার পক্ষেও সম্ভবপর নয়।

কথাটা ভিল্‌হেল্মের মনে দাগ কাটলো। এই সময়ে একদিন সে জানলে মারিয়ানার এখন সম্ভানসম্ভাবনা, সে থিয়েটারের দল ছেড়ে কোথায় চলে গেছে; জেনে মারিয়ানার চিন্তা নতুন ক'রে তার অন্তরে প্রবল হলো। অল্পকিছুকাল পরে এক অদ্ভুত বুড়ো সারেঞ্জী (Harper) এখানে এসে জুটলো। ভিল্‌হেল্ম তার গভীর ভাবপূর্ণ গানে একান্ত মুগ্ধ হলো। তার একটি বিখ্যাত গান এই :

কুটির সঙ্গে যার না মিশেছে চোখের জল,  
রাতের আঁধার যে না কান্নায় ভোর করেছে

একলা বিছানায়,

সে জানেনা তোমাদের ওগো স্বর্গের দেবকুল !

তোমাদের শক্তিতে মাহুয পেয়েছে জীবন,

কিন্তু ছেড়ে দিয়েছ হতভাগাদের অপরাধের পথে,

তারপর দাঁও তাদের তীত্র অহুশোচনা,—

অপরাধের প্রায়শ্চিত্ত করতে হয় মাহুযকেই ।

মিগননও মাঝে মাঝে মধুর গান করতো । ‘ইভালি-প্রবাস’ অধ্যায়ে তার যে গানের কথা বলা হয়েছে তার প্রথম কলি এই :

জানো কি বন্ধু, সে-দেশের কথা যেখানে জন্মে অন্ন-আপেল,

ঘন পাতার মধ্যে ফলে সোনালি নারঙ্গী ?

গস্ত্রীর নীলাকাশ থেকে আসে মুহুমন্দ হাওয়া,

ঘনপত্র ‘মার্টল্’ আর উচু ‘লরেল’ জন্মে যে দেশে !

জান কি তবে সে দেশের কথা—আছে সে দেশ আছে সে দেশ,

ওগো পরাণ-বন্ধু, যেতে হবে তোমাকে আমার সঙ্গে সেই দেশে !

মেলিনা ও তার স্ত্রী এখানে এসে জুটেছে । মেলিনার অহুনের তার থিয়েটারের দল গঠনের জন্তু ভিল্‌হেল্ম্ অনিচ্ছাসত্ত্বেও তাকে কিছু টাকা কর্জ দিলে । তারপর এই স্থান ত্যাগ করে’ বাবার জন্তু সে প্রস্তুত হলো । কিন্তু তার প্রভু তাকে ত্যাগ করে’ চলে যাচ্ছে এই ভেবে মিগনন এত বিহ্বল হয়ে পড়লো যে ভিল্‌হেল্ম্ তার সংকর ত্যাগ করলে ।

তৃতীয় খণ্ডে মেলিনার নতুন থিয়েটারের দল আমন্ত্রিত হয়েছে স্থানীয় এক ‘কাউন্টের’ ভবনে । তার গৃহে এদের তেমন সমাদরই জুটেছে এই শ্রেণীর ভদ্রলোকদের বা জুটে থাকে । ভিল্‌হেল্ম্ও এদের সঙ্গে কাউন্টের বাড়ীতে উপস্থিত হয়েছে । তার সাহিত্যিক কৃতি ও প্রতিভার দ্বারা অচিরেই সে কাউন্ট-পরিবারের প্রীতি আকর্ষণ করলে । ফিলিনা ও লেয়ার্টেস এই দলে ছিল । ফিলিনা তার চাঞ্চল্য ত্যাগ করে’ কাউন্ট-পত্নীর একান্ত অমুগত হয়ে তার স্নেহ লাভ করলে । কাউন্ট-পত্নীর অপূর্ব সৌন্দর্যে ভিল্‌হেল্ম্ মুগ্ধ হলো । এই পরিবারে জার্গো নামক এক তীক্ষ্ণবুদ্ধি কিন্তু দুঃখ ব্যক্তি ছিল । এই থিয়েটারের দল, মিগনন, সারেকী প্রভৃতির সঙ্গে ভিল্‌হেল্মের সংস্রবের জন্তু সে তার তীত্র নিন্দা করলে । এর কাছেই ভিল্‌হেল্ম্ শেক্সপীয়রের নাটকের গুণবস্তুর সংবাদ পেলে ও অচিরে শেক্সপীয়রের একান্ত ভক্ত হয়ে পড়লো । কাউন্ট-পত্নীর মনেও ভিল্‌হেল্মের প্রতি আনুকূল্য জাগলো । তাদের মিলন ঘটাবার জন্তু কাউন্ট-পত্নীর বান্ধবী ব্যারণ-পত্নী চেষ্টিত হলো—সে একনিষ্ঠা ছিল না—কিন্তু

সফলকাম হলো না। একদিন কাউন্টের যুদ্ধবাত্রা কালে কাউন্ট-পত্নী তার রত্নালঙ্কার পরিধান করলে। তার বর্গীয় সৌন্দর্য দর্শনে ভিল্‌হেল্ম্‌ যেন বিহ্বল হয়ে পড়লো। সাজ-সজ্জার বারা নিন্দা করে তাদের মৃত্যুতা সন্ধ্যাে সে নিঃশব্দেই হলো ; তার মনে জাগলো :

মিনার্ডা যেমন পূর্ণ যুদ্ধলজ্জা নিয়ে জুপিটারের মস্তক থেকে উদ্ধৃত হয়েছিল  
 তেমনি এই সালঙ্কারা দেবী যেন লবুপদে পুষ্প থেকে নির্গত হয়েছে।

ভিল্‌হেল্ম্‌ সেদিনও কাউন্ট-পত্নীর সভায় কিছু পাঠ করে' শোনালে। ভাবাবেগের আভিযাে তার পাঠ তেমন স্মন্দর হলো না, তবু কাউন্ট-পত্নী তার পাঠের প্রশংসা করলে ও তাকে উপহার দিল তার নিজের একটি আংটি। ফিলিনার নির্দেশ মতো ভাবে-দিশাহারা ভিল্‌হেল্ম্‌ নতজ্ঞান হয়ে কাউন্ট-পত্নীর হস্ত চূষন করে' তার কৃতজ্ঞতা জানালে। শেষে সভাগৃহে কাউন্ট-পত্নী ও ভিল্‌হেল্ম্‌ ভিন্ন আর কেউ ছিল না। তারা যে কেমন করে' পরস্পরের আলিঙ্গনবদ্ধ হলো, পরস্পরকে চূষন করলে, তা তারা নিজেরাও বুঝতে পারলে না। হঠাৎ কাউন্ট-পত্নী নিজেকে নিজস্ব করে' অন্তরের আবেগ সামলে নিয়ে পরম করুণ কণ্ঠে ভিল্‌হেল্ম্‌কে বললে : এখনই চলে যাও যদি আমাকে ভালবাস।

চতুর্থ খণ্ডে এই থিয়েটারের দল শহরের দিকে রওনা হয়েছে, ভিল্‌হেল্ম্‌ও তাদের সঙ্গে। কাউন্ট তাকে কিছু অর্থ দিয়েছে। প্রথমে ভিল্‌হেল্ম্‌ এই অর্থ গ্রহণ করতে ঘোর আপত্তি করে, তার যুক্তি, অর্থ গ্রহণ করলে সব সন্ধ্যা চুকে যায়, সে বরং এই সম্মানিত ব্যক্তিদের অন্তরে স্থান পেতে চায়। কিন্তু কাউন্ট অসম্মত হ'বে ভেবে শেষ পর্যন্ত সে অর্থ গ্রহণ করে আর গ্রহণ করে' আনন্দিত হয় তার প্রকৃতিদত্ত শক্তির এই স্বীকৃতি দেখে। পথে এই থিয়েটারের দল কাউন্ট ও তার সাজোপাঙ্গদের নানাভাবে ব্যঙ্গ-বিদ্রূপ করতে আরম্ভ করে। ভিল্‌হেল্ম্‌ তাতে অসন্তোষ প্রকাশ করে ও মন্তব্য করে : বড়লোকেরা ধনে ও পোষাকে-পরিচ্ছদে অভ্যস্ত, অপরকেও তারা সেই-সেই অভ্যস্ত দেখতে ভালবাসে ; পদমর্যাদা, ধন ও পোষাক-পরিচ্ছদের সেজ্জা তাদের কাছে বেশী মূল্য মানুষ্যের প্রকৃতিগত গুণপনার চাইতে, অন্তরের সম্পদের প্রাচুর্যের যে আনন্দ—যেমন প্রাণঢালা বজ্রহের আমন্দ—সেটি দরিদ্রদের জ্ঞাতই।—অবসর সময়েও শিল্পীদের শিল্পসাধনায় একান্ত মনোযোগী হওয়া উচিত, তাদের এমন দক্ষ হওয়া চাই যেমন দক্ষ তারের উপরে বারী বাজি করে তার', ভিল্‌হেল্মের এই কথায় সবাই অভিনয়ে উৎকর্ষ লাভ করতে চেষ্টিত হলো। একদিন ভিল্‌হেল্ম্‌ হ্যামলেট সন্ধ্যাে এক বক্তৃতা দিলে, তার মর্ম এই : হ্যামলেট নাটকটি পুরোপুরি বোঝা নানা কারণে দুষ্কর ; তবে এটি বোঝা যায় যদি হ্যামলেটের পূর্বজীবনের কথা ভাবা যায় ; সেই জীবনে সে রাজপুত্র, ভবিষ্যৎ রাজা, অকপট, স্নেহপ্রবণ—অর্থাৎ

সহজভাবে মহৎ ; তার জীবনের এই পটভূমিকা স্ররণে রাখলে বোঝা যায় মানুষের অশোভন আচরণ, অপরাধ-প্রবণতা, এসব তাকে কেন এত অস্থির করে' তোলে। (এই হ্যামলেট-সমালোচনা অনেকের মতে বহুমূল্য)। যে পথ দিয়ে তারা অগ্রসর হচ্ছিল সে পথে দস্যুভয় ছিল। কিন্তু ভিল্‌হেল্মের উৎসাহে সবাই সেই পথেই অগ্রসর হয়। হঠাৎ বাস্তবিকই তারা ডাকাতদের হাতে পড়ে—ভিল্‌হেল্ম ও লেয়ার্টেন আহত হয়। ভিল্‌হেল্ম আহত হয় গুরুতরভাবে, তাকে রক্ষা করতে গিয়ে মিগুননও আহত হয়। এই বিপদ থেকে তারা উদ্ধার পায় হঠাৎ-এসে-পড়া এক বীরদলার ও তার পার্শ্বচরদের যত্নে। তার পরিচয় তারা পায় না, কিন্তু তার পরিচয় পাবার জন্য ভিল্‌হেল্ম ব্যাকুল হয়। ফিলিনার আন্তরিক সেবায় ভিল্‌হেল্ম ধীরে ধীরে সুস্থ হয়ে ওঠে, যদিও ফিলিনার সান্নিধ্যে সে তেমন আনন্দলাভ করছিল না। ভিল্‌হেল্মের অনিচ্ছাসত্ত্বেও দীর্ঘদিন তার সেবা করে', ভালবেসে, বিরক্ত করে' একদিন ফিলিনা অন্তর্হিত হয়ে যায়। এই দলবলসহ ভিল্‌হেল্ম শেষে উপস্থিত হয় তার পূর্বপরিচিত থিয়েটারওয়াল। সেলোর কাছে। সেলোর ভগিনী সুগ্রসিন্ধা অভিনেত্রী আউরেলিয়ার সঙ্গে তার পরিচয় হয়। আউরেলিয়া তার জীবনের কাহিনী তাকে শোনায়। যার সঙ্গে আউরেলিয়ার বিবাহ হয়েছিল তার সঙ্গে তার অসঙ্গতি ছিল না, খুব মিল বে ছিল তাও নয়। তার যত্নের পূর্বেই লোথারিও নামক এক যুবকের সঙ্গে তার পরিচয় হয়। লোথারিওর রুচি বুদ্ধি অকপটতা ও কর্মকুশলতা তার মনকে আকৃষ্ট করে। লোথারিও চলে যায়। তার অস্থিতিস্থিতিকালে তার প্রতি আউরেলিয়ার প্রেম দিন দিন তীব্র হতে তীব্রতর হয়ে চলেছে। এক প্রবল ভাবাবেগে তার দিন কাটছে। তার একটি কথা এই :

নারীর অন্তরাখ্যা যখন তার প্রেমিককে নিবেদিত হয় তখন তার মতো স্বর্গীয় বস্তু আর কিছু নেই।

ভিল্‌হেল্মকে থিয়েটারে নামবার জন্য সেলো পীড়াপীড়ি করে। এদের কাছেও সে হ্যামলেট ব্যাখ্যা করে। ভিল্‌হেল্মের অন্তর্দৃষ্টি দেখে আউরেলিয়া পুলকিত হয় আর বিষয় প্রকাশ করে সংসার সম্বন্ধে তার অন্তত্ব দেখে' কেননা মেলিনার দলের মতো একটি অপদার্থ দলের সঙ্গে সে নিজেকে যুক্ত করেছে। ভিল্‌হেল্ম বলে, ছেলেবেলা থেকে অন্তর্দৃষ্টি লাভের চেষ্টাই সে করেছে, ফলে মানুষকে সে কিছু জানে কিন্তু মানুষদের জানে না আদৌ। তাতে আউরেলিয়া বলে :

সেটি ক্ষোভের বিষয় নয় ; বুদ্ধি বিচার আয়ত্ত করা যায় কিন্তু অন্তরের পূর্ণতা বাইরে থেকে পাওয়া যায় না ; শিল্পীর দীর্ঘদিন পর্যন্ত প্রাথমিক দৃষ্টি না হলেও চলে কিন্তু ফুলের কুঁড়ির উপরকার আবরণের মতো তার মোহন স্বপ্ন যদি অকালে ভেঙে যায় তবে সেটি বড় দুঃখের কথা।

পঞ্চম খণ্ডে ভিল্‌হেল্ম পাচ্ছে তার পিতার মৃত্যু-সংবাদ। তার বন্ধু ভের্ণের

এ সম্বন্ধে এক দীর্ঘ পত্র লিখেছে, তার পত্রে ব্যক্ত হয়েছে আর্থিক উন্নতি লাভের জন্য তার ব্যগ্রতা। কিন্তু ভিল্‌হেল্ম তাকে লিখলে : সে তার জীবনের লক্ষ্য ঠিক করে' ফেলেছে ; ধনী হওয়া তার কাম্য নয় সে চায় চিত্তোৎকর্ষ লাভ করতে ; জার্মানীতে মধ্যবিত্ত শ্রেণীর বা অবস্থা ভাঙে কোনো কোনো বিষয়ে কৃতী হতেই তারা পারে, প্রকর্ষবান হওয়া তাদের আয়ত্তের বাইরে ; কিন্তু সে শুধু কৃতী হতে চায় না স্তম্ভর হতে চায় পরিপূর্ণ আত্মোৎকর্ষ লাভ করে'—জনস্বত্রে বা থেকে সে বঞ্চিত হয়েছে ; এই পথেই সে অগ্রসর হয়ে চলেছে ও এর মধ্যেই কিছু সাফল্য অর্জন করেছে, স্বাভাবিক মহিমা-সম্বিত্ত অভিজাত-সমাজে এখন সে অনেকটা সহজ ভাবে মেলামেশা করতে পারে ; সাহিত্য ও রঙ্গমঞ্চের সাহায্যে সে জাতিব উপরে তার কল্যাণ ও সৌন্দর্য সাধনার প্রভাব বিস্তার করবে।—এর পরে ভিল্‌হেল্ম সেলোর থিয়েটারে যোগ দিলে। মিগনন এতে আত্মাশে ইচ্ছিতে প্রবল আপত্তি জামায়। বুড়ো সারেক্সীও এসে বল্লেন : সে ভাগ্যভাঙিত, তার এখন থেকে চলে যেতে হবে। ভিল্‌হেল্ম এসবে মন দিল না। হ্যামলেট নাটকে সে হ্যামলেটের ভূমিকা গ্রহণ করলে আউরেলিয়া গ্রহণ করলে ওফেলিয়ার ভূমিকা। তাদের হ্যামলেট-অভিনয় আশাতীত ভাবে সাফল্যমণ্ডিত হলো। কিন্তু হঠাৎ তাদের গৃহে আগুন লাগলো আর বুড়ো সারেক্সী সেদিন ফেলিক্স নামক একটি ছোট ছেলেকে বলি দিতে চেষ্টা করলে। এই ফেলিক্স আউরেলিয়ার পুত্র, ভিল্‌হেল্ম তার লালন-পালনের ভার নিয়েছিল আউরেলিয়ার অসুস্থতার জন্তে। সবাই বুঝলো বুড়ো সারেক্সীর মস্তকবিকৃতি ঘটেছে, তাকে এক ডাক্তারের চিকিৎসায় রাখা হলো। সেইদিন রাতে ভিল্‌হেল্ম হ্যামলেটের পিতার প্রেতাত্মার মুখোশ তার ঘরে দেখতে পেলে তার উপর লেখা ছিল : হে যুবক পালাও ! ব্যাপারটা ভিল্‌হেল্মের মনে হলো অদ্ভুত। এর পরে তারা অন্ত্যান্ত নাটক অভিনয় করলে। লেসিও এর এক নাটকের এক ব্যর্থ প্রেমিকার ভূমিকায় আউরেলিয়া এতখানি আন্তরিকতার সঙ্গে অভিনয় করলে যে শ্রোতার আনন্দে বিশ্বাসে অভিভূত হলো। কিন্তু তার ভাই সেলো জুঁক হলো প্রকারান্তরে তার নিজের জীবন-রহস্য এতখানি ব্যক্ত করায়। আউরেলিয়াও বিষম জুঁক হলো এবং সেই রাতে এমন ঠাণ্ডা লাগলে যে অচিরেই মৃত্যু-শব্দ শ্রবণ করলে। এক ডাক্তার তার অবস্থার কথা জেনে তাকে ভিল্‌হেল্মকে দিয়ে পড়ে শোনাতে "এক স্তম্ভর-আত্মার আত্মকাহিনী"। সেই বিবৃতি শুনে আউরেলিয়ার মন কিছু শান্ত হলো। মৃত্যুর পূর্বে সে ভিল্‌হেল্মকে তার দেয় তার এই ব্যর্থ প্রেমের বার্তা তার নিষ্ঠুর প্রেমিকের কাছে বহন করতে। সেলোর থিয়েটারে পরিবর্তন দেখা দিয়েছিল। মেলিনা ভিল্‌হেল্মের প্রভাব সহ করতে পারছিল না, সে চাচ্ছিল থিয়েটারকে অপেরায় পরিণত করতে। আউরেলিয়ার মৃত্যুর পরেই ভিল্‌হেল্ম তার দৌত্যে অগ্রসর হলো।



বঠ খণ্ডে সেই “সুন্দর-আত্মা আত্মকাহিনী”। কুমারী কম ক্লেটেনবের্গের কথা যে এতে বলা হয়েছে তা আমরা জানি। এই ‘সুন্দর-আত্মা’ এক সম্ভ্রান্ত পরিবারের কথা। ছেলেবেলায় সে স্বাস্থ্যবতী ছিল কিন্তু আট বৎসর বয়সে খুব অসুস্থ হয়। রোগশয্যা পুড়ুল নাড়াচাড়া করে’ সে আনন্দ লাভ করতে চেষ্টা করতো। তার মা তাকে শোনাতো বাইবেলের গল্প, পিতা তাকে দিত তার সংগৃহীত বিচিত্র দ্রব্য—হাড়, শুকনো গাছ, শুকনো পোকা, শুকনো চামড়া ইত্যাদি। কখনো কখনো শিকার-করা পাখী তাকে দেখতে দিত। তার এক মাসী তাকে শোনাতো রূপকথার রাজপুত্রের গল্প। এ সবই বালিকার মনের উপর অল্প বিস্তার প্রভাব বিস্তার করতো। এক অজ্ঞাত শক্তির ধারণা বালিকার মনে আসে, তার উদ্দেশ্যে সে কবিতা রচনা করে। মাসী তাকে বলেছিল যে-মেঘশাবকের গল্প সে ছিল ছদ্মবেশী রাজকুমার, ছদ্মবেশ ত্যাগ করে’ একদিন সে রাজকুমারীর বর হলো—বালিকার মনেও চলতো তেমন মেঘশাবকের কামনা।

তেমন মেঘশাবক তার জুটলো : রোগভোগের পরে তার পরিচয় হলো দুটি কিশোরের সঙ্গে ; তাদের সঙ্গে তার খুব ভাব হলো। তাদের বড়টির সঙ্গেই শেষে তার বেশী ভাব হলো আর ছোটটি তাতে খুব ঈর্ষান্বিত হলো। এই বালিকার ফরাসী শিক্ষক বালিকাকে তার বন্ধুদের সম্বন্ধে সাবধান করে, বলে, এমন বন্ধুত্ব শেষ পর্যন্ত হয় বিপজ্জনক কারণ মেয়েরা খুব দুর্বল। তার কথা বালিকা বিশ্বাস করে না ; কিন্তু তার মনের দৃঢ়তা বালিকাকে স্পর্শ করে। বালিকা উত্তর দেয় : ভগবানের কাছে সে প্রার্থনা করবে যেন সব বিপদ থেকে তিনি তাকে রক্ষা করেন। তেমন না ভেবে-চিন্তেই সুন্দর-আত্মা এই কথা বলে কেননা ঈশ্বরের চিন্তা তখনো তার মনে প্রবেশ হয়নি। এই দুই কিশোর মারা যায়। সেদিনে জার্মানীর ভদ্রসমাজের তরুণরা সাধারণত ছিল ভ্রষ্টচরিত্র, এদের সম্বন্ধেও ফরাসী শিক্ষক বালিকাকে সাবধান করে। বালিকা এদের সংস্রব এড়িয়ে চলে, এমনকি এদের ব্যবহৃত দ্রব্যাদিও ব্যবহার করতে কুণ্ঠিত হতো। এর পর বালিকার পরিচয় হয় নার্সিস নামক এক যুবকের সঙ্গে। তার সঙ্গে তার বিবাহের কথা স্থির হয়। কিন্তু নার্সিস তাকে যতখানি নিকটে পেতে চায় তাতে বালিকা সন্মত হয় না—তার ফরাসী শিক্ষকের সতর্ক-বাণী সে ভুলতে পারে নি। এতে নার্সিস খুশী হয় না। কথা ছিল নার্সিসের চাকরি হলেই তাদের বিবাহ হবে। একটি চাকরি খালি হলো। বালিকা ভগবানের কাছে খুব প্রার্থনা করলে যেন চাকরিটি নার্সিস পায়। কিন্তু চাকরিটি পেল নার্সিসের চাইতে মিকুইত্তর এক ব্যক্তি। সুন্দর-আত্মা মর্মান্বিত হলো। কিন্তু শেষ পর্যন্ত তার ধারণা হলো বা হয় সব ভগবানের বিধানে। ভগবানের পরে এই নির্ভরতায় সে বল পেল, আনন্দ পেল। এই থেকে সে ভাবতে লাগল কেন এমন নির্ভরতা নষ্ট হয়। সে বুঝলো

সামাজিক জীবনে তুচ্ছ আঘাত-প্রমোদের আকর্ষণই এর মূলে। সে নাচ ও খেলায় বোগ দেওয়া বন্ধ করলে। ধীরে ধীরে সে তার নৃতন সংকল্প দৃঢ় করলে। আর নার্সিস ও তার মধ্যে দূরত্ব বেড়ে চললো—যদিও নার্সিসের প্রতি তার নিজের ভালবাসা শিথিল হয় নি। কিন্তু শেষ পর্যন্ত সে নার্সিসকে ত্যাগ করেও তার নিজেরপথে অবিচলিত রইল। তার এমন আচরণে তাদের পরিবারের সবাই বিস্মিত ও হুঃখিত হলো, কিন্তু তার পিতা শেষ পর্যন্ত তার স্বাভিজ্ঞা মাত্র করলে। ধীরে ধীরে সুন্দর-আত্মার ঈশ্বর-বোধ ঘনীভূত হলো, সে অনুভব করতে লাগলো ঈশ্বরের সান্নিধ্য—ঈশ্বর যেন সব সময়ে তার সামনে, তিনি তার অদৃশ্য বন্ধু। কিন্তু শাস্ত্রোক্ত বিধি-বিধানের দিকে তার প্রবণতা হলো না, পাপ-চিন্তা পরলোক-চিন্তা এসব তাকে স্পর্শ করলো না। তার মনে হলো যারা ঈশ্বর-বোধ-বর্জিত তারা পরলোকে শাস্তি পাবে কিনা তার চাইতে অনেক বড় কথা এই যে এই অভাবের জন্ত জীবনে তারা মহা হুঃখী, নরকের শাস্তি তার চাইতে আর বেশী কি হবে।

দীর্ঘদিন এই চিন্তায় তার কাটল। তারপর তার পরিচয় হলো ফিলো নামক একজন যুবকের সঙ্গে। তার সঙ্গে তার খুব ভাব হলো। ফিলো উন্নতপ্রকৃতির কিন্তু তার মনের ভিতরে চলেছে যেসব কামনার সংগ্রাম সে-সবই ধীরে ধীরে এই সুন্দর-আত্মার কাছে প্রকাশ পেলো। এ থেকে সুন্দর-আত্মা দেখলে তার নিজের নিম্পাপ অন্তরেও কামনা কেমন প্রচ্ছন্নভাবে রয়েছে এবং এখন কি প্রবল হতে চাচ্ছে। তার ভিত্তরকার এই কদর্ঘতায়ে সে স্তম্ভিত হলো। এই অসহায় অবস্থায় সে আকুল হয়ে ভগবানকে ডাকলে উদ্ধার পাবার জন্যে। এমনি প্রার্থনার সময় একদিন সে চমকিত হয়ে অনুভব করলে ভগবানে সত্যকার বিশ্বাস কি জোরালো ব্যাপার। এই জোরালো ভক্তি ও নির্ভরতার গুণে সে রক্ষা পেল।† এই ঈশ্বর নির্ভরতাই এখন থেকে হলো তার জীবনের অবলম্বন। এরপর তার পরিচয় হলো হের্ণহট সন্তোদায়ের সঙ্গে।

এই সুন্দর আত্মার এক বিপত্তীক ও নিঃসন্তান কাকা ছিল। সে সুবিজ্ঞ। সুন্দর আত্মার এই আদর্শনিষ্ঠার প্রতি সে আন্তরিক শ্রদ্ধা জ্ঞাপন করে, বলে, এতে রূপ পেয়েছে সুন্দর-আত্মার অন্তর্নিহিত সৃষ্টিধর্ম যার সার্থকতা না হলে মানুষের জীবন ব্যর্থ হয়। সঙ্গে সঙ্গে সে বলে অত্র একটি চিন্তাধারার কথা যাতে চেষ্টা করা হয় মানুষের সর্ববিধ চেতনার সঙ্গে পরিচয় লাভের ও তার সমস্ত শক্তির মধ্যে সামঞ্জস্য বিধানের। সুন্দর-আত্মার ছোট বোনকে তার এই কাকা বিবাহ দেয় ও তার ও তার স্বামীর অকাল মৃত্যুর পরে তাদের ছেলেমেয়েদের সুশিক্ষার ব্যবস্থা করে। কিন্তু এই কাজে সুন্দর আত্মার সাহায্য সে পরিহার করে' চলে; সুন্দর-আত্মা বুঝতে পারে

† 'কৈশোর' থেকে 'অগ্রহস্তা' অব্যাহত উষ্টব্য।

ছোট ছেলেমেয়েদের শিক্ষার স্বীকৃতি-চিন্তা ও আত্ম-অনুসন্ধান তার কাকা স্থান দিতে চায় না, সে চায় বা সহজ ভাবে মানুষের চারপাশে রয়েছে ও তার জীবনের সঙ্গে সম্বন্ধ সে-সবের সঙ্গে ছোট ছোট ছেলেমেয়েদের পরিচয়। সমস্ত রকমের ভাবাবেশ যে শ্রেষ্ঠ নৈতিক উৎকর্ষের পথে বাধা এর ইচ্ছিতও সে সুন্দর-আত্মাকে দেয়। সুন্দর-আত্মা অবশ্য নিজের আদর্শকে যথেষ্ট কার্যকর জ্ঞান করে; আর তার ধারণা হয় কেউই প্রকৃতপক্ষে পরমতসহিষ্ণু নয়, কাজের বেলায় সবাই-ভিন্নমতাবলম্বীকে পরিহার করে' চলে। সুন্দর-আত্মা তার আত্মাশ্রয়ীক শেখ করেছে এই বলে' :

ধর্মের কোনো আদর্শের দ্বারা আমি পরিচালিত হয়েছি মনে পড়ে না, কোনো কিছুই অনুশাসন রূপে আমার সামনে দেখা দেয় নি; আমাকে চালিত করেছে এক প্রেরণা, আর সব সময়ে ঠিক পথে। আমি সহজ-ভাবেই অনুসরণ করি আমার অন্তরের প্রবণতা—যেমন বাইরের বন্ধন তেমনি অনুতাপ আমার অজ্ঞাত। ভগবানেরই প্রশংসা—তিনি জানেন আমার অন্তরের এই আনন্দের জন্ম আমি কার কাছে খণী, আর এর জন্ম আমি চিরকৃতজ্ঞ। আমার নিজের কি সাধ্য সে-সম্বন্ধে আমার কোনো অহঙ্কার নেই, ভালভাবেই আমি জানি প্রত্যেক মানুষের অন্তরে কত বড় দানবের জন্ম ও লালম হতে পারে যদি উচ্চতর প্রভাব আমাদের জীবন নিয়ন্ত্রিত না করতো।

সপ্তম খণ্ডে ভিলহেল্ম লোথারিওর বাড়ী খুঁজে পেয়েছে। তার বাড়ী এক পার্বত্য অঞ্চলে; এক পুরোনো বাড়ীর সঙ্গে পরে পরে যুক্ত হয়েছে নানা কোঠা; গৃহস্থামীর দৃষ্টি যে সৌন্দর্যের দিকে তেমন নয় যেমন প্রয়োজনের দিকে তা বোঝা যায়। দীর্ঘক্ষণ অপেক্ষা করে' লোথারিওর সঙ্গে তার দেখা হলো। সে আউরেলিয়া'র পত্র তাকে দিলে। তাকে যেসব কড়া কথা শোনাতে বলে ঠিক করে' রেখেছিল তা আর বলা হলো না, লোথারিও তাড়াতাড়ি বেরিয়ে গেল, বলে গেল এর পরে এ বিষয়ে কথা হবে। কিছুক্ষণ পরেই এক তরুণীর আকুল কান্নায় বাড়ী সরগরম হয়ে উঠলো। এই বাড়ীতে ছিল আমাদের পূর্বপরিচিত জার্ণো আর একজন পুরোহিত। তারা তরুণীকে শাস্ত করতে চেষ্টা করলে। তরুণীর নাম লিডিয়া—লোথারিওর প্রেমা-কাজ্মিনী। লোথারিও গেছে এক ঘৈরথ যুদ্ধে, সেজন্ত তার এই আকুলতা। শীগগিরই লোথারিও ফিরলো সাংঘাতিকভাবে আহত হয়ে। এই ঘৈরথ যুদ্ধের মূলে ছিল এক মহিলার ক্ষোভ; সে লোথারিওর সুপরিচিত, কিন্তু কালে কালে তার ধারণা হয় লোথারিও তার পাশ কাটিয়ে চলেছে; এতে সে নিজেকে খুব অপমানিত বোধ করে ও এর প্রতিবিধান করতে তার অনেক বন্ধুর শরণাপন্ন হয়; শেষে তার অবহেলিত স্বামীই তার সম্মান রাখবার জন্ত লোথারিওকে ঘৈরথ যুদ্ধে আহ্বান করে।

এই বশ্বে তারা দুজনেই গুরুতর রূপে আহত হয়েছে। অন্ন দিনের মধ্যেই ভিল্‌হেল্ম এখানকার একজন হয়ে পড়লো। অসুস্থ অবস্থায় লোথারিওকে কিছু কিছু পড়ে শোনাবার ভার সে নিলে। এই রোগশয্যায় লোথারিও একদিন ইচ্ছা জ্ঞাপন করলে তার সম্পত্তি সম্বন্ধে তার পরিকল্পিত বিধিব্যবস্থা সমাধা করে ফেলতে। জার্ণো বলে আরোগ্যলাভের পরে সেসব হবে। লোথারিও বলে : দীর্ঘ ভাবনা ত্যাগ করে যখন যা করবার তা করে ফেলাই সঙ্গত, শিক্ষিত সমাজের দোষ এই যে তারা ভাবের পেছনে ছোটো, উপস্থিত ক্ষেত্রে ও উপস্থিত কালে (Here and Now) কি করতে হবে সেদিকে তাদের দৃষ্টি নেই, বিচার বিবেচনা এসবের প্রভাবও তাদের জীবনে কম। লোথারিও তার ভগিনীপতি কাউণ্টের দৃষ্টান্তের উল্লেখ করলে—সে তার সমস্ত সম্পত্তি দান করতে যাচ্ছে হের্‌ল্ট সম্প্রদায়ের পারলৌকিক কল্যাণের আশায়। জার্ণোর মুখে ভিল্‌হেল্ম শুনলে এ হচ্ছে সেই কাউন্ট যার গৃহে মেলিনার দলসহ সে গিয়েছিল, এর পত্নী তার সুপরিচিতা। তার স্মরণ হলো এই কাউন্ট পত্নীর বান্ধবী ব্যারণ-পত্নী একদিন কাউন্টের অনুপস্থিতি কালে তাকে ডেকে নিয়ে কাউন্টের কামরায় বসিয়ে কাউন্টের পোষাক পরিয়ে দেয়—উদ্দেশ্য কাউন্ট-পত্নীর সঙ্গে চাতুরী খেলা। কিন্তু হঠাৎ এসে পড়ে কাউন্ট; কামরায় ঢুকে নিজের মতো আর একজনকে বসে' দেখে কাউন্ট কিছুক্ষণ গুরু হয়ে দাঁড়িয়ে থাকে ও তার পর ধীরে ধীরে বেরিয়ে যায়। তার পর থেকে মৃত্যু ও পরলোক-চিন্তা তাতে প্রবল হয়, তার ধারণা হয় সে তার প্রেতাত্মা দেখতে পেয়েছে। ভিল্‌হেল্ম জানতে পেলো কাউন্ট-পত্নীও স্বামীর সঙ্গে ধর্ম ও ত্যাগের জীবন গ্রহণ করেছে। এই পরিবারের এমন দুর্গতির সঙ্গে তার সংস্রব রয়েছে দেখে ভিল্‌হেল্ম গভীর মানসিক যাতনা ভোগ করলে, লোথারিওকে ভৎসনা করবার ইচ্ছা তার প্রশমিত হলো।—জার্ণোকে সে জানালে সে থিয়েটারের দল ছেড়ে দিয়েছে কেননা ওদের কিছু হবার আশা নেই। অভিনেতাদের প্রতি ভিল্‌হেল্মের এমন বিরূপতায় জার্ণো আমোদ বোধ করলে, বলে, অভিনেতাদের সম্বন্ধে তার যে অভিযোগ তা ব্যাপক ভাবে মানুষ সম্বন্ধেও খাটে, অভিনেতাদের দোষ সে বরং কমই দেখে কেননা তাদের কাজ হচ্ছে প্রদর্শন ও মনোরঞ্জন।—লোথারিওর চিকিৎসার ভার যে ডাক্তার নিয়েছিল তারই হাতে ছিল সারেকীর চিকিৎসার ভার। ভিল্‌হেল্ম জানলে সারেকীর অবস্থা অতি ধীরে উন্নতির দিকে যাচ্ছে মনে হচ্ছে; সেই সারেকীর কথা থেকে ডাক্তারের ধারণা হয়েছে তার মস্তিষ্কবিকৃতির মূলে পাপবোধ,—হয়ত বিবাহ-অযোগ্য। নিকট-আত্মীয়ের সঙ্গে সংস্রব। লোথারিওর দ্রুত আরোগ্য লাভের জন্য ডাক্তার লিডিয়াকে দূরে সরিয়ে দেবার প্রয়োজনের কথা বলে। জার্ণো তাকে কৌশলে সরিয়ে দিতে চায় মহীয়সী থেরেসার আশ্রয়ে। লিডিয়াকে ভুলিয়ে নিয়ে যাবার ভার পড়ে ভিল্‌হেল্মের পরে, লোথারিওর জীবনের মূল্যের কথা ভেবে ভিল্‌হেল্ম রাজি হয়; সে বলছে :

বন্ধুর অন্য জীবন বিপন্ন করতে হবে এই বখেই নয়, প্রয়োজন! হলে তার উপকারে নিজের মত্ত-বিশ্বাসও বলি দিতে হবে। আমাদের সব চাইতে প্রিয় বাসনা প্রিয় খেয়াল বন্ধুর উপকারে বলি না দিয়ে আমাদের উপায় নেই।

লিডিয়াকে নিয়ে যাবার ব্যাপদেশে থেরেসার সঙ্গে ভিলহেলমের পরিচয় হলো। থেরেসা যেমন ভীষণবুদ্ধি তেমনি চরিত্রবলসম্পন্ন, তার কর্মশক্তিও অসাধারণ। লোথারিওর লম্বন্ধে তাদের কথা হলো। ভিলহেলম লোথারিও, জার্গো ও গুরোহিতের উচ্ছ্বসিত প্রশংসা করলে, বলে, সমঝদারদের সঙ্গে আলাপ করার কি সুখ তা সে প্রথম অনুভব করেছে তাদের সাহচর্যে, তাদের সঙ্গে আলাপে স্পষ্ট হয়ে উঠেছে যা তার মনে ছিল অস্পষ্ট। থেরেসা যে শুধু নিজের সম্পত্তি দক্ষতার সঙ্গে পরিচালিত করে তাই নয়, আশেপাশের অনেকে বিষয়-সম্পত্তির ব্যাপারে তার উপদেশ-প্রার্থী হয়। লোথারিওর সঙ্গে তার বিবাহের কথা হয়েছিল কিন্তু শেষ পর্যন্ত হয় না; সে-কাহিনী ভিলহেলম তার মুখে পোনে। থেরেসার পিতা ছিল ধীর স্থির মাতা ছিল আমোদ ও আলাপপ্রিয়। দ্রৌ অপর্যায় ও খেয়ালীপনা তার পিতা নীরবে সহ করে। থেরেসা তার মাতার প্রকৃতি পায়নি, মাতা তার উপরে কোনোদিন সন্তুষ্ট ছিল না। শেষে তার মাতা দেশভ্রমণে বহির্গত হয়। পিতা পক্ষাঘাতগ্রস্ত হয় ও কিছুদিন পরে মারা যায়। থেরেসা একজন সম্পন্ন প্রতিবেশিনীর সাহায্য পায়। তার সামান্য আয় দিয়েই যত্ন করে সে নিজের অবস্থা সচ্ছল করে তোলে। লিডিয়া ও সে একই সময়ে লোথারিওর সঙ্গে পরিচিত হয়। লিডিয়া সুন্দরী—লাবণ্যবতী। থেরেসা বলছে : পুরুষের বুদ্ধি চায় কর্মকুশলাকে কিন্তু হৃদয় চায় লাবণ্যবতীকে। কিন্তু একদিন নারী লম্বন্ধে লোথারিওর উক্তি শুনে সে থুশী হয়, সে বলছিল :

...পুরুষ বাইরের জগতের সঙ্গে সংগ্রাম করে' চলেছে, সে-সংগ্রামে হারই হয় তার বেশী, জয় ও কতৃৎলাভ কদাচিৎ ঘটে। কিন্তু নারী এই ঝড়ঝঞ্ঝা থেকে লম্বন্ধে মুক্ত হয়ে পেয়েছে পারিবারিক জীবনে কতৃৎ। মানুষের সব চাইতে আনন্দ কিসে? যা সঙ্গত ও কল্যাণকর তার সাধনায়। সেই সুযোগ নারীর ভাগ্যে ঘটেছে; এই সুযোগ যে-নারী সভ্যতার ভাবে উপলব্ধি করে, তার স্বামীর অন্তরেও সে সঞ্চারিত করতে পারে এই জয় ও কতৃৎয়ের ভাব।...

থেরেসাকে বিয়ে করতেই লোথারিও ইচ্ছা জ্ঞাপন করে—বিবাহ ঠিক হয়। এমন সময়ে একদিন লোথারিওর চোখে পড়ে থেরেসার মায়ের ছবি; তার মা যখন স্নাইটবার-ল্যাণ্ডে তখন তার সঙ্গে লোথারিওর পরিচয় হয়—লোথারিওর প্রতি সে অকুণপ হয়েছিল। গভীর দুঃখে লোথারিও এই বিবাহ থেকে প্রতিনিবৃত্ত হয়। তারপর

সিডিয়া তাঁকে লাভ করতে ব্যাকুল হয়েছে।—থেরেসার সমৃদ্ধ গ্রন্থাগার ভিলহেল্ম দেখলে। ধর্ম-সাহিত্য সম্বন্ধে থেরেসা বলে :

আমি ত' বুঝতে পারি না মানুষ কেমন ক'রে বিশ্বাস করতে পেরেছে যে ভগবান পুঁথি ও গল্পের ভিতর দিয়ে তাদের সঙ্গে কথা বলেন ; বিশ্বজগৎ বার কাছে ব্যক্ত হয়নি সহজভাবে, এর সঙ্গে বার বোগ স্থাপিত হয়নি, যে নিজেকে বোঝে না কি কথা তার মনে খেলে, অপরের সঙ্গে তার কি সম্বন্ধ, সে যে বই থেকে কিছু শিখতে পারবে তা স্মদূরপরাহত, বই ত সাধারণত আমাদের ভুলের বর্ণনা।

থেরেসার ওখানে ক'দিন কাটিয়ে লোথারিওর গৃহে ফিরে' ভিলহেল্ম দেখলে লোথারিও অনেকটা সুস্থ হয়েছে। তার কিছু কিছু প্রণয়-কাহিনী সে সবাইকে বলে। তার প্রকৃতির সবলতায় ও ঋজুতায় ভিলহেল্ম একান্ত মুগ্ধ হলো, বুঝলে, লোথারিওর মতো ব্যক্তিবংশালী পুরুষের দিকে বহু নারীর আকৃষ্ট হওয়া কত স্বাভাবিক। এই প্রসঙ্গেই লোথারিও বলে : থেরেসার সঙ্গে বিয়ে হলেই সে সুখী হতো, কেননা থেরেসাতে সে পেতো জীবনসঙ্গিনী—সুখস্বর্গ নয় সুনিশ্চিত মর্ত্য-জীবন—সম্পদে শৃঙ্খলা, বিপদে বীর্ষ, তুচ্ছতমের জন্য যত্ন আর উচ্চতমের উপলব্ধি ও উদ্‌যাপনের বোগ্যতা। থেরেসার জন্ত সে আউরেলিয়াকে ত্যাগ করে সে কথাও সে বলে ; আউরেলিয়ার প্রতি তার বন্ধুভাবে সে যে পর্যাবসিত হতে দিয়েছিল প্রেমের ভাবে—যে-ভাবে ধারণ করবার বোগ্যতা আউরেলিয়ার ছিল না—এই ভুলের জন্য সে দুঃখ প্রকাশ করলে। আউরেলিয়ার পুত্রকে অর্থাৎ লোথারিও ও আউরেলিয়ার পুত্র ফেলিক্সকে এখন লোথারিওর গ্রহণ করা উচিত ভিলহেল্মের এই কথায় লোথারিও এই পিতৃত্ব অস্বীকার করে। জার্গের কাছে ভিলহেল্ম জানতে পারে ফেলিক্স আউরেলিয়ার পালিত পুত্র। এই প্রসঙ্গে জার্গো ভিলহেল্মকে রঙ্গ-মঞ্চ ত্যাগ করতে বলে কেননা অভিনয়ে তার সত্যকার প্রতিভা নেই। জার্গের এই মন্তব্যে ভিলহেল্ম স্তম্ভিত হয়, কিন্তু রাজি হয় জার্গের প্রতি প্রদ্বার প্রভাবে। সে ফিরে যায় ফেলিক্স ও মিগননকে আনতে,—উদ্দেশ্য, এদের থেরেসার তত্ত্বাবধানে রাখবে। কিন্তু গিয়ে দেখা পায় বৃদ্ধা বারবারার—তার মুখে মারিয়ানার মৃত্যু-সংবাদ শোনে। বারবারা বিস্তারিত ভাবে বলে কেমন করে' তার (বারবারার) প্ররোচনায় নোরবেগের সাহচর্য মারিয়ানা স্বীকার করে কিন্তু অল্প কিছু কাল পরেই ভিলহেল্মের সঙ্গে তার পরিচয় হয়, তারপর বারবারার শত চেষ্টায়ও সে ভিলহেল্মের প্রতি অবিবাসিনী হয়নি। ভিলহেল্ম অত্যন্ত ব্যথিত হয় কিন্তু বারবারার প্রকৃতি জেনে তার কথা পুরোপুরি বিশ্বাস করতে কুণ্ঠিতও হয়। এই স্বর্ণিত জীবনের জন্য সে বারবারাকে বিকার দেয় ; বারবারা উত্তর দেয় : ভক্তশ্রেণীর লোকেরা জানে না অভাব কি তাই সম্মান সত্যরক্ষা এসব কথা তারা বলতে পারে সহজে।—

ঠিক হয় ফেলিক্সকে ভিল্‌হেল্ম নিজের সঙ্গে রাখবে, মিগ্ননকে রাখবে থেরেসার কাছে। মিগ্নন রাজি হয় না, সে বরং তার প্রভুর সঙ্গেই থাকতে চায়, বলে, শিক্ষার তার দরকার নেই, আর তাকে যদি যেতেই হয়—তবে সে যেতে চায় সারেক্সার কাছে, ফেলিক্সকেও সে সঙ্গে চায়। শেষে ফেলিক্স ও মিগ্ননকে সঙ্গে নিয়ে বারবারা থেরেসার বাড়ীতে যায়। এখানকার থিয়েটারের দল ও শ্রোতারা ভিল্‌হেল্মের প্রতি সমাদর দেখায়, কিন্তু ভিল্‌হেল্ম বুঝতে পারে তাকে বাধ দিবে এখানে বেশ চলে যাচ্ছে, তার পুরাতন আশ্রয় ত্যাগ করার দিমই এসেছে। এই অবস্থায় সে ভাবলে ভের্ণেরকে সে লিখবে সে রক্ত-মক্ত ত্যাগ করেছে সে বরং চায় দশজনের সংসর্গ আর সুনিশ্চিত জীবন ধারণ। সে জানতে চাইলে তার সম্পত্তির বর্তমান অবস্থা। সে দেখলে আশ্চর্যকণ্ঠের দিকে দৃষ্টি রেখে তার সাংসারিক অবস্থার কথা কিছুই সে ভাবে নি—বারা আশ্চর্যকণ্ঠকে বেশী মূল্যবান জ্ঞান করে তাদের সবারই যে এই দশা হয় তা সে জানতো না। এই যে প্রথম বুঝলো এ ক্ষেত্রেও সচ্ছল অবস্থার একান্ত প্রয়োজন।—

লোথারিওর গৃহে ফিরে সে দেখলে কাকার মৃত্যুর পরে লোথারিও নতুন সম্পত্তি পেয়েছে ও আরো সম্পত্তি কিনতে যাচ্ছে, এ ব্যাপারে একজন দূরবর্তী ব্যবসায়ীর সঙ্গে তাদের কথাবার্তা চলছে। সেও কিছু সম্পত্তি কিনবার সংকল্প করলে।—একদিন জার্গো তাকে বলে, তাকে গোপন কিছু জানাবার প্রয়োজন হয়েছে। পরদিন সে এই বাড়ীর এক গোপন কক্ষে ভিল্‌হেল্মকে প্রবেশ করিয়ে দিলে। সেখানে এক অশরীরীর আদেশে উপাসনা-গৃহের মতো এক কক্ষে গিয়ে সে বসলো। সেখানে একজন এসে তাকে স্মরণ করিয়ে দিলে তার পিতামহের সংগৃহীত শিল্প-সামগ্রীর কথা, অর্থাৎ ভিল্‌হেল্মের শিল্প-প্রবণতার কথা; বলে, ভাগ্যের নির্দেশ আর আকস্মিকতা একই ব্যাপার। আর এক জন এসে বলে: ভুল থেকে রক্ষা করা গুরুত্ব কাজ নয়, তাঁর কাজ ভুলে রত শিল্পকে এগিয়ে নিয়ে যাওয়া; বরং তাঁর প্রকৃত বিজ্ঞতা শিল্পকে ভুলের মদিরা পূর্ণ মাত্রায় পান করতে দেওয়া; যে ভুলের অন্ন স্বাদ জানে তার দীর্ঘদিন মুগ্ধ হয়ে কাটে ভুলে, কিন্তু যে পুত্রো মাত্রায় ভুল করেছে তার মাথা ঠিক থাকলে সে শীগগিরই পথ পাবে। আর এক জন বলে—কাদের উপরে ভরসা করা যাবে তা বুঝতে শেখো।

ভিল্‌হেল্ম বিম্বিত হলো, ভাবলে তার এত হিতৈষী থাকতে তার জীবন আশাহীন ভাবে নিরস্ত্রিত হয় নি কেন;—কেন তাঁরা তাকে তুচ্ছতায় রত থাকতে দিয়েছেন! অশরীরী কণ্ঠে উত্তর এলো: আমাদের সঙ্গে তর্ক কণো না; তুমি উদ্ধার পেয়েছ, লক্ষ্যের পথে দাঁড়িয়েছ, যেসব ভুল-ভ্রান্তি তোমার হয়েছে তার জন্য অশুশোচনার প্রয়োজন নেই, সেসবের পুনরাবৃত্তি আর হবে না—এর চাইতে বড় ভাগ্য মাপুষ্যের আর হতে পারে না।—এর পর ভিল্‌হেল্ম বেন গুনলে তার পিতার কণ্ঠ, জীবনের পথে ভিল্‌হেল্মের অগ্রগতিতে তিনি আনন্দ প্রকাশ করলেন, বলেন, চড়াইয়ের পথে ঘুরে

ফিরে ভিন্ন ওঠা যায় না, সমতলে সোজা পথ সম্ভব। শেষে লোপারিওর গৃহের পুরোহিত ভিল্‌হেল্মকে এক লিপি পড়তে দিলে—গ্যোটের উক্তি হিসাবে এটি প্রসিদ্ধ :

শিল্পের পথ দীর্ঘ, আয়ু স্বল্প ; সিদ্ধান্ত সূকঠিন, সুবোগ ক্ষণস্থায়ী। কাজ করা সহজ, চিন্তা করা কষ্টসাধ্য ; চিন্তানুযায়ী কাজ করা ধৈর্যসাপেক্ষ। প্রত্যেক সূচনাই আনন্দকর ; দ্বারদেশ আশার স্থান। বালক দাঁড়িয়ে বিশ্বয়-বিহ্বল চোখে, তার গতি যা তার ভাল লাগে সেই দিকে ; হাসতে খেলতে সে শেখে, গান্ধীর্ষ তাতে আসে অকস্মাৎ। অমুকরণ প্রবৃত্তি, আমাদের সহজাত, কিন্তু কি অমুকরণ করতে হবে তা খুঁজে পাওয়া সোজা নয়। যা শ্রেষ্ঠ তা কদাচিত্ মেনে, তার মৰ্যাদা লোকে বোঝে আরো কম। শিখর আমাদের আকর্ষণ করে, কিন্তু তাতে উঠবার পথ নয় ; শিখরের দিকে তাকিয়ে আমরা ভালবাসি নীচে চলাফেরা করতে। শিল্পের অতি অল্প অংশই শেখানো যায়; কিন্তু শিল্পীকে জানতে হয় সবটা। যে অর্ধেক জানে সে বকে বেশী আর ভুল করে সব সময়ে ; যে পুরো জানে সে বরং কাজ করতে ভালবাসে, কথা বলে কদাচিত্, অথবা দেয়ীতে। এই বকিয়েদের গোপন সম্পদ কিছু নেই, শক্তিও নেই। তাদের উপদেশ সঁকা কুটির মতো, সুস্বাদু ও তৃপ্তিকর দিনেকের জন্ত ; কিন্তু ময়দা বোনা যায় না আর বীজও পিষতে নেই। কথা ভালো, কিন্তু সব চাইতে ভালো নয়। যা সব চাইতে ভাল কথায় তার ব্যাখ্যা হয় না। আমাদের কাজের মূলে কোন্ মনোভাব রয়েছে সেইটিই সব চাইতে বড় কথা। পেছনে কি ভাব রয়েছে তার দ্বারাই কোনো কাজের অর্থ বোঝা যায়, তার পুনরাবৃত্তিও সম্ভবপর হয়। যখন ঠিক কাজ করা হয় তখন বোঝা যায় না কি করা হচ্ছে, কিন্তু ভুল করলে সব সময়ই সে বিষয়ে চেতনা হয়। যে শুধু প্রতীক নিয়ে ব্যস্ত সে পণ্ডিতমগ্ন, ভণ্ড, অপকর্মা। এমন অনেকে আছে, তারা ভালবাসে দল বেঁধে থাকতে। তাদের প্রলাপে সত্যাকার পণ্ডিতের সময় নষ্ট হয় ; তাদের একগুঁয়ে সাধারণতা শ্রেষ্ঠদেরও বিরক্তির উদ্রেক করে। সত্যাকার শিল্পীর উপদেশে আমাদের চিত্ত উগ্ৰুজ্জ্বল হয়, তার কথা বেখানে প্রকাশ করতে অক্ষম তার কাজ সেখানে কথা বলে। প্রকৃত্ত বিধান জ্ঞাত থেকে বোঝেন অজ্ঞাতের সন্ধান আর ধীরে ধীরে অধিকার করেন গুরুর আসন।

যাজক এর বেণী ভিল্‌হেল্মকে আপাতত জানাতে অসম্মত হলো। আগাগোড়া



বাপারটা ভিল্‌হেল্মকে বিশ্বয়ে অভিজ্ঞত করলো। তাকে আরো দেখানো হলো জার্গো লোথারিও এদের শিক্ষানবিশীর খাতা। এই বিজ্ঞের কথা থেকেই সে জানলে ফেলিক্স তারই সন্তান। মারিয়ানা তার অযোগ্য ছিল না। শেষে যাজক তাকে বলে, তার শিক্ষানবিশী শেষ হয়েছে, প্রকৃতির বিধানে সে এখন মুক্ত।

অষ্টম খণ্ডে সেই সম্পত্তির অংশ ক্রয় সম্পর্কে ভের্নের লোথারিওর গৃহে এসেছে ; সে-ই সেই বাবসারী যার সঙ্গে এদের কথা হচ্ছিল। ভিল্‌হেল্মকে দেখে সে মহা খুশী হলো, বলে, ভিল্‌হেল্ম দেখতে চমৎকার হয়েছে। ভিল্‌হেল্ম দেখলে ভের্নের দৃষ্টি ভীকৃত হ'য়েছে কিন্তু সৌন্দর্য বরং কমে গেছে। ( অর্থাল্পস্ কিস্ত স্নেহপ্রবণ ভের্নের ব্যক্তিত্ব বেশ ফুটিয়ে তোলা হয়েছে। ) এই সম্পত্তির এক অংশ ভিল্‌হেল্মও কিনলে, বিশেষ করে' এই জন্য যে এর বাগান ও বাড়ীর পরিবেষ্টনে ফেলিক্স বেড়ে উঠতে পারবে। ফেলিক্স-এর কোঁতুহলের অন্ত নেই। তার প্রশ্নের উত্তর দিতে গিয়ে ভিল্‌হেল্ম বুঝলো সে জগৎ সঙ্ক্ষে কত কম জানে, কত বেশী তার জানা দরকার। ফেলিক্সকে পেয়েই তার মনে হলো এ সংসারে সে হুদিনের বাসিন্দা হয়ে আসেনি, তার এই পুত্রের জন্য তাকে সব কিছু এমন ভাবে করতে হবে যেন তা কণ্ঠভঙ্গুর না হয়। প্রকৃতি তার নিজের নিয়মে মানুষকে যেভাবে গড়ে' তোলে সে সঙ্ক্ষে সে বলেছে :

হায় নীতির কড়াকড়ির বিড়ম্বনা ! প্রকৃতি স্বয়ং করুণা করে' শেখাচ্ছে আমাদের যা কিছু শিখবার আছে সব। হায় সমাজের দাবির বিড়ম্বনা ! প্রথমে তাতে আমরা হই দিশাহারা, চলি বিপথে, তারপর আমাদের কাছে দাবি করা হয় প্রকৃতির যা দাবি তার চাইতে অনেক বেশী ! বুধা সেই সব উৎকর্ষ-চেষ্টা যাতে সত্যাকার উৎকর্ষ হয় নষ্ট—দৃষ্টি সেসবের কেবল চরম লক্ষ্যের পানে, যাত্রাপথের আনন্দের দিকে নয়। †

এই ফেলিক্স-এর চিন্তা থেকেই তার মনে হলো ধেরেসার মতো রমণী যদি তার মাতৃস্বানীয়া হতো তবে তা কত সুখের হতো। সে যথেষ্ট ভাবলো। তার পর ধেরেসাকে একখানি দীর্ঘ পত্র লিখলে—তাতে সে তার জীবনের ইতিহাস ব্যক্ত করলে আর ধেরেসার পাণি প্রার্থনা করলে যদি তার করুণা হয়।—সম্পত্তি কেনা শেষ হলো। সম্পত্তি সঙ্ক্ষে লোথারিওর উক্তি এই :

যোগ্য পিতা খাবার টেবিলে সন্তানকে আগে খাবার পরিবেশন করে, তেমনি সেই হচ্ছে শ্রেষ্ঠ নাগরিক যে রাষ্ট্রের প্রাণ্য সর্বাঙ্গে পরিশোধ করে। সম্পত্তিশালী হবার আকাঙ্ক্ষা তার মতে নিলনীয়।—লোথারিও ভিল্‌হেল্মকে জানায় তার ভগিনী ভিল্‌হেল্মকে দেখা করতে বলেছে বিশেষ কাজে। একে সেই

† গোটের প্রকৃতি-বাদের সঙ্গে রবীন্দ্রনাথের প্রাণ-বাদ তুলনীয়।

কাউন্ট-পত্নী ভেবে ভিল্‌হেল্ম অন্তরে অশেষ উদ্বেগ অনুভব করে। কিন্তু হঠাৎ তার মনে পড়ে লোথারিওর আরো ভগিনী আছে। সে গিয়ে দেখলে এ সেই কাউন্ট-পত্নী নয়, যে বীরাজনা তাকে দস্যুরস্ত থেকে উদ্ধার করেছিল তার সঙ্গে এর চেহারার মিল রয়েছে। এর নাম নাটালিয়া। এর এখানেই মিগনন এখন ছিল। ভিল্‌হেল্ম জানলে মিগনন খুব অসুস্থ, তার হৃৎপিণ্ড অত্যন্ত দুর্বল হয়ে পড়েছে। ডাক্তার মিগনন সম্বন্ধে এষ্ট গোপন সংবাদ ভিল্‌হেল্মকে দিলে যে তার অন্তরের মূলে তার ব্যর্থ আকাঙ্ক্ষা, সেই সব আকাঙ্ক্ষার একটি হচ্ছে ইতালিতে ফিরে যাওয়া, অপরটি তার প্রভুর একান্ত সান্নিধ্য লাভ—যেমন নিষ্কলুষ তেমনি প্রবল তার এই আকাঙ্ক্ষা, চঞ্চলা ফিলিনার ভাবভঙ্গি থেকে এর সঞ্চার হয় তার মনে। প্রভুর এমন সান্নিধ্য লাভ করতে সে যে ছুই এক রাত্রি চেষ্টাও করেছে সেকথাও ডাক্তার জেনেছিল।—এতদিন মিগনন বালকের পোষাক পরতো। এই ছিল তার খেয়াল। সম্প্রতি এক খেলায় সে পরী সেজেছিল, সেই থেকে মেয়ের পোষাক সে পরছে, আর সব সময়ে সে পরী সেজে থাকতে ভালবাসে। এ সম্বন্ধে তার গানের কয়েকটি কলি এই :

আমাকে দেখাচ্ছে যেমন তেমনি থাকতে দাও যে পর্যন্ত না আমি তেমনি হই ;  
আমার তুষারশুল্ক পরিচ্ছদ খুলে নিও না ।  
এই ধূসর ধরণী থেকে জীগগিরই আমি বিদায় নেব  
আলোকের দেশের উদ্দেশে ।

প্রভাতের শাস্ত প্রোজ্জল আলোক-সন্তানেরা জিজ্ঞাসা করে না  
কে বালক কে বালিকা ;  
কোনো সাজ কোনো পোষাক সেখানে পরতে হয় না,  
আমাদের দেহ সেখানে নির্মুক্ত পাপের সংস্রব থেকে ।

দীর্ঘ জীবন আমাকে বহন করতে হয় মি,  
কিন্তু বেদনায় এই চিত্ত ব্যথিত হয়েছে দীর্ঘ দিন,  
ব্যথায় আমার জীবন-পুষ্প ঝরে' গেল অকালে ;  
পুনর্বার দাও আমাকে চির-তারুণ্য ।

যে স্থল্লর-আত্মার কথা এর পূর্বে বলা হয়েছে সে নাটালিয়ার শিশি। এই পরিবারের পুরুষপুরুষপরাগত মাহাত্ম্য ভিল্‌হেল্ম মুগ্ধ হলো। যে ক্রৌড়রিখের সঙ্গে বহু দিন পূর্বে তার পরিচয় হয়েছিল জানা গেল সেও এই পরিবারের, সে নাটালিয়ার ভাই। কিছুদিন পরে সেও একদিন হঠাৎ এসে উপস্থিত হলো। জানা গেল সে আর ফিলিনা এখন স্বামী-স্ত্রী রূপে জীবন অভিবাহিত করছে—ফিলিনার সন্তানসন্তান। চঞ্চলা

কিনার এই দশা তারা সবাই খুব উপভোগ করলে। ক্রীডরিথের চাকলা একটুও কমে নি, কিন্তু প্রাচীন মহাজনদের কিছু কিছু লেখা পড়ে সে বিজ্ঞ হয়ে উঠেছে। নাটালিয়ার মাহাত্ম্য সম্বন্ধে এরা সবাই সচেতন। লোথারিও তাকে জানে তার পিসি হুন্সের-আত্মার চাইতেও মহীয়সী। থেরেসা নাটালিয়ার সংস্পর্শে এসেই বুঝতে পারে পরিচয় বৃদ্ধি ও বিবেচনার চাইতেও মহত্তর মর্যাদা লাভ জীবনে সম্ভবপর, কেননা থেরেসা মানুষকে গ্রহণ করে যে-মানুষ যেমন তাকে সেই ভাবেই কিন্তু নাটালিয়ার মতে এটি অজ্ঞার : মানুষের সঙ্গে বরং ব্যবহার করতে হবে বা হবার সম্ভাবনা তার আছে সেদিকে দৃষ্টি রেখে। তার মতে : শুধু প্রকৃতির উপরে নির্ভর করলে মানুষের চলে না, তার হাওরা চাই নিয়মের অনুবর্তী ; স্বভাব বা শিল্পের সৌন্দর্যের দিকে নাটালিয়ার তত দৃষ্টি নয় যত দৃষ্টি মানুষের অসম্পূর্ণতা ও অভাব-অভিযোগের দিকে, এ বিষয়ে সে অত্যন্ত চিন্তিত।—নাটালিয়ার এই সহৃদয়তা থেরেসা ভিল্‌হেল্মের ভুলে-ভরা জীবনের মধ্যেও দেখেছে তাই তাকে সে স্বামিবে বরণ করতে ইচ্ছুক, এই কথা সে জানিচ্ছে। এই সংবাদে ভিল্‌হেল্ম আনন্দে উৎফুল্ল হলো কিন্তু বিশ্বয়ে সে দেখলে তার অন্তরের তলদেশে নাটালিয়াকে লাভ করার আকাঙ্ক্ষা প্রবল হতে চাচ্ছে। এই সময়ে জার্মা একদিন এসে জানালে থেরেসার মা বলে' যে পরিচিত সে তার বথার্থ মা নয়, তার মা তাদের পরিবারের গৃহরক্ষিণী। ডাক্তারের উপদেশে একসময়ে থেরেসার পিতাকে দীর্ঘকাল তার পত্নী থেকে পৃথক থাকতে হয়েছিল, সেই সময়ে তাদের গৃহরক্ষিণীর গর্ভে থেরেসার জন্ম হয় কিন্তু রটনা করা হয় যে থেরেসা তার পত্নীর গর্ভজাত,—সুতরাং থেরেসার সঙ্গে লোথারিওর বিবাহ সম্ভবপর। এই সংবাদে ভিল্‌হেল্ম অন্তরে যথেষ্ট অস্বস্তি বোধ করতে লাগলো কেননা সে থেরেসা ও লোথারিওর পরস্পরের প্রতি অগ্ররাগের কথা জানতো। কিন্তু থেরেসা জানালে ভিল্‌হেল্মকেই সে স্বামিরূপে গ্রহণ করবে। থেরেসা নাটালিয়ার বাড়ী এসে উপস্থিত হলো। তাকে দেখবার জন্য ফেলিক্স ও মিগনন দৌড়ে এলো। ভিল্‌হেল্ম ও থেরেসাকে আলিঙ্গনবদ্ধ দেখে মিগনন বুক হাত দিয়ে চীৎকার করে' নাটালিয়ার পায়ের কাছে পড়ে গেল। দেখা গেল তার দেহে প্রাণ নেই। ভিল্‌হেল্ম একান্ত ব্যথিত হলো। মিগননের দেহ বৈজ্ঞানিক প্রক্রিয়ার জীবন্তের মতো করে' রক্ষা করা হলো নাটালিয়ার কাকার বিখ্যাত শিল্পাগারে ; সেখানে বাল্য যৌবন ও বার্ধক্যের বিচিত্র আনন্দ-মুহূর্ত শিল্পের সাহায্যে অঙ্কর হয়েছে।† এই কক্ষের দ্বারদেশে যে সৌম্য প্রস্তরমূর্তি আছে তার হাতের পুঁথির পাতে লেখা রয়েছে :

মনে রেখো বাচবার কথা ( Remember to live )।

† Keats এর Ode to Grecian urn সংগ্রহ।

এই দারুণ উৎকর্ষার অবস্থায় একদিন ভিল্‌হেল্মের আলাপ হলো জার্নের সঙ্গে। সে বলে, তাকে গোপন কক্ষে বলা হয়েছিল তার শিক্ষানবিশী শেষ হয়েছে, সে এখন মুক্ত, কিন্তু তারপর থেকে বিষম মানসিক অস্বস্তিই হয়েছে তার ভাগ্য। জার্নো জানালে, যার সম্ভাবনা বত বেগী তার ক্রমতার পরিণতি ঘটে তত দেৱীতে; খুব কম লোকেই একই সঙ্গে চিন্তায় ও কর্মে দক্ষ হয়—চিন্তা বেগী এগিয়ে গিয়ে হয় খোঁড়া; কাজ উদ্বীর্ণনা আনে কিন্তু হয়ে পড়ে সংকীর্ণপরিসর। তাকে সে আরো বলে যে দুই একটি ভূমিকায় ভাল অভিনয় করা ভিল্‌হেল্মের পক্ষে সম্ভবপর হয়েছিল, কিন্তু নাটকে নামতে হবে সব ভূমিকায়, তার প্রতিভার গতি সেদিকে নয়। জার্নো শেষে তাকে বলে ব্যস্ত না হতে ও রাজকের উপদেশ গ্রহণ করতে। কিন্তু ভিল্‌হেল্মের স্বৈর লাভ হলো না।

এই সময়ে এল একজন সম্ভ্রান্ত ইতালীয় পর্যটক—কথা হলো ভিল্‌হেল্ম হবে তার জার্মানী-ভ্রমণের দোভাষী। পর্যটক মিগননের মূর্তি দেখে চিন্লে—সে তার হারিয়ে যাওয়া ভ্রাতৃপুত্র; তার জন্মের ইতিহাস এই : এই পর্যটকের পিতামাতা বৃদ্ধ বয়সে এক কন্যা লাভ করে; এতে তারা খুব সঙ্কোচ বোধ করে ও গোপনে কন্যার লালনের ভার দেয় অল্প একজনের উপরে; এই কন্যা বড় হলে এর অমুরাগী হলো পর্যটকের রাজকব্রতধারী মধ্যম ভ্রাতা—সে যে তার বোন একথা না জেনে; তাদের সম্মান এই মিগনন। মিগনন একদিন সমুদ্রের ধারে হারিয়ে যায়। সবাই ভাবে সে ডুবে গেছে। মিগননের বাপ-মাকে পৃথক রাখবার কড়া ব্যবস্থা হয়েছিল। মিগননের পিতা তার অমুরাগের বৈধতার সমর্থনে প্রথমে যথেষ্ট যুক্তি দেখায়, বলে, ভাই বোনে বিবাহ হয়েছে এমন জাতি ইতিহাসে স্থান পেয়েছে, প্রকৃতির বিধানের বিরুদ্ধধর্মী এটি নয়; কিন্তু মনে মনে তার অস্বস্তি বেড়েই যায়। শেষ পর্যন্ত মিগননের বাপ মা দু'জনেরই মন্তব্য-বিকৃতি ঘটে। মিগনন সমুদ্রের জলে ডুবে গেছে ভেবে তার মা সমুদ্রের তীরে হাড়গোড় কুড়োতে আরম্ভ করে, ভাবে, একদিন দৈববলে এ সবের ভিতর থেকে মিগনন জীবন্ত হয়ে উঠবে। তার এমন প্রবল বিশ্বাস দেখে জনসাধারণ তাপসী জ্ঞানে তাকে ভক্তি করতে থাকে। সে মরে গেলে তার কবরের উপরে রীতিমতো শীর্ষনি পড়া শুরু হয়। মিগননের পিতা একদিন কোথায় উধাও হয়ে গেল, বহু খুঁজেও তাকে আর পাওয়া গেল না। পর্যটকের বর্ণনার সঙ্গে মিলিয়ে সবাই বুঝলো বুড়া সারেক্সী তার পিতা। ফেলিক্সকে সে বলি দিতে উত্তত হয়েছিল তার কারণ সে যেন প্রায়ই দেখতো একটি ছেলে ছুরি নিয়ে তাকে মারতে আসছে।—একদিন হঠাৎ এই সারেক্সী স্বাভাবিক বেশে নাটালিয়ার গৃহে উপস্থিত হলো। তাকে দেখে মনে হলো তার মস্তিষ্ক-বিকৃতি আর নেই। তার এমন পরিবর্তনের কারণ, সে বিশ্বের শিশি জোগাড় করে' সেই বিষ খেতে গিয়েছিল কিন্তু ভয়ে খেতে পারে নি—এই

ভয় তাকে ফিরিয়ে এনেছে জীবনের পথে। কিন্তু একদিন এই সারেকী ব্যাকুল হয়ে এসে বলে, সেই বিষ ফেলিক্স্ খেয়েছে। বিষম হলুহুল পড়ে গেল। একটি পাত্রে সেই বিষ ঢালা ছিল, তার পাশেই ছিল হৃথের বোতল, ফেলিক্স্ হৃথ না খেয়ে সেই বিষ খেয়েছে। ফেলিক্স্ও বলে—হাঁ তাই। কিন্তু আসলে সে বিষ খায় নি। সে বাটিতে হৃথ না খেয়ে খেতো বোতলে, সেজ্ঞ আউরেলিয়া তাকে শান্তি দিত, কিন্তু তাকে শোধরাতে পারে নি। শান্তির ভয়ে সে এই মিথ্যা কথা বলেছে। তার কু-অভাসই এক্ষেত্রে হয়েছিল তার রক্ষার হেতু। এই বাড়ীতে সে-সময়ে সেই কাউন্ট উপস্থিত ছিল। সে বালকের কামরায় ঢুকে তার গায়ে হাত দিয়ে কিছুক্ষণ উর্ধ্বমুখে তাকিয়ে রইল। পরদিন যখন দেখা গেল ফেলিক্স্ সুস্থই আছে তখন সবাই বুঝলো সে বিষ খায় নি, কিন্তু কাউন্ট সে কথা অবিশ্বাস করলে; সে নিশ্চিতভাবে বুঝলে তার প্রার্থনার বলেই বালক রক্ষা পেয়েছে। হের্ণহট সম্প্রদায়ে যোগদানের সংকল্প তার আরো প্রবল হলো। এদিকে দেখা গেল সেই সারেকী নিজের কণ্ঠনালী কেটে আত্মহত্যা করেছে।

গ্রন্থের শেষে ফ্রীডরিখের জ্ঞানবৃত্তা ও চঞ্চলতার পরিচয় রয়েছে। তার একান্ত ইচ্ছা মাটালিয়ার সঙ্গে ভিল্‌হেল্মের বিবাহ হয়। শেষ পর্যন্ত তাই হলো। থেরেসার বিয়ে হলো লোথারিওর সঙ্গে আর জার্গোর বিয়ে হলো লিডিয়ার সঙ্গে। এই শেষভাগেই ফ্রীডরিখ ভিল্‌হেল্মকে বলেছিল : তোমার অবস্থা দেখছি কিশ-এর পুত্র সোল-এর মতো। বাপের গাধার খোঁজে বেরিয়ে সে পেয়ে গেল এক রাজ্য।—তার উত্তরে ভিল্‌হেল্ম বলে : সে রাজ্যের মূল্য বোঝে না, কিন্তু এমন আনন্দের অধিকারী হয়েছে যার বোগ্য সাধনা সে করেনি, সেই আনন্দের পরিবর্তে আর কিছুই সে চায় না।

ভিল্‌হেল্ম মাইস্টারের যে অসম্পূর্ণ পরিচয় দেওয়া হলো তা থেকেও বোঝা যাবে জীবন ও জগৎ সম্বন্ধে কত গভীর অন্তর্দৃষ্টির পরিচয় গ্যোটে এই গ্রন্থে দিয়েছেন। শিরস্‌স্ট হিসাবে এ যেন এক বিরাট মায়াপুরী—কত বিচিত্র ব্যক্তি ও ভাব যে এতে রূপলাভ করেছে তার ইয়ত্তা নেই। শেষের দুই খণ্ডে অবশ্য রূপাঙ্কনের চাইতে তত্ত্বচিন্তা প্রবলতর হয়েছে কিন্তু সেই চিন্তাও সাহিত্যিক-সৌন্দর্য-ভূষিত।

সেই দিনে এবং তার পরেও এর বিরুদ্ধে নীতিহীনতার অভিযোগ আনা হয়েছিল†। কিন্তু গ্যোটে এখানে যা বলতে চেয়েছেন প্রচলিত নীতিধর্মের চাইতে

† ভিল্‌হেল্ম মাইস্টারের অভিযোগে রোহান ফ্রীডরিখ ভিল্‌হেল্ম পুস্টটুখেন নামে একজন প্রটেস্টান্ট পাদ্রী “ভিল্‌হেল্ম মাইস্টারের ভ্রমণ” নাম দিয়ে এক চার খণ্ডে সমাপ্ত গ্রন্থ প্রকাশ করেন; গ্যোটের “ভিল্‌হেল্ম মাইস্টারের ভ্রমণ”-এর বহু পূর্বে এটি প্রকাশিত হয়। এতে রয়েছে সেই

তা উচ্চতর মৰ্যাদার। তাঁর খুব বড় উক্তি : মনে রেখো বাঁচবার কথা, —অর্থাৎ মানব-প্রকৃতির সার্বকতার দিকে দৃষ্টি রেখে জীবন অভিবাহিত করবার কথা। তিনি মানুষের জন্য যে-সার্বকতা কাম্য জ্ঞান করেছেন তা বৈরাগ্য সাধনে নয়, কোনো সংকীর্ণ আদর্শের অনুসরণেও নয়, তা লাভ হতে পারে মানুষের অন্তর্নিহিত সমস্ত শক্তির সর্বাঙ্গীন উৎকর্ষ সাধনে—এরই নাম সৌন্দর্যসাধন। এমন উৎকর্ষ-সম্বিত ব্যক্তি প্রচার করে না, হুকুম করে না—তার সান্নিধ্য থেকেই লক্ষ্যরিত হয় অশেষ আশা ও আনন্দ। এর আর একটি বড় কথা এই যে জীবন তার গতিপথেই নিজেকে শোধরাতে শোধরাতে অগ্রসর হয়, এজন্য বাইরে থেকে চাপানো বিধিবিধানের প্রয়োজন তেমন নেই। অবশ্য এই প্রকৃতি-বাদের সঙ্গেই গ্যেটের চিন্তার মিশেছে অতন্ত্রিত-কল্যাণ-বাদ। পরে পরে তার আরো বিবৃতি আমরা পাব।

দেখা যাচ্ছে গ্যেটে এখানে শিল্পকে প্রচারধর্মী করেছেন—তাঁর এই ভিলহেল্ম মাইসটার শিল্প ও সংস্কৃতি সম্পর্কে এক মহা গ্রন্থ। কিন্তু সেই প্রচারের উদ্দেশ্যে এর শিল্পধর্ম অর্থাৎ রূপাকন ক্ষুণ্ণ করা হয়নি।—উপন্যাসের সাহায্যে জীবনাদর্শ প্রচারের এই প্রয়াস একালে ‘সার্বকতা লাভ করে’ চলেছে। জোচের মতে এর একালের শ্রেষ্ঠ দৃষ্টান্ত রোমঁ রোলঁর “জন ক্রিস্টোফার”। ‡

রবার্টসন বলেন, গ্যেটের কাব্য ও নাটকের তুলনায় তাঁর উপন্যাস একালে অনেকটা মৰ্যাদাহীন হয়েছে। এই উক্তি আংশিক ভাবেই সত্য, কেননা তাঁর উপন্যাসে স্থানে স্থানে ভাবালুতা প্রকাশ পেয়েছে তাঁর যুগের প্রবল উচ্ছ্বাসপ্রবণতার প্রভাবে, গাথুনিও মাঝে মাঝে দুর্বল হয়েছে। কিন্তু এই সব ত্রুটি সত্ত্বেও যে অন্তর্দৃষ্টি ও

দিনের ‘ধর্মতীর্থ’ গ্যেটের প্রতিভা ও সাহিত্যের প্রতি কি দৃষ্টিতে চাইতো তার পরিচয়। এতে গ্যেটের একজন ভক্ত পাঠককে দাঁড় করিয়ে তাকে লেখক বিভারিত ভাবে বোঝাতে চেয়েছেন যে গ্যেটের সাহিত্য হের্ডের রূপ-টুকীলাও প্রকৃতির তুলনায় বলহীন, গ্যেটে জড়বাহী, কোনো মহৎ আদর্শের দ্বারা অনুপ্রাণিত নয়, এবং এই সব কারণে তাঁর রচনা সর্বথা পরিত্যাজ্য।—গ্যেটের আর একজন খ্যাতিমান নিম্নকের নাম ভোল্ফগাঙ, মেনৎসেল। এঁর লেখা খুব জোলালো কিন্তু অন্তঃসারশূন্য; এঁর মতে গ্যেটে সত্যকার প্রতিভারও অধিকারী নয়, মানুষের চিন্তা তিনি জয় করতে পেরেছেন তাঁর বর্ণনা-কৌশলে। এঁর সবচেয়ে লুইসের মন্তব্য উপভোগ্য :

...কেন্টের একজন জোঁর চাবীকে যদি প্রাচীন গ্রীসের শ্রেষ্ঠ বন্দির সবচেয়ে মত জিজ্ঞাসা করা যায় তাহলে উক্ত বন্দিরের অকিঞ্চিৎকরতা সবচেয়ে নিশ্চয়ই সে বলেষ্ট জোলালো। ভাবায় তার অভিনব ব্যক্ত করবে, কিন্তু তার সেই ভাবার বিক্রম পুথির নিতে পারবে না তার জ্ঞান অনুভূতি ও রচিত অভাব; মেনৎসেলের বিরুদ্ধবতী ভাবারও তেমন পুথির দায় নি তাঁর বক্তব্য ও শিক্ষার ত্রুটি দ্বারা মস্ত শিল্প-সৌন্দর্য উপলব্ধি তাঁর সাধ্যাতীত।

‡ রোমঁ রোলঁ গ্যেটে-বোটোকবের যুগের জার্মান ভাবধারার দ্বারা বিশেষভাবে অনুপ্রাণিত আর একালের বাংলার ভাবধারার উপরে তাঁর কিছু প্রভাব পড়েছে।

চরিত্রসৃষ্টির ক্ষমতা তাঁর উপভাসে রয়েছে সেজন্তে আজো তা বহুমূল্য। তাঁর উপভাসের এই মৰ্যাদা সৰ্ব্বদে ক্রোচে সচেতন।

### হেরমান ও ডোরোত্তেরা

ভিল্‌হেল্ম মাইস্টারের প্রায় সঙ্গে সঙ্গে “হেরমান ও ডোরোত্তেরা” কাব্য প্রকাশিত হয়। এই কাব্য অত্যন্ত জনপ্রিয় হয়েছিল। হোমরের ছন্দে এটি লেখা, সমালোচকেরা প্রচার করেছিলেন এতে জার্মান সাহিত্যের লাভ হয়েছে প্রাচীন গ্রীক কাব্য-সৌন্দর্যের গৌরব। হোমরের অনুসরণে “একিলিস” নামে আর একখানি কাব্য গ্যোটে আরম্ভ করছিলেন। কিন্তু তা বেশী দূর অগ্রসর হয়নি। ইতালিতে হোমর নুতন করে’ গ্যোটে’র প্রিয় হুম আমরা দেখেছি। তাঁর সেই হোমর-প্রীতি দীর্ঘস্থায়ী হয়েছিল। তাঁর শেষ বয়সের সাহিত্যের ক্লাসিক রীতি বা ক্লাসিক যৌক বিখ্যাত। এ সৰ্ব্বদে লুইস মন্তব্য করেছেন :

সাহিত্যে দার্শনিক প্রবেশতা আর কোনো বিশেষ রীতির অনুকরণ দুইই অনিষ্টকর। এ দুয়ের ফল গ্যোটে ও শিলারের উপরে তেমন ক্ষতিকর হয়নি কেননা তাঁরা প্রতিভাবান, কিন্তু তাঁদের জাতির জন্ত হয়েছিল বিভ্রান্তিকর। দার্শনিকতা কাব্যকে করেছিল বিকৃত আর সমালোচনার জন্ত হয়েছিল অভিলাষের তুল্য; অনুকরণপ্রিয়তার সঙ্গে যুক্ত হয়ে এ সৃষ্টি করেছিল “রোমান্টিক”-মতবাদে’র মতো হৃদদর্শন ভুল।

একটি সরল প্রাচীন কাহিনী অবলম্বনে এই “হেরমান ও ডোরোত্তেরা” কাব্য রচিত, সেই প্রাচীন কাহিনীটিকে দাঁড় করানো হয়েছে ফরাসী বিপ্লবের পটভূমিকার উপরে। ঘটনার স্থান রাইন নদীর দক্ষিণ তীর, সময় খ্রীস্টাব্দ। বিপ্লবের ফলে ঘরছাড়া নরনারী এই অঞ্চল দিয়ে দল বেঁধে চলেছে—বহু লোক এই দুঃস্থদের দেখতে যাচ্ছে। একজন বর্ধিত কৃষক তার দাওয়ার বসে’ লোকদের এই দুর্দশার কথা ভেবে বিস্মিত ও দুঃখিত হচ্ছে, আর তার গৃহিণী বে ছেলের হাতে এদের জন্ত কাপড় ও খাবার পাঠিয়েছে এ জন্ত মনে মনে গুলী হচ্ছে। তার ছেলে হেরমান এখন বিবাহ-যোগ্য মবীন যুবক। কাব্যের প্রথম সর্গে এই স্ত্রী গোষ্ঠীপতির সঙ্গে মিলিত হয়েছে গ্রামের রাজক ও বৈজ্ঞ। এই ঘরছাড়াদের দুঃস্থদের কথা উঠলো। মোড়ল ভাবছে তার ছেলে নিশ্চয়ই এই দুঃস্থদের নাগাল পেয়েছে ও তাদের বা দেবার তা দিয়ে দিয়েছে। তার ছেলের এখন বিয়ে দেওয়ার দরকার সে কথাও উঠলো। যেখানে তারা বসেছে সেখানে গরম লাগছে দেখে তারা ঘরের একটি ঠাণ্ডা কোণে গিয়ে বসলো ও তৃপ্তির সঙ্গে রাইন-মস্ত পান করে’ চললো।—সবকিছুই অনাড়ম্বর, বর্ণনাও

অনাড়বর, আর এই অনাড়বর বর্ণনার মধ্যে দিয়ে পাওয়া যাচ্ছে গ্রামের উন্মুক্ত প্রকৃতির স্পর্শ।

দ্বিতীয় সর্গে হেরমান ফিরে এসে দুঃস্বদের কথা বলছে। সে গিয়ে দেখলে দুঃস্বদের দলে এক গরুর গাড়ীতে নিয়ে যাওয়া হচ্ছে এক প্রান্তিক—সে পূর্বে অবস্থাপন্ন ছিল, সন্তোজাত শিশু তার বুকে, এক তরুণী দক্ষতার সঙ্গে চালাচ্ছে সেই গাড়ী। এই প্রান্তিকের দর্শনার কথা তরুণী হেরমানকে বলে ও তার কাছে কিছু কাপড় চাইলে। এই শান্তস্বভাবা বীর্ঘবতী তরুণীর সঙ্গিত দেখে তার হাতেই হেরমান দিয়ে এসেছে বা কিছু নিয়ে গিয়েছিল—তার হাতে সে-সবের যে সদ্যব্যবহার হবে সে-সবকে সে নিঃসন্দেহ হতে পেরেছিল।—এই তরুণীর প্রতি হেরমানের মনে অহুরাগের সঞ্চার হয়েছে। তার প্রকৃত চোখ মুখ দেখে রাজক লক্ষ্য করেছে তার ভাবান্তর। বৈজ্ঞ বসে, এই দুঃখ-দর্শনার সময়ে বোঝা যায় জীপুজ যার মেই সেই বরং আছে ভালো, তাকে এত ঝগড়াট পোছাতে হয় না। কিন্তু হেরমান তার প্রতিবাদ করে বলে, বিপদের দিনেই বরং কুমারীরা বুঝতে পারে স্বামীর সাহায্যের তাদের কত প্রয়োজন আর পুরুষরা বুঝতে পারে পত্নীর মুখের সান্নিধ্য তাদের কত বড় সম্পদ। তার এই কথা শুনে তার পিতা খুশী হয়ে বলে, হেরমান বড় বুদ্ধিমামের মতো কথা বলেছে। তার মাও খুশী হয়ে বলে, তার নিজের বিয়ে দুঃখের দিনেই হয়েছিল, তার স্বামীর কিছু ছিল না, তার পিতারও বাড়ী পুড়ে গিয়েছিল। তার পিতা বলে : হেরমানের মায়ের কথা মিথ্যা নয়, কিন্তু বহু চেষ্টায় সে অবস্থাপন্ন হয়েছে, নিঃসন্দেহ হয়ে বিয়ে করা এখন সে ভয়ের চক্ষে দেখে, সে চায় হেরমানের বিয়ে হবে ধনী গৃহস্থের ঘরে। কিন্তু হেরমান এইসব ধনী গৃহস্থের উপরে চটা, তার কারণ কাছের থিরেটারের অভিমত। অভিমতীদের নাম সে জানে না এই নিয়ে তারা তাকে বিজ্ঞপ করেছে। তার পিতা রেগে গিয়ে বলেছে : তার ত চাষা হয়ে থাকলেই চলবে না, একটু সভ্যভাব্য হতে হবে; সে চাষার ঘরের মেয়েকে বউ করে আনতে পারবে না, তার পুত্রবধূ এমন হবে যে সে শিয়ানো বাজাতে জানবে, সহরের সব সেরা সেরা লোক তাকে দেখতে আসবে। হেরমান নীরবে এখান থেকে উঠে গেল।

তৃতীয় সর্গে হেরমানের পিতা উত্তেজিত হয়ে বলে চলেছে, বাণের চাইতে ছেলে যদি পদমর্যাদার আরো বড় না হয় তবে পরিবার কেমন করে উন্নত হবে, জাতিই বা কেমন করে বড় হবে। হেরমানের মা বলেছে : ছেলে সবকিছু তুমি কেবলই অস্তায় করছ, ফলে তোমার কোনো উদ্দেশ্য সিদ্ধ হচ্ছে না। ছেলেমেয়েরা যে আমরা যেমনটি চাই তেমনটি হবে এ আশা করা অস্তায়। ছেলেপিলে দিয়েছেন ভগবান, আমরা তাদের ভালবাস্তো সাধ্যমতো ভাল ভাবে মানুষ করবো, তার পর তারা যেমন হয় হবে। সবাইতে একরকমের হয় না, পছন্দও সবাই এক নয়। তুমি যে



হেরমানকে বকাঝকা করবে এ আমি লইতে পারবো না। সে আমায় কত ভাল ছেলে। রোজ রোজ তার সঙ্গে খিটিমিটি করে' তুমি তাকে মনমরা করে' দিচ্ছ।—এই বলে' সে চলে গেল ছেলের খোঁজে। সে চলে গেলে মোড়ল হেসে বলে: মেয়েলোক এক অদ্ভুত জাত, ঠিক যেম ছেলেমানুষ; তাদের বা খুশী তারা সেই ভাবেই চলবে, কিন্তু প্রশংসা আদর এসবও তাদের চাই-ই। মোড়লের যে মত যে মানুষের পদমর্যাদা দিন দিন বেড়ে যাওয়া চাই বৈষ্য তা সমর্থন করলে আর বলে, সেও তার ঘরদোরের চেহারা আর একটু ভাল করবার কথা বহবার ভেবেছে কিন্তু খরচ বেশী লাগে, সেই জন্ত কিছু আর করে উঠতে পারে নি।—বৈষ্যের রূপণতা ও সাবধানী প্রকৃতি স্বর্গের কুটিয়ে তোলা হয়েছে।

চতুর্থ সর্গে হেরমানের মা হেরমানকে খুঁজে পেরেছে। প্রথমে সে গেল অখ-শালায় কিন্তু সেখানে হেরমান নেই। তারপর গেল বাগানে, সেখানে বাগানের ভরিতর-কারির উপর থেকে কিছু কিছু পোকা ছাড়িয়ে ফেলে সে গেল আঙুরলতার কেয়ারিতে। সেখানেও হেরমান নেই। খুঁজতে খুঁজতে সে তাকে পেলো এক নাসপাতি গাছের নীচে—চূপচাপ সে বলে আছে, তার চোখে জল। মাকে দেখে তার চমক ভাঙলো। সে ভাড়াভাড়ি চোখের জল মুছে ফেললো। মা জানার জন্ত ব্যগ্র হলো কেন সে এমন একলা বসে' কেনই বা তার চোখে জল। হেরমান বলে, সবাই যুদ্ধ বাছে সেও বাবে, দেশের জন্ত তারও রক্ত দান করা চাই। তার মা বলে: তার ভাল ভাবেই জানা আছে যুদ্ধের বাজনার মেতে ওঠার ছেলে হেরমান নয়, সৈন্তের সাজসজ্জা পরে' কুমারীদের হৃদয় জয় করবার খেয়ালও তার নেই, সে সৎ ও শক্তিমান, শাস্ত মনে ক্ষেত্রের বজ্র আর পরিবারের পোষণের দিকেই তার নজর। তার সন্দেহ হচ্ছিল হয়ত যে মেয়েটিকে হেরমান দেখে এসেছে তাকেই সে বিয়ে করতে চায়। শেষ পর্যন্ত হেরমান মাকে সব কথা বলে, বলে সে যুদ্ধ বাবে কেননা তার বাপ তার এ বিয়ে দেবে না—সে চায় বড়লোকের মেয়ে।—বহু বুঝিয়ে মা হেরমানকে নিয়ে এল।

পঞ্চম সর্গে গৃহিণী এসে মোড়লকে বলছে, হেরমানের বিয়ের কথা তারা কিছু কাল ধরে' ভাবছে, হেরমান যে-মেয়ে দেখে এসেছে তাকে বিয়ে করতে চায়, সেই বিয়েই দিতে হবে। মোড়ল গভীর হয়ে রইল। বাজক বলে, হেরমানের মতো সৎ ছেলের বধন এই বিয়েতে এত আগ্রহ হয়েছে তখন বুঝতে হবে এই বিয়েই ভগবানের ইচ্ছা। বৈষ্য বলে, জেনে আসা বাক মেয়েটি কেমন, মেয়েটি ভাল হলে এই বিয়েই দেওয়া হবে। হেরমান তাদের গাড়িতে করে' নিয়ে চললো ও শীগগিরই সেই প্রবাসীদের ধরে' ফেললো। সে পেছনে রইল, বাজক আর বৈষ্য গেল মেয়েটি সন্ধ্যা খোঁজ খবর নিতে। মেয়েটি যে বাস্তবিকই ভাল যে সন্ধ্যা তারা নিঃসন্দেহ হয়ে কিরে এল, মেয়েটির চেহারা দেখেও তারা খুশী হয়েছিল—অমল উন্নত দেহে যে-আস্তার

অধিবাস তা নিশাপ হওয়াই স্বাভাবিক +। কিন্তু হেরমানের মনে স্বস্তি আসছিল না এই ভাবনার যে মেয়েটি তাকে বিয়ে করতে রাজী নাও হতে পারে—সে বরষা কাজেই মন তার অস্ত্র কোনোখানে বাঁধাও পড়ে থাকতে পারে।

এই মেয়েটি এর পূর্বে বাগদত্তা হয়েছিল, কিন্তু তার সেই প্রিয় পাণিগ্রাৰী বিপ্লবে মারা পড়েছে। ষষ্ঠ ও সপ্তম সর্গে হেরমান বীরে বীরে মেয়েটির সঙ্গে পরিচিত হচ্ছে ও তাকে তাদের গৃহে আনছে। এই পরিচয়-লাভ চমৎকার : হেরমানের ক্ষদ্রে অগুরাগ গাঢ়তর হচ্ছে কিন্তু বাইরে সে মেয়েটির সঙ্গে ব্যবহার করছে সহজ সরল ভাবে। হেরমানের ব্যবহারে মেয়েটি তার প্রতি গভীর ভাবে প্রভাবিতা হচ্ছে, অগুরাগিণীও হচ্ছে। হেরমান তাকে বলেছে তার বাপ মা তাকে আপন মেয়ের মতো পেতে চায় ; এর বেশী সে বলতে পারে নি। মেয়েটি বুঝেছে সে হেরমানদের বাড়ীতে বাচ্ছে চাকরি করতে। কিন্তু এসে সে বখম নিঃসন্দেহে জানলো তাকে এই গৃহের বধু হতে হবে তখন সে আনন্দে অভিভূত হলো। হেরমান তাকে লাভ করে' নিজেকে ধন্ত মনে করলে, সে বলে : তাকে পত্নীরূপে পেয়ে গৃহের শান্তি-শৃঙ্খলা লক্ষ্যে সে নিশ্চিন্ত হয়ে আনন্দে দেশের ও সভ্যতার শত্রুদের সম্মুখীন হতে পারবে।

এই কাব্যে গ্রাম্য পরিবেষ্টন অনবত্তভাবে ফুটে উঠেছে। চরিত্রাঙ্কনে গোটে সিদ্ধান্ত। এই কাব্যের প্রত্যেকটি চরিত্র যেমন বিশিষ্ট তেমনি জীবন্ত। তাঁর বর্ণনা আশ্চর্যভাবে অলঙ্কারবর্জিত, উপমা উৎপ্রেক্ষা তাঁর অবলম্বন নয় আদৌ। তাঁর লেখনী-মুখে সব-কিছু অনাবৃত হচ্ছে যেন দিনের আলোকে অপরিসীম বৈচিত্র্য নিয়ে। নিয়ন্ত্রেণীর লোকদের সঙ্গে গোটে চিরদিন মিশভেন, দম্পাপরবণ হয়ে নয়, প্রজ্ঞার সঙ্গে। তাদের তিনি ভাবতেন “ভগবানের সৃষ্টিতে যেন সর্বশ্রেষ্ঠ—সংযম, সন্তোষ, ঋজুতা, বিশ্বাস, সামান্য সৌভাগ্যে উৎফুল্লতা, সরলতা, অনন্তকষ্টসহিষ্ণুতা এই সমস্ত গুণ তাদের মধ্যে বর্তমান।” গোটে পুত্রবধু লুইসের কাছে বিশ্বয় প্রকাশ করেছিলেন এই বলে' যে অতবড় জ্ঞানী সামান্য লোকদের সঙ্গে যে কি করে' প্রাণভরে' আলাপ করতেন তা তাঁর ধারণার অতীত।—তাঁর এইসব অভিজ্ঞতার ফলেই তিনি সৃষ্টি করতে পেরেছিলেন এই কাব্য।

লুইস বলেছেন :

স্বাধীনতা বলতে গোটে রাজনৈতিক শাসন-প্রণালীর অদল-বদল বুঝভেন না, স্বাধীনতা বলতে তিনি বুঝতেন মানুষের স্বভাবের পূর্ণাঙ্গ বিকাশ।... “হেরমান ও ডোরোত্তেয়া” কাব্যকে গ্রহণ করা যেতে পারে চিরন্তন পারিবারিক-জীবনের মহিমা-কীর্তন।

+ এই ডোরোত্তেয়া-র উপরে নাকি পড়েছে লিলির ছায়া।

ফরাসী বিপ্লবের দাবির প্রতি গ্যোটের এই যে উত্তর আজকার জগতে আমরা বুঝতে পারি এটি অংশিকভাবে সত্য। পরিবার মাহুষের জন্ত বত সত্য রাষ্ট্র যে তার চাইতে একটুও কম সত্য নয় আজ আমরা সে বিষয়ে নিঃসন্দেহ। কিন্তু আজ যে মাহুষ ব্যক্তি ও পরিবারের দাবিকে উপেক্ষা করে' সুঁকতে চাচ্ছে রাষ্ট্রের দিকে সেখানে গ্যোটের 'হেরমান ও ডোরোত্তেরা'কে জ্ঞান করা যেতে পারে তাঁর এক নীরব সতর্ক-বাণী। মাহুষের অন্তরের সমৃদ্ধি ভিন্ন কোনো সমৃদ্ধিই যে তার জন্ত সত্যকার সমৃদ্ধি নয় এ কথা ভোলা মাহুষের জন্য বিপজ্জনক—রাষ্ট্রের, অর্থাৎ সমষ্টিগত জীবনের, দাবি সম্বন্ধে গ্যোটে যে কালে কালে আরো সচেতন হন পরে তা আমরা দেখেছি।

লুইস এটিকে 'একটি পরমউপভোগ্য কাব্য বলেছেন, তবে এটি ক্লাসিক রীতির মহাকাব্য কিনা সে বিচারে অঙ্গসর হন নি। ক্রোচেও এটিকে উপভোগ্য কাব্য বলেছেন, আর মন্তব্য করেছেন : এটি মোটের উপর প্রাচীন ছন্দ নিয়ে মহাকাব্যের এক খেলা। ব্রাণ্ডেস ও রবার্টসন এই কাব্যে দেখেছেন গ্যোটের Type (প্রতীক) সৃষ্টির যৌক মুখ্যতঃ ক্লাসিক আদর্শের বশীভূত হয়ে ; তাঁদের বিচারে, 'হেরমান' 'ডোরোত্তেরা' এই সব চরিত্র বিশিষ্ট ব্যক্তি তেমন নয় যেমন জার্মান তরুণ তরুণী। "শ্রেষ্ঠ সাহিত্যিক সৃষ্টি একই সঙ্গে বিশিষ্ট ও Typical (প্রতীকধর্মী)", কিন্তু বিশিষ্টের মর্যাদা ফুগ্ন করে' গ্যোটে যে এই কাব্যে Type (প্রতীক) সৃষ্টিতে মন দিয়েছেন লুইসের মতো আমরাও তা মেনে নিতে পারি নি। ক্রোচে এর যে মর্যাদা দিয়েছেন, আমাদের মনে হয়েছে, এর মর্যাদা তার চাইতে বেশী কেননা এর নারক-নারিকারা তাদের স্নানোড়বর জগতে বর্ণেই প্রাণবন্ত—প্রমূর্ত। এটি যদি মহাকাব্যের, অর্থাৎ মহত্তর কাব্যের, মর্যাদা না পেয়ে থাকে তবে তার কারণ মনে হয় এর সংকীর্ণ আত্মসম্পূর্ণতা। রাষ্ট্রের, অর্থাৎ বৃহত্তর মানবসমাজের, দাবির প্রতি উদাসীন যে পারিবারিক জীবন তা দুর্বল ও নিরানন্দ না হতে পারে কিন্তু তা মহৎ পারিবারিক-জীবনও নয়।—অবশ্য ফরাসী বিপ্লবের সঙ্গে এর সম্পর্কের কথা মনে তেমন স্থান না দিয়েও এটি পাঠ করা যেতে পারে, আর সেই দৃষ্টি-কোণ থেকে এটিকে বলা যেতে পারে সরল খুঁজু হরাকাজ্জাবর্জিত চিরন্তন-জন-জীবনের মহাকাব্য।—কারো কারো মতে এর শিল্পচাতুর্ষ্য তুলনাহীন যেহেতু তা যেমালুম।

### হের্ডবের্নার তিরোধান

হের্ডবের্নার প্রতি-তরুণ গ্যোটের নিবিড় প্রকার সঙ্গে আমরা পরিচিত হয়েছি। এই প্রকার তাঁর অন্তর থেকে কখনো বিলুপ্ত হয়নি। "মানবসমাজের বিকাশের উপরে প্রাকৃতিক পরিবেশের প্রভাব" সম্বন্ধে হের্ডবের্নার বিখ্যাত গ্রন্থ এখন প্রকাশিত হয় তখন গ্যোটে ইতালিতে,—তিনি হের্ডবের্নার এই সাহিত্যিক সাকল্যে উল্লসিত হন।—

হেঁর্ডের কিন্তু তাঁর মন্তব্যে গোটেকে বিদ্ধ করতে কোনোদিন ইচ্ছাও করেন নি যদিও গোটের মনুষ্যত্ব ও ঔদার্যের প্রতি তিনি প্রত্যাশী ছিলেন। পল কেরাস বলেন, হেঁর্ডেরের প্রবল জ্ঞানভূমি আর অকরণতা গোটেকে সাহায্য করেছিল তাঁর মেক্সিকোটেক্সিসের পরিকল্পনায়।

গোটের চেষ্ঠায় হেঁর্ডের অভিজাত-শ্রেণী-ভুক্ত হন। কিন্তু হেঁর্ডের তাঁর পুত্রদের শিক্ষার জন্য যত বেশী রাজকীয় সাহায্য আশা করেছিলেন গোটে সে-অগ্রহণাতে তাঁকে খুশী করতে অক্ষম হন যদিও হেঁর্ডের-পরিবারের প্রতি সদ্ভাবতার অভাব তাঁতে কখনো দেখা দেয় নি। তাঁর এই অক্ষমতা হেঁর্ডের-পরিবারের বিরক্তির কারণ হয়। হেঁর্ডের জার্মান সাহিত্য সম্বন্ধে তাঁর শেষ বয়সের বিরাট গ্রন্থে গোটের প্রতিভাকে বিশেষিত করেন এই ভাবে :

সমবেদনাহীন, প্রত্যক্ষের নিপুণ বর্ণনশক্তি।

হেঁর্ডেরের মৃত্যুর এক বৎসর পূর্বে গোটের “স্বভাবজ্ঞ কন্যা” নামক নাটকখানি প্রকাশিত হয়। এটি তাঁর একটি অপ্রধান রচনা। এই নাটকখানি কিন্তু হেঁর্ডেরের কাছে উচ্ছ্বসিত প্রাণসা লাভ করে। গোটে বলেছেন, হেঁর্ডেরের বিশ্লেষণ শুনে তাঁর মনে হলো তিনি নিজের যেন তাঁর এই সৃষ্টির মর্ম এমন ভাবে উপলব্ধি করতে পারেন নি। কিন্তু সহসা হেঁর্ডের এই মন্তব্য করলেন :

তোমার স্বভাবজ্ঞ পুত্রের চাইতে তোমার স্বভাবজ্ঞ কন্যা আমার বেশী প্রিয়।

এই নির্মম আঘাতে গোটে মর্মান্ত হন, তিনি লিখেছেন :

এই অতিশয় অপ্রত্যাশিত মন্তব্যের ফল আমার উপরে হলো নিদাক্ষণ। আমি তাঁর মুখের পানে চাইলাম কিন্তু বললাম না কিছু। আমাদের সুদীর্ঘ কালের সংস্রবের এই রূপ মনে হলো ভয়াবহ। চলে এলাম, এর পরে আর তাঁর সঙ্গে দেখা করি নি।

এ সম্বন্ধে গোটের অপর মন্তব্যটি এই :

ভরূপ বয়সের ত্রুটি আমরা উপেক্ষা করতে পারি, সে-সবকে জ্ঞান করতে পারি কাঁচা ফলের অস্থায়ী অস্বাদের মতো। কিন্তু এই ধরনের ত্রুটি যদি না শোধরায় পরিণত বয়সেও তখন আমাদের হস্তে হয় নিরাশ।

১৮০৩ খৃষ্টাব্দে হেঁর্ডের পরলোক গমন করেন।†

† হেঁর্ডেরের জাতীয়তা-বোধ সম্পর্কে অধ্যাপক বিনরুয়ার সরকার তাঁর বহু গ্রন্থে আলোচনা করেছেন।

## ভিক্টরম্যানের জীবনচরিত

অষ্টাদশ শতাব্দীর জার্মানীর যে প্রাচীন-শিল্প-গৌরবের নূতন বোধ—Classicism—তার প্রথম খ্যাতনামা প্রবর্তকতা ভিক্টরম্যান—দরিদ্র চর্মকারের সন্তান—জন্ম ১১১৭ খৃষ্টাব্দে, দম্ভহস্তে নিধন ১৭৬৮ খৃষ্টাব্দে। “শিল্পকলার ইতিহাস” নামে তাঁর ১৭৬৪ খৃষ্টাব্দে প্রকাশিত গ্রন্থ আজও পণ্ডিতদের প্রকার সামগ্রী। লেসিঙ্ক-এর বিশ্ববিখ্যাত গ্রন্থ ‘লাওকোওন’ এর প্রভাবের ফল। Walter Pater-এর Renaissance গ্রন্থে এর সম্বন্ধে আলোচনা রয়েছে।

তরুণ বয়সেই গোটে এর প্রাচীনশিল্পায়ুগের প্রভাবাধীন হন আর ইতালি-বাসকালে নূতন করে’ এর সম্বন্ধে কৌতুহলী হন—আমরা জানি। এর এই জীবন-চরিত তিনি প্রকাশ করেন ১৮০৪ থেকে ১৮০৫ খৃষ্টাব্দের মধ্যে। খৃষ্টান শিল্প ও প্রাচীন শিল্প বলতে যে পার্থক্য তিনি সারা জীবন বোঝাতে চেষ্টা করেছেন তা এক বিশেষ রূপ লাভ করেছে এই গ্রন্থে। ব্রাউল বলছেন এটি গোটের গভীরচিন্তার শ্রেষ্ঠ নিদর্শন নয়, সেই সঙ্গে তিনি উদ্ধৃত করেছেন সমালোচক রোভিনাস-এর এই মত যে এটি জার্মান সাহিত্যে সর্বশ্রেষ্ঠ চরিত-গ্রন্থ—প্রচলিত চরিত-গ্রন্থ যে ভাবে লেখা হয় এটি তা নয়, এটি বরং জ্ঞানের ক্ষেত্রে ভিক্টরম্যানের অবদান সম্পর্কে বিচারপূর্ণ প্রশংসা। এর কয়েকটি পরিচ্ছেদের নামকরণ হয়েছে এই ভাবে : প্রকৃতি-পন্থা (paganism), বস্তুত্ব, সৌন্দর্য, ক্যাথলিক-ধর্ম ইত্যাদি। ভিক্টরম্যানের প্রকৃতিপন্থা সম্বন্ধে গোটে বলেছেন :

ইহজগৎ ও ইহজগতের প্রতি প্রাচীনদের যে প্রীতি তার বর্ণনা দিতে গেলেই বুঝতে দেবী হয় না, প্রাচীনদের শ্রেষ্ঠত্বের মূলে তাঁদের এই প্রকৃতি-রসিক চিত্ত। আত্ম-বিশ্বাস বা ব্যাপ্ত দিকটের বস্তু নিয়ে ; পিতৃপুরুষ জ্ঞানে দেবতাদের প্রতি শ্রদ্ধা, সেই শ্রদ্ধার প্রকাশ মুখ্যতঃ শিল্পে ; সর্বশক্তিমান ভাগ্যের সম্মুখে আত্মসমর্পণ ; বশের আশা শুধু সংসার-ক্ষেত্রে ;—এসব পরস্পরের সঙ্গে এমন সম্বন্ধ, এমন অঙ্গাঙ্গিভাবে যুক্ত, এমন প্রকৃতি-অনুগ জীবন-ব্যাপার, যে, এর ফলে প্রকৃতিপন্থী অচঞ্চল প্রশান্তির অধিকারী যেমন তার শ্রেষ্ঠ আনন্দের মুহূর্তে তেমনি তার ত্যাগ-বীকারের মুহূর্তে, এমনকি আত্মনিধনের মুহূর্তেও।

ভিক্টরম্যান শেষ জীবনে ক্যাথলিক-ধর্ম গ্রহণ করেছিলেন। কোনো কোনো রোমান্টিক সাহিত্যিক ও শিল্পীও ক্যাথলিক-ধর্ম গ্রহণ করেন। ভিক্টরম্যানের ধর্মান্তর গ্রহণ যে এই রোমান্টিকদের দীক্ষাগ্রহণের মতো ব্যাপার নয় সেসম্বন্ধে গোটে বলেছেন :

ভিক্টরম্যানের সমস্ত কাজে ও লেখার প্রকাশ পেয়েছে প্রকৃতিপন্থীর রুচি।

খুঁটান ভাব ও তাঁর ভাবের মধ্যে যে ব্যবধান এমনকি খুঁটান ভাবের প্রতি তাঁর যে বিতৃষ্ণা সেসব কথা মনে রাখতে হবে তাঁর ধর্মাস্তর গ্রহণ ব্যাপারটি বুঝতে হলে। খুঁটান ধর্মের যে বিভিন্ন দল সেসব তাঁর ভাবনার সম্পূর্ণ বাইরের ব্যাপার, তাঁর স্বধর্মের সঙ্গে এর কোনোটির যোগ ছিল না।

গ্যোটের মতে ভিঙ্ক্লমান ক্যাথলিক ধর্ম গ্রহণ করেন তাঁর প্রতিভা-বিকাশের আত্মকৃত্য লাভের জন্ত—( আমাদের মধুসূদনের কথা স্মরণীয় ) :

তিনি বুঝতে পেরেছিলেন “রোমে যোগ্য রোমান” হবার জন্যে, তাঁর পক্ষে একান্ত প্রয়োজন হয়েছিল ক্যাথলিক সম্প্রদায়ে যোগদান—এর ধর্মমত, রীতিনীতি, সবই বরণ করা, যে সিদ্ধি তিনি লাভ করেছিলেন তা’থেকেও বোঝা যায় তাঁর এই ধর্মাস্তর গ্রহণের প্রয়োজন। এই ধর্মাস্তর গ্রহণ তাঁর পক্ষে সহজ হয়েছিল, কেননা ( প্রথম জীবনে ) প্রোটেষ্ট্যান্ট মতে দীক্ষিত হয়েও তিনি খুঁটান হন নি। তিনি আজীবন ছিলেন অকৃত্রিম প্রকৃতিপন্থী।

ধর্মাস্তর গ্রহণ যে দুর্বলতার পরিচায়ক সে কথা গ্যোটে স্বীকার করেছেন কেননা, যার যেখানে স্থান হয়েছে তার সেখানেই সংগ্রাম করে যাওয়া মনুষ্যত্বের পরিচায়ক। কিন্তু তাঁর মতে ধর্মাস্তর-গ্রহণের যেমন আছে একটি গুরুগম্ভীর দিক তেমনি আছে একটি হালকা দিক। এর দৃষ্টান্ত দিতে গিয়ে তিনি রোমান্টিক মতবাদের সারবিদের প্রতি বিজ্ঞপণ নিষ্ক্ষেপ করেছেন। ডোরোভেয়া মেন্ডেলসোন তাঁর পূর্ব-স্বামী ত্যাগ করে’ ফ্রীডরিখ শ্লেগেলকে বিবাহ করেন আর কারোলিনে মিকায়লিস তাঁর পূর্ব-স্বামী কনিষ্ঠ শ্লেগেলকে ত্যাগ করে’ দার্শনিক শেলিংকে বিবাহ করেন—শ্লেগেল-ব্রাতৃদ্বয় রোমান্টিক মতবাদের বিখ্যাত ব্যাখ্যাভা। গ্যোটের মন্তব্য এই :

যদি দৃষ্টান্তে আপত্তি না হয় তবে বলতে পারি এই ধর্মাস্তর গ্রহণের সঙ্গে সৌসাদৃশ্য রয়েছে শিকারের মাংসের—টাটকা না রেঁবে একটু বাসি করে রাঁধলেই ভোজনরসিকদের জন্য তা হয় বেশী মুখরোচক। বিবাহ-বিচ্ছেদ ও ধর্মাস্তর গ্রহণ আমাদের কৌতূহলের উদ্দেক করে...কিন্তু ভিঙ্ক্লমানের জন্য ক্যাথলিক ধর্মের কোনো মনোহারিত্ব ছিল না, এটি তাঁর জন্য হয়েছিল একটি মুখোশ মাত্র; উক্ত ধর্ম সম্বন্ধে তিনি কর্কশ মন্তব্যও করে গেছেন।

ভিঙ্ক্লমানের চরিত্রকথা পড়ে ফ্রীডরিখ শ্লেগেল তাঁর এক বন্ধুকে লেখেন :

ভিঙ্ক্লমান সম্বন্ধে এই বই ঈশ্বরজোহে পূর্ণ। খুঁটানধর্মের প্রতি এমন তীব্র অবিশ্বাস্ত বিতৃষ্ণা আমি গ্যোটের কাছ থেকে আশা করিনি; তবে সত্য নুকিয়েও লাভ নেই, এমন একটা ব্যাপার যে তাঁর দ্বারা ঘটবে সে কথা আমি কিছুকাল থেকে ভাবছিলাম। ভিঙ্ক্লমান যে জন্ম-

প্রকৃতিপন্থী একথা আবিষ্কার করে' তাঁর কি অভব্য পৈশাচিক আনন্দ।

খৃষ্টান মতবাদের প্রতি গ্যোটার এই যে বিরূপতা এটি খৃষ্টের মত ও শিক্ষার প্রতি তেমন নয়, তাঁর এই বিরূপতা বরং খৃষ্টধর্মের ব্যাখ্যাতাদের ইহবিমুখ শিক্ষার প্রতি অর্থাৎ খৃষ্টধর্মের ঐতিহাসিক পরিচয়ের প্রতি। মূল খৃষ্টান ধর্মভাবের প্রতি তাঁর প্রজ্ঞা আমরা ভিল্‌হেল্ম মাইস্টারের “সুন্দর আত্মার আত্ম-কাহিনী”তে দেখেছি। “ভিল্‌হেল্ম মাইস্টারের ভ্রমণে” আর “একেরমান ও লোরের সঙ্গে আলাপে”ও সেই প্রজ্ঞার পরিচয় আমরা পাব।

রোমান্টিকদের প্রতি গ্যোটার বিরূপতা ক্রোচে পুরোপুরি সমর্থন করেছেন। “আলাপ”—এ আমরা দেখে ক্লাসিক রীতিকে কবি বলেছেন স্বাস্থ্যসম্পন্ন আর রোমান্টিক রীতিকে বলেছেন রুগণ; তাঁর দৃষ্টিতে রোমান্টিক খেয়ালিপনার অবশ্যসত্তাবী পরিণতি হচ্ছে শিল্প-সাহিত্যের অসারতা-প্রাপ্তি ও বিনাশ।—তবে ক্লাসিক রীতি বলতে গ্যোটে বুঝতেন অবিকৃত অমৃতভূতি ও পরিপূর্ণ প্রকাশ—কোনো বিশেষ চণ্ড ময়।

### নাট্য-পরিচালনা

গ্যোটে ও শিলারের বন্ধুত্ব দৃঢ় হয়েছিল তাঁদের সহকর্মিতার গুণেও; জার্মান নাট্যের উৎকর্ষ উভয়ের ব্রত হয়ে দাঁড়ায়। লুইস দেখাতে চেষ্টা করেছেন যে-গুণে নাটক জনপ্রিয় হতে পারে গ্যোটার নাটকে সে সর্বের অভাব। কিন্তু শিলারের নাটকে সে অভাব ছিল না, তাঁর নাটক জনসাধারণের অত্যন্ত প্রিয়ও হয়েছিল। কিন্তু এই দুই বন্ধুর—বিশেষ করে' গ্যোটার—যে গ্রীকশিল্পাদর্শের প্রতি পক্ষপাত তাতে জার্মানীতে এক বিপুল প্রতিক্রিয়া দেখা দিল, তার নাম ‘রোমান্টিক’ মতবাদ। এ সম্বন্ধে লুইসের মন্তব্য আমরা উদ্ধৃত করেছি। স্বনামধন্য প্লেগেল-ভ্রাতৃদ্বয় এই মতের প্রধান ব্যাখ্যাতা হলেন। জ্যেষ্ঠ-প্লেগেল সম্বন্ধে ও এই দুই মতের উৎপত্তি সম্বন্ধে গ্যোটার মত আমরা “আলাপে” পাব। রোমান্টিকদের সঙ্গে গ্যোটার এই সাহিত্যিক বিসম্বাদ দীর্ঘদিন জার্মানীর সাহিত্যিক আসর উত্তপ্ত করে' রাখো। এই রোমান্টিক মতবাদের এক বিশেষ ফল এই হলো যে মধ্যযুগের খৃষ্টানধর্মের প্রতি এক শ্রেণীর শিল্পীর নব অমুরাগ দেখা ছিল, তাঁদের কেউ কেউ—যেমন প্লেগেল-ভ্রাতৃদ্বয়—নুতন করে' ক্যাথলিক মতে দীক্ষা গ্রহণ করলেন। ( একালেও এমন এক সাহিত্যিক প্রতিক্রিয়া ইয়োয়োপে চলেছে মনে হয়, একালের খ্যাতনামা কবি টি, এস, এলিয়ট নতুন করে' ক্যাথলিক ধর্ম অবলম্বন করেছেন )।

ইয়োরোপে ‘ক্লাসিক’ আদর্শ আর ‘রোমান্টিক’ আদর্শের সংঘর্ষের ইতিহাস তেমন দীর্ঘ নয়। ফরাসীদের তথাকথিত ক্লাসিক আদর্শের প্রতি তরুণ-গ্যেটে ও তাঁর গুরুস্থানীয় লেসিঙ্গ ও হের্ডরের প্রতিবাদ আমরা দেখেছি। কিন্তু ক্লাসিক আদর্শ গ্যেটের পরিণত প্রতিভায় নূতন জীবন লাভ করলো। তাঁর রচনারীতি হলো অতিশয় সংযমিত। তিনি নূতন করে’ ভলটেয়ারের অমরগী হলেন—ভলটেয়ারের “মোহম্মদ” ( Mahomet ) নাটক অনূদিত হয়ে ভাইমারে অভিনীত হলো। অভিনয় সম্বন্ধেও ‘কঠিন’ সংযম তাঁর আদর্শ হলো। তাঁর অতুলনীয় ব্যক্তিত্বের জ্ঞাত দীর্ঘদিন তাঁর ব্যবস্থা কার্যকরী রইল, কিন্তু ভিতরে ভিতরে প্রতিবাদ যে তীব্র হয়ে উঠছিল তা বোঝা গেল কালে। সেই প্রতিবাদ হলো একই সঙ্গে অবাঞ্ছিত ও কৌতুকাবহ।

১৮১৭ খৃষ্টাব্দে কার্স্টেন্স নামক এক অভিনেতা মোন্টারগীস-এর কুকুর ( The Dog of Montargis ) এই নামের এক নাটকের অভিনয়ে বিশেষ খ্যাতি অর্জন করে; যে কুকুরটির সাহায্যে সে অভিনয় দেখাতো সেটি জনসাধারণের আকর্ষণ-স্থল হয়ে দাঁড়ায়। প্যারিস বার্লিন এই সব বড় বড় শহরে এই অভিনেতা জনপ্রিয় হলো। তাকে ভাইমারে আনবার চেষ্টাও চললো। কিন্তু এমন অদ্ভুত অভিনয় গ্যেটে ভাইমারের রঙ্গমঞ্চে কিছুতেই মঞ্জুর করলেন না। ভাইমারের প্রধান অভিনেত্রী কারোলিনে রাগেমান ছিলেন ডিউকের প্রিয়পাত্রী আর গ্যেটের প্রতি বিরূপ। এমন অবিমিশ্র বিরূপতা আর কোনো মারীর কাছ থেকে গ্যেটের লাভ হয়নি। প্রথমত এই অভিনেত্রীর প্ররোচনায় কার্স্টেনস্কে তার কুকুর-সহ ভাইমারে আনা ঠিক হলো। রঙ্গমঞ্চের এমন লাঞ্ছনা দেখে গ্যেটে যেনায় চলে গেলেন এই অভিমত প্রকাশ করে’ যে এমন রঙ্গমঞ্চের সঙ্গে তিনি সংশ্লিষ্ট রাখতে চান না। ( হয়ত মুহূর্তের উত্তেজনাবশে ) ডিউক এই আদেশ দিলেন :

হের গেহাইমরাট ফন গ্যেটে রঙ্গমঞ্চের সঙ্গে আর সংশ্লিষ্ট রাখতে চান না  
এই বিষয়ে নিঃসন্দেহ সংবাদ পেয়ে নাটুপরিচালনার সঙ্গে তাঁর সংশ্লিষ্ট-  
ভাগ আমি সমর্থন করছি।

সহসা এক ভয়ঙ্কর কাণ্ড ঘটে গেল। গ্যেটে মর্মান্তিক হলেন। গভীর নিখাস ভাগ্য করে তিনি বলেন : কার্ল আউগুস্ট কোনোদিন আমাকে বুঝলেন না। ভিয়েনা থেকে কবির প্রতি সাদর আমন্ত্রণ এলো। কবি দোলায়িতচিত্ত হলেন। কিন্তু ডিউক তাঁর ভুল বুঝতে পেরে অচিরে এই চিঠিখানি কবিকে লিখলেন :

বন্ধু, তোমার যেসব মন্তব্য আমার কানে এসেছে তা থেকে বুঝছি  
নাটুপরিচালনার বিরক্তিকর কাজ থেকে অব্যাহতি পেলে তুমি খুশী হবে,  
অবশ্য দরকার হলেই ম্যানেজার তোমার উপদেশ ও সাহায্য প্রার্থনা  
করবে আর ততটুকু সাহায্য দিতে তুমি আপত্তি করবে না, তোমার এই



অভিমত জেমে আমি তা সামনে সমর্থন করছি,—সেই সঙ্গে জ্ঞানোক্তি এই শ্রমসাধ্য ব্যাপারে তুমি বা করতে পেরেছ তার জ্ঞান আমার আন্তরিক ধন্যবাদ আর আমার এই অহুরোধ যে এর উত্তরোত্তর শিল্পগত উৎকর্ষ তোমার বড় শিথিল না হোক। এই পরিবর্তন ঘোষণা করে আমি এক সরকারি পত্র দিচ্ছি। তোমার স্বাস্থ্য কামনা করি।

গ্যোটার মনের ভার লাঘব হলো, কিন্তু ডিক্টরের বহু অহুরোধেও আর তিনি রক্ত-মঞ্চের সংশ্রবে গেলেন না।

### বিজ্ঞান-সাধনা

গ্যোটকে বলা হয়েছে বৈজ্ঞানিক কবি ও কবিত্ব-বৈজ্ঞানিক; অর্থাৎ কবিদের মধ্যে তিনি বৈজ্ঞানিক আর বৈজ্ঞানিকদের মধ্যে তিনি কবি। এ উক্তি অতি যথার্থ। প্রকৃতিতে যেটি যেমন তাকে সেই ভাবেই বুঝবার জ্ঞান তাঁর প্রয়াসের অন্ত নেই; তাঁর যে বিখ্যাত উক্তি—আমি প্রকৃতির মতো অকৃত্রিম হব, ভাল হব মন্দ হব, তোমাদের বড় আদর্শ আমাকে বাধা দিতে পারবেনা—এটিকে বলা যেতে পারে তাঁর জীবন-সাধনার ও জ্ঞান-সাধনার বীজমন্ত্র। তাই তাঁর কবিতা ভাবোচ্ছ্বাস বা ভাব-রূপ মাত্র নয়—তাঁর জীবনের গভীর অভিজ্ঞতা সেসবের মূল; আর তাঁর এই বাস্তব-নিষ্ঠার গতি যে হবে বিজ্ঞান অহুশীলনের দিকে তাও অপরিসার্য। কিন্তু সেই বাস্তব-নিষ্ঠায় বা বিজ্ঞান-অহুশীলনে তিনি শুধু বিশিষ্টের দ্রষ্টা মাত্র নন, তিনি সেই বিশিষ্টকে সাজিয়ে দেখতে চান সমগ্রের সঙ্গে।

তাঁর উদ্ভূত-হু-সংযোগ-অস্থি আবিষ্কার, তাঁর “বৃক্ষের রূপান্তর” এসব শুধু বিশেষ বিশেষ আবিষ্কার নয় বরং জগতের জড় ও জীবের যোগাযোগের তত্ত্ব সন্ধানের গভীর ভাবনা, তা আমরা জানি। তাঁর বর্ণিত্ব সন্ধান গবেষণায়ও রয়েছে তাঁর সেই দৃষ্টিভঙ্গি। তবে দুর্ভাগ্যক্রমে এ ক্ষেত্রে তাঁর সাফল্যের পরিমাণ সামান্য।

নিউটনের বর্ণিত্বের মূল কথা এই যে সাদা রং সাত রঙের সমষ্টি। কিন্তু গ্যোটে দেখাতে প্রয়াস পান, সাদা রং মিশ্র পদার্থ আদৌ নয় এক অকৃত্রিম আদি পদার্থ, কারণ, অল্প যে কোনো রঙ সাদা রঙের তুলনায় গাঢ় বা ঘোর—কাজেই সেই সব ঘোর বর্ণের সমষ্টি কখনো সাদা হতে পারে না। এই ধারণার বশবর্তী হয়ে তিনি দীর্ঘকাল বর্ণ সন্ধান বহু রকমের গবেষণা করেন ও শেষে “বর্ণতত্ত্ব” নাম দিয়ে এক বিরাট গ্রন্থ প্রকাশ করেন। তিনি অন্ধশাস্ত্রে অভিজ্ঞ ছিলেন না কিন্তু ভূয়োদর্শনের সাহায্যে বহু প্রকারের বুদ্ধি তাঁর বস্তুর্যের অমূল্য দাঁড় করাতে চেষ্টা করেন।<sup>†</sup> সেই দিনে হেগেল প্রমুখ

† অন্ধশাস্ত্র সন্ধানের তাঁর এই মন্তব্য পণ্ডিতদের মতে মহামূল্য: অন্ধশাস্ত্র আবিষ্কারের সত্যের (Reality) ব্যাপার নয়, এর যে বাস্তবতা তা এর নিজেরই বাস্তবতা, এ এক ধরনের “করানী বুদ্ধি” এতে সবই একই সঙ্গে পরিচ্ছন্নতর ও নিঃসত্তর হয়, হারিয়ে কেলে আপন সত্তা ও বৈশিষ্ট্য।

বড় বড় দার্শনিক তাঁর ব্যাখ্যা গ্রহণ করেছিলেন, কোনো কোনো বৈজ্ঞানিকও তাঁর ব্যাখ্যা মেনে নিয়েছিলেন, কিন্তু পদার্থবিজ্ঞানীরা তাঁর মত স্বীকার করেন কি। এই বর্ণিত্ব নিয়ে গ্যোটের এত মেতে ওঠেন যে তাঁর স্বভাবসুলভ ঔদার্য বিস্তৃত হয়ে তাঁর বিরুদ্ধবাদীদের প্রতি কটুক্তি করতেও তিনি কুণ্ঠিত হন না। একেরমানের সঙ্গে কথোপকথনে বহুবার তিনি বলেন :

কবি হিসাবে আমি যা করতে পেরেছি তাতে আমার কিছুমাত্র গর্ব নেই, আমার মতো ভাল কবি আমার যুগেও ছিলেন, আমার চাইতে ভাল কবি জন্মে গেছেন, আমার পরেও জন্মাবেন। কিন্তু আমার শতাব্দীতে দুঃসহ বর্ণবিজ্ঞান সঙ্কে কেবল মাত্র আমিই যে অভিজ্ঞ এ আমার কম গর্বের বিষয় নয়, এক্ষেত্রে অনেকের চাইতে আমার স্থান উর্ধ্বে।

কিন্তু বর্ণসঙ্কে তাঁর এই নিউটন-বিরোধী সিদ্ধান্ত অগ্রাহ্য হলেও তাঁর গ্রন্থে তিনি যে বর্ণকে শারীর ( Physiological ) ভৌতিক ( Physical ) ও রাসায়নিক ( Chemical ) এই তিন ভাগে ভাগ করেন সেটি পরবর্তীকালের বৈজ্ঞানিকরা বিজ্ঞানের ক্ষেত্রে এক বিশিষ্ট দান বলে স্বীকার করেন।

গ্যোটের বিজ্ঞান-সাধনা সঙ্কে বিখ্যাত প্রাণিতত্ত্ববিদ যোহানেস্ ম্যুলার-এর এই উক্তি ব্রাণ্ডেস উদ্ধৃত করেছেন—এটি গ্যোটেকে লেখা তাঁর এক পত্রের অংশ :

আপনার গবেষণা শুধু আমার অনুসন্ধান-পদ্ধতিতে নয় জীবজগৎ সঙ্কে আমার অনুসন্ধানের প্রকৃতিতেও দীর্ঘ দিন প্রেরণা সঞ্চার করে এসেছে ; আজ প্রকাশ্য ভাবে একথা ঘোষণা করবার সৌভাগ্য আমার হয়েছে যে, যে-বীজ আপনি বপন করেছিলেন তা থেকে যেমন অতীতে বিজ্ঞানের সমস্ত ক্ষেত্রে ফল লাভ হয়েছে, ভবিষ্যতেও তেমনি হবে, আর বিশেষ ভাবে আমার জীবনে তা সফলপ্রসূ হয়েছে। আমার যা কিছু লাভ হয়েছে সব আপনার গভীর শিক্ষার ফল। আপনার মহানুভবতার সামনে আজ আমার এই গ্রন্থ স্থাপন করছি এই আশায় যে এ-পণ্যস্ত-খ্যাতিপরিচয়হীন আপনার এই শিষ্যের এই উপহার আপনি কিঞ্চিৎ যত্ন-সহকারে অধ্যয়ন করবেন।

গ্যোটের বিজ্ঞান-সাধনা আজো বৈজ্ঞানিকদের কৌতূহলের বিষয়। সম্প্রতি গুয় চার্লস্ শেরিংটন Goethe on Nature and on Science নাম দিয়ে একখানি গ্রন্থ প্রকাশ করেছেন। তাতে গ্যোটের বিজ্ঞান-চর্চার তেমন বৈজ্ঞানিক সার্থকতা তিনি দেখেন নি, তবে প্রকৃতি সঙ্কে তাঁর গভীর বোধে তিনি দেখেছেন তাঁর অসাধারণ ব্যক্তিত্বের পরিচয়—প্রকৃতি তাঁর চোখে কতকগুলো ভৌতিক শক্তির নিয়ম-শৃঙ্খলা নয়, সে বরং দ্যালোক-ভুলোক ব্যাপী এক ব্যক্তি, জন্ম ও মৃত্যু নিয়ন্ত্রিত হচ্ছে তার দ্বারা।

বলা বাহুল্য এটি গ্যোটে'র বিজ্ঞান-সাধনা সৰ্ব্বদে একটি মত মাত্র—বৰ্তমানে  
 ইয়ত্ত ঐবল মত । কিছুদিন পূৰ্বে পণ্ডিতদের ধারণা জন্মোছিল যে গ্রীক সংস্কৃতির  
 সঙ্গে গ্যোটে'র পরিচয় অগভীর ছিল না, কিন্তু সম্প্রতি সে-মত পরিবর্তিত হয়েছে—  
 গ্রীক সংস্কৃতি সৰ্ব্বদে গ্যোটে'র জ্ঞান যে গভীর ছিল তা স্বীকৃত হয়েছে ।

# ফাউস্ট

## প্রস্তাবনা

অতীতকাল থেকে ইয়োরোপে এই ধারণা প্রচলিত ছিল যে শয়তানের কাছে আত্মবিক্রয় করলে অসীম ক্ষমতার অধিকারী হওয়া যায়, কিন্তু সেই ক্ষমতা ভোগ করা যায় একটি পরিমিত কাল ধরে', তারপর সেই ক্ষমতাকামীকে হতে হয় একান্তভাবে শয়তানের অধীন অর্থাৎ চির-অভিশপ্ত নারকী। মধ্যযুগে এই ধারণা আরো প্রবল হয় কোনো কোনো খ্যাতনামা ধর্মিকের এমন অলৌকিক ক্ষমতার প্রতি লোভের জন্তে— তাঁরা অবশ্য পরে অমৃতপ্ত হন ও মেরী-মাতার প্রসাদে অভিশাপ থেকে করুণার রাজ্যে ফিরে আসেন। পঞ্চদশ শতাব্দীতে জার্মান দেশে ফাউস্ট নামক এক ব্যক্তির জন্ম হয়; ভিটেনবের্গ বিশ্ববিদ্যালয়ে সে বিদ্যাল্লাভ করে, কিন্তু পরে ধর্মের পথ পরিত্যাগ করে' হয় জাদুকর; জাদু-বিজ্ঞার সাহায্যে সে নাকি সম্রাটের বাহিনীকে শত্রুর বিরুদ্ধে জয়যুক্ত করায়, প্রাচীনকালের হেলেনাকে লোকের চক্ষুগোচর করায় ও তাকে বিবাহ করে— তাদের এক পুত্র লাভ হয়; শয়তান নাকি এর সঙ্গে থাকতো একটি কালো কুকুরের রূপ ধরে'।—এই ফাউস্টকে ঘিরে বিচিত্র কাহিনীর উদ্ভব হয়, সে-সবে অজ্ঞাতসারে রূপ পায় মধ্যযুগের রেনেসাঁস-এর নব মুক্তি ও নব বিজ্ঞানের বিশ্বাস।

এই ফাউস্ট-কাহিনী ১৫৮৭ খৃষ্টাব্দে জার্মানীতে লোক-নাটকের রূপ পায়— সেকালের থিয়েটারের দল এই নাটক দেখিয়ে বেড়াতো। তারই উপর নির্ভর করে' এলিজাবেথীয় নাট্যকার মার্লো তাঁর বিখ্যাত "ডক্টর ফস্টাস" নাটক রচনা করেন— তাতে ফাউস্ট সম্বন্ধে প্রচলিত ধারণাই রূপ লাভ করে। মার্লোর এই নাটক গ্যোটে পড়েছিলেন।

গ্যোটে যখন তরুণ যুবক তখন জার্মানীতে ফাউস্ট-এর কাহিনী নিয়ে নাটক লিখবার যেন হিড়িক পড়ে যায়। সে-সবের মধ্যে স্বনামধন্য লেসিঙ্-এর প্রচেষ্টাই উল্লেখযোগ্য। ফাউস্ট-উপাখ্যান নিয়ে যে অতি শক্তিশালী নাটক রচনা করা যায় এই অভিমত তিনি ব্যক্ত করেন, তাঁর মতে ফাউস্ট তার অসীম জ্ঞানতৃষ্ণার জন্তে অভিশাপ নয় মুক্তিরই অধিকারী। কিন্তু লেসিঙ্-এর নাটকের পাণ্ডুলিপি হারিয়া যায়। ফাউস্ট সম্বন্ধে এই নব ধারণার ক্ষেত্রে মুক্তবুদ্ধি ও সবল মনুষ্যত্বের এই শ্রেষ্ঠ পূজারী গ্যোটের অগ্রণী। তবে মেক্সিমটোফিলিসের সঙ্গে ফাউস্টের যে ধরণের চুক্তি হয় সেটি, বিখ্যাত মার্গারেটের বা গ্রেটথেন-এর উপাখ্যান, সর্বোপরি ফাউস্ট-উপাখ্যানে গ্যোটে যেভাবে প্রতিবিম্বিত করান মানুষের আত্মিক ও ঐতিহাসিক জীবনের ব্যাপক ছবি, সে-সবই তাঁর নিজস্ব।

ফাউস্ট-কাহিনী নিয়ে একটি রচনা দাঁড় করাবার কথা গ্যোটে অন্ন বয়সেই ভাবেন—উনিশ কুড়ি বৎসর বয়সে যখন তিনি দীর্ঘকাল রোগ ভোগ করেন সেই সময়ে। কিন্তু এই চিন্তা তাঁর মনেই থেকে যায়। এর পরে স্ট্রাসবুর্গে তাঁর অতীতম গুরু হের্ডরকেও এ সম্বন্ধে তিনি কিছু বলেন না। এই পরিকল্পনা সম্বন্ধে তিনি লিখেছেন—

ফাউস্ট-কাহিনী আমার অন্তরে বহু ভাবতরঙ্গের সৃষ্টি করেছিল। আমিও অন্ন বয়সে জ্ঞানের সব ক্ষেত্রেই বিচরণ করেছিলাম, আর বুঝেছিলাম সবার অসারতা। জীবন আমার চালিত হয়েছিল বিভিন্ন পথে—শিল্প বারবারই লাভ হয়েছিল দুঃখ আর অতৃপ্তি।

স্ট্রাসবুর্গ থেকে ফ্রাঙ্কফোর্টে ফিরে ফ্রীডেরিকাকে ত্যাগ করে' আসার দুঃখ গ্যোটে তীব্রভাবে অনুভব করছিলেন; সেই কালেই এটি রচনায় তিনি হাত দেন; আর ১৭৭৫ খৃষ্টাব্দে ভাইমার-যাত্রার পূর্বেই এর অনেকগুলো দৃশ্য—গ্রেটখেনের কাহিনীর প্রায় সবটি—লিখে ফেলেন। তারপর এটিতে তিনি হাত দেন ইতালিতে ১৭৮৭ খৃষ্টাব্দে। কিন্তু সেখানে ডাকিনীদের দৃশ্যটি (যষ্ঠ দৃশ্য) তিনি লিখতে পারেন, আর সম্ভবত বনের দৃশ্যটিও (চতুর্দশ দৃশ্য) লিখেছিলেন। ইতালি থেকে ভাইমারে প্রত্যাবর্তনের পরে ১৭৮৯ খৃষ্টাব্দে তাঁর রচনাগুলোর সপ্তম খণ্ড প্রকাশিত হয়, তাতে Urfaust বা আদি ফাউস্ট অসম্পূর্ণ আকারে প্রকাশিত হয়। †

কিন্তু সেই অসম্পূর্ণ ফাউস্ট কারো মনোযোগ তেমন আকর্ষণ করে না, এমন কি শিলারেরও নয়। কিন্তু ১৭৯৪ খৃষ্টাব্দে এক পত্রে শিলার গ্যোটেকে বিশেষভাবে অনুপ্রাণিত করেন তাঁর ফাউস্ট নাটক শেষ করতে কেননা অসম্পূর্ণ ফাউস্ট-এ তিনি সন্ধান পেয়েছেন যেন মস্তকহীন হারকিউলিস-মূর্তি (Torso of Hercules)। গ্যোটে জানান, আপাতত ফাউস্ট-এ হাত দেওয়া তাঁর পক্ষে সম্ভব নয়, তবে বন্ধু শিলারের আগ্রহের ফলেই ভবিষ্যতে এতে হাত দেওয়া তাঁর পক্ষে সম্ভবপর হতে পারে।

১৭৯৭ খৃষ্টাব্দে গ্যোটে ও শিলারের সাহিত্যিক যোগ নিবিড় হয়; সেই সময়ে তাঁদের বিখ্যাত গাথা-সমূহ রচিত হয়। বিশ্বস্তপ্রায় ফাউস্টও গ্যোটের মনোরাজ্যে পুনরায় সজীব হয়ে ওঠে—শিলারের সাহিত্য-তত্ত্ব এই সজীবতার সহায় হয়। এই কালেই উৎসর্গ (Dedication), নান্দী (Prelude on the stage), স্বর্গে প্রস্তাবনা (Prologue in Heaven) ইত্যাদি অংশ রচিত হয় ও সমগ্র পরিকল্পনাটি নতুন রূপ গ্রহণ করে। ১৮০০ খৃষ্টাব্দ পর্যন্ত এটি প্রায় এর বর্তমান রূপ পায়। তারপর গ্যোটে ও শিলারের অনুস্থতা, শিলারের মৃত্যু ও গ্যোটের শোকের কাল। অবশেষে ১৮০৮ খৃষ্টাব্দের দিস্টারে এটি প্রকাশিত হয়।

† Van Der Smitschen-এর Faust-এ Urfaust-এর ইংরেজি অনুবাদ প্রকাশিত হয়েছে।





৫০ বৎসর বয়সে

এই জগদ্বিখ্যাত নাট্যকাব্যের ঢীকা ভাষ্য এত বিস্তৃতভাবে হয়েছে, এত ভাবুক ও পণ্ডিত ব্যক্তি এ লব্ধকে আলোচনা করেছেন যে এর পরিচয় দানের চেষ্টায় স্বতঃই কুণ্ঠিত হতে হয়। শৌভাগ্যক্রমে আমাদের দেশের শিক্ষিতসমাজ গ্যোটার অন্তত এই কাব্যের সঙ্গে কিছু পরিচিত। সেই পরিচয় আরো গভীর ও ব্যাপক হবে আশা করি, কেননা সমগ্র ফাউস্ট বোগ্যভাবে বুঝতে পারা আর গ্যোটার মতো মহাকবির স্বজনী-প্রতিভা ও জীবন-সাধনা বুঝতে পারা প্রায় তুল্য মর্যাদার।—প্রধানত বেরার্ড টেইলর, মিল আনা শোরানউইক ও ফান ডের শ্বিশেমের ইংরেজি অনুবাদের সহায়তায় আমরা এই পরিচয় দিতে চেষ্টা করছি। মূল জার্মানের সঙ্গে আমাদের অনুবাদ যে মিলিয়ে দেখা হয়েছে ‘নিবেদনে’ লেখা বলা হয়েছে।

প্রথমে উৎসর্গ। উৎসর্গে কবি স্মরণ করেছেন তাঁর অতীত আদম-ও-বেদনা-মুহূর্তসমূহের কথা, তাঁর অতীতের বন্ধুদের কথা :

অর্ধবিস্মৃত পুরাতন কাহিনীর মতো মনে হচ্ছে সে সব,—  
সেইদিনের প্রথম প্রেম ও বন্ধুত্ব।

নতুন করে’ জন্ম হলো বেদনার—তার আর্তস্বর  
ছড়িয়ে পড়লো জীবনের সর্পিলাভয় পথে পথে।

জীবন-প্রভাতে মোহন মুহূর্তে হারিয়েছি যাদের ভাগ্যের চক্রান্তে  
সেই সব শ্রিয় নামে আজ ভরপুর হালো স্মৃতি।

শুনছে না আর তারা আমার আজকার গান,  
যাদের অন্তরে প্রতিধ্বনিত হয়েছিল আমার প্রথম সুরতাম,—  
হারিয়ে গেছে তারা দিগ্দিগন্তে, আজকার উল্লাসধ্বনিতে  
বাজবে না আর সেই প্রথম প্রসংসা-ধ্বনি।

আমার আজকার গান ধ্বমিতে হচ্ছে অপরিচিত জনতায়,  
তাদের করতালিও আমার অন্তরে হামে আঘাত,  
একদিন ছিল বারা আমার আনন্দিত ও বিস্মিত শ্রোতা  
বেঁচে থাকলেও কোথায় রয়েছে আজ তারা।.....

সেই সব স্মৃতি আর তাঁর মন সৌন্দর্যবোধ ও সৃষ্টিশক্তি আজ তাঁতে লচেতন।

মান্নীতে সূত্রধার কবি ও বিদ্বকের মধ্যে বাদানুবাদ হচ্ছে কি ধরণের নাটক দেখানো যাবে তাই নিয়ে। সূত্রধার তীক্ষ্ণবুদ্ধি ও বাস্তববাদী; জনসাধারণকে কি ভাবে আকৃষ্ট করা যায়, আস যথেষ্ট হয়, এই তার প্রধান ভাবনা; কবিকে সে বলছে :

...জনসাধারণকে খুশী করা যায় কি দিয়ে তা আমি জানি ;

...কিন্তু এরা আবার পড়াশুনা করেছে ঢের ;



কেমন করে' এমন জিনিষ এদের সামনে ধরা যায় বা খুব চট্টল ও মতুন ?  
 আর সেই সঙ্গে অর্থপূর্ণও বটে রসালও বটে ?  
 ...দেখে খুশী লাগে কেমন দলে দলে এরা আসছে,  
 ...হৃদয়ের দিনে রুটি নিয়ে যেমন কাড়াকাড়ি পড়ে যায়  
 তেমনি মারামারি এরা লাগিয়েছে টিকিট কেনা নিয়ে ।

কবি সৌন্দর্য-ধানী, জনগণের আচরণে তার সেই সৌন্দর্য-বোধ আহত ; সে  
 বলছে :

ঐ রঙ-বেল্লঙের জনতার কথা আর আমাকে বলো না,  
 ওদের দেখেই আমাদের প্রাণ যায় উড়ে ।  
 এই বিরাট জনস্রোত আবৃত্ত করে আমার দৃষ্টি থেকে,  
 ওদের আবর্ত ভয়ঙ্কর ভাবে টানে আমাদেরও !  
 স্থান দাও বরং আমাকে স্বর্গীয় নিশ্চরুতায়  
 যেখানে কবির চারপাশে ফোটে বিমল আনন্দ—  
 যেখানে প্রেম ও বন্ধুত্ব আজো  
 সম্পর্ক ও হৃদয়াবেগে দান করে দিব্য প্রভা ।

সেই পরিবেশে গভীরতম অনুভূতি থেকে উদ্ভিত হয় অর্ধস্মৃতি বাণী,  
 ভীর্ণ ওষ্ঠে হয় প্রকম্পিত —  
 বার বার হয় ব্যর্থ, কখনো লাভ করে প্রকাশ—  
 উন্মত্ত মুহূর্তে আবার যায় তলিয়ে ;  
 অথবা, দীর্ঘ প্রতীক্ষার পরে  
 অবশেষে লাভ হয় তার পূর্ণাঙ্গ রূপ ;  
 যা চোখ ঝলসানো তা মিশ্রিত হয় নিমেষে,  
 যা নিষ্কলুষ তা রয়ে যায় অনাগত কালের জন্ত ।

বিদূষকও বাস্তববাদী, কিন্তু মানুষের মহত্তর সম্ভাবনায় বিশ্বাসহীন নয় ; কবির  
 দূরনিবন্ধ দৃষ্টি সে আকর্ষণ করছে নিকটের বস্তুর দিকে :

অনাগত কাল ! ও কথা শুনে রাজি নই আমি ।  
 যদি অনাগত কালের কথাই বলে' চলি, তবে  
 আজকার আনন্দ পাব কোথা থেকে ?  
 আজ যে ওসব চাই-ই ভুল নেই তাতে ।  
 ...যে নিজের অন্তর আনন্দে ঢেলে দিতে পারে

জনসাধারণের খেয়ালিপনায় সে বিরক্ত হয় না ;  
 যত বেশী লোকের সংস্পর্শে সে আসে  
 তত ফলপ্রসূ হয় তার প্রেরণা ।  
 অতএব সাহসে বাঁধা বুক, দাও দামী কিছু,  
 কল্পনা আনুক তার সব সঙ্গী নিয়ে—  
 অর্থ বিচার অহুত আবেগ সব হোক একত্র—  
 কিন্তু তুলোনা সেই সঙ্গে নিবৃত্তিতারও কথা !

বিদুষকের কথায় স্ত্রজ্ঞান নিজের কথার সমর্থন পাচ্ছে, সে বলছে :  
 বেশী করে' চাই কিন্তু ঘটনা ;  
 ওরা আসে শুনতে, কিন্তু চায় বিস্মিত হতে ।  
 বহু-কিছু ছুঁড়ে দাও ওদের সামনে,  
 হাঁ করে' থাকুক ওরা চোখ মেলে ;  
 বহুবিস্তারের ঘরাই তাহলে যাবে জিতে  
 আর হবে সব চাইতে জনপ্রিয় ।  
 বহুর মন পেতে পারো শুধু বহু কিছু দিয়ে ; কেমনা  
 যার যেটুকুতে দরকার অবশেষে সে তাই নেয় বেছে ;  
 যে দেয় বহু-কিছু সে যোগায় বহুর প্রয়োজন,  
 প্রত্যেকে বাড়ী যায় খুশী হয়ে সেই দৃশ্য দেখে ।  
 যদি টুকরা-টুকরা কিছু থাকে, তাই দাও,  
 তাতেই হবে সিদ্ধি.....  
 পূর্ণাঙ্গ-কিছু দেবার কি প্রয়োজন ?  
 তোমার শ্রোতারা ত তা পেয়ে টুকরো টুকরোই করে' ফেলবে ?

কবি শিল্পের এমন অপব্যবহারের আশঙ্কায় দ্বিগ্ন হচ্ছে, সে বলছে :  
 ....এমন জোড়াতাড়ার কাজ করে নকল-শিল্পী,  
 দেখছি তাতেই তোমার অভিকৃতি ।  
 স্ত্রজ্ঞান এইবার মাস্তবের কর্ণধর রূচির দিকে কবির দৃষ্টি আকর্ষণ করছে :  
 এ ভিন্নস্বাদের ধার নেই আদৌ ;  
 যে কিছু করতে চায়  
 তাকে ব্যবহার করতে হয় যোগ্য উপকরণ ।  
 ...ভেবে দেখো লিখছো কাদের জগৎ !  
 তাদের কেউ এসেছে তিত্ত বরক্ত হয়ে, কেউ পরিশ্রান্ত হয়ে,

কেউ এসেছে খানা খেয়ে আরামে,  
 আর কেউ এসেছে, হায় ভাগ্য,  
 দৈমিক কাগজ পড়া শেষ করে'.....  
 ...মহিলারা এসেছেন দেহ-সৌষ্ঠব আর সজ্জা নিয়ে  
 বিনি পরসায় দেখিয়ে যাচ্ছেন তাঁদের অভিনয়।  
 বড় বড় কবিত্বের স্বপ্ন কত দেখবে ?  
 বার বার ঘর ভর্তি হচ্ছে দেখে কি খুশী নও ?  
 যারা তোমাদের অহুগ্রাহক তাকিয়ে দেখে একবার তাদের মুখের পানে।  
 তাদের অর্ধেক বর্বর বাকি অর্ধেক উদ্দীপনাসীন।  
 অভিনয়ের শেষে তাদের কেউ যাচ্ছে তাস খেলতে ;  
 কেউ যাচ্ছে পিয়ারীকে নিয়ে উদ্দাম রক্তনী যাপন করতে।  
 হায় নির্বোধ কবিদল, কেন এরি জন্ত  
 উত্থাপ্ত করো করুণাময়ী সৌন্দর্য-লক্ষ্মীদের ?  
 আমি বরং বলি বেশী দাঁও, যত পারো বেশী দাঁও—  
 তাতেই লাভ হবে অর্থ আর প্রতিপত্তি।  
 বিহ্বল করে' দাঁও তোমার দর্শকদের !  
 তাদের খুশী করা কঠিন কাজ।—  
 অবশি বোধ করছ বড় ? হুংখে, না হুংখে ?

কবি বুঝে নিলে হৃদয়ধারের পথ তার পথ নয় ; সে অবলম্বন করছে  
 কবিত্বের ধ্যান :

খুঁজে নাও বরং অমুগতত্তর দাস !  
 কবি প্রকৃতির কাছ থেকে পেয়েছ  
 শ্রেষ্ঠ মানবতা, পরম অধিকার—  
 সেই অধিকার এমনভাবে নিয়োজিত হবে তোমাকে খুশী করতে ?  
 কোন্ শক্তি-বলে জয় করে সে মাহুকের অন্তর ?  
 কেমন করে' জয় করে সে সব শক্তি ?  
 তার অন্তরের সংহতি-বোধ চায় জগতে দূরে দূরান্তে ও নিকটে বা-কিছু আছে  
 সব এক ঐক্যাত্মে বাঁধতে—তুধু সেই আকাজকার দ্বারা নয় কি ?  
 ...জগৎ ও জীবন-বন্ধে যে বেহুঁর বাজে  
 কে সেই বেহুঁরে এনে দেয় সুর-সুখমা ?  
 প্রতি খণ্ড-সুরকে তুলে ধরে সমগ্রতার বিরাট গৌরবে ?

ঝড়ে কে দেখে ছদয়াবেগের উদ্যমতা ?  
 সঙ্ক্যায় লালিমায় কে দেখে একাগ্র চিন্তার দীপ্তি ?  
 বসন্তে কে সব চাহিতে সুন্দর ফুল  
 ছড়ায় প্রিয়ার পদচারণার পথে ?  
 পথের পাশের সবুজ পাতা দিয়ে কে তৈরি করে  
 প্রতি কর্মক্ষেত্রে সাফল্যের শিরে গৌরব-মুকুট ?  
 স্বর্গকে করে ঞ্জব, দেবতাদের করে ঐক্যবদ্ধ ?  
 মানুষের মহিমা যেম মূর্ত কবিরূপে !

বিদূষক কবির এই সৌন্দর্য-বোধ প্রয়োগ করতে চাচ্ছে মানুষের দৈনন্দিন  
 জীবনের কাজে :

তাহলে তোমার এই সব মনোরম ক্ষমতার সম্মেলন হোক  
 মহৎ কাব্য-সৃষ্টিতে,  
 যেমন ষটে প্রেমের ব্যাপারে !  
 দুজনে দেখা হলো দৈবক্রমে, লাগলো ভাল, এক সঙ্গে কাটলো কিছুক্ষণ,  
 অজ্ঞাতসারে মন পড়লো বাঁধা, এলো জটিলতা,  
 এই স্বর্গস্থ, এই যন্ত্রণা—  
 প্রেম হলো পূর্ণাঙ্গ কেমন করে' হলো তা জানবার পূর্বেই ।  
 অভিনয় করা যাক তেমনি একটি নাটক !  
 সাহসে ঝাপ দাও জীবন-সমুদ্রে—সন্ধান কর এর ভলকূল ;  
 জীবন অতিবাহিত করে সবাই, কিন্তু বোঝে একে কম লোকেই ;  
 এর যেখানেই স্পর্শ করবে বোধ করবে অসীম কৌতূহল ।  
 ছবিগুলো বিচিত্র বর্ণ, অর্থ অস্পষ্ট,  
 ভুলের ঘোর অন্ধকারের মধ্যে দিয়ে দেখা যাচ্ছে সত্যের জীবৎ রশ্মি  
 —এই ভাবেই তৈরি হয় শ্রেষ্ঠ রস-মদিরা,  
 তাতেই উল্লসিত হয় উন্নীত হয় জগতের লোক ।  
 তোমার নাটক দেখতে আসবে সুদর্শন তরুণ-তরুণী,  
 জান করবে একে যেন দৈববাণী ।  
 তাদের কচি কোমল মন,  
 তোমার রসচক্রে তারা পান করবে বেদনা-মধু ;  
 এই এখন একজন তখন আর একজন মর্মস্পৃষ্ট হবে তোমার দ্বারা,  
 প্রত্যেকেই তোমার লেখায় দেখবে তার অন্তরের ছবি ।

হাসাবে কাদাবে তুমি তাদের অবলীলাক্রমে,  
 যা মহৎ তা জাগাবে তাদের বিশ্বয়, যা রহস্যময় বাসবে তাকে তারা ভাল ;  
 যারা পরিপক্ব তাদের পারবে না তুমি বদলাতে ;  
 যারা বিকাশোদ্গুত তারা হবে তোমার প্রতি চিরকৃতজ্ঞ ।

কবি এতে উৎসাহিত হচ্ছে, সে বলছে :

তাহলে ফিরিয়ে দাও আমাকে সেই দিন,  
 যে-দিনে আমাতেও চলেছিল বিকাশ ;  
 যে-দিনে ছন্দ আমার অন্তর থেকে উৎসারিত হতো  
 নৃত্যপরা স্বর্ণা-ধারার মতো !  
 অগৎ সেদিন আমার চোখে ছিল স্বপ্ন-বাশ্পে ঘেরা,  
 প্রতি ফুটও কুঁড়ি ছিল বিশ্বয়পূরিত,  
 অজ্ঞান কুহুম চয়ন করেছি উপত্যাকায় উপত্যাকায় !  
 ছিল না আমার কিছুই, তবু ছিলাম সমৃদ্ধ—  
 ছিল মোহে আনন্দ, ছিল সত্যের দুর্জয় তৃষ্ণা ।  
 দাও ফিরিয়ে দাও আমার সেই দিনের অন্তর্ভূতি,  
 সেই দিনের ব্যথা-ছোঁওয়া আনন্দ,  
 বৃণার তীব্রতা আর প্রেমের গুম্বস্ততা,—  
 দাও, ফিরিয়ে দাও আমার সেই যৌবন !

বিগতযৌবন কবির এই যৌবন ফিরে পাবার আকাঙ্ক্ষায় বিদূষক প্রণমে  
 রসিকতা করছে :

বন্ধু, যৌবনে তোমার নিশ্চয়ই প্রয়োজন  
 , যখন যুদ্ধে পড়েছ শত্রুর হাতে,  
 কিংবা যখন তরুণীরা তোমার প্রতি হয়েছেন প্রীতিমত্তী ।...

কিন্তু পরে কালের কথা তুলছে :

কিন্তু তোমার পরিচিত বাঁশী যদি বাজাতে চাও  
 সমস্ত প্রাণ দিয়ে—নৈপুণ্য দিয়ে উৎসাহ দিয়ে,  
 সেই সঙ্গে ছন্দ চলেছে সাবলীল ভঙ্গিতে বহু ঘুরে ফিরে  
 নির্দিষ্ট লক্ষ্যের পানে—  
 তবে, বৃদ্ধ কবিদল, তোমাদেরই তা সাজে ভাল ;  
 তোমাদের মর্বাদা তাতে কমে না আদৌ ;

কথায় বলে বুড়ো হলে লোকে হয় শিশু, কিন্তু তা সত্য নয় ;  
 ঝাঁটি শিশুই আমরা থেকে বাই বুড়োকালেও ।

স্বত্রধার এইবার আরম্ভ করতে চাচ্ছে তার অভিনয় :

...কথায় তোমরা হু'জনেই দড়, চেঁচা কর বরং কাজে লাগতে ।  
 প্রেরণার কথা কি বলছো ? প্রেরণা দ্বিধার সহচরী নয় কখনো ।  
 যদি কাব্যই হয়ে থাকে তোমার পেশা,  
 তবে মানুক কাব্য তোমার হুকুম !...  
 ...আজ যা করা হলো না, কাল আর তা হবে না । .  
 এগোও সামনের দিকে ক্লান্ত না হয়ে,—  
 ...যা সম্ভবপর তাকে অবিচলিত প্রত্যয়ে  
 দৃঢ় যুক্তিতে ধরুক সংকল্প, তাহলে আর শিথিল হবে না সেই মুষ্টি ;  
 কাজ তখন চলবে কেননা চালানে চাই-ই ।  
 আমাদের এই জার্মান রঙ্গমঞ্চে, জানো তুমি,  
 করে' যায় যার যা খুশী ; চিত্রপট, কারিকুরি, যত খুশী খাটাও,  
 দেখিয়ে যাও যা হাতের কাছে পাও !  
 সূর্য চক্রে তারা, গাছ পাখী পাহাড়,  
 আগুন জল অন্ধকার, দিন আর রাত !  
 আমাদের এই পরিমিত রঙ্গমঞ্চে আনুক সব,  
 দেখানো হোক সৃষ্টির চক্রে, চলুক কল্পনার বলে, বেগে,  
 স্বর্গ থেকে, মর্ত্যের ভিতর দিয়ে, রসাতলে !

এই শেষ ছত্রে রয়েছে যে নাটক দেখানো হচ্ছে তার পূর্বাভাস ।

ব্রাণ্ডেস ও ফ্রোচে বলেছেন সম্ভবত কালিদাসের শকুন্তলার নান্দীর দ্বারা  
 অনুপ্রাণিত হয়েছে গ্যেটের নান্দী । শকুন্তলার আরো প্রভাব যে গ্যেটের ফাউস্টের  
 উপরে পড়েছে পরে পরে তা বোঝা যাবে ।

কবি, কাব্য, কাব্যের সঙ্গে দৈনন্দিন জীবনের সম্পর্ক, ইত্যাদি বিষয়ে অনেক  
 গভীর কথা, অনেক সূক্ষ্ম তত্ত্ব, এই নান্দীতে প্রকাশ পেয়েছে । অবতরণিকায় সে  
 সম্বন্ধে কিছু আলোচনা করা হয়েছে । 'একেরমান ও সোরের সঙ্গে আলাপ' অধ্যায়েও  
 অনেক কথা পাওয়া যাবে ।

এর পরে স্বর্গে প্রস্থাবনা । বিশ্বপ্রভু ও দেবদূতদের সভা—সেখানে উপস্থিত  
 হলো মেফিস্টোফেলিস ( শয়তান ) । রাফায়েল গাব্রিয়েল ও মিকায়েল পদমর্যাদা  
 অনুসারে প্রথমে এই তিন দেবদূতের স্তুতি-নিবেদন—মিকায়েল ঈশ্বরের মধ্যে মর্যাদার

শ্রেষ্ঠ । রাফায়েল গাইলেন জ্যোতিষ্ক ও আলোকের মহিমার গান—সৃষ্টির প্রভাতে  
তারা যেমন উজ্জ্বল ছিল, আজো তেমনি উজ্জ্বল :

স্বর্ষ গায় তার অনাদি গান  
জ্যোতিষ্ক-মণ্ডলে প্রতিযোগী হ'য়ে :  
বিশ্বচরাচরে তার নির্ধারিত পন্থায়  
পদক্ষেপ 'করে' চলে বজ্র-বিক্রমে ।  
দেবদত্তগণ তার দিব্য আনন থেকে  
লাভ করে বীৰ্য অস্থহীন,  
জ্ঞান-অগম্য মহাসৃষ্টি  
তেমনি দীপ্ত যেমন আদিম প্রভাতে ।

গাব্রিয়েল গাইলেন ধরণীর তুর্গগতি, দিব্যরাত্রির সৌন্দর্য ও গান্ধীর্ষ, সন্দেশ  
সমুদ্রের কল্লোল ও পর্বতের শৈথিল্যের গান :

ধারণার অভ্যন্তর তুর্গ হচ্ছে  
আবর্তিত হয়ে চলে ধরিত্রীর প্রভা :  
দিনের দিব্য-দ্রুতি আজো করে হরণ  
রজনীর গহন ভয়াল অন্ধকার :  
সমুদ্র বিপুল ভঞ্জে হয় ফেনারিত,  
আঘাত হেনে চলে দৃঢ়মূল পর্বতে,—  
ক্ষিপ্ত অস্থহীন বিশ্ব-গতি চক্রে  
উভয়ে ঘূর্ণিত হয় ঝরিতে ।

আর মিকায়েল গাইলেন বিচিত্র ঝঞ্ঝা ও জগদ্ব্যাপী ধ্বংসের তাণ্ডবের গান—  
এই বিরাট ধ্বংসের মধ্যে সৃষ্টি দেখতে কত শাস্ত ।

গর্জন করে' চলে বিচিত্র ঝঞ্ঝা  
সমুদ্র থেকে স্থলে স্থল থেকে সমুদ্রে,  
রচনা করে' চলে গহন শৃঙ্খল  
চরাচরে বন্দী করে ভয়াল বীর্ষে ।  
ধু-ধু জলে সব দীপ্ত শিখায়  
ছোটে বখন বজ্র সর্বধ্বংসী ;  
তবু হে মহান, তোমার সকল বার্তাবহ  
ঘোষণা করে তোমার দিনের শাস্তি ।  
আর এই তিন দেবদত্ত সমন্বয়ে গাইলেন :  
বোঝে না আজো তোমায় তবু দেবদত্তগণ

বীৰ্য লাভ করে তোমা থেকে ;  
তোমার সৃষ্টি আজো তেমনি দীপ্ত  
যেমন দীপ্ত ছিল সৃষ্টির প্রভাতে ।

ভাব গাভীর্থে এই দেবদূতদের স্তব বিশ্বনাহিত্যে বিখ্যাত । কবি শেলী এর যে  
ইংরেজি অনুবাদ করেছেন সেটিও প্রসিদ্ধ ।

দেবদূতদের স্তবের পরে মেক্সটোফিলিসের উক্তি ; প্রথম থেকেই প্রকাশ  
পাচ্ছে তার বক্তৃতা ভঙ্গি :

প্রভু, তুমি আবার অনুগ্রহ করে’  
জানতে চেষ্টা আমাদের দিন কেমন কাটছে,  
আবার আমাকে ডেকেছ,  
তাই উপস্থিত হয়েছি তোমার দাসদের মধ্যে ।  
মাফ করো, এঁদের উদাস্ত গাভীর সুরে সুর মেলানো  
আমার সাধ্য নয়, সেজন্তে আমি অবশ্য এঁদের দ্বারা তিরস্কৃত ।  
আমার করুণ দশা নিশ্চয় তোমার করুণার উদ্বেগ করতো  
যদি হাসি তামাসা বহুপূর্বে তোমাতে লোপ না পেত ।  
সূর্য, নক্ষত্র, রকম-বেরকমের জগৎ, এদের সম্বন্ধে আমার কিছুই বলবার নেই,  
মানুষ নিজেকে কত অনুশীলন করেছে—আমি ভাবি শুধু সেই কথা ।  
এই ক্ষুদ্র ভুবনখরটি আজো চলেছে তার প্রাচীন পথে,  
আজো তেমনি খেয়ালী সে যেমন ছিল সৃষ্টির প্রভাতে ।  
জীবনে হয়ত আর একটু সুখ সে পেতো  
যদি তোমার দেওয়া স্বর্গীয় জ্যোতি তার ভাগ্যে না জুটতো !  
এর নাম সে দিয়েছে বিচার-বুদ্ধি—এর থেকেই বেড়েছে তার ক্ষমতা  
যে কোনো পশুর চাইতে আরো বড় দরের পশু হবার ।  
আমার শতকোটি নমস্কার তোমার সামনে—এই জীবটিকে মনে হয়  
এক লম্বাঠাং ফড়িং,  
লাফিয়ে সে ওড়ে, আর উড়ে সে লাকায়,  
ঘাসের দলে পড়ে ভাঁজে সেই একই সুর ।  
যদি সেই ঘাসের মধ্যেই মুখ ভাঁজে সে পড়ে থাকতো ।  
যেখানে যে গোবরের ভাল পায় তাতেই চুকিয়ে দেয় তার নাক ।

বিশ্বপ্রভু পরম মোহন ভঙ্গিতে বলেন :

তাহলে এর চাইতে আর বেশী কিছু তোমার বলবার নেই ?



এসেছ চিরদিনের মতো শুধু অভিযোগ জানাতে ?

পৃথিবীতে কোনো দিনই ভাল কিছু পড়বে না তোমার চোখে ?

মেফিসটো বলেন—ভাল কিছুই তার চোখে পড়ে না ; মানুষের বা দশা তাতে তাকে আরো হুঃখ দিতে তারো মনে বাধে । বিশ্বপ্রভু তখন তাকে ফাউলটের কথা বলেন, বলেন সে তাঁর অহুগত সেবক । মেফিসটো বলেন :

তা বটে ! তোমার সেবা সে করে' চলেছে কিছু অদ্ভুত ভাবেই ।

মর্ত্যের খাত্ত ও পানীয় এই নির্বোধের রুচিকর নয়,

তার খেয়াল ছুটেছে দূরে দূরন্তে ;

অর্ধ সচেতন সে তার এই পাগলামি এই অতৃপ্তি সধকে ;

আকাশ থেকে সে চায় উজ্জলতম তারকা,

মর্ত্য থেকে চায় নিবিড়তম উন্মাদনা,

নিকট ও দূরের যত কামা

কিছুর দ্বারাই প্রশমিত হয় না তার বৃকের বিক্ষোভ ।

বিশ্বপ্রভু বলেন :

তার সেবা যদিও আজো দিশাহারা

স্বরিতে নিয়ে যাব আমি তাকে নির্মল আলোকে :

গাছে নতুন পাতা দেখা দিলেই মালীর চোখে ভাসে

ভবিষ্যতের ফুল ও ফলের ছবি ।

মেফিসটোফিলিস নিজের অভ্রান্ততা সধকে নিঃসন্দেহ, বলেন—

কি বাজি রাখবে বল ? তোমার পথ থেকে তাকে সরিয়ে নেওয়া

এখনো সম্ভবপর, যদি আমাকে পুরোপুরি অহুমতি দাও

বীরে হুঃছে তাকে নিয়ে আসতে আমার পথে ।

বিশ্বপ্রভু বলেন :

যতদিন সংসারে সে আছে

ততদিন নিষেধ নেই তোমার ;

মানুষ ভুল করবেই যতদিন চলবে তার চেষ্টা ।

মেফিসটোর ধারণা বদলালো না । সে ভগবানকে ষড়্বাদ দিলে তাকে এমন স্রবোগ দেবার জন্তে । বিশ্বপ্রভু তখন বলেন—

তাকে রসাতলে নেবার যত চেষ্টা পার কর,

কিন্তু শেষে লজ্জিত হয়ে তোমাকে বলতে হবে—

সংলোক তার দিশাহারা দশায়ও

অন্তরে অন্তরে অনুভব করে সত্য পথ ।

বিশ্বপ্রভু মেক্সিসটোকে বলেন—অস্বীকৃতি-পরায়ণ আত্মা—the spirit that denies—অর্থাৎ মাহুয বা জগতের মহত্তর সম্ভাবনায় সে অবিখ্যাসী, সে শুধু পরিচ্ছন্ন বুদ্ধি ; বলেন, তার মতো বাচাল পাপীর প্রতি তাঁর কখনো স্নেহের উদ্রেক হয় না ; মাহুয সবক্ষে বললেন :

মাহুযের কর্মের উদ্দীপনা সহজেই আসে মন্থর হয়ে,  
খোঁজে সে নির্বাণ বিশ্রাম ;  
সেজন্তো ইচ্ছা করে’—দিই তাকে এমন সঙ্গী  
যে অস্থির করে, উত্তেজিত করে, সৃষ্টি করে চলে—শয়তানের মতো ।

আর দেবদূতদের লক্ষ্য করে’ বলেন :

সত্যপরায়ণ জীবনের গুত্রগণ ! তোমরা হও কর্তব্যরত,  
ভোগ কর মহৈশ্বর্যময় চিরজাগ্রত সৌন্দর্য !  
যে বিকাশ-ধর্ম রয়েছে চির-সক্রিয়,  
তার অচ্ছেদ্য প্রেম-বন্ধনে হও বন্দী,  
যে সব চপল রূপের উদয় বিলয় হচ্ছে তোমাদের চতুর্দিকে  
যে সবকে দান কর স্থায়ী রূপ অবিনশ্বর ভাবের সহায়তায় ।

এর পর স্বর্গের দৃশ্যের উপরে যবনিকা পতন হলো ; দেবদূতগণ অন্তহিত হয়ে  
গেলেন । মেক্সিসটোফিলিস একা একা বলে—

বুড়োর কথা শুনেতে সময় সময় মন্দ লাগে না,  
তখন চলিও খুব সভ্যভব্য হয়ে ;  
এত বড় কর্তার পক্ষে এ খুব সৌজন্তের পরিচয়  
যে শয়তানের সঙ্গে এমন সহৃদয় বাক্যালাপ তিনি করেন ।

এই স্বর্গে প্রস্তাবনা সম্পর্কে বাইবেলের Jobএর ( আইযুব নবীর ) কাহিনী সহজেই মনে পড়ে ।—এর বিরুদ্ধে কোনো কোনো বড় সাহিত্যিক—কোলরীজ তাঁদের অন্যতম—এই অভিজ্ঞ অভিযোগ এনেছিলেন যে এতে ভগবানের সামনে শয়তানের এমন ঔদ্ধত্য দেখিয়ে ধর্মভাবে বাক্য করা হয়েছে । লুইস দেখাতে চেষ্টা করেছেন, মধ্যযুগের লোক-নাট্যের মধ্যেও ভগবানকে নিয়ে এমন ব্যঙ্গবিদ্রূপ অপ্রচলিত ছিল না—( কতকটা আমাদের দেশের যাত্রার মতো ) । বলা বাহুল্য গোটে এখানে তাঁর কাহিনীর পৌরাণিক রূপ অক্ষুণ্ণ রাখতে চেষ্টা করেছেন মুখ্যত ।

বিশ্বপ্রভুর উক্তির শেষ ক’টি ছত্রে সত্য ও সৌন্দর্যের যে অপূর্ব ধ্যান প্রকাশ পেয়েছে তা এক হিসাবে গোটেই জ্ঞানবস্তুর চরম কথা । ফাউস্ট দ্বিতীয় খণ্ডের শেষে আবার এই ধরণের চিন্তার সাক্ষাৎ আমরা পাব । এই সদাসক্রিয় বিকাশ-ধর্মের দ্যুতিতে সমুজ্জ্বল যেমন তাঁর সাহিত্য, তেমনি তাঁর ব্যক্তিত্ব ।

লুইস বলেন, মান্দীতে ইঙ্গিত করা হয়েছে, এই নাটকে প্রতিফলিত হয়েছে বিরাট সংসার-বাতার ছবি, আর স্বর্গে প্রস্তাবনার দ্বারা ইঙ্গিত করা হয়েছে যে এতে রূপায়িত হয়েছে মানুষের আত্মিক সংগ্রাম। এই স্বর্গে প্রস্তাবনার দ্বারা ফাউস্ট প্রথম ও দ্বিতীয় খণ্ড একসূত্রে গ্রথিত হয়েছে—যদিও এই দুয়ের রচনা ও প্রকাশের মধ্যে কালের ব্যবধান সুদীর্ঘ। ফাউস্ট যে মূলত বিরাট সংসার-জীবনের আলোচনা, তারই মধ্যে স্থান পেয়েছে মানুষের আত্মিক জীবনের বিশ্লেষণ, এই বড় কথাটা মনে না রাখলে ফাউস্টের মর্যাদা উপলব্ধি সম্ভবপর নয়।

এর পর মূল নাটক আরম্ভ হচ্ছে। এর বিভিন্ন অংশ বিভিন্ন কালে রচিত। বিশেষ করে' প্রথমে ফাউস্ট-পরিকল্পনার মূলে ছিল জ্ঞানের স্বরতায় অসন্তোষ ও মধ্যযুগের জাহ্নবিদ্যার সহায়তায় প্রকৃতির রহস্যের পূর্ণ উপলব্ধি ও জীবনে পূর্ণ উপভোগ; কিন্তু পরে এর উপজীব্য হয়েছে মানুষের অন্তর-প্রকৃতির অনন্ত অতৃপ্তি ও সীমাহীন অগ্রগতি—যা রূপ পেয়েছে চতুর্থ দৃশ্যে ফাউস্ট ও মেফিস্টোর মধ্যে নিম্পন্ন চুক্তিতে। এই দুই ভাবের অঙ্গুতি যে কোনো কোনো ছত্রে বিদ্যমান সমালোচকরা তা দেখাতে প্রয়াস পেয়েছেন। তবে এর বিভিন্ন-কালে-রচিত অংশসমূহের সমবায়ে কবি যে মোটের উপর একটি অখণ্ড কাব্য দাঁড় করাতে সমর্থ হয়েছেন, তা তাঁরা স্বীকার করেছেন। ক্রোচে এর বিভিন্ন অংশের মনোহারিত্ব দেখাতে প্রয়াসী হয়েছেন বেশী। তাঁর কাব্য-বিচারের একটি মূল সূত্র হচ্ছে All art is lyrical সমস্ত শিল্পই মূলত সঙ্গীতধর্মী, তাই ভাবের নিবিড়তা ও শ্রেষ্ঠ রূপ-সৃষ্টির সন্ধান তিনি করেন সমগ্র কাব্যে তত নয় যত এর বিভিন্ন অংশে, বিভিন্ন ভাব-মুহূর্তে। ক্রোচের এই মত অবশ্য সর্ববাদিসম্মত নয়, তবে এতে সত্যের পরিমাণ যে যথেষ্ট, অনেকের মতো আমাদেরও ধারণা তাই; সেই সঙ্গে কাব্যের সমগ্রতার দিকে ক্রোচের চাইতে আর একটু বেশী মনোযোগ দেওয়া প্রয়োজন বোধ করি। কিন্তু এসব আলোচনা পরে হবে।

### প্রথম দৃশ্য

ফাউস্ট প্রথম খণ্ড অঙ্কে বিভক্ত নয়, পঁচিশটি দৃশ্যের সমষ্টি। প্রথম দৃশ্য ফাউস্টের পাঠাগার—উচ্চছাত্রবিশিষ্ট অপ্রসর 'গণিক' কক্ষ, ইতস্ততঃ-বিক্রিপ্ত মধ্যযুগের বিচিত্র বৈজ্ঞানিক বস্তু, লে-সবের মধ্যে রয়েছে মানুষ ও অন্যান্য প্রাণীর পুরোনো হাড়। ফাউস্ট তার টেবিলের পাশে চেয়ারে বসে—তাকে দেখাচ্ছে অস্থির। তার বিখ্যাত স্বগতোক্তি আরম্ভ হ'লো :

অধ্যয়ন লাভ করেছি—হায়—দর্শন,  
আইন ও চিকিৎসা-বিদ্যা,  
হায় ভাগ্য—ধর্মশাস্ত্রও—

এক প্রান্ত থেকে অন্য প্রান্ত পর্বন্ত একান্ত বহ্নে ।

কিন্তু এত বিদ্যা আরম্ভ করেও হয়ে আছি অধম নির্বোধ,

জ্ঞান বাড়িলো না কণামাত্রও ।

নাম শেরেছি আমি—আচার্য—অধ্যক্ষ,—

এই দশ বৎসর ধরে, বহু ছাংখে,

উপরে নীচে ডাইনে বায়ে বধা ইচ্ছা,

মাকে দড়ি দিয়ে চালিয়ে এসেছি আমার শিষ্যদের,—কিন্তু বুঝেছি

আললে জানা যায় না কিছুই !

এই জ্ঞানে দগ্ধ হচ্ছে আমার অন্তর ।

নিঃসন্দেহ আমি বেশী তীক্ষ্ণবুদ্ধি সেই স্থূলবুদ্ধি দলের চাইতে

বাদের বলা হয় আচার্য, অধ্যক্ষ, ব্যাখ্যাতা, প্রচারক ;

সন্ডোচ ও বিধা আর দুর্বল করে না আমার মন,

মরক ও শরতান আর কস্পিত করে না আমার বুক ;

কিন্তু তাতে আনন্দহীন হয়ে পড়েছে আমার হৃদয় ।

আশা করতে পারিনা আর যে বাস্তবিকই কিছু জানা যায় ।

আশা করতে পারি না আর যে শিক্ষার সাহায্যে

মাহুবকে কর' যায় উন্নত, করা যায় পরিবর্তিত ।

ভূমি ও বিস্তারও অধিকারী নই আমি,

সংসারে নেই আমার কোনো সমারোহ, কোনো কতৃৎ,—

এমন দগ্ধ অদৃষ্ট হর্বহ কুকুরের জন্যও ।

তাই আশ্রয় নিচ্ছি জাহ্ন-বিস্তার,—

হয়ত সন্ধান পেয়ে যাব বহু রহস্যের

দেববানিদের শক্তিতে অথবা বাণীতে :

রক্ষা পাব তাহলে যা বুঝি না তার আত্মতা থেকে,—

হয়ত তাহলে পাব সেই গূঢ়তম শক্তির সন্ধান

যার দ্বারা বিশ্বত ও চালিত বিশ্বজগৎ ;

সন্ধান পাব বিশ্বজগতের বীজ-কারণের, তার সৃষ্টিধর্মের ;

ফাঁক। কথার ব্যবসায় তাহলে পারবো পরিহার করতে ।

এমন সময়ে তার দৃষ্টি আকৃষ্ট হলো আকাশের চাঁদের দিকে, সে বলে—

...তোমার বিষয় আঁধা , গুপ্তো বন্ধ,

দেখেছে আমাকে গ্রহ পাঠে নিবন্ধ ;

তার চাইতে যদি তোমার দিব্য আলোকে

দাঁড়াতে পারতাম গিরিমালার শীর্ষে,  
 পর্বতের কন্দরে কন্দরে ফিরতাম দেববোনিদের সঙ্গে,  
 তোমার ধূসর আলোকে ভাসতে পারতাম মাঠে মাঠে,  
 পুষ্টিগন্ধ জ্ঞান-বাষ্প থেকে নিঃশাস্ত হয়ে  
 যদি নবীভূত হতে পারতাম তোমার শিশির-ঝানে !

কিন্তু এই উন্মুক্ত জগতের পরিবর্তে ফাউস্ট বন্দী তার বহু শতাব্দীর পাঠাগারে ;  
 তার বহুচিহ্নিত শাণির ভিতর দিয়ে আলোক প্রবেশ করে কষ্টে, কীটদষ্ট জীর্ণ পুঁথির  
 তুণ জমেছে সেখানে ছাদ পর্যন্ত, তারই সঙ্গে ঘেঁষাঘেঁষি করে আছে পুরুষপরম্পরা-  
 সংগৃহীত বিচিত্র আকৃতির বস্ত্রপাতি । ফাউস্ট বলছে—

হায়, এই আমার জগৎ !

অবীর হয়ে সে খুললে মধ্যযুগের বিখ্যাত জ্যোতিষী নোসত্রাদামুস-এর  
 ( ১৫০৩-১৫৬১ ) গ্রন্থ । নোসত্রাদামুস ও তাঁর পূর্বে মধ্যযুগের আরো অনেক জ্ঞানী  
 বিশ্বজগতকে ভাগ করেছিলেন তিন স্তরে—মর্ত্য, স্বর্গ, অতি-স্বর্গ, ( ভারতীয় ভূত্বঃ স্বঃ  
 তুলনীয় ) । পৃথিবী থেকে চন্দের কক্ষ পর্যন্ত মর্ত্য-লোক, স্বর্ষ ও নক্ষত্রের জগৎ হচ্ছে  
 স্বর্গলোক, আর তার ঊর্ধ্বে অতি-স্বর্গ বা দিব্য লোক । ইতালীয় ভাবুক Pico Di  
 Mirandalo ( ১৪৬৩-১৪৯৪ ) এই তিন জগতের নাম দেন Macrocosm ( বৃহৎ জগৎ )  
 আর মানুষ সধব্দে বলেন :

“এই তিন জগতের সঙ্গে আছে আর একটি জগৎ, নাম Microcosm  
 ( ক্ষুদ্র জগৎ ), তার মধ্যে আছে এই তিন জগতের সব কিছু । এই জগৎ হচ্ছে মানুষ,  
 তাতে আছে—ভৌতিক উপাদানে নির্মিত দেহ, স্বর্গীয় চেতনা, বিচারবুদ্ধি, পরম নির্মল  
 আত্মা, আর ঈশ্বরের সাদৃশ্য ।” নোসত্রাদামুসের বই খুলে ফাউস্ট দেখলে Macrocosm  
 ( বৃহৎ জগতের ) চিহ্ন ; বিশ্বরহস্যের এমম ব্যাখ্যায় সে অন্তরে অগ্নুভব করলে  
 অপরিসীম আবেগ ও উদ্দীপনা, পড়লে নোসত্রাদামুসের এই চার ছত্র :

হৃদয় জগৎ পড়ে আছে নিম্নত্ব ;

তোমার চেতনা অর্গলবদ্ধ, তোমার হৃদয় মৃত ;

ওঠো জাগো হে জ্ঞানার্থী, ছুটে চল,

ধৌত কর তোমার মাটিমাথা অন্তর প্রভাত লালিমায় ।

কিন্তু “ক্ষুদ্র” ও “বৃহৎ”-এর এই সব বিচিত্র তত্ত্ব সধব্দে সে মস্তব্যঙ করলে—

কি মহিম দৃশ্য ! কিন্তু হায় শুধু দৃশ্য ।

বিশ্বপ্রকৃতিকে লক্ষ্য করে’ সে বলে—

ওগো অসীম প্রকৃতি, তোমাকে কেমন করে’ নেব আপনার করে’ ?

ওগো স্তম্ভধারা, ওগো অন্তিমের আদি উৎস,

স্বর্গ ও মর্ত্যের নির্ভর,

তোমাকে মিনতি জানায় বিশীর্ণ চিত্ত,—

প্রবাহিত হচ্ছে তুমি, পোষণ করছে তুমি ; আর আমি মরবো হৃৎখে ?

অধীর আগ্রহে বইখানির পাতা উল্টাতে উল্টাতে ফাউস্টের চোখ পড়লো ভূমি-দেবতার চিহ্নের উপরে। তাকে সে জ্ঞান করলে মাহুয়ের নিকটতর শক্তি। তার মতো মহিমময় হবার আকাঙ্ক্ষা তার অন্তর অধিকার করলো। পরম আগ্রহে এই দেবতাকে স্মরণ করে' সে মন্ত্র উচ্চারণ করলে। এক উজ্জ্বল শিখা জ্বলে উঠলো, সেই শিখায় দেখা দিল দেবতা।

কিন্তু দেবতার ভয়াবহ মূর্তি দেখে ফাউস্টের শরীর ভয়ে কাঁপতে লাগলো। তার এমন দশা দেখে দেবতা তাকে বিদ্রূপ করে' বলে—

....তুমি সেই ( মহিমাকাঙ্ক্ষী ) আমার সামনে

কাঁপচে যার অস্তিত্বের তলদেশ পর্যন্ত,

এক কুণ্ডলীবদ্ধ কুমি ?

তখন খুব সাহসের সঙ্গে ফাউস্ট বলে—

অগ্নিমূর্তি, তোমাকে ভয় করবো আমি ?

আমি ফাউস্ট, তোমার সমকক্ষ।

দেবতা তার পরিচয় দিয়ে বলে, সে জীবন-প্রবাহ—অনন্ত পরিবর্তন অনন্ত প্রয়াস তার রূপ—সেই পরিচ্ছদ ধারণ করে' শোভা পান বিধাতা। ফাউস্ট বলে, সেও তারই মতো চির-প্রয়াসী। তখন দেবতা বলে :

তুমি তার মতো থাকে বোঝো,

আমার মতো নও।

এই বলে' দেবতা অন্তর্হিত হলো। ফাউস্ট বিহ্বল হয়ে বলে :

তোমার মতো নই !

কির মতো তবে ?

আমি, দৈবের প্রভিমূর্তি,

তোমার মতনও নই !

এমন সময়ে দরজায় বা দিলে ভাগ্নার—ফাউস্টের সেবক ও শিষ্য। ফাউস্ট তার পরম উদ্দীপনার ক্ষণে এমন বাধা পেয়ে একান্ত বিরক্তি বোধ করলে। ভাগ্নার প্রবেশ করলে মধ্যযুগীয় বিদ্যার্থীর চোগা-চাপকান পরে', তার মাথায় নৈশ শিরজ্ঞান, হাতে প্রদীপ।—ভাগ্নার গোঁড়ের এক বিখ্যাত সৃষ্টি। সে একান্ত দীপ্তহীন—কেতাবকীট ; সাধুসংকল্প, স্রষ্টাবান, কঠোর পরিশ্রমী সে—পুরোনো পুঁথি বাঁটা যেন তার

জীবনের পরমার্থ। জানে ফাউস্টের একান্ত অবিশ্বাস, কিন্তু পুস্তকগত জ্ঞানে ভাগনারের  
সংশয়মাত্র নেই। সে বলে—

অপরাধ নেবেন না—আপনার আবৃত্তি শুনলাম,  
আপনি নিশ্চয়ই গ্রীক নাটক আবৃত্তি করছিলেন ?  
আমার বাসনা এ বিষয়ে উৎকর্ষ লাভ করি  
কেননা বর্তমানে এর চাহিদা হয়েছে।  
অনেকের মুখে শুনেছি, ধর্মপ্রচারকের  
নটের কাছ থেকে শিখবার আছে।

ফাউস্ট বলে—

হাঁ, যখন ধর্মপ্রচারক স্বভাবত নট,  
কখনো কখনো এমন ঘটে।

ফাউস্টের বিজ্ঞপ্তি ভাগনারের আবোধ্য। সে বলে—

সারা বৎসর ধরে' পড়তে পড়তে মনে হয় একান্ত বন্দী আমি,  
ছুটির দিনেও নেই মুক্তি,  
জগৎকে দেখি যেন কাচের শারিঙ্গ ভিতর দিয়ে,—  
কমন করে' সেই জগৎকে জয় করা বাবে বাগ্মিতার দ্বারা ?

ফাউস্ট বলে—

সেই জয় কখনো ঘটবে না তোমার ভাগ্যে যদি অন্তত্বূতি না জাগে,  
যদি অন্তরাঙ্গা থেকে উৎসারিত না হয় সেই অন্তত্বূতি —  
আদিম, অকৃত্রিম,—বলের দ্বারা  
যা জয় করে নেয় শ্রোতার মন।  
চলতে পার জোড়াতালি দিয়ে,  
এখানকার খোলা ওখানকার টুকরা কুড়িয়ে আরোজন  
করতে পার ব্যক্তনের,

ভস্মস্তু পে ফুৎকার দিয়ে  
চেঁচা করতে পার আগুন জ্বালাতে !  
তাতে তাক লাগাতে পারবে শিশুর দলের, বাদরের দলের ;  
যদি তাতে খুলি হতে চাপ—ভাল।  
কিন্তু কখনো অন্তর দিয়ে অন্তর স্পর্শ করতে পারবে না  
যদি তোমার নিজের অন্তর না হয় প্রদীপ্ত।

অন্তরের আবেগ, উদ্দীপনা, এ সব ভাগনারের জন্য দুর্বোধ্য। সে বোঝে কঠোর  
পরিশ্রমে প্রাচীন পুঁথির অর্থ উদ্ধার করা, আর তা থেকে যে আনন্দ পাওয়া যায় তাই ;

তার হৃৎক, এজন্য বধেই সময় পাওয়া যায় না—আমি বল। তার কথার ফাউস্ট বলে—

তাহলে পুঁথির পাতাই তোমার জন্য পুত উৎস-ধারা,  
তার বারি পান করে' মেটে তোমার শিখালা ।  
অস্তরের অন্তস্তল থেকে বে ধারা উৎসারিত না হয়  
তা ত নয় জীবনদায়িনী সুখা ।

ভাগনার বিনীত হয়ে বলে—

অপরাধ নেবেন না, বড় আমল্য বোধ হয়  
অতীতের ভাব-জগতে নিজেকে নিয়ে যেতে,  
বুঝে দেখতে আমাদের বহু পূর্বে কোনো জানী কি কথা ভেবেছেন,  
আর তাঁর সেই চিন্তাধারা আজ কি মহৎ উৎকর্ষ লাভ করেছে ।

ফাউস্ট বিজ্ঞপ করে' বলে—

উৎকর্ষ লাভ করে' আকাশের তারা পৰ্ব্বন্ত উঠেছে ।

তারপর সে ভাগনারকে বোঝাতে চেষ্টা করলে—

শোনো বন্ধ, যে সব যুগ গত হয়ে গেছে  
সে সব হচ্ছে সাত সিল মেরে' বন্ধ করা বইয়ের মতো ;  
যার নাম দিচ্ছ অতীতের ভাবরাজি  
সে-সব আলোচকদের ভাব ভিন্ন আর কিছু নয়,  
অতীত হয় তাতে প্রতিবিম্বিত ।  
কখনো কখনো সেইসব দৃশ্যে ব্যথিত হয় অন্তরাত্মা ।  
দেখেই যেতে হয় পালিয়ে ;  
যেন জঞ্জাল ও আবর্জনার স্তূপ ;  
বড়জোর তাকে বলতে পার এক খেলা—  
কথা উপদেশ সব গুরুগম্ভীর,  
শোভা পায় পুতুল-নটেরই মুখে ।

ফাউস্টের কথার ভাগনার কেবলই দিশাহারা হচ্ছে, কিন্তু প্রছায় তার কন্মতি নেই, সে বলে—

কিন্তু বিশ্ব-ব্রহ্মাণ্ড, মানুষ, মানুষের হৃদয় ও মস্তিষ্ক ।  
এ সবের কথা একটু আধটু বুঝতে চায় সবাই ।

ফাউস্ট বলে—

হাঁ বুঝতে চায় মানুষের সমাজে বা জ্ঞান নামে  
প্রচলিত সেই চিহ্ন ।



ছেলের আসল নাম কে প্রকাশ করে সদরে ?  
 ছইচার জন খারা বাস্তবিকই কিছু বুঝেছিল,  
 চায়নি কিছু গোপন করতে, নিবুঁদ্ধির মতো অকপটে  
 সবাইকে ডেকে বলেছিল মনের কথা  
 ভাদের চড়ানো হয়েছে ক্রুশে আর পোড়ানো হয়েছে আগুনে ।  
 তাহলে বন্ধু, রাত হয়ে গেছে অমেক,  
 এইবার শেষ হোক আমাদের আলাপ ।

ভাগনার খুশী হয়ে বলে—

আপনার সঙ্গে আনন্দে রাত জেগে  
 জ্ঞানগর্ভ আলাপ করতে কত আনন্দ পাই !  
 কাল দ্বৈশটার দিন—ছুটি,  
 আমি কিন্তু অমুমতি প্রার্থনা করে' রাখছি ছই একটি প্রশ্ন জিজ্ঞাসা করবার ।  
 একান্ত বাসনা আমার শান্তি হব,  
 জেনেছি বহু, কিন্তু, জানতে চাই সব ।

ভাগনার চলে গেলে ফাউস্টের দীর্ঘ স্বগতোক্তি আরম্ভ হলো—

তাকেই কখনো ত্যাগ করে মা সব আশা  
 অসার বস্তু প্রাণপণে আঁকড়ে ধাকায় যার আনন্দ ।  
 লুক্ক হয়ে হাংড়ে সে ফেরে গুপ্ত ধন,  
 আর হাতে কেঁচো ঠেকলে লাকিয়ে ওঠে স্তম্ভিত ।

কিন্তু ধরিজীর এই “দীনতম নিবুঁদ্ধিতম সন্তানে”র প্রতি সে কৃতজ্ঞতা জ্ঞাপন  
 করলে—কেননা জুমি-দেবতার ভয়ঙ্কর রূপ দেখে যখন তার বুদ্ধি বিহ্বল ও অস্তরায়্য।  
 অবসর হয়ে পড়েছিল তখন ভাগনারের আগমনের ফলে সে ফিরে পেয়েছিল আপন  
 সধিং । তার এখনকার নূতন চেতনা সম্বন্ধে সে বলেছে—

নিজেকে জ্ঞান করেছিলাম ঈশ্বরের প্রতিমূর্তি,  
 —যেন আয়ত্ত করেছি সত্যের স্বরূপ—  
 হচ্ছিলাম দিব্য আলোকে ও ঔজ্জ্বল্যে ভাস্বর,  
 হেলায় চেয়েছিলাম ( আমার মথোকার ) মাটির মানুষের প্রতি ;  
 আমি যেন মহত্তর দেবদূতের চাইতেও, আমার নির্বারিত শক্তি  
 আনন্দে লক্ষণ করে' ফিরবে প্রকৃতির শিরায় শিরায়,  
 আনন্দময় সৃষ্টিতে উপভোগ করবো  
 দেবলভা—সেই আমার দশা দেখ !  
 একটি বজ্রবাণী ছিন্ন করেছে আমাকে আপন স্থান থেকে ।

আর আমার সাহস নেই তোমার সঙ্গে নিজের তুলনা করি ।  
 লাভ করেছিলাম তোমাকে নিকটে আকর্ষণ করবার শক্তি  
 কিন্তু তোমাকে আয়ত্ত করবার শক্তি নয় ।  
 সেই পরম উদ্দীপনার মুহূর্তে  
 নিজেকে জ্ঞান করেছিলাম কত ক্ষুদ্র কত মহান ;  
 কিন্তু তুমি সবলে নিক্ষেপ করেছ আমাকে  
 পুনরায় মানুষ্যের অনিশ্চিত ভাগ্যের 'পরে' ।  
 কোন্ পথ করবো বর্জন ? কার নির্দেশ করবো গ্রহণ ?  
 অবলম্বন করবো কি সেই ( পুরাতন ) ধন্দ্ব-সংঘাত ?  
 হায়, যেমন প্রতি হুঃখ তেমনি প্রতি কর্ম  
 ব্যাহত করে জীবনের গতি ।

অস্তরাত্মার বা মহত্তম ভাবনা  
 তারো সঙ্গে জড়িয়ে থাকে হীম চিন্তা  
 সংসারে থাকে বলা হয় শ্রেষ্ঠ তা যখন লাভ হয়  
 তখন শ্রেষ্ঠতরকে মনে হয় প্রভাবরণা ও মিথ্যা ।  
 আমাদের স্মৃতিভাষা, জীবনের সম্পদ ও শোভা—  
 সংসারের ধন্দ্ব-কোলাহলে হয় মুক, নিস্ত্রাণ ।  
 আশাময়ী করনা হয়ত একদা হুঃসাহসে ভর করে'  
 তার কামনাকে করেছিল অমন্ত-অভিসারী,  
 কিন্তু আজ সে পরিভূষ্ট সংকীর্ণ পরিসরে—  
 যেহেতু সময়ের আবর্তে বিশ্বস্ত হয়েছে বহু সৌভাগ্য ।  
 হুশিস্তা বালা বেঁধেছে আমাদের মর্মমূলে :  
 তা দিয়ে চলেছে সে গোপন হুঃখরাজী,  
 অস্থিরচিত্ত সে; পাশমোড়া দিচ্ছে, আন্দোলিত করছে আনন্দ ও শান্তি ।  
 নতুন নতুন মুখোশ পরে' আসছে সে—  
 আসছে গৃহ বিত্ত জী মন্ততির রূপে,  
 আসছে প্রাণ অগ্নি বিষ স্বাতকের অজ্ঞের রূপে ;  
 বেশী ভয় আমাদের সেই সব বিপদের বা ষটে না কখনো  
 হারাবো না বা কোনোদিন মরি তার শোকে কেঁদে ।  
 দেবতার মতো নই আমি ! বুঝেছি সে কথা মর্মে মর্মে ;  
 আমি বরং ক্রমি কীট—ধূলার যে আছে লুটিয়ে,

ধূলয় কাটাচ্ছে জীবন, ধূলয় লাভ করছে জীবিকা,

ধূলয় হচ্ছে শিষ্ট সমাহিত পণিকের পাদম্পর্শে।

মানব-জীবনের ও মানব-প্রয়াসের অকিঞ্চিৎকরতার চিন্তায় ফাউস্ট একান্ত দগ্ধ হলো। চারদিকেই সে দেখলে ব্যর্থতার চিহ্ন। বহু শতাব্দীর পুঁথিপত্র তাকে কেবল শিক্ষা দিচ্ছে, নিজের হুঃখ বাড়িয়ে চলাই মানুষের ভাগ্য, তারই মধ্যে কচিং কখনো নিঃসঙ্গ এমন কাউকে পাওয়া যায় যাকে বলা যায় সুখী। মড়ার মাথার খুলিকে লক্ষ্য করে' সে বলে—

ওগো শত্রুগর্ভ করোটি, কটমট করে' তাকিয়ে ত বলতে চাও—

তোমারও 'মস্তিষ্ক ছিল আমারই মতো অপরিচ্ছন্ন,

চেষ্টেছিল সে আলোকিত দিন, কিন্তু পেয়েছিল নিরানন্দ আলো-আধার,

জেগেছিল তাতে সত্যের তৃষ্ণা, কিন্তু গতি হয়েছিল তার ভুলের গহমে।

বৈজ্ঞানিক যন্ত্রপাতিও তার মনে হলো ব্যর্থতার চিহ্ন—

মধ্যদিনেও রহস্তময়ী

প্রকৃতি আছে অবগুণ্ঠনবতী হয়ে যতই কর অভিযোগ;

তোমার মনের চক্রে যদি না দেয় সে ধরা—

বৃথা তবে যত কল কজা ও হাতুড়ি।

তার মনে হলো তার পিতার আমলের যতসব যন্ত্রপাতি ও পুঁথিপত্র সে উত্তরাধিকার-স্বত্রে লাভ করেছে অথচ সে-সবের ব্যবহার সে জানেনা বা করে না, সে-সবের ভার তাকে বহন করতে না হলেই হতো ভাল—

পূর্বপুরুষ থেকে যা পেয়েছ

তাকে নতুন করে' অর্জন কর প্রকৃতই পেতে হলে।

যাতে কাজ দেয় না তা হুঃসহ বোঝা,

যে কাল যা সৃষ্টি করে তাতে যেটে সেই কালেরই প্রয়োজন।

এমন সময়ে তার চোখ পড়লো বিষের শিশির উপরে। তার চোখমুখ উজ্জল হয়ে উঠলো। বুঝলে সে এর সাহায্যে মিটেবে তার মনের যত জালা। মনে হলো তার মৃত্যুর পরে সে জীবন স্মর করতে পারবে মহত্তর নির্মলতর ক্ষেত্রে। কিন্তু সে নিজেকে প্রসন্নও করলে—

এই দেবভোগ্য আনন্দ, এই মহৎ অস্তিত্ব,

লভ্য কি তোমার মতো কৃমির ভাগ্যে?

সে নিজের মনকে আরো সবল করলে—

হাঁ, উজ্জলতর লোকে বাজার অভিপ্রায়ে

আমি শিষ্ট ফেরাচ্ছি পৃথিবীর মোহন সূর্যের পানে।

আমি ভেঙে খান খান করবো সেই দুয়ার,  
 আর সবাই যার পাশ কাটিয়ে চলে ভরে ভরে !  
 মাহুঘের মহিমা দেবতার উত্তুঙ্গ মহিমার স্পর্শ  
 সময় হয়েছে এই বজ্রবাণী কাজ দিয়ে বোষণা করবার ;—  
 ভয় নেই সেই আধার অতলে ঝাঁপ দিতে  
 করনা যাকে নিয়ে রচনা করে বিভীষিকা ;—  
 ভয় নেই সেই সঙ্কটের পানে অগ্রসর হতে  
 যার সংকীর্ণ পরিসর ঘিরে দাঁড় দাঁড় করে' জলে নরকের আগুন ;  
 সময় হয়েছে হাসিমুখে পা বাড়িয়ে দিতে  
 যদিও তাতে লাভ হয় তূর্ণ নিশ্চিত বিলয় ।

সে নামিয়ে নিলে তার উজ্জ্বল কাচের পেয়ালা—যা তার বহু উৎসব-দিনের  
 সাক্ষী ; স্মরণ করলে সেই সব বন্ধ-সম্মেলনের দিন, সেই সব সম্মেলনে পেয়ালার  
 উপরে অঙ্কিত কারুকলার ছন্দোবদ্ধ বর্ণনা । তারপর তাতে বিষ ঢেলে সে মুখে  
 তুলে ধরলে । এমন সময়ে উখিত হলো জিস্টারের আনন্দময় ঘটাস্থানি  
 ও সঙ্গীত ।

দেবদূতদের সঙ্গীত—

খুঁট হয়েছেন উখিত !  
 মরণপীড়িত তোমাকে নমস্কার—  
 ভাগ্যহীনেরা  
 অমুসরণকারীরা  
 পারবে কেন তোমাকে বন্দী না করে' ।

এই পরিচিত পবিত্র সঙ্গীত তাকে স্পর্শ করলো ।' মুখ থেকে সে বিষের  
 পেয়ালা নামিয়ে নিলে । সে স্মরণ করলে খুঁটের দারুণ মৃত্যু-রজনীতে  
 দেবদূতদের কণ্ঠে ভগবানের এই নূতন অঙ্গীকার ।

তারপর ধ্বমিত হলো নারীদের শোক—তারা পরম যত্নে ধৌত করেছিল,  
 স্নান করিয়েছিল, সজ্জিত করেছিল খুঁটের দেহ, সেই দেহ আর তারা  
 দেখছে না !

এর পর দেবদূতদের দ্বিতীয় সঙ্গীত—

উখিত হয়েছেন খুঁট !  
 জয় হোক প্রেমময়ের !  
 যে দুঃখ তাঁকে হেমেছিল আঘাত,

যে পরীক্ষা তাঁকে ফেলেছিল ফাঁদে,

সব অবসান হয়েছে মহিমায় !

ফাউস্ট বলে—

স্বর্গের সঙ্গীত ধ্বনি,

আমাকে কেন মুগ্ধ করতে এসেছ এই ধূলির 'পরে ?

ধ্বনিত হও বরং কোমল হৃদয়ের দেশে ।

তোমাদের বাণী প্রবেশ করে আমার কর্ণে কিন্তু অন্তরে নেই ত প্রত্যয় ।

প্রত্যয়ের প্রিয়তম সন্ততির নাম অবটন ।

যে দেশ থেকে আসছে এই আনন্দধ্বনি

সাহস নেই আমার মনের সেই দেশে বিচরণ করতে,

কিন্তু অভ্যস্ত হয়েছি এই ধ্বনিতে শৈশব থেকে,

নতুন করে' ডাকলো এই ধ্বনি আমাকে জীবনের পথে ।

সেদিনে রবিবাসরের পূত স্তম্ভতায়

লাভ করতাম স্বর্গের চূষন ;

মহুর ঘণ্টা বাজতো গম্ভীর রবে রহস্যময় শক্তি সঞ্চার করে',

প্রার্থনা ডুবিয়ে দিত আমাকে আনন্দ-সায়রে ;

অজানা পুলক

ডাক দিত কাননে কান্তারে,

বুক ভরতো আনন্দে, অঝোরে ঝরতো উষ্ম অশ্রু,

অহুস্তব করতাম অন্তরে নতুন জগতের জন্ম ।

এই ধ্বনিতে স্ফুটিত হতো তরুণ-তরুণীর আনন্দ-কোতুক,

স্ফুটিত হতো নব বসন্তের উৎসব ;

স্মৃতি ধরেছে আমাকে জড়িয়ে শিশুর মতো,

রোধ করছে আমাকে চরম সংকল্প থেকে ।

বাজো বাজো স্বর্গের বাজ, এত মধুর এত কোমল ।

অঝোরে ঝরছে অশ্রু—ধরণী ফিরে পেলো তার সন্তান !

এর পর থুইশিয়াদের সঙ্গীত—

বিজয় গৌরবে

ভিন্ন করেছে সে কি কবর-বাল,

আসীন হয়েছে এখন পরম মহিমায় ?

বিকাশের আনন্দে

সমীপবর্তী সে কি অষ্টার আমনের ?

হার, ধরণীর হৃৎ

আজ্ঞা আমাদের ভাগ্য ।

আমরা তোমার শিষ্যদল,

মরে আছি সংসারে ;

ঐখিলে ভাসি আমরা ;

প্রভু, চাই তোমার পরম শাস্তি !

এর পর দেবদূতদের তৃতীয় সঙ্গীত —

থুই হয়েছেন উখিত,

মানির গর্ভবাস থেকে ।

ভেঙেছেন তোমার কারাগার

নিষ্ক্রান্ত হও তা থেকে !

অহুসাগে তাঁর মহিমা গাও,

কাজে দেখাও সেই প্রেম,

জান করো সবে আপন ভাই,

ভাগ দাও সবে অন্ন,

সবার কানে দাও স্বর্গের আশ্বাস

যেখানে যে আছে হৃৎখী,

প্রভু তোমার নিকটে !

দেখো তাঁকে জাগ্রত !

### দ্বিতীয় দৃশ্য

শহরের ফটকের সামনে

শহর থেকে দলে দলে বেরিয়ে আসছে নরনারী ঈস্টারের দিনে । ইতস্ততঃ  
ছুটেছে তারা, লক্ষ্য তাদের ক্ষুতি—মদ খাওয়া হল্লা নাচগান । সুসজ্জিত বেশে  
বেরিয়েছে তরুণী খি-রা, তাদের সঙ্গে নাচতে চাচ্ছে কলেজের ছোকরারা ; কলেজের  
ছোকরাদের টিটকারি দিচ্ছে মধ্যবিত্ত নাগরিক কতারা তাদের এমন বিলী কচির জন্তে ।  
ভিক্ষুক গান গেয়ে গেয়ে চাচ্ছে ভিক্ষা ; সৈন্তরা গেয়ে চলেছে—

উচ্চুড় দুর্গ যত

প্রাচীর উচু যার,

উন্নাসিক কন্যা সব

শোভার বাহার,

ছুইই মোরা চাই—

লড়ি মোরা ছুঃসাহসে

বেতন খাসা পাই।

.... ... ..

ফাউন্ট বেরিয়েছে ভাগনারকে সঙ্গে নিয়ে। জনসাধারণকে এমন আনন্দরত দেখে সে বলছে—

বসন্তের প্রসন্ন দৃষ্টিতে  
বরফের কবল থেকে মুক্ত হয়েছে ঝরণা ও নদী ;  
আশার রঙ লেগেছে উপত্যকায়,  
বৃদ্ধ শীত এখন মুকুটহীন,  
আশ্রয় নিয়েছে দুর্গম পর্বতে ;  
...স্বর্ষ ফোটাবে ধরণীতে তার প্রিয় রঙ,  
লাল নীল হরিৎ ফুল দেখা দেয়নি এখনো,  
সেই অভাব পূরণ করছে সে নরনারীর রঙ-বেরঙের পোষাকে।

তারা দাঁড়িয়েছিল এক উচু জায়গায়। ভাগনারের দৃষ্টি জনগণের দিকে আকৃষ্ট করে' ফাউন্ট বলে—

অন্ধকার ফটকের ভিতর দিয়ে  
বেরিয়ে আসছে স্নানজিত জনগণ ;  
আনন্দে বেরিয়ে আসছে স্বর্ষালোকে—  
প্রভুর অভ্যুত্থানের উৎসব তাদের আজ।  
অনুভব করছে তারা নিজেদেরও অভ্যুত্থান—  
তাদের নীচু আধার বাস-অযোগ্য গৃহ থেকে ;  
শ্রমের বন্ধন থেকে, দৃষ্টিভ্রম ও বিরক্তি থেকে ;  
বন্ধ ভবন থেকে  
শহরের সংকীর্ণ গলিঘূর্ণি থেকে ;  
গির্জার গম্বীজ নৈশ উপাসনা থেকে  
সবাই এখন উপস্থিত প্রসন্ন স্বর্ষালোকে।  
দেখো দেখো কেমন ছুটেছে এরা  
মাঠ ও বাগানের ভিতর দিয়ে দূরে দূরান্তে ;  
নদীর প্রশস্ত মহুর বুক  
ভাসছে অগণিত স্নদন্ত খেয়াভরী,  
ডুবু ডুবু বোঝাই নিয়ে

ছাড়লো শেষ নৌকা ।  
 দূরের পাহাড়ী পথ বেয়েও  
 নামছে রঙ-বেরঙের পোষাক ।  
 ঐ শোনো গ্রামের আনন্দ-কোলাহল—  
 এই-ই জনগণের স্বর্গ !  
 এখানে আনন্দনিরত ছোট বড় সবাই ;  
 এখানেই অহুভব করি আমি মানুষ—এখানেই বটে ।

ভাগনার বন্ধে—

শুরুদেব, আপনার সঙ্গে পায়চারি করা শৌভাগ্য,  
 তা থেকে পাই সম্মান উপকার দুইই ।  
 কিন্তু একা হলে আমি এখানে আসতাম না,  
 কেননা স্থল সব-কিছুতে আমার বিতৃষ্ণা ।  
 এই সব বেহালা-বাজনা, চীৎকার, লাফালাফি  
 —ইতর লোকদের এই হল্লা—আমি যুগা করি ;  
 এদের চেষ্টামেচি শুনে মনে হয় এদের পেয়েছে শরতানে ;  
 এই সব এদের আমোদ, এদের গান !

এর পর ক্লবকদের নাচ ও গান । উদ্দাম ভঙ্গিতে চললো তাদের প্রায় নির্দোষ  
 ক্ষুতি । নাচের শেষে একজন বৃদ্ধ ক্লবক ফাউস্টের প্রতি বোধোচিত সম্মান প্রদর্শন  
 করে' বলে, তাঁর মতো পণ্ডিত যে তাদের উৎসবে পদার্পণ করেছেন এ তাঁর মহাহুভবতার  
 পরিচয় । সে ফাউস্টকে নিবেদন করলে তাদের সব চাইতে ভাল পাত্রে টাটকা-চালা  
 মদ, বলে—এই পাত্রে যত ফোঁটা মদ আছে তত দিনের আয়ু তাঁর লাভ হোক । ফাউস্ট  
 ধন্যবাদ জানিয়ে ও এদের স্বাস্থ্য কামনা করে' পাত্র গ্রহণ করলে । ক্লবক ফাউস্টের  
 পিতার গুণগান করলে, কত রোগীকে তিনি রোগমুক্ত করেছিলেন সে কথা বলে—সেবার  
 মড়ক লাগলে যুবক ফাউস্টও লোকদের কেমন আগ্রাণ সেবা করেছিলেন সে কথাও  
 স্মরণ করলে, বলে, সেদিনে তিনি হয়েছিলেন যেন মঙ্গলদাতা ঈশ্বর । সবাই গভীর  
 কৃতজ্ঞতার সঙ্গে তাঁর স্বাস্থ্য কামনা করলে । ফাউস্ট বলে—

মাথার উপরে যিনি আছেন তাঁকে নতি জানাও,  
 তিনিই সাহায্য করতে পেশান, সাহায্য পাঠান ।

এদের পরিভ্যাগ করে' কিছুদূর অগ্রসর হলে ভাগনার বন্ধে—  
 মহাপুরুষ, আপনার মনে কি গভীর ভাবই না জেগেছে  
 জনগণের এই অকৃত্রিম সম্মান লাভ করে' !



কত ভাগ্যবান্‌ তিনি হাঁর প্রতিভা

যোগ্য করেছে তাঁকে এমন সম্মানের !

পিতা পুত্রের সন্মান দৃষ্টি আকর্ষণ করে আপনার দিকে,

সবাই কৌতুহলী হয় আপনার সম্বন্ধে, বিরে দাঁড়ায় আপনার চারদিকে,

বেহালা খেমে যায়, নাচ আরম্ভ হয় দেবীতে,

আপনি এগোলেন তারা দাঁড়ালো সারি দিয়ে,

সবাই টুপি তুলে অভিবাদন করলে আপনাকে ;

আর একটু হলেই তেমন সম্মান দেখানো হতো

যেমন সম্মান ভক্তরা নতজাহু হয়ে দেখায়

পবিত্র “দেহ ও শোণিত-সেবন” অনুষ্ঠানের শোভাযাত্রার প্রতি ।

আর একটু উপরে উঠে এক পাথরের উপরে তারা বসলো ।

ফাউস্ট বলে—

চিন্তায় তন্ময় হয়ে এখানে একা একা কাটিয়েছি বহু দিন—

উপবাসে ও প্রার্থনায় তখন আমার জীবন হয়েছিল ক্লিষ্ট ।

তখন ছিলাম আশায় সমৃদ্ধ ও প্রত্যয়ে বলীয়ান্‌,

সজল নয়নে দীর্ঘবাসে কত আকুল প্রার্থনা জানিয়েছি

স্বর্গের দেবতার সমীপে

সেই দূরপ্রসারী মড়ক নিবারণের জন্তে !

জনগণের প্রশংসা এখন মনে হয় বিজ্ঞপ ;

যদি দেখতে পেতে আমার মন তবে বুঝতে

এই প্রশংসার কত অব্যোধ্য জ্ঞান করি

পিতা পুত্র উভয়কেই !

আমার সম্মানিত পিতার মস্তিষ্ক ছিল খেলালে ভরপুর,

সাধনায় ছিল না তাঁর ক্রটি—কিন্তু নিজের ভজিতে ।

তার পিতা ছিলেন সেইদিনের আলকেমি-বিশারদ । বিচিত্রভাবে নামা বিরুদ্ধধর্মী  
দ্রব্যের মিশ্রণে তিনি তাঁর সহকারীদের নিয়ে কল্পে ওষুধ তৈরী করতেন সে  
সব বর্ণনা করে’ ফাউস্ট বলে—

ওষুধ হতো প্রস্তুত—রোগীর সমস্ত বস্ত্রণার অবসান হতো অচিরে ।

“কে কে ভাল হলো!”— সে প্রশ্ন করতো না কেউ ।

এমনি ভাবে ভয়ানক সব ওষুধ তৈরি করে’

এই উপত্যকা আর পাহাড়ের অঞ্চলে

আমরা হয়েছিলাম মারীর চেয়ে ভয়াবহ ।

আমার দেওয়া বিবে মরছে হাজার হাজার লোক,  
আর আজ আমাকে শুন্তে হচ্ছে বারা বেঁচে আছে তাদের মুখ থেকে  
সেই নির্লজ্জ বাতকদের প্রশংসা।

ভাগনার বন্ধে—

কেন হুঃখ পাচ্ছেন এই চিন্তায় ?  
নিপুণ ভাবে অবিচলিত অধ্যবসায়ে  
পূর্বপুরুষ থেকে পাওয়া শিক্ষাকে কাজে খাটানো ভিন্ন  
মানুষ আর কি করতে পারে ?

ফাউস্ট বন্ধে—

সুখী সে বার অন্তরে আজো জাগে  
ভুলের সমুদ্র থেকে উদ্ধার পেয়ে ডুঙায় উঠবার আশা।

কিন্তু এ প্রশঙ্গ ত্যাগ করে' সে তাকালে অন্তঃগামী সূর্যের মহিমার পানে—  
বাড়ীঘর, গাছপালা, পাহাড়ের চূড়া, সব কেমন রঞ্জিত হয়ে উঠেছে সেই দৃশ্যের দিকে।  
তার মনে কামনা জাগলো যদি আকাশে উড়বার পাখা তার থাকতো তাহলে এই  
অপূর্ব দৃশ্য তার জন্ত হতো অফুরন্ত। সে বন্ধে—

হায় যে পাখা মমকে ওড়ায় আকাশে  
তার এমন শক্তি নেই যে দেহকে টেনে তুলবে।  
তবু প্রতি আশ্রয় কামনা জাগে  
সুদূরের জন্তে—  
যখন নিঃসীম আকাশ থেকে  
ভেসে আসে চাতকের কলতান,  
যখন পর্বতচূড়া ও দেওদারের মাথার উপরে  
পাখা মেলে ভাসে ঈগল,  
প্রান্তর হ্রদ ও বীপের উপর দিয়ে  
উড়ে চলে সারল দূরান্তের তীরে।

ভাগনার বন্ধে :

আমার মনেও কখনো কখনো অদ্ভুত খেয়াল জাগে,  
কিন্তু এমন খেয়াল জাগে নি কোনো দিন।  
বন ও মাঠের দিকে তাকিয়ে শীগগিরই আসে ক্লান্তি,  
পাখীর মতো পাখাতেও নেই আমার প্রয়োজন ;  
তা না হলে আনন্দে কেমন করে' সঞ্চরণ করতে পারি  
পুঁথির পাতায় পাতায়, এক বই থেকে অত্র বইতে !

শীতের রাত্রি তখন হয় কত মধুর, তীব্র পুলক  
সঞ্চারিত হয় প্রেতি অঙ্গে ! আর  
যখন খুলে ধরি কোনো প্রাচীন তুলট  
তখন যেন স্বর্গ দেখি সামনে !

ফাউস্ট বলে—

কিছু পরিচয় পেয়েছে মনের একটি খেলার,  
অন্তরির কথা জানতে চেয়েমা কখনো !  
হায়, আমার মধ্যে রয়েছে দুইটি মন,  
একটি কেবলই বিরুদ্ধাচরণ করে অন্তরির ।  
একটি নিগূঢ় আসক্তিতে  
জড়িয়ে ধরেছে জগৎ-সংসারকে,  
অপরটি ধূলি-কুয়াশার স্তর সবলে ভেদ করে’  
মাথা তুলতে চায় নির্মল আকাশে ।

ফাউস্ট প্রার্থনা করলে নিকটে যদি আদেশপালনরত দেবযোনি থাকে তবে  
তারা তাকে নিয়ে যাক নূতনতর পূর্ণতর ক্ষেত্রে ।—

যদি থাকতো আমার এমন মায়া-আবরণ  
যার সাহায্যে যেতে পারতাম সেখানে খুশী,  
তবে জগতের কোনো সম্পদের পরিবর্তে  
—রাজার পোষাকের পরিবর্তেও—করতাম না তা বদল ।

ভাগনার বন্ধে, এমন ভাবে দেবযোনিদের ডাকা ভাল নয়, তাদের দ্বারা মাহুকের  
নানা ব্যাধি নানা অনর্থ ঘটে । অন্ধকার হয়ে আসছিলো দেখে সে গৃহে ফিরতে  
চাইলে । এমন সময়ে ফাউস্টের চোখ পড়লো দূরের একটি কালো কুকুরের উপরে—  
সেটি তাদের দিকেই আসছিল । ফাউস্টের সন্দেহ হলো এটি কুকুর নয়, কিন্তু  
ভাগনার বন্ধে এটি কুকুর ভিন্ন আর কিছুই নয়, শিক্ষা দিলে অনেক কিছু শিখতে  
পারবে ।

### তৃতীয় দৃশ্য

ফাউস্টের পাঠাগার

কুকুর সঙ্গে নিয়ে ফাউস্ট প্রবেশ করলে ।

রাত্রির বাণী-ভরা স্তব্ধতা ফাউস্ট অহুভব করেছে, তার মনে জাগছে—

এমন সময়ে উৎকৃষ্টতর আত্মা জাগ্রত হয় আলোকের দেশে :

উদ্ধাম বাসনা কামনা হয় শিথিল ;

অন্তরে নতুন করে' জাগে মানব-প্রেম,  
 নতুন করে' জাগে ভগবৎ-প্রেম ।  
 ....আশা নতুন করে' হয় মুঞ্জরিত,  
 বিচার বুদ্ধি নতুন করে' হয় সবাক্ ;  
 সাধ যায় জীবন প্রবাহে ভাসতে,  
 জীবনের উৎস-মুখ খুঁজে পেতে ।

কুকুর মাঝে মাঝে বেউ বেউ করে' উঠছে তাতে ফাউস্ট বিরক্ত হচ্ছে, তাকে বলছে ধামতে—এই চীৎকারে আহত হচ্ছে তার নবলক শাস্তি ।

কিন্তু সে হুঃখিত হয়ে অনুভব করলে তার সেই শাস্তি অন্তর্হিত হয়ে গেছে । সে ভাবলে অপৌরুষেয় বাণীর সহায়তায় সে ফিরে পাবে সেই শাস্তি । এজ্ঞে খুলে মিলে নিউ টেস্টামেন্ট আর তা থেকে অনুবাদ শুরু করলে তার মাতৃভাষা জার্মানে ।

প্রথম লাইনটি নিয়েই সে মুস্থিলে পড়লো । “আদিতে ছিল শব্দ”—কিন্তু “শব্দে”র কি এত মর্যাদা ! সে ভাবলে ‘শব্দে’র পরিবর্তে বরং লেখা উচিত “চিন্তা” । কিন্তু আবার সে ভাবলে—চিন্তার কি সৃষ্টি করবার ক্ষমতা আছে ? সে তখন ভাবলে লেখা যাক “আদিতে ছিল শক্তি ।” পরক্ষণেই তার মনে হোলো হয়ত মূলের অর্থ প্রকাশ পেল না । সে নির্মলতর উপলব্ধির জ্ঞান প্রার্থনা করলে আর খুশী হয়ে লিখলে—“আদিতে ছিল কর্ম ।”

কুকুর আবার চীৎকার করে' উঠলো । ফাউস্ট অপ্রসন্ন হয়ে বল্লেন...দরজা খোলা আছে বেরিয়ে যাও...। কিন্তু লবিস্ময়ে সে দেখলে কুকুর সিঙ্ক-ঘোটকের মতো প্রকাণ্ড হয়ে উঠেছে—দেখতে কি ভীষণ ! সে বুঝলো এ কোনো অপদেবতা । সে নানা মন্ত্র পাঠ করতে লাগলো । কুকুর ফুলতে ফুলতে হাতীর মতো প্রকাণ্ড হলো, শেষে হলো ঘোঁয়ার কুণ্ডলী—তা থেকে বেরিয়ে পড়লো এক ভ্রাম্যমান বিজ্ঞার্থী ; ফাউস্টকে সে বল্লেন—

এত গোল কেন ? প্রভুর কি হুকুম ?

এইই মেফিস্টোফিলিস ।

ফাউস্ট তার নাম জিজ্ঞাসা করলে । সে বল্লেন—

এ খুব নগণ্য ব্যাপার

...তার কাছে “শব্দে”র প্রতি খার এত বিতৃষ্ণা—

যে সমস্ত বাহ্য চাকচিক্য পরিহার করে'

দৃষ্টি নিবদ্ধ রেখেছে অস্তিত্বের গহনতার পানে ।

ফাউস্ট ভবু তার নাম জামতে চাইলে, সে কোন্ শ্রেণীর অপদেবতা তা জানবার  
জন্তে । মেফিস্টো বলে—

সে সেই হর্বোধ্য শক্তির অংশ

যার অভিশ্রায সব সময়ে মন্দ, কিন্তু করে সব সময়ে ভাল ।

ফাউস্ট বলে—

এ হেঁয়ালির অর্থ ?

মেফিস্টো বলে :

আমি হচ্ছি সেই শক্তি যার কাজ অস্বীকার করে' চলা ।

আর খুব সঙ্কত ভাবেই ; কেননা শূন্য থেকে

সবের উদ্ভব, সেই শূন্যেই মিলিয়ে দেওয়া চাই সব ;

বেশী ভাল হতো যদি সৃষ্টি আদৌ না হতো ।

তোমরা যার নাম দিয়েছ পাপ—

ধ্বংস—অর্থাৎ যা কিছু মনের সঙ্গে সংশ্লিষ্ট—

আমার অধিবাস সে-সবে ।

ফাউস্ট বলে—

বলছ তুমি অংশ, কিন্তু দেখাচ্ছে ত তোমাকে পূর্ণাঙ্গ ?

মেফিস্টো বলে—

যা সত্য তাই তোমাকে বলছি না বাড়িয়ে ।

মাহুয—নিবুঁজিতার “ক্ষুদ্র বিশ্ব”—চায় কিন্তু

নিজেকে পূর্ণাঙ্গ বলেই জানতে ।

আমি অংশের অংশ, কিন্তু সেই অংশই আদিতে ছিল সব,

—আদিম রাত্রি—যা থেকে জন্মাভ করেছিল আলোক—

সেই উদ্ধত আলোক আজ দাবি করছে সব জায়গা,

অধিকারচ্যুত করতে চাচ্ছে তার মাতা রাত্রিকে ।

কিন্তু জ্বিতে পারছে না যত চেষ্টাই করুক,

যুক্ত রয়েছে সে জড়দেহের সঙ্গেই :

নির্গত হচ্ছে জড়দেহ থেকে, জড়দেহকেই করছে সুন্দর,

জড়দেহই রোধ করছে তার গতি ;

তাই আমার বিশ্বাস, আর বেশী দেরী নেই,

জড়ের ধ্বংসের সঙ্গে ঘটবে তারও বিলোপ ।

ফাউস্ট বলে—

তোমার মহৎ উদ্দেশ্য অনুধাবন করতে পারছি !

পুরো ধ্বংস ত সম্ভবপর হবে না তোমার দ্বারা,  
তাই আরম্ভ করেছ অন্ন দিয়ে।

মেফিস্টো হুঃখিত হয়ে স্বীকার করলে এই ধ্বংসের কাজে এ পর্যন্ত সে তেমন  
কৃতকার্য হয়নি, বিশ্ব-লংসারের বৈচে থাকবার শক্তি অদ্ভুত—

ভূমিকম্প ঝড় বজ্রা আগ্নেয়গিরির উচ্ছ্বাস—

এ সবের পর আবার শান্তি নেমে আসে সমুদ্র ও ধরণীর পরে !

আর সেই জাহারামী জীবজন্তু আর মানুষের পাল !

কি হবে আর তাদের সঙ্গে খেলা করে' !

কত জনকেই না দিলাম সাবাড় !

কিন্তু আবার গজিয়ে ওঠে রক্তবীজের ঝাড় !

ফাউস্ট বলে—

চিরস্তনী শুভদাত্রী সৃজনী-শক্তির বিরুদ্ধে

নিষ্ঠুর ঘৃণায়

ভূমি উত্তোলিত করেছ শয়তানী মুষ্টি,

বুধা তোমার আফালন !

বিপর্যয়ের অদ্ভুত সন্তান,

খুঁজে নাও বরং অথ কোনো ব্যবসায়।

মেফিস্টো বলে—সে কথা পরে হবে, আপাতত সে চাচ্ছে বিদায়। সে বন্দী  
হয়েছে বুঝে ফাউস্ট তাকে ছাড়তে চাইলে না। কিন্তু মেফিস্টোর চেলারা বাইরে  
থেকে এক দীর্ঘ মন্ত্র আবৃত্তি করে' ফাউস্টকে ঘুম পাড়িয়ে দিলে, সেই অবসরে  
মেফিস্টো পালিয়ে গেল। এই মন্ত্র এক দীর্ঘ ছেলেভুলানো ছড়া, এর দ্রুত ছন্দ-  
প্রবাহে ভেসে চলেছে ফল ফুল জল মেঘ ও আলোকিত আকাশের বিচিত্র দৃশ্য,  
সৌন্দর্য ও লালিত্যের বিচিত্র ইঞ্জিত—সেই সৌন্দর্য ও লালিত্য-প্রবাহে নিমজ্জিত হয়ে  
ফাউস্ট যেন ফিরে পাবে তার দেহ-মনের স্বস্তি। অমুবাদক বেয়ার্ড টেইলর বলেছেন,  
ছয় বৎসর ধরে' চেষ্টা করেও এর আশাহরূপ অমুবাদ তিনি দিতে পারেন নি, কেননা  
প্রধানত বাক্‌ভঙ্গি ও ছন্দ-লালিত্য অবলম্বন করে' ফুটেছে এর সৌন্দর্যের মায়।

ফাউস্টের পাঠাগারে মেফিস্টো উপস্থিত হলো এক ফিটফাট ভদ্র যুবকের  
বেশে। ফাউস্টকে সে বলে—ভেদমনি অসজ্জিত হয়ে এই গর্ত থেকে বেরিয়ে  
জগৎ দেখতে।

ফাউস্ট বলে—

বেশবিশ্বাস যাই করি না কেন

জগতের দিকে তাকিয়ে পাব কেবল দুঃখ ।

বিলাস-ব্যসনে যে স্থখ পাব সে বয়স আমার নেই,

আর বুড়োও এত হইনি যে কামনা পেয়েছে শোপ ।

জগৎ থেকে কি পাব ?

সে ত কেবল বলছে—

ছাড়ো ছাড়ো ছাড়ো !

... ..

সংসার ত পূরণ করে না তার একটি আশাসও ।

... ..

আমার অন্তরে আছেন যে ঈশ্বর

তঁার কাজ প্রতি মুহূর্তে সেই অন্তর মথিত করা,

আমার উপরে তঁার সর্বস্বামিত্ব

কিস্ত সাধ্য নেই তঁার প্রকৃতির নিয়ম লঙ্ঘন করা ।

আয়ুর এই ভ্রব্হ ভারে পিষ্ট হয়ে

মৃত্যুকে মানি বরণীয়, জীবন অভিশপ্ত ।

মেফিস্টো বলে—

....তবু মৃত্যু প্রয়োপ্তি কাম্য নয় কারো ।

ফাউস্ট বলে —

অহো, ভাগ্যবান সে-ই জয়ের মুহূর্তে

যার ললাটে শোভা পায় শোণিতসিক্ত মাল্য ।

হায়, যদি সেই মহীয়ান্ দেবযোনির সামনে

সেই পরম উদ্দীপনার মুহূর্তে নিঃশেষিত হতো আমার আয়ু !

মেফিস্টো টিপ্তনী করলে—

কিস্ত সেই শুক্ক রাজিকালে

নীল-পানীয় + পান করতে চান নি কোনো মহাশয় ।

ফাউস্ট বলে—

দেখছি আড়িপাতায় তোমার আনন্দ !

ফেফিস্টো বলে—

সবজান্তা নই আমি, তবে জানি অনেক কিছুই ।

ফাউস্ট বলে—

সেদিন পরিচিত স্নরের মায়া  
 আকর্ষণ করেছিল আমাকে চিত্তার দিশাহারা ঘূর্ণিপাক থেকে,  
 শৈশব থেকে লালিত প্রভার  
 প্রভারিত হয়েছিল মোহন প্রতিধ্বনির দ্বারা ।  
 কিন্তু এখন ধ্বংস কামনা করি সব কিছুর—  
 অন্তরাষ্ট্রাকে বা জড়ায় মায়ায়,  
 উজ্জল মধুর ছলমায়  
 রাখে তাকে বন্দী করে' দুঃখের কারাগারে ।  
 প্রথমে ধ্বংস হোক উচ্চাকাঙ্ক্ষা  
 বা দিয়ে মম মিজেকে রাখে ভুলিয়ে !  
 ধ্বংস হোক যত মোহিনী মূর্তি  
 বারো প্রভাবিত করে হৃদয় চেতনা ।  
 ধ্বংস হোক মিথ্যা ভাষী স্বপ্ন—  
 নামের খ্যাতির গৌরবের ।  
 ধ্বংস হোক সহায়-সম্পত্তি—  
 জৌ সন্ততি দাস কুবি !  
 ধ্বংস হোক ধন  
 বা আনে অশান্ত কর্ণের নেপা,  
 আয়োজন করে স্নেহের পুষ্পশয্যা ।  
 ধ্বংস হোক ত্রাণের দেবভোগ্য স্নেহ—  
 প্রণয়ের পরম প্রসাদ !  
 ধ্বংস হোক আশা, ধ্বংস হোক বিশ্বাস !  
 আর বিধ্বস্ত হোক ধৈর্য !

তখন অন্তরীক্ষে দেবযোনিরা বাণিত হয়ে বলে উঠলো—

হয় ! হয় !  
 ধ্বংস করলে,  
 সূক্ষ্মর জগৎ,  
 প্রবল আঘাতে :  
 ছিন্নভিন্ন হলো ! বিধ্বস্ত হলো !  
 আত্মরিক বিক্রমে !  
 যত সব বিক্ষিপ্ত অংশ



নিয়ে যাই শৃঙ্খল,  
 শোক করি  
 নষ্ট সৌন্দর্যের জন্য !  
 ধরণীর পুত্রদের  
 ওগো বরণ্য,  
 সুন্দরতর করে'  
 আরবার কর সৃষ্টি,  
 সৃষ্টি কর ভেঙে-ফেলা জগৎ তোমার অন্তরে !  
 নব জীবন  
 যাত্রা শুরু করুক  
 নির্মলতর দৃষ্টি নিয়ে,  
 নব নব আনন্দ-সঙ্গীত  
 উঠুক কণ্ঠে কণ্ঠে  
 তার অভিনন্দনে !

মেফিস্টো বলে, এই মানসিক অস্বস্তি থেকে সে ফাউস্টকে উদ্ধার করবে,  
 তাকে নিয়ে যাবে মাহুঘের সমাজে—জনতায় নয়—তাতে ঘুচবে তার মনের গ্লানি ;  
 ফাউস্ট যদি রাজি হয় তবে সে হবে তার সঙ্গী—ভৃত্য । ফাউস্ট জিজ্ঞাসা করলে—  
 কি শর্তে ? মেফিস্টো বলে—সে কথা পরে ভেবে দেখলেই চলবে । ফাউস্ট  
 বলে—

না না—শয়তান আত্মপরায়ণ,  
 তার স্বভাব নয়  
 “নিষ্কাম ভাবে” কারো জন্য কিছু করা ।  
 পরিষ্কার করে' বলো তোমার শর্ত ।  
 নইলে এমন ভৃত্য থেকে বিপদের সম্ভাবনা যথেষ্ট ।

মেফিস্টো বলে—

“এখানে” আমি অক্লান্ত সেবক, চলবো তোমার রশি গলায় পরে,  
 চলবো তোমার ইচ্ছিত মাত্রে,  
 কিন্তু “সেখানে” যখন আমরা মিলিত হব  
 তখন ভূমি করবে আমি যা করলাম ।

ফাউস্ট বলে, এই “সেখানে”র চিন্তায় সে বিভ্রত নয় । তার আনন্দের উৎস  
 এই পৃথিবী, এই প্রতিদিনের স্বর্গ, এসব ছেড়ে যখন সে চলে যাবে তখন ঘটুক যা  
 খুশী, তখন ভাববার দরকার হবে না সে স্বর্গে যাবে না নরকে যাবে ।

এই চুক্তি নিষ্পন্ন করবার জন্ত মেফিস্টো তাকে আহ্বান করে' বলে—

তোমাকে দেব এমন জিনিষ যা কেউ কখনো দেখেনি।

ফাউস্ট অবজ্ঞা প্রকাশ করে' বলে—

কুপার পাত্র শয়তান, তুমি দিতে পার আমি যা চাই তাই !

মাহুঘের আত্মার পরম প্রয়াস

কবে বুঝতে পেরেছে তোমার মতো জীব ?

তোমার দেওয়া ভোজ্য তৃপ্তি দেয় না কখনো ;—

তুমি দিতে পার টক্টকে সোন,

পারার মতো চঞ্চল, গলে যায় আঙুলের ফাঁক দিয়ে,—

দিতে পার এমন তব্বী আমার বক্ষগ্ন থেকে

যে চটুল আঁখি হানে অপরের প্রতি—

দিতে পার সন্মানের দিব্য আশ্বাদ

যা মিলায় উদ্ধার মতো।

দেখাও সেই ফল যা তুলবার আগেই যায় পচে,

আর সেই গাছ, যাতে প্রতিদিন জন্মে নতুন নতুন পাতা !

মেফিস্টো বলে—

এতে আমার ভয় পাবার কিছু নেই ;

এমন জিনিষ আমার আছে, দেখাতেও পারি নিঃসন্দেহ।

কিন্তু বন্ধু, এমন দিন হয়ত আসবে

যখন আমরা খুঁজবো শান্তি, কামনা করবো নির্বিড় সুখ।

ফাউস্ট বলে—

যদি কখনো আগামে সুখশযায় নিজেকে দিই এলিয়ে,

সেই ক্ষণেই যেন হয় আমার জীবনের অবসান।

জুলিয়ে চলতে পার আমাকে স্তোকবাক্যে

সুখের আয়োজনে,

যে পৰ্ব্বস্ত না হই আমি আত্মবিস্মৃত—

সেই দিন হবে আমার শেষ দিন।

এই আমার পণ।

মেফিস্টো বলে—

বেশ তাই।

ফাউস্ট বলে—

নিশ্চয় ! নিশ্চয়।

যেদিন চলমান যুহুতকে আমি বলবো,  
 “আর একটুকু থাকো—এত স্থলর তুমি !”  
 সেদিন বেঁধে আমাকে অচ্ছেদ্য বন্ধনে,  
 বরণ করবো সেই দিন চরম ধ্বংস !  
 সেদিন পাষে তুমি মুক্তি সেবা থেকে ।

.... ....

তারের চুক্তি নিষ্পন্ন হলো রক্তের অক্ষরে, কেননা, মেকিস্টোর মতে রক্ত দিয়ে  
 যা লেখা হয় তার মর্যাদা কিছু ভিন্ন রকমের ।

যে জীবন ফাউস্ট এখন বাপন করতে চাচ্ছে সে সশব্দে সে মেকিস্টোকে বলে—

...বৃথা আমি হয়েছিলাম উচ্চাভিলাষী,  
 আমি স্বয়ং সমকক্ষ তোমাদের :  
 সেই মহীয়ান দেবযোনি থেকে পেয়েছি অবজ্ঞা,  
 প্রকৃতির রহস্যের দ্বার বন্ধ আমার সামনে ;  
 ছিন্ন হয়েছে অবশেষে চিন্তার সূত্র—  
 জ্ঞান আনে অবর্ণনীয় বিরক্তি ।  
 লক্ষ্য করি যাক এখন ভোগ-দমুদ্রেব তলকূল,  
 তাতে যদি প্রশমিত হয় কামনার আলা !  
 মায়ার দুর্ভেদ্য গুণে আয়ত্ত হয়ে  
 আত্মক মব নব বিশ্বয়, চকিত মোহিত করতে !  
 যোগ দিই কালের উদ্দাম নৃত্যে,  
 ঘটনার প্রবাহে !  
 আনন্দ ও দুঃখ,  
 দুর্ভাবনা ও সাফল্য,  
 আবর্তিত হয়ে চলুক যেমন খুশী ;  
 মাহুঘের পরিচয় অশ্রান্ত উদ্দীপনায় ।

মেকিস্টো বলে, তার আগন্তি মেই কিছুতে, তবে স্থখ-সেবনের পথে যে তার।  
 অগ্রসর হচ্ছে সেক্ষেত্রে ফাউস্টের জ্ঞান চাই অসঙ্কেচ—দ্বিধা করলে চলবে না ।

ফাউস্ট বলে—

গুনেছ তু স্থখ লক্ষ্য ময় আমার ;  
 আদি চাই উদ্দাম আবর্তন, ভোগের তীক্ষ্ণতম বাতনা,  
 প্রেম-বিহ্বল ঘৃণা, উল্লসিত বিড়ম্বা ।  
 আমার অন্তরে জ্ঞানের পিপাসা হয়েছে নিবৃত্ত,

কোনো ব্যথা থেকেই হবে না তা প্রতিহত,  
 মানুষের জ্ঞান সৃষ্ট হয়েছে যত সুখ-দুখ  
 সব পরীক্ষিত হবে আমার অন্তরতম সত্য ;  
 ক্ষুদ্র ও মহৎ সবার রূপ জাগবে আমার আশ্রয়,  
 সঞ্চিত হবে তাতে তাদের আনন্দ ও বেদনা ;  
 এমনভাবে আমার নিজের সত্তা বিস্তৃত করবো তাদের সত্য,  
 আর শেষে সবার সঙ্গে লাভ করবো মানব-ভাগ্যের ব্যর্থতা ।

মেফিস্টো বুঝিয়ে বলে —

বিশ্বাস কর আমার কথা, হাজার হাজার বছর ধরে’  
 এই কঠিন মাংসের ঢুকুরো চিবিয়ে চলেছি আমি—  
 দোলনায় দোলা থেকে আরম্ভ করে খাটলিতে চাপা পর্বস্ত  
 কোন মানুষ হজম করতে পারে নি এই পুরোনো খামির  
 জেনে রাখো— এই সমগ্র  
 সৃষ্ট হয়েছে ঈশ্বর বলে’ যিনি ‘আছেন তাঁর খুশীর জন্তে !  
 তিনি বিরাজ করেন একা অনন্ত মহিমায়,  
 আমাদের তিনি নিক্ষেপ করেছেন দূরে অন্ধকারে,  
 আর তোমাদের জ্ঞান বিধান করেছেন একবার দিন আরবার রাত্রি ।

ফাউন্ট বলে—

কিন্তু আমি চাচ্ছি এই !

মেফিস্টো তার অভ্যন্তর বক্র ভঙ্গিতে হাঁপিত করলে ফাউন্টের আকাঙ্ক্ষার  
 অসমীচীনতার দিকে, প্রকারান্তরে বুঝিয়ে দিলে ফাউন্টের খেয়াল যেদিকে গেছে তা  
 অসার কবি-কল্পনা ভিন্ন আর কিছু নয়—

ভাল কথা ।

কিন্তু ডয়ের কথা হচ্ছে এই—

শিল্প দীর্ঘায়ত, আর সময় সংকীর্ণ ।

সে জন্তে তোমার একটি কথা শোনা দরকার :

কোনো কবির সঙ্গে কর ভাব —

ছুটুক তার কল্পনা,

ভারপর শোভা পাও তার তৈরি মুকুট পরে’

খলমল করছে বাতে বিচিত্র গুণাবলী—

লিংহের বিক্রম,

বস্ত্র হরিণের কিপ্রভা,

ইতালীয়ের উষ্ণ শোণিত,

উত্তরাঞ্চলের দৃঢ়তা !

তার কাছ থেকে বুঝে নাও কেমন করে'

এক হুত্রে বাধা যায় মহত্ত্ব আর হীনতা,

যৌবনের উদ্দামতার কালে

কেমন করে' প্রেম করতে হয় স্মৃণা করতে হয় নিয়ম-শৃঙ্খলার সঙ্গে !

এমন একজনের দেখা পাওয়া আমার বড় সাধ ;

এঁর নাম আমি দিতাম শ্রীল শ্রীযুক্ত ছোট-ব্রহ্মাণ্ড ।

ফাউস্ট অধীর হয়ে বলে—

কি মূল্য আমার, যদি সমস্ত মানবতার মুকুট

ধারণ করতে না পারি আপন মাথায় !

মেফিস্টো বলে—

কেন, মোটের উপর তুমি যা তুমি তাই ।

মাথা ফুলিয়ে ফাঁপিয়ে তুলতে পার যত খুশী কোঁকড়ানো পরচুলা লাগিয়ে,

পায়ে লাগাতে পার আধহাতউচু-গোড়ালির জুতো—

কিন্তু আসলে রয়ে যাচ্ছ তুমি যা তাই ।

ফাউস্ট সখেদে বলে—

দেখছি আমি মস্তিষ্কে বৃথা করেছি ভাষাক্রান্ত

মাগুষের বিচিত্র চিন্তাভাবনার দ্বার ।

যখন বিরত হই পাঠশ্রম থেকে

তখন জাগেনা আমার অন্তরে কোনো নতুন শক্তি,

বাড়ে না আমার উচ্চতা তিল পরিমাণেও

অনন্তের নিকটবর্তী নই আমি আদৌ !

মেফিস্টো তখন বলে—

মশায়ের চোখে ব্যাপারগুলো এইবার পড়েছে

যেমন পড়ে আর দশজনের চোখে ।

চলতে হবে আমাদের বুদ্ধি খরচ করে

জীবনের আনন্দ নাগালের বাইরে চলে যাবার পূর্বেই ।

কি বিভ্রম ! হাত পা ত আছেই,

আর আছে মাথা আর পুরুষত্ব—

কিন্তু তাই বলে' যাতে নতুন করে' পেলাম তৃপ্তি

তা কি পুরোপুরি নয় আমার ?

যদি আমার আন্তাবেল থাকে ছয়টি ঘোড়া  
তাদের শক্তি কি নয় আমারও শক্তি ?  
—ছুটে চলি তখন পূর্ণতম মানুষের মহিমায়  
যেন পদক্ষেপ করে' চলেছি চকিণ পায়ে !  
ছাড়ো—বৃথা তত্ত্বচিন্তা ছাড়ো—  
সংসারের ঝাঁপিয়ে পড় আনন্দে !  
বলছি তোমাকে—তোমার তত্ত্বসন্ধানী উজ্জ্বল  
আসলে এক ভূতে পাওয়া জন্ত,  
ছুটে বেড়াচ্ছে সে মাঠে মাঠে,  
অথচ তার চারপাশে রয়েছে সরল সবুজ বাস ।

এখানে ছাত্রদের নিয়ে আমার আলোচনায় তিক্তবিরক্ত না হয়ে সে তাকে বন্ধে  
বাইরে বেরিয়ে পড়তে । অদূরে একটি ছাত্রের পদধ্বনি শোনা গেল । ফাউস্ট বলে—  
এর সঙ্গে দেখা করবার মতো মনের অবস্থা তার নয় । এই বলে' সে কক্ষ ত্যাগ করলে ।  
তার ঢোলা পোষাক পরে' মেকিসটো বসলো ফাউস্ট হয়ে আর মন্তব্য করলে :—

বিচার ও বিজ্ঞানকে তুমি করেছ অবজ্ঞা,  
—যার বাড়ি নির্ভরের বস্ত্র মানুষের জন্য আর নেই !  
পড়েছ জাহ্নব জালে  
মিথ্যার রাজার পাশায়—  
আর নেই তোমার অব্যাহতি ।

এর পর প্রবেশ করলে এক ছাত্র । মেকিসটো ও ছাত্রের কথোপকথন  
বিখ্যাত,—এতে প্রকাশ পেয়েছে বিভিন্ন ধরনের জ্ঞানচর্চার ক্রটির প্রতি গ্যোটের  
কটাক্ষ । বেয়ার্ড টেইলর বলেন, এটি লেখা হয়েছিল মের্ক-এর সঙ্গে গ্যোটের  
অন্তরঙ্গতার কালে—নিজের কলেজ-জীবনের স্মৃতি তখন তাঁর মনে অগ্নান । এর  
কয়েকটি উক্তি উদ্ধৃত হচ্ছে :—

ভর্কবিজ্ঞান সম্বন্ধে :—

প্রকৃত পক্ষে চিন্তার স্বপ্ন বুনানি হচ্ছে  
তাঁতির কাপড় বুনানির মতো ;  
এক তাঁতে চলেছে হাজার সূতা,  
মাকু চলেছে দ্রুত,  
অদৃশ্যভাবে সূতার সঙ্গে সূতা হচ্ছে গাঁথা,  
বেরিয়ে আসছে বিচিত্র বসন ।  
তার পর আসছেন নৈয়ামিক,

প্রমাণ করছেন তিনি, সম্ভবপর নয় এ ভিন্ন আর কিছু হওয়া;  
 প্রথম প্রস্থান এই—আর দ্বিতীয় প্রস্থান এই,  
 তৃতীয় আর চতুর্থ হবে—তা থেকে বা সিদ্ধান্ত হয় তাই;  
 যদি না থাকতো প্রথম ও দ্বিতীয়,  
 ঘটতো না তবে তৃতীয় আর চতুর্থ।  
 সব দেশের পণ্ডিতরাই এতে মহা বিশ্বাসী,  
 কিন্তু তাদের মধ্যে জন্মে না একজনও তান্ত্রি।

দর্শন সম্বন্ধে :—

মনে রেখো, খুব গভীরভাবে বোঝা চাই সেই সব কথা  
 যা বুঝে ওঠা কুলোয় না মাহবের মাথায় !  
 তা মাথায় ঢুকুক আর না-ই ঢুকুক  
 সে-সব সম্বন্ধে পাবে কিন্তু এক একটি গালভারি শব্দ।

আইন সম্বন্ধে :—

সমস্ত আচার-ব্যবহার ও আইন  
 সংক্রামিত হয়ে চলেছে, গোপনে, মানবজাতির চিরন্তন ব্যাধির মতো—  
 এক পুরুষ থেকে অল্প পুরুষে,  
 এক দেশ থেকে অল্প দেশে।  
 নেই যুক্তির বালাই, দান হয় অপকর্ম;  
 দুর্ভাগ্য ভোমার যদি জন্মেছে নাতি হয়ে !  
 যে আইন ও অধিকার জন্মেছে আমাদের সঙ্গে বিধিবদ্ধ না হয়ে,  
 হায়, তা বুঝবার জন্য নেই কারো মাথাব্যথা।

ধর্মশাস্ত্র সম্বন্ধে :—

এই বিজ্ঞান দেখবে  
 ভুল পথ এড়িয়ে চল: কত শক্ত;  
 এর মধ্যে লুকিয়ে আছে অনেক বিষ,  
 কোনটি বিষ আর কোনটি ঔষধ তা বাছাই করা কঠিন।  
 সব চাইতে ভাল হচ্ছে এ বিজ্ঞান একজনের কথা শোনা,  
 মোজাম্মজি গুরুর বাক্য জ্ঞান করবে সত্য।  
 সমস্ত মনোযোগ নিবদ্ধ করবে শব্দের উপরে।  
 তাহলে সব চাইতে নিরাপদ দরজা দি য  
 ঢুকতে পারবে জীবের মন্দিরে।

....

...

...

....

বুদ্ধি আর যেখানে থৈ পায় না  
সেখানে এসে হাজির হয় শব্দ ।  
শব্দ নিয়ে লড়াই করা যায় কত চমৎকারভাবে ;  
শব্দের সাহায্যে সহজে দাঁড় করানো যায় মতবাদ,  
শব্দের উপরে বিশ্বাস স্থাপন করা যায় আরামে ;  
শব্দ থেকে কেউ খসিয়ে নিতে পারে না কণামাত্রও ।

চিকিৎসা-বিজ্ঞান সম্পর্কে :—

বৃথা ঘুরছে বিজ্ঞানের মহলে মহলে,  
প্রত্যেকে ততটুকু শেখে যতটুকু তার পক্ষে সম্ভব ।

জীবন সম্বন্ধে :—

পাণ্ডুর হয়ে গেছে সমস্ত তবু,  
সবুজ আছে শুধু জীবন-বৃক্ষ ।

ছাত্রটি তার খাতায় পরম ভক্তিরে ফাউস্ট-রূপী মেফিস্টোর এক লাইন লেখা  
নির্দেশে চলে গেল । পুনরায় এলো ফাউস্ট, বললে—এখন যেতে হবে কোথায় ?

মেফিস্টো বললে—

যেখানে তোমার খুশী,  
প্রথমে আমরা দেখব ক্ষুদ্র জগৎ, তার পর বৃহৎ জগৎ ।

এখানে ক্ষুদ্র জগৎ বলতে বোঝা হয়েছে ব্যক্তিগত আশা-আকাঙ্ক্ষার জীবন,  
আর বৃহৎ জগৎ বলতে বোঝা হয়েছে বৃহত্তর সংসার-জীবন, অর্থাৎ রাজ্যশাসন যুদ্ধ  
ঐতিহ্য ইত্যাদি । প্রথম জগতের পরিচয় সাধারণত ফাউস্ট প্রথম খণ্ডে, আর  
দ্বিতীয় জগতের পরিচয় ফাউস্ট দ্বিতীয় খণ্ডে ।

মেফিস্টোর কথায় ফাউস্ট বললে—

আমার মুখে রয়েছে লম্বা দাড়ি,  
তা নিয়ে সম্ভবপর হবে না স্বচ্ছন্দভাবে চলাফেরা করা ।

... ..

মেফিস্টো বললে—

তোমার এ লব ভয় শীগগিরই যাবে ঘুচে ;  
আত্মবিশ্বাসী হও, তাহলে বৃদ্ধবে বাঁচবার রহস্য ।

মেফিস্টোর মায়া-চাঁদরে বসে তারা শূন্য দিয়ে উড়ে চললো ।



## পঞ্চম দৃশ্য

লাইপৎসিগে আউঅরবাখ-এর তয়খানা

মদ খাওয়া হলো আর অশ্লীল গান চলেছে, তার সঙ্গে চলেছে গালাগালি ঘৃণোঘৃণি,—  
অবশ্য খুব উৎকটভাবে নয়। এখানে প্রবেশ করে মেফিস্টো ফাউস্টকে বলে—

প্রথমে তোমাকে আনলাম এখানে,

এই এক গ্লাসের ইয়ারদের বৈঠকে,

দেখ কেমন সহজভাবে কেটে যাচ্ছে জীবন।

প্রতিটি দিন এদের জন্ত উৎসব-দিন :

বুদ্ধি এদের সামান্য, সন্তোষ অপরিপুষ্ট,

ঘুরপাক খাচ্ছে এরা নিজেদের ক্ষুদ্র চক্রে,

যেন বিড়ালছানা! খেলছে আপন ল্যাজের সঙ্গে ;

যেন কখনো ধরে না এদের মাথা,

যতক্ষণ পাওয়া যায় ধার

ততক্ষণ কাটে স্ফুটিতে, বেপরোয়া ভাবে।

এদের প্রতি পুঁজ সন্মান দেখিয়ে, কখনো একটু আধটু গোঁচা দিয়ে, মেফিস্টো  
এদের সঙ্গে ভাব জমিয়ে নিলে ; ধরলে এদের সঙ্গে গান। জাহ্নবিজ্ঞার সাহায্যে এদের  
জন্ত ভাল ভাল মদের ব্যবস্থা করলে। সেই সব মদ গ্লাস গ্লাস এরা খেতে লগ্নো  
আর সমস্তের গান ধরলে—

আমরা চরি বেন পঁচশ' শূয়ের—

মাষ্টারের মা'স খাই আমরা।

এদের দেখিয়ে মেফিস্টো বলে -

দেখ এদের স্বর্থ—এদের নৃক্তি !

ফাউস্ট বলে—

চল এখান থেকে বাই, আর দেয়ী করে কাজ নেই।

গ্ল স দেখে মদ ছিটকে পড়াতে আশ্বস্ত জলে উঠল। তখন সবাই মারমুর্তি হয়ে  
উঠলো মেফিস্টোর 'পরে। মেফিস্টো মস্তবলে এদের অচল করে' দিলে, ভুলিয়ে ধরালে  
একের দ্বারা অন্যের নাক। তারপর সে ও ফাউস্ট অদৃশ্য হয়ে গেল। ইয়ারদের যখন  
চৈতন্য হলো তখন তাদের কেউ কেউ বলে—জাহ্নকররা উড়ে চলে গেছে মদের পিপেয়  
চড়ে।

লাইপৎসিগে অবস্থানকালে গোটে এই আউঅরবাখ-এর তয়খানা আর তার  
দেয়ালে ফাউস্ট ও মেফিস্টোর পুরোনো ছবি দেখেছিলেন।

## ষষ্ঠ দৃশ্য

ডাকিনীদের পাকশালা

এক প্রকাণ্ড কড়াই এক নীচু উগুনের উপরে বসিয়ে জ্বাল দেওয়া হচ্ছে। এক বড় বাদরী সেই ফুটন্ত রসের গাদ কাটছে আর দেখছে রস যেন উথলে না পড়ে। অদূরে বসে গোদ'-বাদর—চানাতুলোর সঙ্গে আগুন পোহাচ্ছে। কড়াই থেকে যে বাষ্প উঠছে তাতে দেখা যাচ্ছে বিচিত্র মূর্তি। ঘরের দেয়ালে ও ভিতরের ছাদে দেখা যাচ্ছে জাহ্নবিত্যার নানা অদ্ভুত যন্ত্রপাতি।

এ দৃশ্য স্বভাবতই শেক্সপীয়রের ম্যাকবেথের ডাকিনীদের দৃশ্য স্মরণ করিয়ে দেয়। মূল ফাউস্ট উপাখ্যানের সঙ্গে এই দৃশ্যের মাত্র এইটুকু যোগ যে এখানে ডাকিনীদের দেওয়া আরক পান করে' ফাউস্ট নবযৌবন লাভ করছে আর তারপরই মার্গারেটকে দেখে একান্ত মুগ্ধ হচ্ছে।

এখানে এসে ফাউস্ট খুব বিতুষ্টা বোধ করলে। মেফিসটোকে বলে—

...বলতে চাও এই পাগলামি কাণ্ডকারখানার সাহায্যে

আমি লাভ করবো নবস্বাস্থ্য ?

....প্রকৃতি অথবা কোনো মহৎ মানুষ

আজ্ঞা কি আবিষ্কার করতে পারেনি কোনো যোগ্য গুণ্ড ?

মেফিসটো বলে, নবযৌবন লাভের প্রকৃতি-নির্দেশিত পন্থা হচ্ছে এই—

...যাও মাঠে

লাগে! চামের কাজে ;

আকাজ্জা আর অনুভূতি

কর যথেষ্ট সীমাবদ্ধ

জীবনধারণ কর প্রকৃতির দেওয়া অকৃত্রিম থায়ে ;

গরুর সঙ্গে কাটাও গরুর মতো.... ;

নিজের জমিতে সার জোগাও নিজে. কাটো নিজের ফসল ;

এই হচ্ছে শ্রেষ্ঠ উপায় আশি বৎসরেও যৌবন রক্ষার।

ফাউস্ট বলে এত হীন কাজ তার পোষাবে না ;...মেফিসটো নিজে কি এই আরক তৈরী করতে পারে না ?

মেফিসটো বলে—

...শুধু কোণল আর বিজ্ঞা দিয়েই হয় না ;

কাজে চাই ধৈর্যও।

শাস্ত্র মস্তিষ্কে সৃষ্টিতে নিয়োজিত থাকতে হয় দীর্ঘদিন :

মন্ডের স্মৃতি তীব্র পচন ঘটে কালেই।

প্রয়োজ্যম বহু উপাদানের—

হ্রলভ ও বিশ্বব্যবহ সেন্সব।

শয়তান শিখিয়েছে এদের, মিথ্যা নয়,

কিন্তু শয়তান অসমর্থ এটি প্রস্তুত করতে।

এই বাদরের চেহারার ডাক-ডাকিনীদের কথাবার্তা খুব অদ্ভুত—অস্বাভিচারিত বটেই। এদের এই আরক তৈরির কালে ফাউসট পায়চারি করছিল এক আয়নার সামনে। সহসা তাতে ফুটে উঠলো এক অপূর্ব নারীমূর্তি। দেখা মাত্রই এর প্রতি ফাউসট এক তীব্র আকর্ষণ অনুভব করলে—বিস্মিত হয়ে সে বলে—

নারী হতে পারে এমন মনোহারিণী ?

এই মোহন ভঙ্গিতে এলায়িত মূর্তিতে দেখছি আমি

সমস্ত স্বর্গের মস্তিভ নিছনি !

আছে কি কিছু মর্ত্যে এর সমতুল ?

মেফিসটো বক্র ভঙ্গিতে বলে—

নিশ্চয়। ঈশ্বর হেন ব্যক্তির খাটুনি হয়েছিল ছয়দিন ধরে’

আর শেষে খুশী হয়ে বলেছিলেন তিনি—চমৎকার !

চমৎকার-কিছু সেজ্ঞে ত’ পাওয়া চাইই !

দেখে নাও এইবার চোখ ভরে’ ;

যদি চাও, দিতে পারি তোমাকে এমন প্রেমসী ;

কত ভাগ্যবান্ সে অন্ধ নিয়তির বিধানে

গৃহে বরণ করে মেবে যে এমন বধূ !

ফাউসট আয়নার দিকে তাকিয়েই রইল।

দীর্ঘ প্রেক্ষিয়ায় আরক প্রস্তুত হলো—ফাউসট তা পান করলে। এখান থেকে বেরিয়ে বাবার কালে সে বলে—

আর একবার চেয়ে দেখব আয়নার দিকে,

কত স্নন্দর সেই নারী-মূর্তি !

মেফিসটো বলে—

কক্ষনো না ! বরং নারীস সৌন্দর্যের চরম

অচিরে দেখবে তুমি রক্তমাংসের দেহে।

অনান্তিকে বলে—

দেখবে রক্তের উপরে এই আরকের ক্রিমার ফলে

প্রতি নারীকে হেলানার মতো রূপসী !

সপ্তম দৃশ্য

রাজপথ

ফাউস্টের পাশ দিয়ে যাচ্ছে মার্গারেট । ফাউস্ট অগ্রসর হয়ে বলে—

সুন্দরী ভদ্র-কন্যা, যদি অপরাধ না নেন,

আপনার সেবায় নিয়োজিত হতে পারে আমার বাহ ও সজ্জ ।

মার্গারেট বলে—

আমি ভদ্র-কন্যা নই, সুন্দরীও নই,

বাড়ী যেতে আমার দরকার হবে না আপনার সজ্জের !

ফাউস্টের হাত ছাড়িয়ে সে চলে গেল । ফাউস্ট বালিকাকে দেখে একান্ত মুগ্ধ হলো । তার সরল সংযত ব্যবহার, ঝাঁঝালো কথা, গণ্ড ও গুঁঠাধরের লালিমা, সবই তাকে উতলা করলে । মেফিস্টো এলে সে বলে, একে তার চাই ।

মেফিস্টো বলে—

তাকে !

এইমাত্র সে আসছে গির্জা থেকে পাপের জন্ত মার্জনা ভিক্ষা করে,

প্রতি পাপ থেকে সম্পূর্ণ মুক্ত হয়ে ;

আমি শুনছিলাম তার চেয়ারের পেছনে বসে,—

সম্পূর্ণ নিষ্পাপ তার কুমারী-হৃদয়,

কোনো প্রয়োজন ছিল না তার মার্জনা-ভিক্ষার ।

আমার শক্তি নেই এমন কচি অন্তরের উপরে ।

ফাউস্ট বলে—

কিন্তু এর বয়স চৌদ্দর উপরে ।

মেফিস্টো বলে—

কথা বলছ দেখছি নাগরচড়ামণির মতো—

যার জন্ত চাই প্রতি ফুল,—

ধারণা তার, যত উপহার

যত উপচার, সব তারই তত্ত্ব !

কিন্তু সব লময়ে ত সফল হওয়া যায় না এতে

ফাউস্ট বলে—

পরমশ্রদ্ধের নীতিবাগীশ, সাবধান হও ।

নীতির বিধান সৰ্ব্বদে প্রয়োজন নেই একটি কথারও !

চুক্তি অহুসারে আমার যা প্রাপ্য সব চাই আমি ;

যদি সেই আনন্দ-মুতি

বাহুবন্ধনে না পাই অর্ধরাত্রে,

তবে বারোটা বাজার সঙ্গেই অবসান হবে আমাদের চুক্তির ।

কিছু কথা কাটাকাটির পরে মেফিসটো বলে—

...পরিষ্কার করে' বলছি তোমাকে শেষবার,

এই মাধুর্ঘ্যময়ী কথাকে কখনো লাভ করতে পারবে না তাড়াতাড়ি করলে !

কি ভাবে একে পাওয়া যাবে মেফিসটো তার আভাস দিলে । ফাউসট অধীর আগ্রহে মেফিসটোকে হুকুম করলে তার প্রিয়র জন্ত উপহারের যোগাড় করতে ।

### অষ্টম দৃশ্য

সন্ধ্যা—একটি সুসজ্জিত কক্ষ

মার্গারেট চুল বাঁধতে বাঁধতে বলছে—

যে ভদ্রলোককে দেখেছি আজ তিনি কে,

এ সংবাদ যদি কেউ দিতে পারতো তবে তাকে দিতাম কিছু বখাঁশ ।

সুপুরুষ ইনি.

উচ্চ বংশেরও নিঃসন্দেহ ;

তঁার চেহারায় বলেছিল সে কথা,

নইলে কি হতেন এত সাহসী !

মার্গারেট বেরিয়ে গেল । প্রবেশ করলে মেফিসটো ও ফাউসট । গৃহের শৃঙ্খলা দেখে মেফিসটোও মুগ্ধ হলো—সেই শৃঙ্খলায় যেন মার্গারেটের অমল আত্মা প্রতিফলিত ।—ফাউসট কিছুক্ষণ স্তব্ধ হয়ে দাঁড়িয়ে রইল, তার অন্তর এতখানি ভরে' উঠলো যে মেফিসটো তাকে কিছু বলতে চাইলে সে বলে—

দয়া করে' আমাকে একলা থাকতে দাও ।

ক্রোচে বলেছেন, মার্গারেট সম্পর্কে ফাউসট উৎকট ভাবে লোভী হয়ে উঠেছে, প্রথম কয়েক দৃশ্যের সেই বিখ্যাতনের পিপাসু সুন্দর ও সবল-চিত্ত ফাউসট এখানে বদলে গেছে । ক্রোচের এই উক্তি মোটের উপর অতিশয়োক্তি । মার্গারেট সম্বন্ধে ফাউসটের মনে লোভ যে না জন্মেছে তা নয়, কিন্তু আর অপূর্ব-সচেতন আত্মা লোভের কবলে একান্তভাবে বন্দী হয়ে পড়েনি । মার্গারেটের গৃহের ঐশ্বর্য দারিদ্র্য সম্বন্ধে সে বলছে—

সর্বত্র কেমন ফুটে আছে

শান্তি, শৃঙ্খলা, সন্তোষ !

এ দারিদ্র্য পূর্ণ কী মাধুর্যে !

কী আনন্দে পরিপূর্ণ এই সংকীর্ণ কক্ষ !

কামরার চামড়ায়-মোড়া বড় চেয়ারে বসে তার মনে হলো, উৎসব-দিনে পিতা-  
পিতামহের চারপাশে এখানে কেমন ভিড় করেছে ছেলেমেয়ের দল, সেই দলে 'ছল  
মার্গারেটও ; একটি বিছানার মশারি তুলে দেখে সে বলে—

...এখানে যেন লীলাঙ্গলে প্রকৃতির হাতে

মুকুল বিকশিত হয়েছে পারিজাতে ।

এখানে শায়িত ছিল

প্রাণ-সমৃদ্ধ শিশু ;

তার তনু, প্রসন্নতার প্রভাবে,

এখানে লাভ করেছে দেবত্বলভ পূর্ণতা !

মার্গারেট সম্পর্কে নিজের লোভ সম্বন্ধে সে বলছে—

এখানে কি কোনো জাহ্ন-বাম্প আছে ?

আশু-ভৃগুর কামনা নিয়ে আমি এসেছিলাম,

কিন্তু প্রেমের স্বপ্ন-রসে আমি এখন নিমজ্জিত !

হাওয়ার প্রতি পরিবর্তনের খেলনা কি আমরা ?

এই মুহূর্তে যদি সে এসে পড়ে,

তাহলে এই অপরাধের জ্ঞাত কী প্রায়শ্চিত্ত আমি করবো !

প্রকাণ্ড বর্ষর তাহলে কত ক্ষুদ্র হয়ে

তার পায়ে লুটিয়ে হবে তৃপ্ত, লজ্জিত !

মেফিসটো ফাউস্টের হাতে গহনার পেটা দিয়ে বলে—

তাড়াতাড়ি আলমারিতে রেখে দাও,

এ দেখে তার মাথা ঘুরে যাবে তা শপথ করে বলতে পারি ।

ফাউস্ট বলে—

বুঝে উঠতে পারছি না—রাখবো কি ?

শেষে আলমারি খুলে মেফিসটো পেটাটি রেখে আলমারি বন্ধ করে দিলে, তার  
সঙ্গে বেরিয়ে গেল ফাউস্ট ।

তাদের পরে প্রদীপ হাতে প্রবেশ করলে মার্গারেট । সে ঘরের জানালা খুলে  
দিলে, আর কাপড় ছাড়তে ছাড়তে গাইতে লাগলো—

এক যে ছিল টুলে দেশের রাজা

ভালবাসা ছিল তাহার খাঁটি,

শ্রিয়া তাহার ছাড়লো ভবের মায়া,—

দিয়ে গেল একটি লোমার বাটি ।

এই বাটি ভরে ভরে রাজা মদ খেতেন, তাঁর চোখ ভরে উঠতো জলে ।  
মরবার কালে সবই তিনি দিলেন উত্তরাধিকারীকে, দিলেন না শুধু এই বাটিটি ।  
শেষবারের মতো তিনি ডাকলেন তাঁর সামন্তদের, সমুদ্রের ধারে তাঁর পূর্বপুরুষের  
দালানে করলেন ভোজের আয়োজম । শেষবারের মতো গ্রাণ ভরে খেলেন মদ এই  
বাটি থেকে, তার পর বাটি ছুঁড়ে ফেললেন সমুদ্রের জলে—

বাটি পড়লো জলে, গেল ডুবে,

ডুবে গেল অতল সাগরে,

রাজার ছুটি চক্ষু এলো মুদে—

উঠলো না মদ আর সে অধরে ।

এই গানে অজ্ঞাতসারে গুঞ্জরিত হচ্ছে মার্গারেটের মনের নব অনুরাগ ।

আলমারি খুলে কাপড় রাখতে গিয়ে গহনার পেটা দেখে মার্গারেট বিস্মিত  
হলো ; ভাবলে—তার মায়ের কাছে কেউ বক্রক রেখেছে । পেটার সঙ্গে চাবি ছিল ।  
খুলে ঝকঝকে সব অলঙ্কার দেখে সে বিস্ময়ে অভিভূত হলো । এমন জরিজহরত ত  
খুব বড়লোকের বাড়ীর মেয়েরাই উৎসবের দিনে পরে ! কার এ সব ! মুক্তার  
ছড়াটা তার চুলে কি মানাবে !

গহনাগুলো পরে' সে আয়নার সামনে দাঁড়ালো—বলতে লাগলো—

যদি শুধু কানের ছলগুলোই আমার হতো !

পরলেই দেখায় আলাদা রকমের ।

রূপ-বোবনে কি লাভ ?

মন্দ নয় রূপ-বোবন.

কিন্তু কেইবা তাকায় তার দিকে ।

লোকে একটু-আধটু প্রশংসা করে—দয়া করে' ।

সবাই তাকায় সোনাদানার দিকে,

সোনায় মেলে সব ।

হায়, আমরা গরীব ।

**নবম দৃশ্য**

বেড়াবার পথ

ফাউস্ট পায়চারি করছে, দেখাচ্ছে তাকে চিন্তাবিহীন । মেক্সিসটো এসে মহা  
চেষ্টামেচি করে বললে—বেে সব অলঙ্কার মার্গারেটকে দেওয়া হয়েছিল তা গেছে

পাত্রীর পেটে ! গহনা দেখেই মার্গারেটের মা বুঝে নিলে এসব শরতানের কারলাজি, শরতানের ভয় তার খুব বেশী। পাত্রী এসে সহজেই বুঝলে আসল ব্যাপারটা, বলে—  
অধর্মের জিনিষ হজম করবার ক্ষমতা একমাত্র গির্জারই আছে। এই বলে সে নিয়ে  
গেল সব গহনা ব্যাগ ভর্তি করে ধড়বাদ দিলে বতটুকু দেবার, কিন্তু বেশী করে দিলে  
এর জন্ত পরকালে বে পুরস্কার পাওয়া বাবে সেই সংবাদ।

গহনাগুলো হারিয়ে মার্গারেট মনমরা হয়ে আছে এই কথা শুনে ফাউল্ট বলে,  
পূর্বের চাইতেও দামী আর এক সেট গহনা মার্গারেটের জন্ত চাই। মেক্সিসটো বলে—  
ব্যাপারটা ত ছেলেখেলা নয়। ফাউল্ট বলে—আমার হকুম।

যেতে যেতে মেক্সিসটো বলে—

এমন প্রেম-পড়া পাগল

আকাশ ভরতে চাইবে নতুন নতুন স্বর্গ চন্দ্র নক্ষত্র দিয়ে

তার প্রিয়ার খুশীর জন্তে।

### দশম দৃশ্য

#### প্রতিবেশিনীর বাড়ী

প্রতিবেশিনীর নাম মার্থা। একা একা সে তার স্বামীর কথা বলছে—

ভগবান তার ভাল কখন,—

কিন্তু আমার জন্তে যা তার করবার ছিল তা সে করেনি।

চলে গেল সে বিদেশে,

আমি পড়ে রইলাম খড়ের গাদায়,—

তাকে ত কোনো দুঃখই দিইনি।

ভগবান জানেন তাকে আমি কত ভাল বাসতাম,

আজো তার কথা ভুলতে পারিনি !

( সে কাঁদতে লাগলো )

হয়ত বা মরেই গেছে ! হায় আমার দশা !

একখানা কাগজও নেই যে দেখাব !

মার্গারেট কাঁপতে কাঁপতে এসে ডাকলে—মার্থা মাসি ! মার্থা বলে—মার্গারেট  
তোমার হয়েছে কি !

মার্গারেট বলে—

আমি দাঁড়াতে পারছি না, পা কাঁপছে।

এক বাক্স পেয়েছি, আগেরটার মতো,



আলমারির মধ্যে ! আবলুশ কাঠের—

সব কি হুঙ্কার !

আগেরটার চাইতে আরো দামী !

মার্গারেট বলে—

বাছা, তোমার মাকে দেখিওনা,

আগেরটার মতো এটাও তাহলে বাবে পাত্রীর পেটে ।

মার্গারেট খুব খুশী হয়ে তাকে গহনাগুলো দেখালে । তার গায়ে সব গহনা পরিচয়ে দিয়ে মার্থা বলে—

আহা তোর কি হুকপাল !

মার্গারেট বলে—

কিন্তু পরে' ত রাস্তায় বেরুতে পারবো না ।

গির্জায়ও কাউকে দেখাতে পারবো না ।

মার্থা বলে—

আমার এখানে সময় সময় আসিস,

এখানে চুপে চুপে গহনাগুলো পরিস,

পরে ঐ আয়নার সামনে ষণ্টাখানেক হাঁটস,—

দেখে আমরা হুঙ্কনেই খুশী হব ।

তারপর হুযোগ বুঝে পরব দিনে,

নেমতয়ে, এক একখানা করে' বার করিস,—

কোনো দিন হার, কোনো দিন ডল, এই ভাবে ;

তোর মার চোখে পড়বে না কিছু, বানিয়ে বলা বাবে তাকে ।

দরজায় যা পড়লো । মার্গারেট ভয় পেলে বৃষ্টি তার মা-ই এসেছে, কিন্তু এলো মেফিসটোফিলিস । খুব সন্ত্রম দেখালে সে মার্গারেটের প্রতি, মার্থাকে এক পাশে ডেকে নিয়ে বলে—একজন বড়লোক তার সঙ্গে দেখা করতে আসবেম । মার্থা মার্গারেটকে ডেকে বলে—

....ভদ্রলোক তোকে ঠাউরেছে খুব বড়মানুষের খি ।

মার্গারেট বলে—

আমি গরীবের খি,

উনি খুব দয়াল—

এ সব গহনা আমার নয় ।

মেফিসটোর উদ্দেশ্য মার্থাকে হাত করা—অবশ্য মার্গারেটের জন্তে । সে তার অভ্যন্ত ভদ্রিতে মার্থাকে জানালে—তার স্বামী মারা গেছে ইতালিতে, তার কবর সে

দেখে এলেছে ; বা সে উপার্জন করছিল সব উড়িয়েছে পথে পথে, রেখে যারনি কিছুই, মরবার সময় বলে গেছে তার আত্মার সঙ্গতির জন্তে খরচ করে ধর্মকর্ম করতে। নামা কথার মার্থাকে উভ্যক্ত করে' আর আশাবিহীন করে' শেষে সে বলে—আজ সন্ধ্যায় খুব বড়দরের একজন ভক্তলোককে সঙ্গে নিয়ে সে আসবে, তারা দুজনে হবে তার স্বামীর মৃত্যুর সাক্ষী, তাতে মার্থার আবার ইচ্ছামত বিয়ে করবার সুবিধা হবে—মার্গারেটও সে সময়ে উপস্থিত থাকবেন। মার্গারেট বলে—ভেমন ভক্তলোকের সামনে সে ত লজ্জায় জড়সড় হয়ে পড়বে। মেক্সিসটো বলে—এমন কোনো রাজাও নেই যার সামনে জড়সড় হতে হবে মার্গারেটকে।

মেক্সিসটো ও মার্থার কথাবার্তার যেমন ফুটেছে মেক্সিসটোর হৃষ্টবুদ্ধি, তেমনি ফুটেছে মার্থার স্থূল প্রকৃতি, লোভ, আর দারিদ্র্যের অস্ত্র হৃদয়। মেক্সিসটোর ভাবায় দৃষ্টিগিরিতে সে আদর্শস্থানীয়।

### একাদশ দৃশ্য

#### রাজপথ

ফাউস্ট ব্যস্ত হয়ে মেক্সিসটোকে জিজ্ঞাসা করলে কতদূর কি হলো। মেক্সিসটো বলে—বাহবা ! একেবারে জলছ দেখছি ! সে সংবাদ দিলে—অবিলম্বে ফাউস্ট তার প্রিয়া ষ্ট্রেটথেনকে লাভ করবে, আজ সন্ধ্যায় মার্থার বাড়ীর পেছনের বাগানে তাদের দেখা হবে। তবে একটি কাজ ফাউস্টকে করতে হবে—তাকে সাক্ষ্য দিতে হবে যে মার্থার স্বামী মারা গেছে, তাকে কবর দেওয়া হয়েছে পাছরায়। ফাউস্ট বলে—তাহলে ত গিয়ে দেখে আসতে হবে তার কবর। মেক্সিসটো তাকে বিজ্ঞপ করলে সরলতার অবতার বলে', বলে—সত্য হোক মিথ্যা হোক বলতে হবে তাকে এ কথা হলপ করে।

ফাউস্ট বলে—

যদি মাত্র এই ফন্দিই বের করে' থাক

তবে আমাকে করতে হবে এটি নামজুর।

মেক্সিসটো ফাউস্টকে কিছু শক্ত করে' পাকড়াও করলে—

বেশ কথা ! কিন্তু ধর্মপুরুষ

এই কি জীবনে প্রথম দিচ্ছ

মিথ্যা সাক্ষী,

ঈশ্বর, জগৎ, জগতে আছে বা কিছু,

মাহুয়, মাহুয়ের মস্তিষ্ক ও হৃদয়ের তব,

এসব সবক্কে নির্দেশ করনি কি হৃদ্র আর সংজ্ঞা,  
 অস্মানমুখে অকুতোভয়ে ?  
 কিন্তু যদি প্রবেশ কর গভীরে  
 তবে স্বীকার করতে বাধ্য হবে, এসব ব্যাশারে,  
 বেশী ওয়াকিবহাল নও তুমি মার্থার আমীর মৃত্যু আর কবর-বাশের চাইতে ।

ফাউস্ট বলে—

পরিচয় দিচ্ছ—তুমি তাত্ত্বিক আর মিথ্যাভাবী ।

মেকিস্টো বলে—

হবেও বা—তোমার মনের গহনের খবর ত আর রাখিনে !  
 নইলে কেমন করে', খাঁটি প্রেমিকেরই মতো,  
 বেচার। মার্গারেটকে পারবে তুমি ভোলাতে, হাত করতে,  
 আর নিবেদন করবে তাকে সত্যতম প্রেম ?

ফাউস্ট বলে—

নিবেদন করবো অন্তর থেকেই ।

মেকিস্টো বলে—

খুব ভাল কথা !  
 বলবে তাকে, আজীবন তুমি রবে তারই,  
 বলবে প্রেম দর্পশক্তি, ঐশ্বরিক—  
 এও ত বলবে অন্তর থেকেই ?

ফাউস্ট বলে—

ধামো ধামো ! নিশ্চয়ই বলবো ! যখন জলে এই শিখা,  
 আর তার অর্থ আর তীব্রতা প্রকাশ করে' বলবার মতো  
 খুঁজে পাইনা ভাষ ;  
 ফিরি তখন সমস্ত জগতে পাগল মনে,  
 কামনা করি মহন্তম বাণী,  
 নাম দিই এই অলৌকিক দাহের  
 চির-অতৃপ্ত, চিরন্তন,—  
 সে কি শয়তানী মিথ্যা অভিনয় ?

মেকিস্টো বলে—

কিন্তু মিথ্যা নয় বা বলেছি !

ফাউস্ট বলে—

শোনো ভাই,

আর বকিরো না আমাকে ।  
 যে চার কিছু, মুখে জোর থাকলে,  
 হবেই তার জিৎ ।  
 কিন্তু আর নয় ; কথার বিরক্তি থবে' গেছে,  
 তোমারই জিৎ, যেহেতু অস্ত্র উপায় নেই ।

### দ্বাদশ দৃশ্য

ব গ ন

মার্গারেট ফাউস্টের বাহুল্যগা আর মার্থা বেড়াচ্ছে মেফিস্টোর সঙ্গে । একবার  
 কথা বলতে বলতে সামনে আসছে মার্গারেট ও ফাউস্ট, আর বার আসছে মার্থা ও  
 মেফিস্টো ।

মার্গারেট বলছে—

বুঝতে পারছি মহাশয় আমার অজ্ঞতার প্রতি দয়া দেখাচ্ছেন,  
 নিজেকে মামিয়ে আমছেন অনেক নীচুতে— এতে লজ্জা পাচ্ছি ।  
 পর্যটক সবজের খুশী  
 যে কোনো খাবারে ; জানি আমি  
 আমার এই তুচ্ছ আলপে  
 কখনো খুশী হতে পারেন না এমন জ্ঞানী লোক !

ফাউস্ট বলছে—

তোমার একটি চাহনি, একটি কথা, আমাকে অনেক বেশী মুগ্ধ করে  
 জগতের সমস্ত জ্ঞানীর জ্ঞানালোচনার চাইতে ।

[ ফাউস্ট মার্গারেটের হস্ত চুম্বন করলে ।

মার্গারেট বলে—

কেন বিরক্ত হছেন ! কেমন করে'  
 এই হাতে চুমো দিতে পারেন—এত কর্ণ  
 কর্কশ আমার হাত !  
 কত কাজ করি—করেই যাচ্ছি, করেই যাচ্ছি,—  
 মার খুব কড় নজর এদিকে ।

[ তারা চলে গেল ।

মার্থা বলছে—

মশায় ত কেবলই দেশ-বিদেশে ঘোরেন ?

যেকিস্টো বলে—

হায় হায়, ব্যবসা আর কর্তব্য কেবলই আমাদের ঘুরিয়ে নিয়ে যেড়ায় !  
চলে বাবার সময়ে কত জায়গা থেকেই না যাই মনে বেদনা বয়ে নিয়ে ;  
কখনো কোথাও যে একটু দেরী করবো এমন সাহস হয় না !

মার্থা বলেছে—

যৌবনের গরম রক্তের দিনে ভালই লাগে  
বৌ বৌ করে' ঘুরে বেড়ানো ;  
কিন্তু তারপর আসে ছুদিন,  
স্ত্রী পুত্র কিছু নেই, একলাটি কবরে সঁধোনো—  
ভাল লাগে না কারো ।

যেকিস্টো বলে—

ভয়ে ভয়ে দেখছি আমারও ভাগ্যে ঘটতে যাচ্ছে তাই !

মার্থা বলে—

মশায় বিচক্ষণ, সমগ্র থাকতে সে কথা বুঝুন ।

[ তারা চলে গেল ।

মার্গারেট বলেছে—

চোখের আড়াল হলে কি আর মনে থাকে !  
বিনয় আপনার স্বভাবগত ;  
কিন্তু কত জায়গায় আছে আপনার কত বন্ধু  
সহজেই দেখবেন আমার চাইতে তাদের বুদ্ধিমানি কত বেশী ।

কাউন্ট বলে—

দেবশিশুর মতো সরল তুমি, বিশ্বাস কর আমার কথা,  
বাক্যে বলা হয় বুদ্ধি তা অনেক সময়ে অহংকার আর অন্ধতা মাত্র ।

মার্গারেট বলে—

কেমন করে' ?

কাউন্ট বলে—

হায়, সরলতা আর পবিত্রতা কখনো সজাগ নয় নিজের সখ্যকে,  
কখনো বোঝে না আপন অমল মূল্য, অপূর্ব সম্ভ্রাহন !  
সহিষ্ণুতা ও বিনয়, জীবনের শ্রেষ্ঠ অলংকার,  
পরমকারুণিক প্রকৃতির শ্রেষ্ঠ দান—

তাকে কথা শেষ করতে না দিয়ে মার্গারেট বলে—

আমার কথা মনে করবেন কচিং কখনো,

আপনার কথা আমার মনে পড়বে কত সময়ে ।

ফাউস্ট বলে—

তোমার বৃষ্টি খুব একলা কাটে ?

মার্গারেট বলে—

ই,—আমাদের গৃহস্থালী এখন ছোট হয়ে পড়েছে,

কিন্তু নজর রাখতে হয় আমাকে সব দিকে ।

কোমো ঝি নেই আমাদের, আমাকেই করতে হয়

রান্না, শেলাই, বৃহনি, ঝাঁট দেওয়ার কাজ—

সকাল থেকে সন্ধ্যা পর্যন্ত ;

গৃহস্থালীর ছোটবড় কোনো কাজে

এতটুকু খুঁৎ চলবে না মায়ের কাছে ।

আমাদের যে খরচ কমানার খুব দরকার আছে তা কিন্তু নয়,

আর সবার তুলনায় আমাদের বরং চলতে পারে একটু বেশী আরামেই ।

বাবা রেখে গেছেন একটি ছোটখাটো ভাল সম্পত্তি—

শহরের কাছে বাড়ী আর বাগান ।

আজকাল আমাকে আর করতে হয় না তেমন হড় হাকামা ;

আমার ভাই হয়েছে লৈজ,

আমার ছোট বোনটি গেছে মারা ।

তার জেজু খুব কষ্ট করতে হয়েছিল আমাকে,

কিন্তু তেমন কষ্ট করতে আজো আমি রাজি,

কত ভালবাসতাম তাকে !

মার্গারেটের কথার প্রকাশ শেল যখন তার বাবার মৃত্যু হয় তখনো তার ছোটো বোনের জন্ম হয়নি । সে যখন জন্মালো তখন তার মার মরমর অবস্থা । সেই অবস্থায় মার্গারেট নিজে যত্ন করে, জলমেশানো ডুখ খাইয়ে, গান গেয়ে ঘুম পাড়িয়ে তাকে মানুষ করে ।

ফাউস্ট বলে—

আর এর পরিবর্তে লাভ করেছিলে অতি নির্মল আনন্দ !

মার্গারেট বলে—

কষ্টও আমাকে করতে হয়েছিল কিন্তু খুব ।

রাজে ওয় দোলনা রেখে দিতাম

আমার বিছামার পাশেই ; একটু নড়ে উঠলেই

উঠতাম জেগে, থাকতাম কান পেতে ;

ওকে খাওয়ারতে হতো, কখনো গরম করতে হতো পাশে শুইয়ে  
কখনো বিছানা ছেড়ে

এই বেগা মেয়েকে কোলে নিয়ে নেচে নেচে পাড়তে হতো ঘুম,  
আর সকালে দিতে হতো দুইয়ে মুছিয়ে ;

এর উপর বাজার করা, রান্না,

প্রত্যেক দিন কাটতো এইভাবে সারা বছর ধরে' ।

ওঃ বলুন এত খেটে কি আর ভাল লাগে ;

কিন্তু এতে খাবার আর ঘুম লাগতো চমৎকার ।

[ তারা চলে গেল ।

মার্খা বলছে—

বলতে চাচ্ছি আপনার মনে কি কখনো আগ্রহ জাগেনি ?

মেক্সিসটো বলে—

দেখছি মহিলাদের সঙ্গে ঠাট্টা তামাশা কর: বিপজ্জনক ।

মার্খা বলে—

আহা, আপনি বুঝছেন না !

মেক্সিসটো বলে—

বড় আফলোসের কথা যে আমার চোখে কিছু পড়ে না,

কিন্তু নিঃসন্দেহ আপনি করুণাবতী ।

[ তারা চলে গেল

ফাউস্ট জিজ্ঞাসা করলে মার্গারেট আজ তাকে চিনেছিল কিনা ।

মার্গারেট বলে—তাকে দেখেই সে চোখ মত করেছিল ।

ফাউস্ট বলে—

ক্ৰমা করেছিলে আমার অসঙ্কেচ,

আমার অবিনয়ের অপরাধ,—

ফিরছিলে বখন সেদিন গির্জা থেকে ?

মার্গারেট বলে—

আমি হয়ে পড়েছিলাম দিশাহারা, এমন ঘটেমি কখনো :

কেউই ত করতে পারে না আমার নিন্দা ।

মনে হচ্ছিল, হায় হায়, আমার ব্যবহারে

প্রকাশ পেয়েছিল কি কোনো অসংযম,—যেচ্ছাচার ?

ভুল্লোকের মনে বেন ইঠাৎ জেগেছিল—

এই মেয়েটিকে পাওয়া যেতে পারে সহজে !

অকপটেই স্বীকার করবো, বুঝতে পারছিলাম না  
আপনার প্রতি কি অহুতুল ভাব জাগছিল আমার বুকে ;  
রাগ হচ্ছিল আমার নিজের 'পরে

আপনার উপরে যে বেনী রাগ করতে পারছিলাম না সে জন্তে !

ফাউস্ট আবেগপূর্ণ কণ্ঠে বলে—

প্রেমময়ী !

মার্গারেট বলে—

রহম !

[ একটি ফুল তুলে নিয়ে সে একটি একটি করে' পাণ্ডি ছিঁড়তে লাগলো ]

ফাউস্ট বলে—

এ দিয়ে কি তোড়া তৈরি করবে ?

মার্গারেট বলে—

না, আমি খেলা করছি।

ফাউস্ট বলে—

কেমন ?

মার্গারেট বলে—

যান, আপনি হাসবেন।

[ সে পাণ্ডি ছিঁড়তে লাগলো আর অশ্রুভাবে কি বলতে লাগলো ]

ফাউস্ট বলে—

কি বলছ ?

( মার্গারেট অশ্রুভাবে বলে চললো—আমাকে ভালবাসে—বাসে মা—  
ভালবাসে—বাসে না—আর এই অহুতুল পাণ্ডি ছিঁড়ে চললো। শেষ  
পাণ্ডিটি যখন তার হাতে তখন অহুতুল অহুতুলে তাকে বলতে হলো—  
ভালবাসে ; সে আনন্দে চোঁচিয়ে উঠলো—ভালবাসে আমাকে ! )

ফাউস্ট বলে—

সরলহৃদয়া, এই ফুলের বাণী

তোমার জন্ত হোক বর্গের বাণী ! সত্যই ভালবাসে সে তোমাকে !

বোঝো তুমি এর অর্থ ? এই ভালবাসার !

ফাউস্ট আবেগে মার্গারেটের হাত ধরলে। মার্গারেট বলে—

আমার সমস্ত শরীর কাঁপছে !

ফাউস্ট বলে—

ভয় করো না প্রিয়ভূমে ! এই চাহনি,



এই সাবেগ করম্পর্শ,  
 প্রকাশ করুক রা প্রকাশাজীত !  
 প্রকাশ করুক পূর্ণতম আত্ম-নিবেদন—  
 পূর্ণতম আত্মনিবেদনের অন্তহীন আনন্দ !  
 হঁ! অন্তহীন—এর অন্ত আনবে নৈরাশ্র ।  
 অন্ত নয়—অন্ত নেই এর !

মার্গারেট নিজের হাত ছাড়িয়ে নিয়ে পালিয়ে গেল । ফাউস্ট কণকাল দাঁড়িয়ে  
 রইল চিন্তাঘ্রিত মুখে, তারপর করলে মার্গারেটের অহুসরণ ।

মার্থা এগিয়ে এসে বলে—

...আমাদের সখা-সখী কোথায় ?

মেফিসটো বলে—

এই গলি দিয়ে উড়েছেন তাঁরা—

লীলাচঞ্চল প্রজাপতি !

### জন্মোদয় দৃশ্য

বাগানের লতামণ্ডপ †

মার্গারেট ছুটে এসে দাঁড়ালো সেই লতামণ্ডপের দরজার আড়ালে, তর্জনী স্থাপন  
 করলে গুঁঠাধরে, আর উঁকি দিতে লাগলো দরজার ফাঁক দিয়ে । ফাউস্টকে আসতে  
 দেখে বলে—

ঐ আসছে !

ফাউস্ট লতামণ্ডপে প্রবেশ 'করে' বলে—

দুই, হয়রান করছ :

ধরেছি তোমাকে এইবার !

[ সে তাকে চুষন করলে । ]

মার্গারেট তাকে জড়িয়ে ধরে প্রতিচুষন করে' বলে—

প্রিয়তম বন্ধু, তোমাকে ভালবাসি অন্তর থেকে ।

[ দরজায় বা দিলে মেফিসটো । ]

ফাউস্ট সরোবে বলে—

কে ?

† এই দৃশ্যের সঙ্গে শকুন্তলা-র তৃতীয় অঙ্ক তুলনীয় ।

মেফিস্টো বলে—

বন্ধু ।

ফাউস্ট বলে—

জানোয়ার !

মেফিস্টো বলে—

এইবার হয়েছে বিদায়ের সময় ।

মার্থা এসে বলে—

হাঁ মশায়, দেৱী হয়ে যাচ্ছে ।

ফাউস্ট মার্গারেটকে বলে—

আপনাকে এগিয়ে দেবার অসুস্থতি-প্রার্থী !

মার্গারেট বলে—

না না মা—নমস্কার !

ফাউস্ট বলে—

তাহলে নিতেই হবে আমাকে বিদায় আপনাদের কাছ থেকে !

নমস্কার !

মার্থা বলে—

নমস্কার !

মার্গারেট বলে—

আশা করি শীগগিরই আবার হবে দেখা !

ফাউস্ট ও মেফিস্টো চলে গেলে মার্গারেট একা একা বলে—

ভগবান, দুনিয়া-সংসারের এত কথা

ভাবতে পারেন ইনি ! লজ্জিত বিম্বিত হয়ে

আমি ঠাঁড়িয়ে থাকি এঁর সামনে,

বলি এঁর সকল কথায়—হাঁ ;

এক অবোধ শিশু আমি, বুঝি না এমন জ্ঞানী

আমাতে পেতে পারেন কিইবা ।

### চতুর্থ দৃশ্য

অরণ্য ও পর্বত-কন্দর ।

ফাউস্টের স্বগতোক্তি । তার উক্তিতে প্রকাশ পাচ্ছে প্রকৃতির প্রতি তার  
অভিগতীর অহুসার—প্রকৃতির শান্ত রূপ উভয় রূপের প্রতি—প্রকৃতির রহস্যের সামনেই

সে অহুত্ব করে তার অন্তরাঙ্গার রহস্য। কিন্তু প্রকৃতি যেমন তাকে উদ্‌বোধিত করে মহত্তর ভাবলোকে, দান করে তাকে ঈশ্বরের মৈকট্য, তেমনি সেই প্রকৃতির বিধানেরই তার লাভ হয়েছে মেক্সিসটোফিলিস—যে তার অন্তরঙ্গ সঙ্গী ; কিন্তু সেই সঙ্গীর বাণীতে প্রকৃতির অপূর্ব দান তার জন্ম হয়ে ওঠে অর্থশূন্য ; সেই মেক্সিসটো তার অন্তরে জ্বলিয়ে চলেছে পরমহুন্দর মার্গারেটকে লাভের অসম্ভব কামনা।

এর পর প্রবেশ করলে মেক্সিসটো। ফাউস্টের প্রকৃতি-প্রেম নিয়ে সে খুব ঠাণ্ডা বিক্রপ করলে, বলে, তার (মেক্সিসটোর) সাহায্য না পেলে এতদিনে ফাউস্টের দশা হতো আঁধার গর্তের পেচকের মতো ; সে আরো জানালে ফাউস্টের প্রেমিকা তার জন্ম মরছে দিন রাত কেঁদে, ভাবছে ফাউস্ট পালিয়েছে তাকে ফাঁকি দিয়ে।—তাদের অনেক কথা কাটাকাটি হলো। ফাউস্ট বুঝলো মার্গারেটের জন্ম তার অন্তরে একই সঙ্গে সঞ্চারিত হয়েছে সুগভীর প্রেম ও কল্যাণ-কামনা আর দুঃস্থ বাসনা। অনিচ্ছা সত্ত্বেও সে পরিচালিত হলো মেক্সিসটোর দ্বারা।

লুইস এই দৃশ্যের সার্থকতা খুঁজে পান নি।—এর সার্থকতা মনে হয় এই যে প্রকৃতির নিষিদ্ধ সাহচর্যে ফাউস্ট প্রশমিত করতে চাচ্ছে মার্গারেটের জন্ম তার বাসনার উদ্‌গতা।

### পঞ্চদশ দৃশ্য

#### মার্গারেটের কক্ষ

মার্গারেট একা একা চরকা কাটছে আর গান গাচ্ছে :

মেই শান্তি সুখ,  
ব্যথাভরা বুক ;  
স্বস্তি মেই আর—  
হায় দুঃখ সার !

সে মেইরে কাছে,  
সব মরে আছে ;  
তিতা এ সংসার  
তিতা ঘর-বার।

আহা আমার শির,  
ময়ত রে আর থির ;

বুঁধি কিছু নেই—  
হারিয়ে গেছে খেঁই ।

নেই শান্তি অথ,  
ব্যথা-ভরা বুক ;  
শক্তি নেই আর—  
হায় হুঃখ সার ।

তারে দেখার আশে  
বসি জানলা পাশে ;  
বাইরে ছুটে থাই—  
তারে যদি পাই !

উচ্চ বীর কায়,  
কি স্নানর ধায় !  
বদন-ভরা হাসি,  
চোখে বিজলি-রাশি ।

মোহন তার বাণী,  
মধুর কর্ণখানি,  
হাতের পরশ তার,  
চুমা—অধার ধার !

নেই শান্তি অথ,  
ব্যথা-ভরা বুক ,  
শক্তি নেই আর—  
হায় হুঃখ সার !

তারেই চাহে মন,  
চাহে সর্বক্ষণ ;  
বাহয় বাঁধনে  
বাঁধবো বুক মনে ।

চুমা খাব মুখে,  
খাব মনের স্বখে,  
সেই চুমারই শরে  
বাব আমি মরে' !

### বোড়শ দৃশ্য

মার্খার বাগান

ফাউস্ট ও মার্গারেটের মধ্যে সঙ্কোচের ব্যবধান তিরোহিত হয়েছে, মার্গারেট ফাউস্টকে ডাকছে হাইনরিখ বলে। মার্গারেটের অন্তরে রয়েছে একটি ধর্মভাব—যেমন সহজ তেমনই প্রবল। ফাউস্ট ধর্ম-অহুষ্ঠানে যোগ দেয় না দেখে সে দ্রঃখিত, তার সন্দেহ হয়েছে, হয়ত ফাউস্ট ঈশ্বরে বিশ্বাসী নয়। তার কথার উত্তরে ফাউস্ট এই বিখ্যাত উক্তি করলে ( অবতরণিকায় এটি উদ্ধৃত হয়েছে ) :

আমাকে তুল বুঝোনা প্রিয়তমে !

স্পর্ধা কার তাঁকে ব্যস্ত করবে !

বলবে কে—তাকে জানি ? তাতে বিশ্বাস রাখি !

অনুভূতি ও দৃষ্টি অব্যাহত রেখে অস্বীকার করবে কে তাঁকে,

বলবে কে—বিশ্বাসী তাঁরে নই !

সর্বধর

সর্বাপ্রয়

ধারণ কি করছেন না তিনি তোমাকে আমাকে নিজেকে ?

মার্খার উপরে নেই কি আকাশের থিলান ?

পায়ের নীচে অবিচলিত ধরণী ?

সামনে জলছে না কি বহুর-মতো-চেয়ে-থাকা

চিরদিনের তারা ?

চোখ কি আমার তাকাচ্ছে না তোমার চোখে,

দেখছে না তোমাকে ?

অনুভব কি করছ না ভূমি মনে প্রাণে

তোমার জীবন ঘিরে চলেছে কি রহস্যময় শক্তির লীলা

—কখনো দৃশ্য কখনো অদৃশ্য ?

পূর্ণ হোক সেই বিরাট শক্তির দ্বারা তোমার হৃদয়।

আর বধন তুমি ভাগ্যবতী এই অমৃত্তি-ধনে  
 ভখন নাম দিও এর  
 আনন্দ হৃদয় প্রেম ভগবান—যা থুশী।  
 আমি অক্ষম এর নাম দিতে।  
 অমৃত্তিই আমার সব ;  
 নাম শুধু কোলাহল ও কুহেলি—  
 আকাশের প্রোজ্জ্বলতা তাতে হয় আচ্ছন্ন।

এই উক্তি সন্ধক্ষে কেউ কেউ মন্তব্য করেছেন : এখানে ফাউস্ট শুধু কথার  
 জাল রচনা করেছে, তার উদ্দেশ্য মার্গারেটকে ভোলানো। কিন্তু এই ব্যাখ্যা সঙ্গত  
 মনে হয় না কেননা ঈশ্বর সন্ধক্ষে গোটে এই ধরনের উক্তি বহু জায়গায় করেছেন।

ফাউস্টের কথা শুনে মার্গারেট কিঞ্চিৎ আশ্বস্ত হলো, বলে, ধর্মযাজকও এই  
 ধরনের কথা বলেন, তবে একটু ভিন্ন ভাবে। তবু সে বলে, হয়ত ফাউস্ট খুষ্টান নয়—

বহুদিন ধরে' দেখে হুংথ পাচ্ছি  
 তোমার সংস্রব এমন লোকের সঙ্গে !

ফাউস্ট বলে—

কেমন ?

মার্গারেট বলে—

তোমার সঙ্গে ফেরে যে লোকটি, তোমার বন্ধ,  
 তার প্রতি আমার ঘৃণা অন্তরের অন্তহল থেকে ;  
 সারা জীবনে  
 কিছুই জাগায়নি আমার অন্তরে এমন তীব্র ঘৃণা  
 যেমন তার বিকট মুখ।

ফাউস্ট বলে—

না না—ভুল করো না তাকে প্রিয়তমে।

মার্গারেট বলে—

তাকে দেখে আমার রক্ত ঝর হিম হয়ে।  
 আর কারো প্রতি বিরূপ নয় আমার মন,  
 কিন্তু তোমাকে দেখার জন্য আমার মন বতাই উতলা হোক  
 তাকে দেখেই আমাতে জাগে অদ্ভুত ভয় ;  
 আমার জোর বিখাপ লোকটা মন্দ !  
 ভগবান কমা করুন যদি তার প্রতি অত্যাচার করে' থাকি।

কাউলট বলে—

জগতে বহু অভূত লোক ত আছেই ।

মার্গারেট বলে—

তার মতো লোকের সংসর্গে যেন কখনো আমাকে কাটাতে না হয় ।

ঘরের ভিতরে বখশ সে আসে,

চারদিকে সে ডাকার বিতুষ্কা-ভরা দৃষ্টিতে,

প্রকাশ পায় তার অন্তঃ ইচ্ছা ;

বোঝা যায় কিছুরই জন্ত মেই তার দরদ ।

তার মুখের উপরে পরিষ্কার ছাপ মারা রয়েছে—

ভালবাসা তার কাছে উপহাসের বস্ত ।

তোমার বাহু-বন্ধনে কত স্নখী,

কত ভয়ভাবমাহীন, কত অসুগত, কত প্রেমময় আমি ;

কিন্তু সে লামনে এলে আমার হৃদয় হয়ে পড়ে লঙ্ঘিত ।

কাউলট বলে—

অমঙ্গল-আশঙ্কী দেবদূত তুমি ।

মার্গারেট বলে—

এত অভিতুত হয়ে পড়ি আমি

যে তার পদধ্বনি কানে এলে

আমার অন্তর থেকে যেন তোমারও প্রতি ভালবাসা পায় লোপ ।

সে কাছে থাকলে আমার আসে না ভগবানের কাছে প্রার্থনা ।

তাতে আমার অন্তরে জলে আগুন ;

হাইনারিখ, শ্রিয়তম, তোমারও দশা নিশ্চয়ই ভেদন হয় ।

কাউলট বলে—

এর নাম বিতুষ্কা ।

এইবার মার্গারেট যেতে চাইলে । কাউলট প্রার্থনা জানালো তাদের নিবিড়তর মিলনের । মার্গারেট বলে, তার কামরার দরজার খিল সে খুলে রাখতে পারতো, কিন্তু সে ঘুমায় তার মায়ের সঙ্গে, আর তার মায়ের ঘুম হয়ে পড়েছে বড় পাতলা । কাউলট তাকে ঘুমের গুণ্য দিলে, বলে, তিন ফোঁটা খাওয়ালে তার শা-র হবে গাঢ় ঘুম । মার্গারেট বলে—

কিইবা আমার না করবার আছে তোমার খুশীর জন্তে ।

কোনো ক্ষতি ত হবে না এতে তার ?

কাউস্ট বলে—

ভাহলে কি তোমাকে বলতাম এই গুণ দিতে ?

মার্গারেট বলে—

হায় বন্ধু, বুঝি না, তোমার মুখ দেখলেই

কেন হয়ে পড়ি তোমার এত অহুগত ;

তোমার জন্ত করেছি ত বহু—

কিইবা আর আছে বাকি ।

মার্গারেট চলে গেলে এলো মেফিসটো, বলে—

বাদরী ! গেছে নাকি ?

কাউস্ট বলে—

আবার আড়িপাতা শুরু করেছ ?

মেফিসটো বলে—

শুনেছি সবই,—

আচার্যদেবের নিষ্ঠার এইবার হয়েছে পুরো পরীক্ষা ;

নিশ্চয়ই এতে খুব উপকার হবে তাঁর !

ছুঁড়ীরা জানবার জন্ত খুব ব্যগ্র

তাদের নাগরদের সনাতন ধর্মমত ঠিকঠাক আছে কিনা,

সেখানে যদি তাদের দেখে অহুগত তবে বোঝে তাদের কাগানো হবে

সোজা ।

কাউস্ট বলে—

পিশাচ, তোমার চোখে কখনো পড়বে না, বুঝবারও সাধ্য নেই তোমার,

এই পরম পবিত্র আত্মা, আগ্রত প্রভায়ে সমৃদ্ধ,

অপূর্বশ্রেয়ময়, অনির্বচনীয়—

সরল বিশ্বাস যার চোখে মুক্তির একমাত্র উপায়—কত ব্যথিত সে

এই ভাবনায় যে তার শ্রেয়িক চলেছে বিনাশের পথে ।

মেফিসটো বলে—

ওগো রূপ-মুগ্ধ, অতিরূপ-মুগ্ধ !

তোমাকে নাকে দড়ি দিয়ে চালাচ্ছে এক ছুঁড়ী ।

কাউস্ট আরো গালাগালি করলে । মেফিসটো বলে—

দেখছি মুখ দেখে মানুষ চেনার বিজ্ঞান ইনি ওস্তাদ হয়ে উঠেছেন !

আমাকে দেখেই বুঝে কেলেন-জিনি—কেমন করে' তা আর বলে

উঠতে পারেন না ;



আমার মুখোসে তিনি গুরু পেয়েছেন ভয়ঙ্কর-কিছুর ;  
সন্দেহ আর তাঁর নেই যে আমি কোনো অপদেবতা,—  
হয়ত বা শয়তান অরং !

ভাল ভাল—আজ রাতে ?

ফাউস্ট বলে—

তাতে তোমার কি ?

মেকিসটো বলে—

তাতে আমারও খুশী ।

### সপ্তদশ দৃশ্য

অরণ্যের ধারে

জল আনতে গিয়ে মার্গারেটের আলাপ হচ্ছে লিস্বেথ নামী এক প্রত্নবিশিনী  
সঙ্গে । লিস্বেথ সংবাদ দিচ্ছে পাড়ার এক কুমারীর পতনের ; অতি কঠোর মন্তব্যে  
সে এই দুর্ভাগিনী মেয়েটিকে বিধেছে—‘মেয়েরা এরূপ ক্ষেত্রে সাধারণত বেমন করে’  
থাকে । এই বিপদা কুমারীর দশা মার্গারেটকে অরণ্য করিয়ে দিচ্ছে তার নিজের  
অবস্থার কথা । বাড়ী ফিরে একা একা সে বলছে—

কি গালাগালিই বা একদিন করেছি

বখন ওনেছি কোমো অভাগিনী কুমারীর পতনের কথা ।

মুখে বতটা কুলোর তার চাইতেও

বেশী বকাবকি করেছি অস্ত্রের অপরাধ নিয়ে ।

অপরাধ বত ঐকিছি তাকে আরো কুৎসিত করে’,

ভেবেছি তাকে আরো বীভৎস,

আর নিজেকে জ্ঞান করেছি একান্ত ভাগ্যবতী ;—

কিন্তু আজ—আমি গাণের মূর্তি !

আহা, আমাকে বা আকর্ষণ করেছিল বিপদে,

ভগবান্, তা কত স্নহর ! কত মধুর !

### অষ্টাদশ দৃশ্য

শহরের ফটক-সংলগ্ন ছোট মন্দির, তার দেয়ালের কুলুঙ্গিতে মেরী-মাতার  
মূর্তি, সেই মূর্তির সামনে ফুলদানিতে নতুন ফুল সাজাতে সাজাতে মার্গারেট  
প্রার্থনা করছে—

চাও ওগো কুমারী,  
ব্যথায় পূর্ণা,  
সদয় মুখে আমার ব্যথার 'পরে ।

বকে তোমার বিদ্ধ হয়ে আছে তরবারি,  
অলীম বাতনায়  
তাকিয়ে রয়েছে তুমি হত পুঞ্জের পানে !

তাকিয়ে রয়েছে স্বর্গের পিতার পানে ;  
তোমার দীর্ঘশ্বাস  
বহন করছে তোমার ও স্বর্গের পিতার বেদনা ।

হায়, ধারণার অতীত,  
প্রকাশের অতীত,  
যে বাতনায় পিষ্ট হচ্ছে আমার মজ্জা !  
কেন মিরবধি জ্বলছে এই হৃদয়,  
কেন কাঁপছে, কেন মিমত্তি করছে,  
জানো তুমি, শুধু তুমি !

হায় যেখানেই যাই,  
বাতনা, বাতনা, বাতনা—  
বাতনায় জর্জর আমার বুক !  
একা—ঘুম নেই চোখে—  
কাঁদি কাঁদি, কাঁদি রাত্রি দিন,  
ভেঙে খান খান হয় আমার অন্তর ।

জানিবার ফুলদানিগুলো  
লিঙ্গ হয়েছিল আমার চোখের জলে,  
তুলেছিলাম যখন এই সব ফুল  
প্রভাতে তোমার মন্দির সাজাবার জন্তে ।

আমার নির্জন্ম ককে  
প্রবেশ করেছিল প্রভাতের রক্তরশ্মি,—

তখন দুঃসহ বেদনার

জ্বলে বসে' আমি শয্যার পরে !

দয়া কর, উদ্ধার কর যত্ন! আর কলক থেকে !

ওগো কুমারী,

ব্যথার পূর্ণা,

চাও মুখ তুলে আমার ব্যথার পরে !

### উনবিংশ দৃশ্য

রাত্রি—মার্গারেটের কক্ষের সামনের রাজপথ

লৈনিক ভালেন্টিন—মার্গারেটের ভাই—তার গভীর ক্ষোভ প্রকাশ করছে মার্গারেটের পতনের জন্তে—বে-মার্গারেটকে নিয়ে একদিন সে বুক ফুলিয়ে কথা বলেছে তার ইয়ারদের বৈঠকে। আজ সেই ইয়ারদের সামনে সে হতমান, লাজিত, দিশাহারা।

অদূরে দেখা দিল ফাউলট ও মেফিসটো। ভালেন্টিনের সন্দেহ হলো এরাই মার্গারেটের সর্বনাশকারী। সে তাদের আক্রমণ করলে। দুপক্ষে খানিকক্ষণ যুদ্ধ হলো। শেষে মেফিসটোর নির্দেশে ফাউলটের আঘাতে ধরাশায়ী হলো ভালেন্টিন। মেফিসটো ফাউলটকে নিয়ে পালিয়ে গেল।

এই ঘোড়াদের তর্জন-গর্জনে আকৃষ্ট হয়ে এলো মার্খা, মার্গারেট ও আরো বহু লোক। মুম্বু ভালেন্টিন কঠোর ভাষায় মার্গারেটকে তিরস্কার করলে; মার্খার কথায় চটে গিয়ে বললে—তার মতো দূতীকে শেষ করে'বেতে পারলে সে সহজেই লাভ করতে পারতো তার সব অপরাধের জন্ত মার্জনা। অনতিবিলম্বে তার প্রাণবায়ু বহির্গত হয়ে গেল।

### বিংশ দৃশ্য

গির্জা

গভীরস্থরে ধর্মসঙ্গীত গীত হচ্ছে। মার্গারেটের পাশে বসে এক অপদেবতা : সে ক্রমাগত মার্গারেটকে শোনাচ্ছে তার দুষ্কৃতির কথা—তার হাতের ঘূমের ওয়ুখে তার মা গেছে মারা, তার জন্তে তার ভাই হয়েছে খুন, তার লজ্জাকর সন্তান-সন্তাবনা—এই সব। সঙ্গীতের প্রাণস্পর্শি বাগীতে অস্ত্রাস্ত্র প্রার্থনাকারী পাচ্ছে সাহুনা, কিন্তু সেই বাগীতে মার্গারেটের অন্তরের অবশিষ্ট হচ্ছে তীব্রতর। শেষে সে মুহিত হয়ে পড়লো।

## একবিংশ দৃশ্য

ভালপুর্গিস-এর রাজি

ভালপুর্গিস হচ্ছেন অষ্টম শতাব্দীর এক যেয়ে-সাধু। প্রাচীন টিউটন-ধর্মের পরাম্ভব ও নব খৃষ্টান ধর্মের সূপ্রতিষ্ঠার পরে ইনি জার্মানিতে হলাণ্ড ও ইংলণ্ডে খুব জনপ্রিয় হন। এর উৎসবের দিন ছিল ১লা মে। সেই দিনই ছিল প্রাচীন ধর্মের এক পর্বদিন—টিউটনরা সেদিন নির্দিষ্ট গিরিশিখরসমূহে তাদের বলি-উৎসব সমাধা করতো ও আলো জালতো। নব ধর্মের প্রতিষ্ঠার সঙ্গে সঙ্গে প্রাচীন ধর্মের দেবতারা হয়ে পড়লো অপদেবতা। কিন্তু প্রাচীন ও নবীনের অদ্ভুত মিশ্রণের ফলে কালে কালে এই ভালপুর্গিস-রাজির উৎসব ব্লক্সবের্গ ( Blocksberg ) পর্বতচূড়ায় প্রেত-প্রেতিনীর উৎসবরূপে জনপ্রসিদ্ধি লাভ করল।

পাহাড়ের উপরে ফাউস্ট ও মেফিসটোফেলিস উঠলো আলেয়ার আলোকে পথ দেখে। এই প্রেত-প্রেতিনীদের বা ডাক-ডাকিনীদের সম্মেলনে খুব স্ফুটি চলেছে—উচ্ছ্বল নাচ গান তার অঙ্গ। তরুণী প্রেতিনীরা দিগবসনা, আর বৃদ্ধারা মিষ্টিদের আবৃত করেছে সবধে। এক বৃড়ীর সঙ্গে নাচলো আর অল্লী গান গাইলে মেফিসটো, আর এক তরুণীর সঙ্গে নাচলো ফাউস্ট। কিন্তু ফাউস্ট আনন্দবোধ করলে না।

হঠাৎ দূরে যেন সে দেখলে মার্গারেটের মূর্তি—এখন দেখাচ্ছে ফেকাশে, বিমর্ষ ; খুঁড়িয়ে খুঁড়িয়ে চলেছে সে....যেন তার পায়ে বেড়ি। মেফিসটোকে সে জিজ্ঞাসা করলে এ সম্বন্ধে। মেফিসটো বললে—কিছু নয়, সব ভোজবাজি।—সে ফাউস্টের মনোযোগ আকর্ষণ করলে পাহাড়ের আর এক চূড়ায় যে নাটক চলেছে তার দিকে।

## দ্বাবিংশ দৃশ্য

ভালপুর্গিসের রাজির স্বপ্ন

পরীদের রাজা-রানী ওবেরন ও টিটানিয়ায় বিবাহের স্বর্ণজুবিলি অহুষ্ঠিত হচ্ছে। (শেক্সপীয়ারের Midsummer Night's Dream স্বপ্নরায়)। তাতে নানা দেবযানি ও প্রেতাশ্বার সম্মেলন হয়েছে। এই সব দেবযানি ও প্রেতাশ্বার কথাবার্তার সাহায্যে কবি বিক্রপ করেছেন স্টোলবের্গ-ভ্রাতৃদ্বয়, নিকোলাই, লাক্সটর, ফিক্টে, হেনিংস প্রমুখ সমসাময়িক সমালোচক, কবি, শিল্পী, দার্শনিক ও জনমতদায়ক দ্বন্দ্বলতা ও অযোগ্যতা নিয়ে।

মূল ফাউস্ট-পরিকল্পনায় এর স্থান ছিল না। প্রধানত শিলারের আগ্রহে এটি 'ফাউস্টে'র অন্তর্ভুক্ত হয়। এর সার্থকতা হয়ত এই যে ফাউস্ট ডাকিনীদের সঙ্গে লাভ

করে আনন্দিত হতে পারেনি তাই মেক্সিসটো তাকে খুশী করতে চেষ্টা করছে চিন্তা-জগতের এই অন্ধুত দৃশ্যের দ্বারা।

এই ধরনের আর একটি রূপক দৃশ্যও কবি এর পরে যোগ করতে চেয়েছিলেন— তার খানিকটা লেখাও হয়েছিল; কিন্তু সেটি আর যোগ করা হয়নি। বেরার্ড টেইলরের গ্রন্থের ভাষ্যে সেটি উদ্ধৃত হয়েছে।

### জয়োবিশেষ দৃশ্য

মেঘাবৃত দিন—প্রান্তর

সমস্ত নাটকে শুধু এই দৃশ্যটি গভীরে লিখিত।

ফাউস্ট জানতে পেরেছে মার্গারেট অভিব্যক্ত হয়ে কারাগারে নিক্ষিপ্ত হয়েছে, তার মৃত্যু অবধারিত। দুঃখে হুচিন্তায় সে প্রায় পাগল হয়ে গেছে। মেক্সিসটোকে সে বলেছে—

....বিখালঘাতক অপদার্থ, তুমি এসব লুকিয়ে রেখেছ আমার কাছ থেকে!....বন্দী সে! উদ্ধারের আশা নেই!...আর আমাকে রেখেছ জুলিয়ে বিষাদ আমোদে, জানতে দাওনি তার বর্তমান দুর্দশা, পড়তে দিয়েছ তাকে এমন ভাবে ধ্বংসের কবলে!

মেক্সিসটো শাস্ত কণ্ঠে বলে—সে-ই ত প্রথম নয়।

ফাউস্ট উত্তেজিত হয়ে বিষম গালাগালি করলে, বলে, মেক্সিসটোর চিরদিনের জন্ত লাভ হোক ঘৃণিত কুকুরের রূপ—যে রূপ সে কখনো কখনো ধারণা করে। সে বলতে লাগলো—

...প্রথম নয়! হায় হায়, এ দুঃখ মানবধারণার অতীত যে একাধিক ব্যক্তি বিনষ্ট হয়েছে এমন দুর্দশায়—অনন্তক্ষমাশীলের সামনে একজনের এমন নিদারুণ বিনাশে সবার অপরাধের প্রায়শ্চিত্ত হয়নি কি? একজনের দুঃখে ছিন্নভিন্ন হচ্ছে আমার মর্ম, আর তুমি শাস্তভাবে হাসছো সহস্রের বিনাশ দেখে!

মেক্সিসটো বলে :—

মামুষকে এমন দিশাহারা হতে দেখে আমাদেরও বুদ্ধি যায় খুলিয়ে। যদি না-ই পারবে তবে আস কেন আমাদের সঙ্গে? চাও উদ্ধৃত, অথচ মাথাঘোরার সবকিছু সাবধান হওনি? আমরা গিয়েছিলাম তোমার কাছে, না তুমি এসেছিলে আমাদের কাছে?

ফাউস্ট বলে—

অমন করে তোমার বিকট দাঁত দেখিও না আমাকে! আমার ডয়ানক

ঘৃণার উল্লেখ হয়।—পরমমহিমময়, তুমি প্রকাশ করেছ নিজেকে আমার সামনে, জাম তুমি আমার অন্তরাত্মা! কেন তুমি আমাকে যুক্ত করেছ এমন শ্রেম-স্বভাব সজীর সঙ্গে যার উপজীবিকা অনর্থ, যার আনন্দ ধ্বংসে!

মেফিস্টো বলে—

বক্তব্য শেষ হয়েছে?

ফাউস্ট বলে—

তাকে উদ্ধার কর! নইলে নিপাত বাও! চরম অভিশাপে অভিশপ্ত হও অন্তহীন কালের স্রষ্টা!

মেফিস্টো বলে—

কর্মফলের বন্ধন শিথিল করবার সাধ্য আমার নেই, তার নিকৃষ্ট বস্ত্র রোধ করতেও পারবো না।—তাকে উদ্ধার করো! কে তাকে নিক্ষেপ করেছে ধ্বংসের তরঙ্গে? আমি না তুমি?

ফাউস্ট পাগলের মতো এদিক ওদিক তাকাতো লাগলো। ঠিক হলো মেফিস্টো ফাউস্টকে নিয়ে যাবে মার্গারেটের কারাকক্ষে তাকে কারাগার থেকে উদ্ধার করবার স্রষ্টা যা করবার লব করবে।

## চতুর্বিংশ দৃশ্য

রাত্রি—প্রাস্তর

মেফিস্টো ও ফাউস্ট উড়ে চলেছে কালো মারা-বোড়ার চড়ে। তারা দেখলে মিস্ট্রীরা বধমঞ্চের মতো কি এক জিনিষ তৈরি করছে। অতি ছোট দৃশ্য এটি, কিন্তু এই ছোট দৃশ্যে রাত্রির গুরুতা আর মার্গারেটের বধের আয়োজনের ভীষণতা চমৎকার ফুটিয়ে তোলা হয়েছে।

## পঞ্চবিংশ দৃশ্য

কারাগার

কারাগারের লোহার দরজার সামনে চাবির গোছা ও প্রদীপহাতে ফাউস্ট :—

এক অজানা আতঙ্ক অনুভব করছি আমি ;

মানুষের পুঞ্জীভূত হুঃখ অভিভূত করছে আমাকে এই স্থানে।

এই অন্ধ আত্ম কারাগারে বন্দী সে,

কিন্তু তার সমস্ত অপরাধ হচ্ছে এক মধুর মোহ!

তাকে মুক্ত করতে এখমো করছি দেবী ?

তার সন্মুখীন হতে হচ্ছি ভীত ?

আর দেবী মর—আমার বিধা স্বরাধিত করছে তার মৃত্যু ।

[ সে তালা খুলতে লাগলো ; ভিতর থেকে আসছে গানের সুর ।

বধূলো মোরে মা কুলটা,

ফেল খেয়ে পাষাণ বাপ ।

দরদী বোন বনের মাঝে

হাড়ে দিল মাটির চাপ ।

গাছের ছায়ে বীর বাতালে

হৈলাম বনের পাখী রে,

গান গাই, আর বনে বনে

উড়ি উড়ি উড়ি রে ।

ফাউস্ট ( তালা খুলতে খুলতে )—

সে ভাবতেও পারছে না তার প্রেমিক এত কাছে ;

তার কানে বাজে তার শিকলের স্বনব্বন, খড়ের বিছামার মচমচ ।

[ ভিতরে প্রবেশ করলে ।

মার্গারেট ( খড়ের বিছামায় মুখ লুকিয়ে )—

হার হার ! ঐ আসছে ! ওঃ মরা কি কষ্টের !

ফাউস্ট ( চাপা গলায় )—

চুপ চুপ—কোনো শব্দ মর—আমি এসেছি তোমাকে উদ্ধার করতে ।

মার্গারেট ( তার লামনে লুটিয়ে )—

তুমি ত মানুষ ! আমার হৃৎকের পানে চাও ।

ফাউস্ট—

তোমার চোঁচামেচিতে প্রহরীরা জেগে উঠবে, তোমাকে পাক্‌ড়াও করবে ।

[ সে শিকল হাতে নিয়ে খুলতে চেষ্টা করলে ।

মার্গারেট ( জাহ্নপেতে বসে )—

ওগো জল্লাদ, কে তোমাকে দিয়েছে

আমার উপরে এত ক্ষমতা ?

রাত দুপুরে তুমি আমাকে নিতে এলেছ :

দয়া কর, বাঁচতে দাও আমাকে ;

ভোরের ঘণ্টা বেজেছে বেশীক্ষণ ত হয়নি !

[ সে উঠে দাঁড়ালো ।

কত কম আমার বয়স, কত কম !  
 মরুবো এত শীগগির !  
 রূপও ছিল আমার—তাই হয়েছিল আমার কাল ।  
 বন্ধু ছিল কাছে, এখন সে দূরে :  
 মালা গেছে ছিঁড়ে, ফুল সব পড়েছে ছড়িয়ে ।  
 অত কবে ধরো না আমার হাত !  
 ছেড়ে দাও আমাকে, কি করেছি আমি তোমার ?  
 রাখো, রাখো আমার মিনতি !  
 কোনো দিন তোমাকে দেখিনি এর পূর্বে !

ফাউন্ট—

এও সহিতে হবে আমাকে ?

মার্গারেট—

আমি ত এখন সম্পূর্ণ তোমার হাতে ।  
 কিন্তু আগে আমার বাছাকে হুখ দিতে দাও !  
 সমস্ত রাত আমি তাকে বুক করে' রেখেছিলাম ;  
 আমার কাছ থেকে তাকে ওরা নিয়ে গেল, আমাকে বিরক্ত করার জগ্রে,  
 এখন বলছে কি না আমি মেয়ে ফেলেছি' তাকে ।  
 আর মনে স্থখ পাব না কখনো ।  
 আমার নিয়ে ওরা গান বেঁধেছে ! বড় বদ ওরা !  
 একটা পুরোনো গানের ঐ রকম ধুষো ;  
 কে বলে ওদের সেই গান এমন করে' গাইতে ?

ফাউন্ট ( জাহ্নু পেতে বসে : )—

তোমার সামনে লুটিয়ে তোমার চিরদিনের প্রেমিক !  
 বোচাতে চায় সে তোমার সব হৃৎখ ।

মার্গারেট ( তার পাশে হাঁটু গেড়ে বসে )—

এসো, জাহ্নু পেতে সাধুদের আমরা ডাকি আমাদের লুকিয়ে রাখতে ।  
 পাশের সিঁড়ির নীচে,  
 চৌকাঠের নীচে,  
 ঐ দেখ জলজল করে' জলছে নরকের আগুন !  
 শয়তান  
 ভয়ঙ্কর গর্জন করে'



খুঁজে ফিরছে

তার শিকার

ফাউস্ট—

মার্গারেট ! মার্গারেট !

( মার্গারেট কান পেতে শুনে )

এই কণ্ঠস্বর ছিল আমার বন্ধুর !

[ সে সোজা উঠে দাঁড়ালো, তার শিকল খুলে পড়লো । ]

কোথায় সে ? শুনলাম সে আমাকে ডাকছে ।

মুক্ত আমি ! কেউ বন্দী করতে পারবে না আমাকে ।

ছুটে গিয়ে ধরবো তার গলা জড়িয়ে,

রইব তার বুকে লুটিয়ে ।

দরজায় দাঁড়িয়ে সে ডাকলে—মার্গারেট !

চারদিকে তখন নরকের দাউ দাউ আগুন আর বিশ্রী চীৎকার,

আমার বন্ধুর আদরভরা মধুর কণ্ঠ আমি চিনলাম !

ফাউস্ট—

সে আমি !

মার্গারেট—

তুমি ! ওগো আর একবার বলো !

[ তাকে জড়িয়ে ধরে' ]

হা সেই ! সেই ! কোথায় আমার সব বন্ধু !

কারাগারের হুঃখ আর বেড়ি ?

আমি পেয়েছি উদ্ধার !—

আবার দেখছি সেই রাস্তা

প্রথমে তোমাকে যেখানে দেখেছিলাম ;

আর সেই বাগানে, কত ফুল ফুটে আছে,

মার্খা আর আমি চেয়ে থাকতাম তোমার আগার পথ পানে ।

ফাউস্ট ( তাকে নিয়ে বাবার চেঁচা করে' )—

এলো, এলো আমার সঙ্গে !

মার্গারেট—

আর একটুকু থাকো, তুমি থাকলে মন চায় না বাই !

[ আদর করতে লাগল । ]

ফাউস্ট—

শীগগির চল—এখনি !

যদি আর দেরী কর

তবে আমাদের প্তানোর অবধি থাকবে না ।

মার্গারেট—

চুমো খাও !—আর খেতে পার না ?

বন্ধু, চলে গেছ ত সেদিন,

এরই মধ্যে ভুলে গেছ চুমো খাওয়া ?

তোমার বকে আছি, তবু মন কেন আমার এত উত্তলা ?

এই বুক একদিন আমার জন্ম হয়েছিল স্বর্গ

তোমার চোখের চাহনি, তোমার মুখের কথা থেকে,—

তুমি চুমো খেতে—চুমো খেয়ে খেয়ে বেন আমার দম বন্ধ করে' দিতে ।

খাও চুমো !

নইলে আমি চুমো খাব !

[ ফাউস্টকে আলিঙ্গন করলে ]

আহ্‌ হা—তোমার ঠোঁট ত হিম !

একটুও নড়ে না ।

কোথায় তোমার ভালবাসা !

কে করলে আমার এমন ক্ষতি !

[ সে ফাউস্টকে ছেড়ে চলে গেল । ]

ফাউস্ট—

এসো, আমার সঙ্গে এসো ! একটু সাহস কর লক্ষ্মী :

এই শীগগিরই তোমাকে বুক নিয়ে আদর করবো হাজার গুণ ;

এখন এসো আমার সঙ্গে ! রাখো আমার কথা ।

[ মার্গারেট তার দিকে ফিরে ]

তুমিই ত ! ঠিকই তুমি !

ফাউস্ট—

হাঁ আমি ! চলে এসো !

মার্গারেট—

তুমি দেবে আমার শিকল খুলে,

নেবে আবার আমাকে কোলে,

কিন্তু আমার কাছ থেকে পাশাচ্ছ না কেন ?—

জানো, জানো বন্ধু, দিচ্ছ কার শিকল খুলে ?

ফাউস্ট—

শীগগির এলো ! আর রাত নেই।

মার্গারেট—

আমার মাকে আমি ফেলেছি মেয়ে ;

আমার ছেলেকে দিয়েছি জলে ডুবিয়ে ;

ও-ছেলে কি আমাদের দু'জনের নয়—তোমারও নয় ?

সত্যিই তুমি ! বিখ্যাস ত হয় না—

আমার হাতে রাখো তোমার হাত ! স্বপ্ন নয় !

তোমারই আদরের হাত !—কিন্তু এ যে ভিজা !

মুছে ফেলো, মুছে ফেলো ! মনে হচ্ছে

এখনো হাতে লেগে রয়েছে রক্ত !

হা ভগবান—করেছ কি তুমি ?

রাখো ভালোয়ার রাখো খাপে !

মিনতি করছি !

ফাউস্ট—

ভুলে যাও প্রিয়তমে, যা হয়ে গেছে,

তোমার প্রতি কথা হানছে আমাকে মৃতু-বাণ !

মার্গারেট—

না না ! তুমি বেঁচে থেকে আমাদের জন্ত ফেলো চোখের জল

শোনো এখন কেমন করে দেবে আমাদের কবর ;

করবে এসব

কালই ;

সব চাইতে ভাল জারগার দেবে মা-র কবর,

তার পাশে আমার ভাইয়ের কবর,

আমার কবর দেবে একটু দূরে,

খুব দূরে কিন্তু নয় !

আমার বাছাকে দেবে আমার ডান বৃকের কাছে শুইয়ে ;

আর কেউ থাকবে না আমার পাশে !—

আহা, তোমার বাহ-বন্ধনে জড়িয়ে থাকা

ছিল আমার স্বর্গ-স্বথ !

আর পাব না, আর পাব না সে স্মৃতি !  
আমার লাধ তোমাকে বুকে জড়িয়ে ধরি প্রিয়তম,  
কিন্তু তুমি ত চাও না আমার চুম্বা ;  
তবু ত সেই তুমি—দেখছি তোমার আদর-ভরা চাহনি !

ফাউস্ট—

যদি বোঝা সেই আমি, তবে এসো আমার সঙ্গে !

মার্গারেট—

কোথায়—বাইরে !

ফাউস্ট—

হাঁ, বাইরে গেলেই মুক্তি !

মার্গারেট—

যদি বাইরেও থাকে কবর—মৃত্যু থাকে গুণ পেতে !  
এখান থেকে যাবো চিরবিশ্রামের জায়গায় ;  
আর কোথাও নয়—কোথাও নয় !  
চলে যাচ্ছ তুমি ? হায় হাইনরিখ, আমিও যদি পারতাম যেতে !

ফাউস্ট—

পার তুমি ! সবল কর তোমার ইচ্ছা ! দরজা খোলা !

মার্গারেট—

সাহস করি না আর যেতে : আর নেই আশা ।  
পালিয়ে গিয়ে কি হবে ? তারা ত মেবে আমার পিছু !  
বাঁচতে হবে আমাকে ভিক্ষা করে',  
এর উপরে রয়েছে বিবেকের যন্ত্রণা !  
কত কষ্টের হবে বিদেশে বিভূঁয়ে পালিয়ে বেড়ানো,  
এত করেও শেষে ত পড়তে হবে ধরা !

ফাউস্ট—

আমি থাকবো তোমার সঙ্গে !

মার্গারেট—

শীগগির ! শীগগির !  
রক্ষা কর তোমার জলে ডোবা ছেলে !  
বাও বাও ! সৰু পথ ধরে,  
খালের ধার দিয়ে,  
পুলের উপর দিয়ে,

বনের মধ্যে,  
 বায়ে বেখানে ভক্তগণ দেওয়া আছে  
 ডোবায়ে ।  
 ভাড়াভাড়ি ধরে !  
 তুলে ফেলো !  
 এখন হাঁসকাঁস করছে !  
 বাঁচাও ! বাঁচাও !

ফাউস্ট—

গ্রেটখেন, প্রেমময়ী, একটু মাথা ঠিক কর !  
 একটু চেষ্টা করলেই ত পাও মুক্তি !

মার্গারেট—

যদি শুধু সামনের পাহাড়টা পেরিয়ে যেতে পারতাম !  
 আমার মা সেখানে বসে' রয়েছে এক পাথরের উপরে,—  
 ভয়ে হিম হয়ে আসে আমার সব শরীর !  
 আমার মা রয়েছে বসে' এক পাথরের উপরে,  
 তার মাথা তুলে তুলে পড়ছে,  
 তার চোখের পাতা পড়ছে না, মাথা নড়ছে না, তার ভারী মাথা  
 পড়লো মুঠিয়ে,

এত ঘুম তার—আর জাগবে না ।  
 সে ঘুমুচ্ছিল—আমাদের কাটছিল আনন্দে ;  
 হায়, কত সুখের ছিল সে-সব দিন !

ফাউস্ট—

কথায় আর অহুসে কিছুই হবে না ;  
 তোমাকে নিয়ে যাব জোর করে' তুলে ।

মার্গারেট—

না—ছেড়ে দাও আমাকে ! জোর করো না বলছি !  
 অমন খুনীর মতো ধরো না আমাকে !  
 তোমার ভালবাসার জন্তে করেছি ত সবই ।

ফাউস্ট—

ভোর হয়ে গেল : প্রেমময়ী আমার ! প্রেমময়ী আমার !

মার্গারেট—

ভোর হলো ! হাঁ ভোর হলো—আমার জন্তে শেষ ভোর !

এই দিন হতে পারতো আমার বিয়ের দিন ।  
 বলা না কাউকে ছিলে তুমি মার্গারেটের সঙ্গে ।  
 হায় আমার ফুলের মালা !—  
 সব গেছে নষ্ট হয়ে !  
 আবার হবে আমাদের দেখা ।  
 কিন্তু নাচের মজলিসে নয় ।  
 লোক জড়ো হচ্ছে, কারো মুখে কথা নেই,  
 ভরে যাচ্ছে মাঠ ময়দান  
 আর রাস্তা :  
 মৃত্যুর ঘণ্টা বাজছে……  
 ধরছে আমাকে, বাঁধছে ! নিয়ে যাচ্ছে  
 বনের জায়গায়—ইঙ্গিত করছে ।  
 প্রত্যেকের বাড়ি কাঁপলো যেমন উত্তত হলো  
 চকচকে অস্ত্র আমার বাড়ির পরে ।  
 জগৎ পড়ে রইল কবরের মতো নিরুন্ম !

ফাউস্ট—

হায়—যদি আদৌ জন্ম না হতো আমার !  
 মেফিস্টো ( বাইরের দরজার সামনে )—  
 চলে এসো, নইলে গ্যাছ !  
 দেবী, সাধাসাধি, ভয়, সব বুধা !  
 আমার ষোড়ালো শীতে কাঁপছে ;  
 ভোর হলো বলে' ।

মার্গারেট—

দরজায় ওখানে ভূতের মতো মাথা আগিয়ে উঠলো কে ?  
 সেই লোক ! সে ! তাড়িয়ে দাও ওকে !  
 এই পবিত্র জায়গায় ওর কি দরকার ?  
 আমাকে চায় নাকি !

ফাউস্ট—

বাঁচাবোই তোমাকে ।

মার্গারেট—

ভগবানের বিচার ! এই আমি হাজির তোমার সামনে ।

মেক্সিকো—

চলে এসো চলে এসো ! নইলে তার অদৃষ্টের ভাগী হতে হবে তোমাকে ।

মার্গারেট—

শিতা, তোমারি আমি । উদ্ধার কর আমাকে ।

বত আছে দেবদূত, দেবদূত-বাহিনী, এসো নেমে ।

ঘিরে দাঁড়াও আমার চারদিকে, রক্ষা কর আমাকে ।

হাইনরিখ, তোমার দশা দেখে ভয় পাচ্ছি ।

মেক্সিকো—

হাঁ তার বিচার বা হবার তা হলো !

শব্দ ( উপর থেকে )—

সে উদ্ধার পেল ।

মেক্সিকো ( ফাউস্টের প্রতি )—

এসো আমার সঙ্গে ।

[ ফাউস্টকে নিয়ে সে চলে গেল ।

ভিতর থেকে বিলৌয়মান শব্দ—হাইনরিখ ! হাইনরিখ !

এই দৃশ্য সঙ্কে লুইস বলেন, এর অসহ করুণতা আমাদের চোখে জল আনে  
বিশ বারের পাঠেও । তাঁর মতে এর মূলের সহজ সরল অতি গভীর বেদনা ভাষান্তরে  
প্রকাশ অসম্ভব । মার্গারেট সঙ্কে তিনি বলেন—

স্বয়ং শেক্সপীয়ারও মার্গারেটের মতো চরিত্র সৃষ্টি করতে পারেন নি—

হৃদয়াবেগ, সরলতা, অকৃত্রিমতা ও কমনীয়তার এমন অপূর্ব সংমিশ্রণ ।

সেই সঙ্গে স্মরণ করা দরকার মার্গারেটের অন্তরের অপূর্ব পবিত্রতা । তার  
হৃদয়াবেগ ও অমৃভূতির সঙ্গে এই পবিত্রতা স্নসজ্জ—যেমন সহজ ও প্রবল তার  
প্রেমাকাজ্ঞা ও অমৃভূতি তেমনি সহজ ও প্রবল তার পবিত্রতা ।

ক্রোচে বলেছেন, আদিত মার্গারেটে প্রকাশ পেয়েছে সহজ প্রবৃত্তি, কিন্তু পরে  
তাতে জেগে উঠেছে “আত্মা” । তাঁর মস্তব্যের প্রতিবাদ না করলেও চলে ! কিন্তু  
আমাদের মনে হয়েছে, মার্গারেটে আগাগোড়া “সহজ-প্রবৃত্তি” ও “আত্মা”র অপূর্ব  
সমাবেশ ; অথবা “সহজ প্রবৃত্তি” ও “আত্মা” এ দুয়ের বিরোধ তার মধ্যে নেই—  
যেমন গোটের মধ্যে নেই বলা চলে । তার করুণ অম্মশোচনা ( অষ্টাদশ দৃশ্যে ) আসলে  
হয়তো পাণ-বোধ নয়, অপ্রত্যাশিত অকরুণ ঘটনার সামনে অসহায়তা-বোধ ও শালীনতা-  
বোধ । ভগবানে বা পরমকল্যাণে ও সৌন্দর্যে তার প্রত্যয় যে সহজাত তার পরিচয়  
তার ‘পতনে’র পূর্বেই আমরা পেয়েছি ।—মার্গারেট সম্পর্কে ক্রোচের শেষ মন্তব্যটি  
সুন্দর—

গ্রেটথেনের বিবাদময় কাহিনী হচ্ছে কাব্য-জগতের সেই সব অলৌকিক ব্যাপারের অজ্ঞতম বেসবে সম্মিলিত হয়েছে বাঁচ্ছন্দ্য ও শক্তি, পূর্ণ পরিণতি ও অনায়াস, এ সবের উৎপত্তি-মূলে পূর্ণ-উদীপ্ত কবি-করমা—সেইকণে প্রতি ব্যাপার কবির নয়নে প্রতিভাত হয়েছিল তার গভীরতম সত্য রূপে আর কবির মুখে উচ্চারিত হয়েছিল অব্যর্থ শব্দ—অব্যর্থ শব্দ ভিন্ন আর কিছু নয়।

ফাউস্ট-চরিত্রকে ক্রোচে দুইভাগে ভাগ করে দেখেছেন—প্রথম দিকের ফাউস্ট আর শেষের দিকের ফাউস্ট। এই ছুটি তাঁর মতে দুই স্বতন্ত্র চরিত্র; প্রথম দিকের ফাউস্টের সঙ্গে মিল রয়েছে ভেটরের, কিন্তু ফাউস্টের দুঃখ ভেটরের তুলনায় অনেক উচুদরের; এই ফাউস্টে ফুটে উঠেছে আধুনিক চিন্তার সঙ্কট—আধুনিক চিন্তা যে মুক্তি পেয়েছে প্রাচীন ধর্মমতের দাসত্ব থেকে অথচ এ পর্যন্ত তার লাভ হয়েছে শুধু মুক্তিবাদ মাত্র, সেই ব্যাপারটি; চিন্তা যখন আত্ম-বিচারে রত হয় ও অতিক্রম করতে চেষ্টা করে স্বরচিত অশার সিদ্ধান্তের মায়াজাল সেই চিরন্তন মুহূর্ত রূপায়িত হয়েছে এই ফাউস্টে।—শেষের দিকের ফাউস্ট ক্রোচের মতে অপ্রধান চরিত্র। সে মোটের উপর এক দারিদ্রহীন তরুণ, ভোগে যার একান্ত আগ্রহ ও আনন্দ; শেষের দিকের প্রধান চরিত্র গ্রেটথেন।

ক্রোচের ফাউস্ট-চরিত্রের এমন বিভাগ আমরা স্বীকার করে নিতে পারিনি। এ সম্পর্কে একথাও স্বরণ করবার আছে যে মাছুষের মনে প্রায়-পরম্পর-বিরোধী ভাব একই সময়ে খেলতে পারে, তাতে তার ব্যক্তিত্ব নষ্টই হয় না। শেষ দৃষ্টে গ্রেটথেনের দুর্ভাগ্যের সামনে ফাউস্টের যে মর্মভেদী উক্তি—

হায়—যদি আদৌ জন্ম না হতো আমার!

তার সঙ্গে আত্মিক বোগ রয়েছে প্রথম দিকের ফাউস্টের। ফাউস্ট-চরিত্র যদি বাস্তবিকই এমন দ্বিধাখণ্ডিত হতো তবে কাব্যহিসাবে ফাউস্ট কখনো এত চিত্তাকর্ষক হতে পারতো না, কেননা যা একই সঙ্গে বিচিত্র ও অখণ্ড নয় তাকে সার্থক শির-স্থিতি হিসাবে আমাদের মন মেনে নেয় না।—পণ্ডিতের বিচারের চাইতে বেশী মর্ষাদা কালের বিচারের।

মেফিস্টোফিলিসের পরিকল্পনায় ভবের প্রাণাজ্ঞা, সন্দেহ নেই, কিন্তু এই মেফিস্টোফিলিসও মোটের উপর ব্যক্তি হয়ে আমাদের সামনে বিরাজ করছে। সে মধ্যযুগের বিকট শরতান নয়; একান্ত পরিচ্ছন্ন তার বুদ্ধি—মাছুষের সমস্ত আবেগ-উৎসাহের বাড়াবাড়ির সামনে ফুটে রয়েছে তার চটুল হাসি। তার সুখোশ পরে' অনেক সময় কথা বলেছেন গোটে স্বয়ং। তাকে আমরা ভালবাসি না, সেই সঙ্গে তাকে ভুলতেও পারি না।



জার্মানীর অনেক দার্শনিক ও সমালোচক প্রমাণ করতে চেয়েছিলেন যে ফাউস্টে প্রকাশ পেয়েছে জীবন-সমস্যার সমাধানের ব্যাপকতম প্রয়াস। ক্রোচে বলেছেন তাঁদের 'সে-চেষ্টা অপচেষ্টা', কেননা, কাব্য জীবন-আলোচ্য জীবন-দর্শন নয়, জীবন-দর্শন যুগে যুগে বদলায়। কিন্তু ক্রোচের কথা একটু বিশেষিত করা দরকার। কবির প্রাধান্য কাজ যে ছবি আঁকা তা মিথ্যা নয়, সেই ছবি আঁকার কাজে তিনি যদি সফলকাম না হন তবে তাঁর সব চেষ্টা হয় পণ্ডশ্রম এও মিথ্যা নয় ; কিন্তু সেই সঙ্গে এও মিথ্যা নয় যে সেই ছবি আঁকার সঙ্গেই মিলিয়ে থাকে বাক্যে জীবন-দর্শন বা জীবনের গতিপথের নির্দেশ বলা হয় সেই ধরণের ব্যাপার—যেমন প্রকৃতির বিধানে ফুলের মধ্যে লুকিয়ে থাকে ফল। অবশ্য কবির নির্দেশ আর দার্শনিক বা সমালোচক বা নীতিবিদের নির্দেশ এক ধরণের ব্যাপার নয়। কবির নির্দেশের নাম দেওয়া যেতে পারে প্রেরণা-দান বা আলোক-দান। মহৎ কাব্যের সঙ্গে এই প্রেরণা-দান বা আলোক-দান অঙ্গাদ্বীভাবে যুক্ত, যেমন জীবন-ব্যাপারের সঙ্গেও এই প্রেরণার বা আলোকের অঙ্গাদ্বী ভোগ। এ সম্পর্কে রবীন্দ্রনাথের বাণী স্মরণ করা যেতে পারে :

ফুল ফুটেছে এইটেই ফুলের চরম কথা। যার ভাল লাগল সেই জিতল। ফুলের জিত তার আপন আবির্ভাবেই। স্তব্ধের অন্তরে আছে একটি রসময় রহস্যময় আয়ত্তের অতীত সত্য, আমাদের অন্তরেরই সঙ্গে তার অনির্বচনীয় সম্বন্ধ। তার সম্পর্কে আমাদের আশ্রয়চৈতন্য হয় মধুর, গভীর, উজ্জ্বল। আমাদের ভেতরের মানুষ বেড়ে ওঠে, রাঙিয়ে ওঠে, রসিয়ে ওঠে। আমাদের সজ্ঞা যেন তার সঙ্গে রঙে রসে মিলে যায়— একেই বলে অমুরাগ।

কবির কাজ এই অমুরাগে মানুষের চৈতন্য উদ্দীপ্ত করা, ওদাসীন্য থেকে উদ্ধোধিত করা। সেই কবিকেই মানুষ বড় বলে, যে এমন সকল বিষয়ে মানুষের চিন্তকে আলিষ্ট করেছে যার মধ্যে নিত্যতা আছে, মহিমা আছে, মুক্তি আছে, যা ব্যাপক এবং গভীর। কলা ও সাহিত্যের ভাঙারে দেশে দেশে কালে কালে মানুষের অমুরাগের সম্পদ রচিত ও সঞ্চিত হয়ে উঠছে। এই বিশাল ভুবনে বিশেষ দেশের মানুষ বিশেষ কাকে ভালোবেসেছে সে তার সাহিত্য দেখলেই বুঝতে পারি। এই ভালোবাসার দ্বারাই ত মানুষের বিচার করা।

রোমাটিকরা ফাউস্টকে অভিনন্দিত করেছিলেন তাঁদের মতের এক শ্রেষ্ঠ প্রমাণ হিসাবে। তাঁদের দাবি যে অগ্রবল নয় তার পরিচয় রয়েছে গ্যোটের নিজের এই উক্তিতে :

ফাউস্ট প্রথম খণ্ড মোটের উপর আত্মকেন্দ্রিক—এক দিশাহারা লক্ষণ-  
পরিসর আবেগ-প্রধান প্রকৃতির পরিচয়।

কিন্তু রোমান্টিকদের দাবি অগ্রাহ্য করা যায় এই বিবেচনা থেকে যে সমস্ত ক্রটি  
সঙ্গেও ফাউস্টে ফুটেছে জীবনের নিবিড় অহুত্ব ও রূপায়ণ,—রোমান্টিকদের প্রবণতা  
সাধারণত সেদিকে নয়। রোমান্টিক মনোভাবকে গোটে যে রূপণ অথবা দিয়েছিলেন  
তা কটুক্তি নয়, গভীরভাবে সত্য ; ভাষাবিলাসিতা ‘রোমান্টিসিজমের’ প্রাণ।

---

### শুদ্ধিপত্র

পৃষ্ঠা	পঙ্ক্তি	অশুদ্ধ	শুদ্ধ
৩৮	২৪	১৭১৪-১৭২১	১৭৪১-১৭২১
৪৪	২৩	প্রেষে	প্রেরণায়
৪৮	১২	সাহায্য	সাহায্যে
১১৫	১৮	অত্যান্য	প্রকৃতির অন্যান্য
১১৮	৩	in	is
১১৮	১০	Passed	Pressed
১১৯	১৩	পতিব্রতপ্রাণা	পতিগতপ্রাণা
১৪৩	১০	সম্প্রদায়ের	সম্প্রদায়কে

## নির্দেশিকা

“আমরা সবাই গোটের শিক” ৮

আমেলিয়া ( ডিউকমাতা ) ৭৪, ১২১

আর্ভিং ব্যাবিট্ ৩৬

ইকিপেনিয়া ৭৭, ৮০, ৮১-৮২,

ইলমেদাউ ৭৬, ৭৮, ৯১ ( কবিতা )

একেরমান ৬৯, ৭২, ৭৮, ৯৫, ১০০, ১১৮,

১২৭, ১৩১, ১৩৩, ১৬৫

এজর ৩, ১৫

এমিয়েল ৫

এমকীলুস ৫০

কর্ণেলিয়া ৩৪, ৫৭, ৬৭, ৯০

কাট ২, ১২৮, ১৩০

কালিদাস ১১৯, ১৭৫

কার্গআউগ্‌স্ট ৬৭, ৬৯, ৭০-৭১, ৭৩, ৭৪, ৭৮

৮০, ৮২-৮২, ৯৮, ১০২, ১০৫, ১১০-১১১,

১২০, ১২৭, ১৬৩-১৬৪

কার্লহিল ১, ৪৮

কারোলিনে রাগেমান ১৬৩

কুমারী কন ক্রেটেনবের্গ ১৯-২১, ২৩, ৬০, ১৪০

কেস্টনর ৪০-৪২, ৪৩, ৫৪

কেথেনবুয়ে ১৩১

কোরোনা ছোটর ৭৪-৭৫

ক্রবলু ৯৪

ক্যাপোর্ডি ১১২-১১৩

ক্রোচে

ইকিপেনিয়া সখছে ৮৮-৮৯

এগ্‌মন্ট সখছে ১০৫

গ্যোটের প্রতিভা সখছে ১, ৯

তানসো সখছে ১১০

কাউস্ট সখছে ৪, ২১৪-২১৫

২৪৮-২৫০

ভিল্‌হেল্‌ম্‌ হাইস্টার সখছে ১৫৩-১৫৪

ভেট্টর সখছে ৫৬

হেরমান ও ভোরোভেরা সখছে ১৫৮

ক্রিস্টিয়ানা ১১৩ ১১৯, ১২১, ১২২, ১২৫, ১৩০

ক্রপ্‌স্টক ৩, ৬৫, ৬৯-৭১, ১২৮

ক্রিস্‌র ৩৩-৩৪

গোল্ড্‌স্মিথ ২৮, ৪০

গ্যোট

“অকৃতজ্ঞতা, কৃতদ্রুতা ও কৃতজ্ঞতা জাপনে  
অনিচ্ছা” ২৫-২৬

অকশায় সখছে ১৬৪

অহম্মতা ১৭-২১, ১২২, ১৩১

‘আত্মকেন্দ্রিকতা’ ও ‘বস্তুকেন্দ্রিকতা’ ১০১

আধুনিকতার প্রত্যেক ১

আন্তর্জাতিকতা ৯

আপোলোর সঙ্গে সৌন্দর্য ২২

‘ঈশ্বর লাভের কামনার বিপর’ ১২

“উপস্থিত কেন্দ্রে ও উপস্থিত কালে” Here  
and Now ১৪৩

উর্সহু-সংযোগ-আহি আবিষ্কার ৯৪

এগ্‌মন্ট রচনা ১০২-১০৫

ওসিয়ারের প্রভাব ২৪, ৫২

“কাজই স্বার্থ কবিশ্রুতিভা আকর্ষিক” ৭৭

কুমারী কন ক্রেটেনবের্গের সঙ্গে পরিচয়  
১৯-২১

কৈশোরের সংসারের সঙ্গে পরিচয় ১৬-১৭

কোচুখেনের সঙ্গে পরিচয় ১৭-১৯

ক্রিস্টিয়ানাকে লাভ ১১৩-১১৯

ক্রাভিগো রচনা ৫৭-৬০

ক্রাসিক বৌক ১৫৪, ১৬৩

“কুত্রায়তন বিশ্ব” ১০

গানিয়েডে রচনা ৫০-৫২

ডস্ট্‌খেনকে লিখিত পত্র ৬৭

গোল্ড্‌স্মিথের প্রভাব ২৮

## গ্যোটে—

- গ্রীক সংস্কৃতির সঙ্গে পরিচয় ১৬৬  
 গ্রোটেশ্বের সঙ্গে পরিচয় ১৫-১৬  
 চর্মকার-পুঁহে আতিথ্য-গ্রহণ ১৫  
 চিকিৎসা-বিজ্ঞানীদের সঙ্গে বাস ২২-২৩  
 জয় ১১  
 জয়গত সৌন্দর্য্য-বোধ ১৩  
 জার্মান সংস্কৃতি সম্বন্ধে চেষ্টনা ২৩-২৪  
 জালৎস্‌মানের প্রভাব ২৩  
 জীবন-পিরামিড রচনা ৮০  
 বড়-ঝাপটা যুগ ৩৩  
 ভ্রমণ প্রতিভা ৩০-৩৬, ৪১-৪২, ৭১-৭২  
 ভাস্‌সো রচনা ১০৫-১১০  
 শেববাগ্নির ব্যর্থতা ৪৩  
 ধর্মবোধ ৮-৯, ২১, ১৪২  
 ধর্মশাস্ত্র-চর্চা ১৯  
 নব-চেতনা ৭৯-৮০  
 নর-শেবতা' রচনা ৯৫-৯৭  
 নাইট পরিচালনা ১৬২-১৬৪  
 দিল্লুস্‌মের উক্তি ১৫২-১৫৩  
 নিম্নশ্রেণীর লোকদের সঙ্গে সম্পর্ক ১৫,  
 ৯২, ১৫৭  
 পর্ষবেক্ষণ-শক্তি ৭৮  
 পিন্দারের কবিতা ২৫  
 পুনর্জন্মে বিশ্বাস ৯৫  
 প্রকৃতি-পন্থী ৭, ১৪৮, ১৫৩, ১৬০-১৬২  
 'প্রতিভা' ও 'চরিত্র' ১০৬  
 'প্রতিভা'র জাগরণ ১৩৪  
 প্রমোথেন্স রচনা ৪৪, ৪৮-৫০, ৫২  
 কলিত জ্যোতিষ সম্বন্ধে ১১  
 কাউস্ট রচনা ৩২, ৬৮, ১৬৭-২৫১  
 ফারারত্রিপেড গঠন ৭৬  
 কেনিস্তরকে লিখিত পত্র ৩১-৩২  
 জীভেরিকার সঙ্গে পরিচয় ২৮-৩১  
 "বই ত সাধারণত তুলের বর্ণনা" ১৪৫  
 "বজ্র সত্য সত্য নয়" ৯  
 বালক-পূজারী ১২

## গ্যোটে—

- বালা-রচনার বৈশিষ্ট্য ১৬-১৭  
 বালা-রচনা ভিত্তিকৃত ১৪  
 বালা-শিক্ষা ১১-১৩  
 বিকাশ-ধর্ম ১৭৯  
 বিজ্ঞান-চর্চা ২২, ২৭, ৭৮, ৯৩-৯৫, ১৬৪-১৬৬  
 বিদ্যব সম্বন্ধে ধারণা ১২৩-১২৪, ১৫৭-১৫৮  
 "বিশ্ব-সম্মান" ৬৩  
 বিশ্ববিদ্যালয়ের অধ্যাপনা সম্বন্ধে ১৪  
 "বুদ্ধি" ও "জ্ঞানের পূর্ণতা" ১৩৮  
 ক্রনোর সঙ্গে পরিচয় ২৭  
 ভাস্কর্য সম্বন্ধে ১২৬  
 ভিলহেল্ম হাইস্টার রচনা ৭৭, ১৩২-১৫৪  
 ভেৎস্‌সারে ৪০  
 ভেটর রচনা ৫২-৫৭  
 মরনী-বোধ ২১  
 মহানুভবতা ২, ১৩০  
 মাক্সিমিলিয়ানার সঙ্গে পরিচয় ৪৩, ৫৪  
 মানব-প্রকৃতির সর্বক্ষেত্রে জ্ঞান ৯  
 "মাহুসের ব্যবিরোধিতা" ৮৫  
 মের্কের সঙ্গে পরিচয় ৩৮-৩৯  
 'মোহন্য' পরিকল্পনা ৪৪-৪৭  
 মুণ্ডটিলিঙের সম্ভব্য ২৩  
 মুণ্ডক্ষেত্রে বিজ্ঞান-চর্চা ১২৬  
 রাজমন্ত্রী ৭৬-৭৮, ৯১-৯৩  
 রুসোর প্রভাব ৩, ৪২  
 রেনেসাঁসের সঙ্গে যোগ ২, ১০১  
 রোমকপাণ্ডা রচনা ১১৫-১১৯  
 রোমাতিকদের সম্বন্ধে ১৬১-১৬২  
 লাইপৎসিগে ১৩-২১  
 লিলির সঙ্গে পরিচয় ৬৫-৬৮  
 লুসিন্ডা ও এমিলিয়ার সঙ্গে পরিচয় ২৬-২৮  
 লেসিঙের প্রভাব ৩, ১৫, ১৬৭  
 শার্লোটের সঙ্গে পরিচয় ৪০, ৪৩  
 শার্লোট কন ষ্টাইনের সঙ্গে পরিচয় ৭৫,  
 ১১৯-১২৩

শিক্ষা সম্বন্ধে ১৪২	করাদী বিপ্লব ২২, ১০০, ১২৩-১২৭
শিলার-প্রশস্তি ১৩১-১৩২	ফাউস্ট ৩২, ১৬৭-২৫৩
শিলারের সঙ্গে পরিচয় ১১২-১১৩, ১২৭-১৩২	জীবন-দর্শন ২৪৮-২৪৯
শিল-ভব ৬-৭	আত্মকেলী ২৫০, বিভিন্ন সময়ে রচিত ১৮০
"শিল্পের পথ দীর্ঘ আয়ু যল্ল" ১৪৭	বিরাট সংসার-জীবনের আলোচ্য ও ব্যঙ্গিত
শেক্সপীয়ারের সঙ্গে পরিচয় ২৬	জীবনের বিশ্লেষণ ১৮০
"সহজ-প্রবৃত্তি" ও "আত্মা" ২৪৮	ফান ডের শিশেন ১৬৮, ১৭০
সন্ধিকাল ৭৭	কিকটে ১২৮
"দশোৎসবের যুগ অজ্ঞান হইতে" ১২৩	ক্রীডেরিকা ২৮-৩১, ৮০-৯০, ১৬৮
স্ট্রাসবুর্গে ২২-৩১	বাইরন ১১৮
স্পিনোজার প্রভাব ৩, ৫২	বালোভ ৬২-৬৪
হেডারের প্রভাব ২৪-২৬	বাটি ৭১-৭৪
হেরমান ও জোরোভেরা রচনা ১৫৪-১৫৮	বিশ্বনাথিতোঃ যুগ ৯
হ্যামলেট-সমালোচনা ১৩৭-১৩৮	বিশ্ববীলাল ১১৯
"Renaissance ও Reformation-এর সম্বন্ধ" ২	বেটোফন ৩, ১৫৩
Xenien রচনা ১৩৯	বেরল্লি ৭৩, ১১৩
গ্যেটে-জননী, ১১, ৩২, ৮৯	বের্লি ১৭-১৮
গ্যেটের পিতা ১১, ২১, ৩২, ৫২, ৭২, ১০২	ব্যোমে ১৪
গ্যোথহাউজেন ৭৪, গ্যেটের ৪০	ব্রেন্ডানো ৫৪
গাইথ ৭১	ব্রাউস
চাল্‌স্‌ শোরিংটন (স্তর) গ্যেটের বিজ্ঞান-সাধনা সম্বন্ধে ১৬৫	গ্যেটের ব্যক্তিগত সম্বন্ধে—নিবেদন ১০
জাল্‌স্‌মান ২২-২৩, ২৭	গ্যেটের রচনা সম্বন্ধে ৩২, ৯০
জানার্মেন ৩ প্রেম-বিধ্বস্ততা ৬-৭, ৫৬	গ্যোথস সম্বন্ধে ৩৬
ঝড়-ঝাপ্টা যুগ ৩৩-৪৩৪	"ঝড়ঝাপ্টা" সম্বন্ধে ৩৩, ৭৮
টলস্টয় ২	প্রমথেন্ডিস সম্বন্ধে ৫০, ৫২
টি, এস, এলিট ১৬২	ভিক্টরস্‌মানের জীবন-চরিত্র সম্বন্ধে ১৬০
ডোরোভেরা বেন্ডেলসোন ১৬১	ভেট্টর সম্বন্ধে ৫৫
থসেল্টর ১৩১	হেরমান ও জোরোভেরা সম্বন্ধে ১৫৮
থ্রাসেরাস ১৭	ভবভূতি ১১৯
নিউটন ১৬৪-১৬৫	ভিক্টরস্‌মান ৫, ১৫, ৯৯, ১৬০-১৬২
নোপোলিয়ন ৫৬, ৭৪, ১২৫	ভীলাও ৩, ২৬, ৬৯, ৭২, ৭৪
নিকোলাই ৫৭, ২৩৭	ভেট্টর ৭, ৫২-৫৭, ২৪৯
সিনী ১৭	মধুসূদন ১৬১
ফন লা রোশ ৪৩, ৫৪	মার্টিন লুথার ৩৭
	মার্লী ১৬৭
	মের্ক ৬, ৩৮, ৩৯, ৫৯, ২০৭

মেনভেলস্‌জোন ৫০

মোৎসার্ট ৩

মাকোবি ৬৩-৬৫, ১২৮

মেকশালেম ৫৩-৫৪

মোহাম্মদসম্মান ১৬৫

মবার্কসন

এগ্‌মন্ট সম্বন্ধে ১০৫

গোটেস রচনা সম্বন্ধে ১৫৩

তাস্তা সম্বন্ধে ১১০

শিলার সম্বন্ধে ১৩২

হেরমান ও জোরোভেরা সম্বন্ধে ১৫৮

রবীন্দ্রনাথ ১১, ৩৮, ৪৮, ১১৯, ১৪৮, ১৬২,

২৩০, ২৫০, নিবেদন ৮০-৮০

রাসীন ১৪

কম্বোজকৃষ্টিাইনর ৭

রোমা রোল ১৫৩

রোমান্টিক চল ১৬১-১৬২, ২৫০-২৫১

রোমান্টিক রীতি ও ক্লাসিক রীতি ১৬২-১৬৩

লাওকোণন ৩, ১৫, ১৬০

লাকারি ৬০-৬৫, ৮০, ২৩৭

লিলি ৬৫-৬৮, ৬৯, ১৫৭

লুইস ৭৪, ১০০, ১১২

ইফিপোনিয়া সম্বন্ধে ৭৭, ৮৮

এগ্‌মন্ট সম্বন্ধে ১০৫

ক্লাভিগো সম্বন্ধে ৫৯

গোটেস নিলুকশের সম্বন্ধে ১৫৩

কডকাপটা সম্বন্ধে ৩৩

বাল্য-রচনা সম্বন্ধে ১৬-১৭

'মোহাম্মদ' পরিকল্পনা সম্বন্ধে ৪৮

রোমকপাণি সম্বন্ধে ১১৫

লিলি সম্বন্ধে ৬৬

ভেটর সম্বন্ধে ৫৫-৫৬

হেরমান ও জোরোভেরা সম্বন্ধে ১৫৭-১৫৮

লুইস (রাজী) ৭০, ৭৪

লুডভিগ ৯৫, ৯৯, ১১৯ ১৩০

লেনৎস ৯০

লেন্ডি ৩, ১৫, ৫৬, ১৬৭,

শকুন্তলা ১৭৫, ২২৭

শপেনহাইডের ৩

শার্লোটি ৪০, ৪৩

শার্লোটি কন স্টাইন ৬, ৭৩, ৭৫, ৭৮-৭৯ ৮০,

৮৯, ৯৭, ১০৫, ১১৯-১২৩, ১৩০

শিলার ১০, ১১২-১১৩, ১১৮-১১৯, ১২৭-১৩২,

১৬৮, ২৩৭

শেক্সপীয়ার ১৪, ২৬, ৩৪, ১৩৬, ২১১, ২৫৬

শেলী ১৪৭

শ্লেগেল ১৬১, ১৬২

স্ট্রট ৩৬

স্টার্ল ৩৩

শ্লিনোভা ৩, ২১, ৫২, ৬৪, ১৫

ষ্টোলবের্গ ৬৭, ৭০, ৭১

হামান ২৪

হিউম ব্রাউন ১৭, ২১, ৬৫

হব্‌বোল্ডট্‌ আত্মীয় ১২৮

হেগেল ৩, ১৩৪

হের্ডর ৩, ২৪-২৬, ২৮, ৩৪, ৯৪, ১২১, ১২৫,

১৫৮-১৫৯, ১৬৮

হোমর ৩, ১০০, ১৫৪

Absolute Vision ও Relative Vision ৭

Classicism ৪, ১৫৮, ১৬৩

John Maoy ৮

Keats ১৫০

New Humanism - নিবেদন ৮০

Reformation ২-৩, ১২৪

Romanticism ৩৬, ১৫৪

Urfaast ১৬৮

Walter Pater ১৬০







